







~~\$ 15 = 6. 1 = 9~~ 14

Int 79.

W 259

PSALTERIUM

PARAPHRASIBUS ILLUSTRATUM,

SERVATA UBIQUE AD VERBUM
HIERONYMI *translatione.*

RAYNERIO SNOY GOUDANO
Auctore.



LUGD. SUB SCUTO COLONIENSI.
1545.

Recusum MATRITI, apud JOACHIMUM IBARRA, anno 1762.

SUPERIORUM FACULTATE.

*Catalogus Auctorum ex quibus hæ Psal-
morum enarrationes sumtæ sunt.*

**HIERONYMUS,
AUGUSTINUS,
ARNOBIUS,
ISIDORUS,
RABANUS,
CASSIODORUS,
REMIGIUS.**

PROLOGUS

RAYNERII SNOY GOUDANI
IN PSALTERIUM
Davidicum.

Psalterium sacrosanctum, est divinum et admirabile Spiritus Sancti organum, variè à diversis interpretatum, vixdum intellectum, nonnumquam ab hæreticis corruptum : cui tot sunt mysteria, quot verba : cujus radices non in terra, sed in cœlo fixæ sunt ; cùm indidem sit CHRISTUS, qui ipsius materia est et intentio. Elicendum tamen ex petra mel, et oleum de saxo durissimo : spicæ manibus confriandæ, et medulla edenda. Tum mira occurret pulcritudo sensuum, et stillantium medicina verborum, atque amplissima copia virtutum : quòd Psalterium ipsum hortus quidam est deliciarum, et omnis bonæ doctrinæ thesaurus. Scrutemur itaque Scripturas; et thesaurum divinorum eloquiorum, intra fragile vasculum occidentis lit-

PROLOGUS.

teræ conclusum , eruamus. Gustemus et videamus spirituales intelligentiam ipsius , quod est supernis mysteriis plenum , atque cœlesti dulcedine redundans : quod nemo plane percipit aut degustat , nisi qui ipsius spirituales intelligentiam in se latitantem comprehenderit : mentem vivificans , reficiens atque oblectans , non in cortice , sed in medulla ; non in verbis , sed in sensu ; non in sermonum foliis , sed in radice rationis. Quod Psalterium ipsum divina quædam et mystica est poësis , aliud in cortice præ se ferens , aliud in medulla retinens. Decachordum enim Psalterium (Hieronymo teste) apud Hebræos lyrico carmine conscriptum est. Nam , in morem Flacci Romani , et Pindari Græci , nunc Jambo currit , nunc Elegiaco personat , nunc Sapphico nitet , nunc trimetro vel tetrametro pede incedit. Atqui huic libro triplex præfigitur titulus. Dicitur enim Liber Hymnorum , Soliloquiorum , Psalmorum. Hymnorum , quia apud Hebræos lyrico carmine personat : est enim hymnus laus Dei cum cantico.

So-

PROLOGUS.

Soliloquiorum , quia solius Spiritus Sancti eloquium est , seu locutio hominis cum Deo. Psalmorum , quia in instrumento musico decachordo , id est decem chordarum , David hanc poësim , seu verius prophetiam , modulabatur , quod græcè *ψαλτήριον* , hebraicè Nablum , latinè Organum dicitur. Quippe , cùm Arca de Silo (*) reduceretur per David regem (ut habetur primo Paralipomenon decimo quinto) , elegit quatuor millia hominum de Israël , qui organis , citharis , nablis , tympanis , cymbalis , tubis personabant hos Psalmos , cum voce humana consona modulatione , concordantibus instrumentis musicis. Ex his quatuor millibus elegit centum quinquaginta principes , qui antecedentes aliis præessent. At his alios quatuor præfecit , scilicet Ethan , Heman , Asaph , Iditun. Et filii Core janitoribus præfecti sunt. At horum nomine multi Psalmi intitulantur , vel pro ho-

a 3 no.

(*) Non de Silo , sed de domo Obededom Gethæi.

PROLOGUS.

nore ministerii , vel propter nomen
interpretationem , licet David cunctos
ediderat. Verum enim vero Psalterium
hoc sacrosanctum spiritali modulatio-
ne coruscans , modò salutarì præce-
pto , modò lætantium jubilatione,
modò pœnitentium gemitu , modò
pollicitatione præmiorum , modò ter-
rore pœnarum , et ubique , ceu flori-
bus, laudibus domini decoratum. Psal-
terium , inquam , hoc tuba est mirabi-
lis , placans Deum , peccata operiens,
veniam impetrans , exhilarans animam,
illuminans conscientiam. Insuper quid
est quod non discatur ex Psalmis ? O-
mnis magnitudo virtutis , norma justit-
iæ, pudiciæ decor, prudentiæ consum-
matio , pœnitentiæ modus , patientiæ
regula. Insuper Dei cognitio perfecta,
prænuntiatio CHRISTI in carne ventu-
ri , suppliciorum metus, gloriæ pollici-
tatio , mysteriorum revelatio. Omnia
hæc prorsus , veluti in magno quodam
et communi thesauro , recondita inve-
niuntur. Quid plura ? Ipsa Psalmodia
est consolatio fientium , cura dolen-
tium , sanitas ægrotantium , animæ re-
me-

PROLOGUS.

medium, et miseriarum omnium suffragium. Subinde Psalterium, plus ceteris divinis scripturis, in ecclesiasticis decantatur officiis, quia est consummatio totius theologicæ paginæ. Et, per tres quinquagenas distinctum, tres status Christianæ religionis exprimit. Primus est incipientium in pœnitentia: cui applicatur prima quinquagena Psalmorum, quæ terminatur in pœnitentia, scilicet: *Miserere mei, Deus*. Secundus est proficientium de virtute in virtutem, et est status in justitia: et hæc est secunda quinquagena, quæ finitur in Psalmo rigoris et justitiæ. Tertius est perfectorum in vita æterna; cui competit tertia quinquagena, quæ finitur in laudem spiritalem, videlicet: *Omnis spiritus laudet Dominum*. Ceterum illud minimè silentio prætereundum est, divum Hieronymum ter ex Hebræo transfuisse hoc Psalterium. Primò secundum Septuaginta Interpretes, quod Psalterium Romanum nuncupatur. Secundò juxta Hebraicam veritatem, ad preces Sophronii, quò Hebræos disputando convinceret. Tertiò ad preces

PROLOGUS.

Damasi Papæ , quod vulgò Psalterium Gallicanum nuncupatur : et hæc translatio communis est , et nostra qua utimur. Nec quispiam credat me his scholiis velle aliquam gloriolam aucupari. Absit, cùm nec bene nec ingeniose res acta sit. Mihi inversa cithara tantùm cecini (ut ajunt) et Musis. Non intellectos Psalmos in dies deblaterare, et in choro fidelium reboare , vanum et ridiculum æstimavi. Jam, utcumque paraphrasibus minimis, aut (si mavis) scholiis , non adornatum, sed enucleatum, Psalterium mecum legere potes, quicumque in has meas chartulas fortuitò incideris. Illud tamen mihi vindicare ausing, modò patiantur inviduli , hos Psalmos me tali phrasi explanasse , ut ne ullum quidem verbum ipsius Textus aut omissum, aut inversum , aut mutatum sit. Cohæret Textus Glossulis adeò ferruminatus, ut, nisi characteribus disparibus distinctus foret, haut facilè unum ab altero dijudicaretur. Desudarunt plurimi in hac palæstra, ceterùm non tali schemate: quandoquidem laconica brevitate hoc opus exegi, calculatorum more, qui ingen-

PROLOGUS.

gentes summas parvo ære exprimunt
expenduntque. Æmulatus sum veteres,
ex quorum filis meam orditus sum te-
lam; Hieronymum videlicet, Augusti-
num, Arnobium, Isidorum, Rabanum,
Cassiodorum, Remigium. Neoterico-
rum turbam, quam dinumerare nemo
poterit, facessere sivismus, cùm unusquis-
que illorum in suo sensu abundet. Fi-
ximus vestigia meditando apud paucos,
ne peregrinaremur mendicando apud
multos. Vale, candide Lector. Auspi-
cati sumus hæc succisivo tempore per
otium, ne illud (quod ajunt) inter di-
gitos esilueret; dum aliquot menses
morabamur cum Adolpho à Burgundia
heroë Beverienfi, cui à medicis fuimus
in Duvelandia Zelandiæ ad aggeres
æstu maris disruptos reficiendos: quod
et ipse perfecit sua sagacitate, ope, et
opera, anno sesquimillesimo trigesimo
tertio, iv. Calendas Junii.

IS SCIAT SE PROFECISSE IN SACRIS,
QUEM DAVIDICA CARMINA
VALDE CONSOLANTUR.

LICENCIA DEL CONSEJO.

DON Joseph Antonio de Yarza, Secretario del Rey nuestro Señor, su Escribano de Cámara mas antiguo, y de Gobierno del Consejo: Certifico, que por los Señores de él se ha concedido Licencia à Joachin Ibarra, Impressor en esta Corte, para que por una vez pueda reimprimir, y vender el Libro intitulado: *Psalterium Paraphrasticus illustratum, servata ubique ad verbum Hieronymi translatione, Auctore Raynerio Snoy Goudano*, con que la reimpression se haga en papel fino, buena estampa, y por el exemplar, que sirve de original, y và rubricado, y firmado al fin de mi firma; y que antes que se venda, se trayga al Consejo dicho Libro reimpresso, junto con su exemplar, y Certificacion del Corrector de estàr conformes, para que se tasse el precio à que se ha de vender, guardando en la reimpression lo dispuesto, y prevenido por las Leyes, y Pragmaticas de estos Reynos. Y para que conste, lo firmè en Madrid à veinte y quatro de Diciembre de mil setecientos y sesenta.

D. Joseph Antonio de Yarza.

FI-

FIDES CORRECTORIS.

PAG. 42. lin. 13. qnum, lege *quum*.
Pag. 252. lin. 6. ceu iu, lege *ceu*
in. Pag. 389. lin. 14. & 15. movebun-
turtin, lege *movebuntur in*. In eadem
pag. lin. sequenti, erræ, lege *terra*.

Ex Libro, cujus inscriptio est:
Psalterium Divinum Paraphrasibus expli-
catum, servata ad verbum Hieronymi
translatione, hæc irrepsere typographica
menda: quibus præhabitis correspon-
det exemplari antea excuso: & sic fi-
dem facio Matriti die decima septima
Decembris anni millesimi septingente-
simi sexagesimi primi.

D.^r D.^s Emmanuel Gonzalez
Oltero,

A. C. M. Gen. Corrector.

DON Joseph Antonio de Yarza,
 Secretario del Rey nuestro Se-
 ñor, su Escribano de Camara mas anti-
 guo, y de Gobierno del Consejo: Cer-
 tifico, que havindose visto por los Se-
 ñores de èl el Libro intitulado: *Psalte-
 rium Paraphrasibus illustratum, servata
 ubique ad verbum Hieronymi translatio-
 ne*, su Autor Raynerio Snoy, que
 con Licencia de dichos Señores con-
 cedida à Joachin de Ibarra, Impressor
 en esta Corte, ha sido reimpresso;
 tassaron à siete maravedis cada plie-
 go: y dicho Libro parece tiene quaren-
 ta y quatro, sin principios, ni Tablas,
 que à este respecto importa trescientos
 ocho maravedis. Y à el dicho precio, y
 no mas, mandaron se venda: y que esta
 Certificacion se ponga à el principio
 de cada Libro, para que se sepa el à
 que se ha de vender. Y para que con-
 fite, lo firmè en Madrid à veinte y tres
 de Diciembre de mil setecientos sesen-
 ta y uno.

D. Joseph Antonio de Yarza.

DE NOVA HAC EDITIONE,
TYPOGRAPHUS.

Quas tibi sisto , Raynerii (five Reineri) Snoyi *Paraphrases* in Psalterium, seu verius *Scholia*, Lector optime , ut brevitate ac perspicuitate commendantur sua , ita a doctrina apud sapientes sacrarum litterarum professores in laude sunt. Et quidem *absoluta numeris omnibus Paraphrasis auxilio magno esse interdum potest ad intelligendum facilius obscura sacrorum librorum loca*: id quod evidens est, ac totidem verbis gallicis nuper scriptum ab hodierno Sueffionum Antistite , viro fama meritisque longe claro. (a) Quum autem eo pervenerit impiorum quorundam hominum effrenata audacia , in speciem quidem illustrantium divinos libros , sed re ipsa foedantium , ut deliramenta sua pestiferosque

fen-

(a) Francisc. de Fitzjames, in opere cui titulus: *Mandement & Instruction Pastoral*, portant condamnation &c. Part. 4. cap. 16. tom. 7. pag. 364.

sensus iis attexere, et cum ipsis promiscue obtrudere non vereantur; optandum sane esset, his vero temporibus ut quum maxime optandum (persequitur idem Præsul eximius) ut huiusmodi paraphrasticorum operum auctores verba Spiritus-Sancti omnia ad litteram retinenda in eis sedulo curarent, diversis vero characteribus excudenda quæ ipsi illustrationis aut explicationis gratia subiiciunt: ut nempe indocti Fideles verbum Dei ab eo quod hominis tantum expositio est secernere tutius possent. Hanc eandem sibi normam proposuisse Snoyum videmus, eamque feliciter insequutum hoc libello, digno certe qui omnium manibus tereretur: quem tamen, etsi alibi sæpe recusum, atque hispane etiam, Metymnæ Campi, anno 1546, typis Petri de Castro editum, perraro invenias. Atque hæc in causa fuerunt summo cuidam viro, alienæ salutis studioso, cur illum prelo à me denuo subdendum voluerit; tradito editionis Lugdunensis, anni 1545, exemplari quodam, cui sequens pariter Athanasii opusculum adjectum erat. Ego vero,

ro, quum illud valde mutilum deprehendissem, tum inverso sacri textus ordine aliisque mendis innumeris deformatum; nihil reliquum feci ut integritati suæ ac formæ omnia restituerem, in primis divinum eundem textum Psalmorum. Et, quoniam in sacrosanctis libris vel jota unum aut unus apex venerationem exigit; illam scribendi rationem sequutus omnino sum, quod ad Psalmos attinet, quæ in emendationibus Bibliorum codicibus admissa est, quamquam aliud non semel Orthographiæ leges præcipere videbantur. unde eveniet aliquando ut unum idemque verbum aliter in textu ac in paraphrasi conscriptum occurrat. Medium insuper uniuscujusque versus, ut in Romano Breviario fit, asterisco notavi: quo signo quisque, inter recitandum hujus libri Psalmos, si id cordi fuerit, usurpatam ab Ecclesia morulam interponet. Verum Argumenta, quæ singulis quibusque Psalmis præfixa erant in editione Lugdunensi, præter quam quod ab aliena accessisse manu suspicari licet, partim interpungi Hispanæ In-

qui-

quisitionis decretum, sed expungi prorsus multo plura jubet: quumque nec reliqua quidquam utilitatis operi aut lucis adferant, et hæc etiam omittenda censui.

Denique ut de Auctore pauca dicam, is Goudæ Batavorum anno 1477. natus est. Medicinæ addictus, Historia nihilominus Batavica aliisque operibus inclaruit, præter has Paraphrases: quas quidem ipse in Prologi calce absolvisse profitetur anno decimi sexti sæculi trigesimo tertio. Hic autem annus ante illius obitum quartus fuit: nam sequenti 1537 desiit vivere. Ejus labore frueri operaque nostra, christiane Lector, has assidue recolens omnipotentis Dei laudes, cui uni in æternum omnis honor et gloria.

PSALMORUM

SACRORUM

LIBER.

PSALMUS PRIMUS.

BEatus est vir ille qui non abiit à justitia prima in consilio pravo impiorum actis consentiendo, et in via lata peccatorum non stetit * perseverando in delictis, & in cathedra contagiosæ pestilentix atque illusoriæ doctrinæ non sedit perniciose docendo.

Sed in lege Domini fuit semper voluntas ejus * bona; et in lege ejus adimplenda meditabitur, tum lectione, tum mandatorum observatione, die ac nocte, sine intermissione.

Et erit tamquam lignum virore divinæ gratiæ fecundum, quod plantatum est firma radice secus decursus & fluentia aquarum, * gratiarum scilicet Spiritus Sancti: quod fructum suum bonorum operum dabit utique in tempore suo, ut dignum efficiatur felici-

tate aterna. [Jerem. 17. 8.]

Et folium ac verbum ejus *justi* non defluet * à *veritate* in *mendacium*, *ceu instabile & irritum*: immò et omnia quæcumque faciet atque operabitur prosperabuntur, *sibi quidem in salutem, aliis verò in eruditionem.*

Non sic *impii*, qui non meditantur in *lege Domini*, non sic * prosperabuntur: sed erunt tamquam pulvis, infecundi & sicci ab humore divina gratia, quem projicit impulsu tentationem ventus *superbia*, & *aura diaboli*, à facie *terræ & presentia vitæ aeternæ.*

Ideo quia projecti à Deo, non resurgent *impii & infideles* in *judicio* * extremo, quia jam *judicati sunt*; neque peccatores & falsi *Christiani* in *concilio & consortio justorum*, qui ad *vitam aeternam sunt prædestinati.*

Quoniam acceptat, novit, & approbat Dominus Deus *viam immaculatam justorum* * ad *beatitudinem*, et iter atque progressus *vitæ impiorum reprobatorum* à Deo peribit in *mortem aeternam.*

O R A T I O.

Efficiamur, Domine; tamquam fructuosissimum lignum in conspectu tuo: ut, irrigati divina tua gratia, beatitudinem viri justī consequamur; &, per observantiam mandatorum tuorum ambulantes, tandem resurgere valeamus in congregatione justorum. Per CHRISTUM dominum.

P S A L M U S I I.

Psalmus ipsius David Prophetæ, agens de consilio Gentium & Judæorum adversus Christum in sua passione, & de regni Christi institutione.

QUare sine ratione fremuerunt beluino more gentes * Romana, et populi Hebræorum meditati sunt in eorum consiliis inania & frivola mendacia? [Actuum 4. 25.]

Astiterunt contra regem cæli reges terræ Herodes & Pilatus, et principes sacerdotum Annas & Cayphas convenerunt sacrilega mente in unum * prævum consensum adversus Dominum Deum Patrem, & adversus Christum unctum Messiam ejus Filium.

4 PSALMUS II.

Dirumpamus omnino vincula Evangelica eorum, * ne obligemur servitute; et projiciamus in irritum à nobis, ne dominantur super nos, jugum & legem ipsorum novam.

Qui Pater habitat in coelis super Cherubim irridebit eos * inania meditato, et Dominus noster Christus subfannabit similiter eos miserrimos Judaeos.

Tunc in die judicii loquetur qui jam mansuetus tacet ad eos, increpando in ira sua, * qua justissimè vindicat: et in furore suo implacabili conturbabit in corpore & anima eos ulciscens in poena aeterna.

Ego autem Christus constitutus sum hereditario jure rex secundum humanitatem ab eo Deo Patre, super Sion Ecclesiam speculantem montem sanctum ejus * in eminentia honoris & firmitate fidei, prædicans & euangelizans præceptum ejus & voluntatem patris mei.

Dominus pater universorum dixit ad me * Christum: Filius meus consubstantialis es tu per naturam, ego hodie in
pra-

PSALMUS II. 3

*praesentia aeternali genui te Verbum
mihi coaeternum, atque Deum de Deo.
[Actuum 13. 33. Hebr. 1. 5. & 5. 5.]*

*Postula à me passionis tuae merito,
et dabo tibi gentes atque omnes nationes
orbis in hereditatem tuam, * ut concupulentur
nomini Christiano; et possessionem tuam
peculiarem terminos terrae, eatenus ut
terrarum orbis in te credat.*

*Reges eos, qui non receperunt doctrinam
tuam, in virga ferrea * & iustitia inflexibili;
et tamquam vas figuli, quod levi momento
fit, confringes, ceu inutiles ad gloriam,
eos rebelles. [Apocal. 2. 19. 27. 15.]*

*Et nunc reges mundi intelligite *
quantus sit ipse Christus, quàm excelsus,
quàm potens: erudimini in lege Christiana
vos qui iudicatis in potestate humana
terram, semper praevobis ferentes
caelorum iudicem superiorem.*

*Servite Domino omnium, cui servire
regnare est, in timore * casto & filiali:
et exultate ei voluntariè & hilariter,
cum tremore tamen & reverenter,
haud dissolutè.*

Apprehendite & exosculamini disciplinam atque doctrinam Christi filii Dei, ne quando irascatur Dominus * Pater, et pereatis tandem eo vindice de via recta, justa & vera, quam Christus docuit.

Cùm exarserit ad vindicandum in brevi die judicii ira ejus * justissima; beati omnes erunt Christiani & securi qui confidunt, per spem & charitatem, in eo Christo Dei filio crucifixo.

ORATIO.

Deus noster, Verbum Patris, ab æterno ante luciferum genitus; Deus de Deo, qui constitutus es rex super omnem creaturam: noli nos confringere in ira tua, tamquam vas figuli reprobatum; neque exardeat in die judicii ira tua super nos peccatores. Sed præsta, clementissime, ut, apprehendentes doctrinam tuam Euangelicam, valeamus tibi cum timore & reverentia famulari, perseverantes in via veritatis & justitiæ. Amen.

PSALMUS III.

Psalmus ipsius David, in spiritu offensus cùm fugeret à facie Absalom filii sui. [2.Reg. 15.]

Do-

Domine Deus Pater, quid multiplicati sunt Pontifices, Scribae, & Pharisei, qui tribulant & impugnant me * persequendo? multi insurgunt ut calumnientur adversum me suis falsis testimoniis.

Multi inimicorum insultando dicunt & comminantur animæ & vitæ meæ, * quia non est salus neque spes ipsi Christo in Deo ejus, quem sibi Deum Patrem predicat.

Tu autem, Domine Pater, susceptor meus es * in tribulatione, & gloria mea in resurrectione, et exaltans caput meum in ascensione.

Voce mea in cruce ad Dominum Deum Patrem clamavi * pro totius mundi salute: et exaudivit me suscepitque orationem meam de monte sancto suo, de altitudine justitiæ suæ, qua liberantur electi, & puniuntur reprobi.

Ego dormivi spontanea morte in cruce, et soporatus sum * levi somno in sepulcro; et exurrexi tertia die à morte, quia Dominus Pater suscepit me Filium, divina sua potentia resusci-

8. PSALMUS III.

tando. [Joan. 2. 22.]

Non timebo *amplius* millia populi
Judaici circumdantis me * & *claman-*
tis, Crucifige eum : exurge Domine in
paternum auxilium, saluum me fac, à
morte suscitando, Deus meus.

Quoniam tu percussisti *digna ultione*
omnes *Judeos* adversantes mihi sine
causa * *justa & vera* : dentes peccato-
rum, quibus fremebant *verba mordentia*,
contrivisti *in irritum*.

Domini, & *non hominum*, est salus *
vera, qui *salvat ab omni malo* : et su-
per *totum* populum tuum *Christianum*
sit benedictio tua, *tum gratiæ in præsen-*
ti, *tum gloriæ in futuro*.

ORATIO.

Domine Jesu Christe, qui in expia-
tionem originalis culpæ, atque in pretium
& redemptionem ac reconciliationem no-
strorum delictorum, ultroneam mortem
in cruce obivisti; atque, in ventre terræ in
sepulcro soporatus, tertia demum die
resurrexisti: salva populum tuum Christia-
num, pretioso sanguine tuo redemptum;
& effunde benedictionem tuam, ne ad-
versantium millibus vitiorum circumde-
tur.

PSAL-

PSALMUS IV.

In finem legis, qui Christus est, Psalmus cantici: hoc est, modulatio organi, cum humana voce sequente ipsius David & cujuslibet justi.

CUM invocarem Deum ex intimo cordis affectu, exaudivit me angustiatum, Deus inquam dator & auctor justitiæ meæ * atque remunerator: in tribulatione, quam passus sum, dilatasti cor per patientiam, & dedisti mihi letitiam.

Miserere mei * contra misérias hujus vitæ, quæ plurimæ sunt; & exaudi tuâ benignitate orationem meam, ut de virtute in virtutem proficiam.

Filii hominum & primorum parentum, usquequo eritis gravi corde, * & sarcina iniquitatum depressi? ut quid tam ardenti desiderio diligitis vanitatem ac terrena, quæ vana sunt & inania, et quæritis cum labore mendacium rerum caducarum, quæ mentiuntur hominem felicem?

Et scitote quid sequamini, quoniam
mi-

10 PSALMUS IV.

mirificavit & gloriosum fecit Dominus
Pater sanctum suum * Christum, qui
est sanctus sanctorum: Dominus per eum
exaudiet me orantem pro requie aeterna
consequenda, cum & quodcumque cla-
mavero cordis devotione ad eum san-
ctum suum.

Iraſcimini, vobis ipsis indignando de
peccatis propriis, et nolite amplius pec-
care: * de his autem quæ dicitis & tra-
ctatis in cordibus vestris per cogitatio-
nem, & in cubilibus vestris per dele-
tationem, quæ est cogitationum cubi-
le, compungimini pœnitentiam agendo,
antequam ratio consentiat. [Eph. 4. 26.]

Sacrificate & mactate vos Deo tam-
quam sacrificium iustitiæ, ut opera ju-
sta sequantur: et tunc sperate in Do-
mino: * aliter foret præsumptio. Multi
carnales, vani, & increduli dicunt in suo-
rum delictorum excusationem: Quis
ostendit umquam nobis invisibilia bo-
na futura? perinde ac si non essent.

Signatum est & impressum super nos
in intellectuali parte animæ lumen &
imago vultus tui divini, quo similes tui
sumus, Domine: * & per hac dedisti læ-
ti-

PSALMUS IV. 11

titiam spirituales rectæ fidei in corde meo, de tanto beneficio.

*A fructu & ubertate frumenti, vini, & olei sui *, in quibus æstimant consummatum bonum, multiplicati & distracti sunt variis curis, sola illa temporalia ambientes.*

*In pace mentis, in idipsum * summum bonum, quod Deus est, dormiam hic à strepitu sæculi, et in futura beatitudine requiescam fruitione eternitatis.*

*Quoniam tu, Domine, qui unus es, singulariter & simpliciter in una spe * firmissima æternæ beatitudinis consequendæ constituisti & stabilisti me, qui nihil præter te summum bonum suspiro.*

ORATIO.

Deus, qui es justitiæ dator, gratiarum auctor, ac bonorum remunerator: exaudi nos in tribulationibus nostris, & misere-re nobis. Te solum summum bonum suspiremus, qui signasti super nos lumen vultus tui; atque amemus, non turbam nascentium rerum atque intermorientium, sed æternitatis ac unitatis gloriam in Jesu Christo Domino nostro. Amen.

PSALMUS V.

In finem & in Christum, pro ea Ecclesia honoranda quæ hereditatem vitæ æternæ consequitur, sanguine Christi dedicata, Psalmus David contextitur.

Verba mea deprecatoria auribus tuæ misericordiæ percipe, Domine, * qui in cœlis es, & intellige spirituales clamorem meum in gemitu cordis.

Intende & annue voci orationis meæ * justæ, rex meus per gubernationem, quem veneror, et Deus meus per creationem, quem adoro.

Quoniam ad te solum demerendum orabo * perseveranter: Domine, primo tempore, videlicet mane in aurora diei & gratiæ, exaudies, tenebris peccatorum depulsis, vocem meam.

Mane, quum oritur sol justitiæ in me, astabo per jure servitium tibi, & non vanitatibus sæculi: et sic videbo, * in luce virtutum te mundo corde cognoscens, quoniam non Deus volens peccatum & iniquitatem sed æquitatem tu es,
idem

PSALMUS V. 13

idem ipse invariabilis, semper justus.

Neque habitabit in presenti per gratiam juxta te, neque in futuro per gloriam, malignus * & obstinatus peccator; neque permanebunt, divinam non sustinentes majestatem, injusti & reprobi ante oculos tuos, ut videant te fruitione aeterna.

Odisti ad exterminium omnes impoenitentes qui operantur perseveranter iniquitatem * mortalem: perdes, aeternaliter puniendo, omnes qui loquuntur perniciosum mendacium.

Virum sanguinum, homicidam, ac pauperum oppressorem, et dolosum proximo in mendaciis, abominabitur Dominus, * exheredando à regno suo: ego autem, confidens in multitudine, non meae justitiae, quae nulla est, sed misericordiae tuae, quae infinita est,

Introibo in ecclesiam sanctam domum tuam * orationis; adorabo mente sincera ad templum coeleste sanctum corpus tuum in pane sacramentali, & hoc in timore tuo casto, filiali, reverenter.

Domine, qui poenitentes recipis, deduc

14 PSALMUS V.

duc provehendo me de virtute in virtutem in iustitia tua , * ne deviem ad iustitiam meam : propter inimicos meos daemones confundendos , & homines corrigendos , dirige & governa in conspectu tuo legis Evangelicæ viam meam , ut opera mea sint tibi grata & accepta.

Quoniam non est , quia calumniantur , in ore eorum inimicorum veritas * Christianæ fidei : cor eorum vanum est per superbiam & avaritiam.

Sepulcrum patens , foetidum ac turpe est guttur eorum , exhalans mendacia atque adulationes ad corripiendum : linguis suis malevolis dolosè agebant , * sub specie veri mentientes : judica ad pœnam illos condemnando , Deus iustus , ut sentiant te judicem. [Infrà 13. 3. Rom. 3. 13.]

Decidant & defraudentur spe , ne impietatem augeant impietate , à cogitationibus suis ac pravis desideriis mundanæ felicitatis : secundum multitudinem impietatum eorum & scelerum admissorum expelle eos * ab æterna hereditate , quoniam irritaverunt te , dulcis Domine , & contemserunt legem tuam Evangelicam.

Et

PSALMUS V. 15

Et lætentur *justi ac boni omnes lætitia sempiterna*, qui sperant modo in te * & à te mercedem : quia in æternum, & non ad horam, exultabunt accepta hereditate perpetua, et habitabis in eis sicut in templo tuo.

Et gloriabuntur fruendo Deo in te, fonte totius boni, omnes qui zelo divino diligunt & amplexantur nomen tuum * & gloriam nominis tui ; quoniam tu, conferendo gratiam, benedices gaudiorum immensitate justo amatori nominis tui.

Domine, non nostra justitia, sed tua divina misericordia, ut scuto & protectione bonæ voluntatis & gratiæ tuæ * divinæ, coronasti nos, qui protegens adjuvas, & remunerans coronas.

ORATIO.

Deprecationes nostras auribus tuæ clementiæ percipe, Domine, qui speramus in multitudine misericordiæ tuæ, nihil præsumendo de justitia nostra : ut, tenebris peccatorum nostrorum depulsis, tu Sol justitiæ oriaris in nobis, qui crassam nostram ignorantiam reformes in viam veritatis Evangelicæ. Tu, scutum nostrum, tu, corona nostra, protege nos adversus sæva
ja-

16 PSALMUS VI.

jacula calumniatoris diaboli , gratia ipsius Domini nostri Jesu Christi. Amen.

PSALMUS VI.

In finem & in Christum , qui est consummatio nostræ agnitionis , dirigit nos hic Psalmus pœnitentis David , qui scriptus est pro octava mundi ætate, quæ erit dies judicii ventura.

Domine , precor ne in finali judicio in furore tuo implacabili arguas me * severo justitiæ rigore ; neque in iræ tua indignationis & vindictæ corripias me exanimatum , ad mortem æternam condemnando.

Miserere mei in hac vita, Domine: & opus est , quoniam infirmus & sauciatus sum * naturæ fragilitate ac peccatorum mole : sana per pœnitentiam , & conforta me , Domine , per tuam gratiam, quoniam conturbata sunt, casu peccatorum quassata, ossa & omnia interiora roborata mea.

Et anima mea peccatrix contremiscens turbata & territa est valde * à districto judicii examine : sed tu, Domine, qui non vis mortem peccatoris, usquequo dif-

PSALMUS VI. 17

differes auxiliari & sanare?

Convertere de rigore justitiæ, Domine, ad dulcorem misericordiæ, et eripe à manu diaboli animam meam, * *herentem delectationi, & ligatam peccandi consuetudine: saluum me fac ab imminente periculo, propter misericordiam tuam, quæ unica mea spes est.*

Quoniam non est in morte peccati, & post mortem temporalem, qui memor sit tui * *confessione fructuosa ad salutem: in inferno autem quis? certe nullus, confitebitur tibi, immò blasphemabunt.*

Laboravi pro satisfactione peccatorum in gemitu meo intrinseco cordis, per contritionem: lavabo & mundabo per singulas tenebricosas noctes peccatorum lectum meum * *voluptarium, & conscientiam, ne macula remaneat; & lacrimis meis pœnitentialibus stratum meum sensualitatis, in quo jacuit anima infirma, rigabo castigando.*

Turbatus est & contremuit à furore excandescenti, qui erit in extremo iudicio, oculus meus * *interior cordis, scilicet mens & ratio: nec mirum, quia inveteravi, senescens in peccatis obstina-*

B *tius.*

tius, inter omnes inimicos meos demones ac homines malos, quibus conformis peccando consensi.

*Discedite procul à me, omnes spirituales nequitiae, tam diabolus, quam membra ejus, qui operamini semper iniquitatem * exstimulando & tentando homines: quoniam exaudivit Dominus misericors vocem compunctam fletus mei, poenitentiam acceptando. [Matth. 7. 23. & 25. 41. Luc. 13. 27.]*

*Exaudivit Dominus luctuosam deprecationem meam, * peccata remittendo: Dominus Deus orationem meam, jam securam de adipiscendis virtutibus, suscepit, gratiam conferendo.*

*Erubescant, exemplo meo, de peccatis, et conturbentur timore judicii vehementer cum contritione, omnes quondam inimici mei * adversantes saluti: convertantur ad Deum, et erubescant recordatione peccatorum, de quibus olim gloriati, valde velociter, non procrastinantes poenitentiam.*

ORATIO.

Domine, qui in majestate horrenda genus humanum judicaturus advenies: mi-

PSALMUS VII. 19

ferere nobis in hac vita , ne in die iræ furoris & vindictæ condemnemur ad gehennalia supplicia. Et convertere de rigore justitiæ ad dulcorem misericordiæ, eripiendo de potestate tenebrarum animas nostras : atque in infirmitatibus & gemitibus nostris tua semper gratia muniamur. Per Christum Dominum &c.

PSALMUS VII.

In finem & Christum nos dirigens Psalmus iste est David Prophetæ , quem cantavit ad honorem Domino Deo gratias referendo pro verbis Chusi & manifestatione silentii filii Jemini , hoc est, dextera. (2. Reg. 16.) Secretum enim dexterae Dei est ut justus virtute ejus ab omnibus persecutoribus liberetur.

Domine per omnium gubernationem, Deus per creationem, meus per fidem , in te & tua misericordia speravi, * & non in mea virtute : saluum me fac auxilio tuæ gratiæ ex omnibus persequentibus me, tam vitiis & demonibus , quàm pravis hominibus ; et libera me ab his corporaliter & spiritualiter.

Nequando rapiat diabolus , ut leo

20 PSALMUS VII.

*rugiens, circumiens, quærens quem devoret, animam meam * peccatricem; dum non est præter te alius qui redimat me à morte, neque qui saluum faciat vitam dando æternam.*

*Domine Deus & rex meus & redemptor, si feci istud, * exhibendo membra mea arma iniquitatis; si est iniquitas aut aliquod peccatum mortale in manibus & operibus meis;*

*Si reddidi, libidine vindictæ, mala retribuentibus mihi mala: * tunc decido, tamquam victus meritò meo malo ab inimicis meis me persequentibus, inanis & vacuus à fructu justitiæ.*

*Persequatur ergo tunc inimicus animam meam, mala suggerendo; et comprehendat eam ad consensum peccati, et conculcet in terra vitam meam, * prosterneudo & occidendo; et gloriam meam, quæ est in conscientia munda, in pulverem deducat, ad nihilum redigendo.*

*Exurge, Domine, mihi opem ferendo in ira & vindicta tua * contra inimicos meos: et exaltare atque superior appare, ut victor, in finibus & possessione inimici.*

PSALMUS VII. 21

micorum meorum , diaboli videlicet & suorum.

Et exurge atque evigila , Domine Deus meus , ostendendo te justum judicem in præcepto , secundum judicium quod mandasti * facere justitiam de malis : et ita synagoga seu congregatio populorum diversorum circumdabit te , tamquam certum refugium.

Et propter hanc congregationem in altum solium regredere , * ostendendo potentiam & majestatem tuam , ut reveantur te justum judicem : Dominus omnium & judex generalis judicat populos , unicuique secundum opera sua reddens.

Judica me , Domine , quia judex es vivorum & mortuorum , secundum justitiam meam , * quam dedisti mihi , et secundum innocentiam meam ; quorum utrumque non ex me , sed super me descendit à patre luminum.

Consumetur & terminabitur nequitia peccatorum atque impiorum , et interea diriges & probabis justum * in tot tentationum fluctibus ; scrutans , videns , & sciens corda atque cogitationes et renes

22 PSALMUS VII.

carnalium desideriorum, Deus justus, qui omnia nosti. [Paral. 28. 9. Jer. 17. 10. & 20. 12.]

*Justum est adjutorium meum quod peto à Domino * Deo ; qui salvos facit in gloria rectos corde & intentione, conformantes se voluntati divinae.*

*Deus judex justus , singulis secundum opera sua reddens ; fortis , cui nemo poterit resistere ; et patiens , * tolerando malos : numquid irascitur inferendo vindictam statim per singulos dies ? certè non , sed dat locum pœnitentiæ.*

*Nisi à peccatis vestris conversi fueritis ad Deum per pœnitentiam , Dominus gladium suum in vindictam manifestam vibravit , * exeret atque exacuet ; insuper arcum suum tetendit severiter , et paravit illum ut puniat certò.*

*Et in eo arcu paravit Dominus vasa mortis * æternæ , ut peccatores in æternum puniantur : sagittas suas vindicatrices ardentibus flammis effecit plenas ad terrorem & punitionem.*

Ecce quomodo homo parat sibi causam mortis , & non Deus ; quia ipse paraturus , conando ad effectum perducere, in-
ju-

PSALMUS VII. 23

justitiam * suam: concepit insuper dolorem ex suggestione diaboli per consensum, et peperit per operationem iniquitatem perficiendo. [Job 15. 35. Isai. 59. 4.]

Lacum inferni aperuit, concipiendo peccatum; et effodit eum, * parturiendo per consensum; et incidit in foveam perditionis & mortis, quam sibi fecit spontanea voluntate.

Convertetur dolor ejus, & peccatum, quod est causa doloris, in caput ejus, * & animam, quæ est caput corporis: & in verticem ipsius atque rationem iniquitas ejus, quam peperit, descendet, quum peccatum in animam ipsius retorquebitur.

Confitebor ergo Domino confessione laudis secundum justitiam ejus, * quia bonos protegit, & malos justè punit: et psallam, spiritualiter gaudendo, nomini Domini altissimi, ad honorem ejus, non ad gloriam meam.

ORATIO.

Deus, in cujus misericordia speramus, & non in virtute nostra: libera nos a pecca-

24 PSALMUS VIII.

tis nostris , ne aliquando rapiat diabolus ,
ut leo rugiens , animas nostras in interi-
tum. Præter te , alium salvatorem non ag-
noscimus : immò confitemur & psallimus
nomini tuo altissimo , qui es benedictus
in sæcula. Amen.

PSALMUS VIII.

*In finem & in Christum , qui est finis
noster , Psalmus iste scriptus est à Da-
vid Propheta , pro torcularibus & con-
stitutione Ecclesiæ edificatæ super Chri-
stum.*

Domine omnium , qui es peculiaris
Dominus noster * per cultum &
venerationem , quàm admirabile & glo-
riosum est nomen tuum divinum & in-
effabile in universa terra , à solis ortu
ad occasum!

Quoniam elevata est de terrena hu-
militate magnificentia tua , * & filius
tuus , per quem magna operatus es , su-
per cœlos atque cœlestes Hierarchias
quia sedet ad dexteram Patris.

Ex ore infantium et lactentium pue-
rorum Hebræorum perfecisti laudem ma-
gnificentiae tuæ , quando clamabant : Hosan-
na in excelsis ; & hoc propter inimicos
tuos

PSALMUS VIII. 25

tuos * principes Judæorum confutandos: ut destruas tandem inimicum errorem Judaicum, et ultorem seu persecutorem nominis tui. [Matthæi 21. 16.]

Quoniam tunc videbo intellectu fidei cœlos tuos, & sacras scripturas, quæ sunt opera digitorum tuorum, * quia scriptæ sunt inspiratione Spiritus Sancti; similiter & lunam, quæ est catholica Ecclesia à Christo sole illuminata, et stellas, homines sanctos: quæ omnia tu fundasti, atque in tua fide solidasti.

Quid est homo, & quale meritum ejus, quòd tu Deus memor es ejus, * miserendo & à morte liberando? aut filius hominis Christus filius Virginis, quoniam visitas eum mittendo Verbum tuum in carne ad redimendum hominem?

Minuisti eum filium tuum paulo minus ab Angelis, quia passibilem & mortalem fecisti: tamen, propter meritum passionis suæ, gloria resurrectionis et honore ascensionis super omnes angelos coronasti eum, * quia sedet ad dexteram Patris; et constituisti eum caput & regem super omnia opera manuum tuarum, cui data sit omnis potestas in cœ-

26 PSALMUS VIII.

cælo & in terra. [Hebr. 2. 7.]

*Omnia, tam superiora quam inferiora, subiecisti sub pedibus, dominio & potestate ejus, * cui flectitur omne genu, cœlestium, terrestrium, & infernorum: oves, simplices homines, et boves universas, videlicet rectores & pastores, qui excolunt suis laboribus simplices: insuper et etiam pecora campi, carnales more pecudum in luxu viventes. [Genes. 1. 28. 1. Corint. 15. 26.]*

*Volucres cœli, superbos qui ponunt in cœlum os suum, & pisces maris, * curiosos & avaros, qui perambulant pertinaci studio semitas maris & fluenta hujus sæculi citò perituri.*

*Domine Dominus noster * & omnium, quàm ineffabiliter admirabile & magnum est nomen tuum, honor & fama, in universa terra, & ubique per omnia!*

ORATIO.

Domine, cujus nomen admirabile & gloriosum est in universa terra, qui infantes erudis, superbos destruis, peccatoribus misereris; cui item flectitur omne genu, cœlestium, terrestrium, & infernorum: supplices exoramus, ut pro nomi-

minis tui gloria te veneremur ut creatorem , diligamus ut redemptorem , qui paulo minus ab Angelis diminutus es, propter nos homo factus ; atque timeamus ut dominum , qui es benedictus in sæcula. Amen.

P S A L M U S IX.

In finem *Christum* , pro occultis iudiciis filii Dei , Psalmus iste factus est à David Propheta.

Confitebor tibi, Domine, confessione laudis in toto corde & affectu meo : * atque narrabo omnia opera, & precabor mirabilia beneficia tua.

Lætabor et exultabo corpore in te * Deo meo, in quo est vera lætitia : psallam cum gratiarum actione nomini tuo divino, altissime , omnia illi accepta ferendo.

In convertendo à sua potestate inimicum meum *diabolum* retrorsum * per tuam passionem , infirmabuntur demones & membra ejus in malitia nocendi ; et peribunt in die iudicii à facie tua , ne videant gloriam , sed mittantur in ignem æternum.

Quoniam fecisti & consummasti iudici-

28 PSALMUS IX.

dicium meum , pro me *judicatus injustè*
coram Pilato ; et causam meam * *perfe-*
cisti , pro peccatis meis mortuus : sedisti
 super thronum cum maiestate magna,
 qui iudicas secundum merita singulorum,
 iustitiam singulis tribuens.

Increpasti , per prædicationem Aposto-
 lorum, Gentes de idololatria, cui erant de-
 ditæ ; et periit diabolus impius, * qui ha-
 bitat in idolis : nomen eorum idolorum
 delesti in æternum de terra , et in sæ-
 culum sæculi , quia ultrà non memora-
 buntur.

Inimici ipsius diaboli defecerunt , &
 diminutæ sunt fraxeæ seu gladii , qui-
 bus animas occidunt, in finem, * per Chri-
 stum : et civitates idololatræ eorum
 demonum destruxisti , excluso inde dia-
 bolo principe.

Periit & deleta est memoria eorum
 idolorum cum sonitu, * strepitu, & repu-
 gnantia : et Dominus Christus & re-
 gnum ejus in æternum permanet stabile
 & fixum.

Paravit ipse Christus in iudicio &
 potestate sua judiciaria thronum suum, *
 ad iudicandum : et ipse , qui iudicatus
 est

PSALMUS. IX. 29

*est in humilitate , tandem judicabit in
majestate universum orbem terræ & ha-
bitatores ejus in æquitate , reddendo di-
gna pro meritis; & judicabit populos o-
mnes in justitia vera.*

*Et factus est interim Dominus Chri-
stus refugium desideratum pauperi * po-
pulo Christiano , & adjutor singularis
in opportunitatibus & necessitatibus,
quando homo est in tribulatione.*

*Et ergo sperent in te fideles , qui
noverunt nomen tuum * benedictum
& misericors : quoniam non omnino de-
reliquisti , subtrahendo gratiam , quæ-
rentes te, Domine, fide & operibus.*

*Pfallite Domino gratias agendo, qui
habitat in Ecclesia catholica , quæ Sion *
est contemplans Deum per fidem : an-
nuntiate & prædicate, inter gentes igno-
rantes Deum , studia atque mandata
ejus , in quibus studendum est.*

*Quoniam ipse Dominus est requi-
rens , per vindictam , sanguinem eorum
martyrum qui occiduntur à tyrannis ; &
recordatus est * atque misertus & non
est oblitus in æternum clamorem pau-
perum spiritu, atque injustè oppressorum.*

Mi-

30 PSALMUS IX.

Miserere mei, *attende*, & *adjuva*,
Domine * Deus : vide oculo compaſſio-
nis humilitatem & *depreſſionem* meam,
quam ſuſtineo de inimicis meis *patien-*
ter.

Qui exaltas, *elongas*, & *liberas* me
innocentem de portis mortis, * atque
concupiſcentiis pravis, quibus itur ad
mortem animæ; ut annuntiem predi-
cando omnes laudationes tuas, & ope-
ra tua laudabilia, in portis Eccleſiæ fi-
liæ Sion, qua itur in cœleſtem Jeruſalem.

Exultabo in Chriſto ſalutari tuo, *
per quem ſalvaſti mundum : infixæ &
demerſæ ſunt gentes clavis peccatorum
atque tyranni, in interitu mortis ater-
næ, quem ſibi fecerunt occidendo corpo-
ra ſanctorum.

In laqueo & fraudulento iſto conſilio,
quem abſconderunt * ſub quodam præ-
textu juſtitie, comprehenſus & illa-
queatus eſt pes & malus affectus eorum.

Cognoſcetur in die judicii Dominus
Chriſtus judicia juſta faciens, * reddens
que unicuique juxta opera ſua : & tunc
in operibus manuum & affectionum
ſuarum comprehenſus eſt & convictus
pec-

PSALMUS IX. 31

peccator , quia constringetur in eis.

Convertantur in finali iudicio peccatores & dejiciantur in infernum ; * *cujusmodi sunt omnes gentes quæ sine pœnitentia obliviscuntur Deum , non credentes in eum.*

Quoniam non in finem neque perpetuò oblivio apud Deum erit pauperis * spiritu : etiam patientia pauperum & humilium , qua modò malos tolerant , non peribit sine remuneratione in finem & in perpetuum.

Exurge , Domine , ad judicandum , non confortetur neque prævaleat homo * peccati Antichristus : judicentur & condemnentur secum gentes ignorantes Deum , in conspectu tuo , quia te non latebit eorum iniquitas.

Constituë , Domine , propter peccata eorum , legislatorem Antichristum super eos , * in ruinam eorum ; ut sciant & experiantur gentes , cum seductæ fuerint ab eo , quoniam homines sunt stulti , ponentes spem in homine , & non in Deo , qui solus salvare potest.

Ut

[*Secundum Hebræos, hîc incipit X. Psal.*]

UT quid, Domine, *tempore Antichristi* recessisti longe * *ab electis tuis*, despicias & *sinis* tribulari in *opportunitatibus ad utilitatem eorum* in *tribulatione temporali*?

Dum *superbit in potestate impius Antichristus*, tunc *incenditur & cruciabitur pauper* * *populus Christianus omni genere tormentorum*: comprehenduntur tamen *Antichristus & satellites ejus* in *consiliis eorum vanis*, quibus cogitant *irretire sanctos*.

Quoniam *laudatur à suis adulatoribus homo peccator Antichristus* in *desideriis & concupiscentiis animæ suæ*, * *aded ut dicatur esse Deus*; et *iniquus homo benedicitur, usurpans sibi divinitatis nomen*.

Exacerbavit & *irritavit Dominum Deum homo peccator* * *Antichristus*: *secundum multitudinem & abundantiam iræ suæ, atque iræ divinæ contra se provocatæ*, non *quæret pœnitentiam*, sed *morietur in sua obstinatione induratus*.

Non est *Deus alicujus reputationis* in *conspectu ejus*, * *quia extollet se ipsum*
su-

PSALMUS IX. 33

Super omne quod est Deus : inquinatae sunt & sordent viae & cogitationes illius & consilia & opera , in omni tempore vitae suae.

*Auferuntur à memoria sua judicia tua superventura ; & ideo non metuet à facie ejus , * prae nimia elatione & obstinatione : omnium inimicorum suorum in seductione signorum dominabitur , reges terrae dolis sibi subjiciens.*

*Dixit enim, ex nimia elatione, in corde suo : * Ego securus sum in statu meo, non movebor ab hac dominatione mea : immò regnabo à generatione hac in generationem futuram, sine ullo malo inquietudinis & adversitatis.*

*Cujus maledictione in Christum & contumeliis in sanctos os plenum est, cum se Dei filium mentietur , et amaritudine comminatoria , et dolo : * & sub lingua ejus erit labor sanctorum et dolor , quia proclamabit ad supplicium, qui illum contemserunt adorare.*

*Sedet in insidiis , more latronum, cum divitibus , quos muneribus illaqueabit ; atque in occultis * consiliis varia excogitabit : ut interficiat populum in-*

34 PSALMUS IX.

nocentem inobedientem sibi. [Infrà 13.
3. Rom. 3. 14.]

Oculi ejus *Antichristi* in pauperem
populum *Christianum* respiciunt * cru-
deliter : infidiatur in abscondito &
fraudulenter, quasi leo fortis in spelunca
sua quærens quem devoret.

Infidiatur , ut violenter rapiat po-
pulum *Christi* pauperem * ac humilem:
rapere , inquam , pauperem saviendo,
dum attrahit eum ad rete suum blan-
diendo.

In dolo , ceu laqueo suo , quia mira-
cula faciet , humiliabit & subjugabit
eum * populum *Christi* : tandem incli-
nabit se , Deo volente , et cadet subito,
cum dominatus fuerit , per tempus &
dimidium temporis , pauperum *Christia-
norum* abjectorum & spoliatorum.

Dixit enim & cogitavit in corde
suo maligno : Oblitus est Deus * san-
ctorum suorum ; avertit faciem suam
contemnendo , ne videat quæ in hoc mun-
do aguntur ; & ego regnabo usque in
finem & perpetuò.

Exurge, Domine Deus, qui vidêris qua-
si dormire ; & exaltetur atque monstre-

PSALMUS IX. 35

*cur manus & potestas tua, * ad eum interficiendum : ne obliviscaris tuorum pauperum fidelium, dimittendo eos diutius in persecutione Antichristi.*

*Propter quid irritavit suis blasphemias impius Antichristus Deum * verum? dixit enim in corde suo superbo: Deus, tamquam nesciens aut impotens, non requireret facta mea ad puniendum.*

*Vides, cui omnia nuda sunt, quoniam tu Deus laborem et dolorem, quos infligit sanctis tuis Antichristus, consideras * diligenter ad puniendum; ut & quomodo tradas eos, scilicet Antichristum & suos ministros, in manus tuas & in potestatem justitie tue.*

*Tibi ad defendendum derelictus est populus pauper * Christianus; & eidem populo orphano, tempore Antichristi, tu Deus eris adiutor in tribulationibus.*

*Contere, & redige ad nihilum, brachium & potestatem peccatoris, filii perditionis, et maligni * Antichristi: quæretur à te & diligenter excutietur peccatum illius, an sit amplius utile ad purgationem electorum; et non in-*

36 PSALMUS IX.

venietur ultra utile, quia sufficienter erunt purgati.

*Dominus Christus tunc regnabit in æternum, destructo Antichristo, et in sæculum sæculi * sine fine: peribitis morte aeterna, gentes complices Antichristi, de terra promissionis & de regno illius Christi, quo soli beati perfruentur.*

*Desiderium justorum pauperum Christianorum exaudivit Dominus, * faciendo finem de persecutione Antichristi: præparationem & affectum cordis eorum, quo desiderabant liberari à malis præsentibus, audivit & intellexit auris & clementia tua divina.*

*Judicare, Domine, pupillo, pro illo sententiam ferendo, et humili * populo Catholico; ut non apponat neque præsumat ultrà magnificare & erigere se homo quicumque contra Deum super terram, sicut fecit Antichristus.*

ORATIO.

Ipse qui Dominus est universorum, ab Antichristi insidiis ac fraudibus nos custodire dignetur illæsos: ut, sic exaltati de portis inferi, in illum sperantes, ab illo pupilli effecti; solum ipsum Christum ut patrem

PSALMUS X. 37

trēm confiteamur , ipsum sequamur fide,
ipsum timeamus corde , ipsum glorifice-
mus opere. Cui cum æterno Patre & Spi-
ritu Sancto est honor & gloria in sæcula
sæculorum. Amen.

PSALMUS X. [sec. Hebr. XI.]

In finem & Christum, qui est *α & ω*,
Psalmus ipsius David contra hereticos.

IN Domino Jesu Christo confido,
qui est unica spes salutis meæ. Et
quomodo, vos heretici, dicitis & suade-
tis animæ meæ, * insidiantes: Trans-
migre hinc à simplici tua fide in mon-
tem ambitionis & superbiæ, valde al-
tum, inflatum scientia perversa; & esto
sicut passer instabilis & vagus?

Quoniam insidiosè ecce peccatores
heretici intenderunt arcum dolosæ per-
suasionis, & detorserunt sacram Scriptu-
ram ad voluntatem eorum, paraverunt
insuper verba venenosa & sagittas suas,
videlicet argumentationes sophisticas, in
pharetra * & sententia eorum obstinata;
ut sagittent & vulnerent, in obscuro
scripturarum intellectu, rectos & sim-
plices corde.

38 PSALMUS X.

Quoniam, de nequissima eorum voluntate, divina eloquia, quæ perfecisti & perfecta edidisti, destruxerunt, * *perperam interpretando* : justus autem Christus quid fecit, ut sic dilaceretur tunica inconsutilis?

Dominus tamen Christus semper est in templo sancto suo * & viro bono, ubi inhabitat per gratiam : Dominus Deus, in Cœlo empyreo sedes majestatis ejus. [Abac. 2. 20.]

Oculi ejus, per misericordiam, in pauperem & simplicem populum Christianum respiciunt * *aspectu divinitatis* : palpebræ ejus, non dormitantes, interrogant, & scrutantur actus & cogitationes inter filios hominum.

Dominus Deus interrogat, probat, & examinat per tribulationes & hereses justum et impium, * *bonum & malum*, in conscientiiis eorum : qui autem diligit desiderio perseveranti iniquitatem, nolens se emendare, odit certè animam suam, preparando illi aterna supplicia.

Pluet Dominus, super peccatores obstinatos, laqueos, * *ut constringantur*
fu

PSALMUS X. 39

funibus peccatorum suorum: ignis inextinguibilis, et sulphur, fœtor intolerabilis, et spiritus procellarum, atque impetus plurimorum tormentorum erit pars quædam calicis & pœnæ eorum: unicuique enim reddetur pro parte sua, juxta opera sua.

Quoniam semper justus est Dominus Deus, et justitias dilexit, * unumquemque secundum opus proprium dijudicans: æquitatem veram vidit semper, aspiciendo opera hominum, vultus ejus divinus; justis præmia, & peccatoribus pœnas tribuens condignas.

O R A T I O.

Spes salutis nostræ Deus, in quem confidimus, respice in pauperem populum tuum Christianum: ut non secundum peccata nostra nobis supplicia inferas, sed, secundum magnam misericordiam tuam, veniam largiaris; atque versutias dolosque hæreticorum & malignorum, quorum futuras pœnas agnoscimus, subterfugere valeamus, æquitatem & justitiam veram custodientes. Per Christum.

PSALMUS XI. [sec. Hebr. XII.]

In finem & in Christum tendenti est

40 PSALMUS XI.

Psalmus iste David Prophetæ, pro octava ætate mundi, quæ erit dies judicii.

SAlvum me fac, Domine, à sæculi
hujus periculis : quoniam in hoc
mundo defecit sanctus * homo, cum pauci
sint boni; quoniam valde diminutæ sunt
istæ tres veritates, scilicet doctrina, vitæ, &
justitiæ, à filiis hominum, qui vani sunt.

Vana, falsa, & inutilia locuti sunt,
ad decipiendum, unusquisque ad pro-
ximum suum, * cui tamen tenentur be-
nefacere : labia dolosa habent, & bilin-
gues sunt : in corde et corde, videlicet
duplici corde, locuti sunt deceptores.

Disperdat Dominus, ut passim per-
eant, universa & singula labia dolosa *
ac fraudulenta : et disperdat etiam lin-
guam magniloquam superbiorum, altæ
de se loquentem.

Qui dixerunt arroganter : Linguam
nostram loquacitate vana magnificabi-
mus, atque jactantem extollemus : la-
bia facunda & ingenia nostra, non aliun-
de, sed à nobis ipsis habemus & sunt : *
ergo quis noster dominus est ? quasi di-
cant : nullus.

Pro-

PSALMUS XI. 41

Propter tollendam miseriam hominum inopum, qui egent mea ope, et propter gemitum ac fletum pauperum * in limbo inferni existentium, nunc in tempore gratiæ exurgam ad hos liberandos, dicit Dominus Deus Pater, & apparebo in Filio meo incarnato.

Ponam consolationem pauperum in Jesu filio salutari * meo : & potenter, fiducialiter, atque efficaciter agam omnia in eo, per eum liberando genus humanum.

Eloquia ipsa Evangelica Domini Christi sunt eloquia pura, casta, * & sincera, nulla labe corrupta, neque adulterata, sed verissima, sicut argentum purum ipso igne multipliciter examinatum, & probatum, à scrobibus terræ purgatum, quia septuplum ab omni impuritate perfectum.

Tu, Domine, cujus eloquia sunt casta, servabis nos hîc in presenti per gratiam; et custodies nos * in bono, à generatione hac perversa & prava hujus sæculi, in æternum gaudium futurum.

In circuitu vitiorum ac temporalium rerum, ubi nullus est finis, impii ac
ma-

42 PSALMUS XI.

*mali ambulant, * & tamquam rota voluntur : sed secundum altitudinem tuam & consilii tui, quod est incomprehensibile, multiplicasti electos filios hominum, ad participandum beatitudinem tuam.*

O R A T I O.

Concede nobis, Domine, secundum eloquia tua casta & Evangelica fiducialiter agere in hoc mundo naufrago, ubi diminutæ sunt veritates doctrinæ, vitæ, & justitiæ à filiis hominum. Ne disperdas nos, sed servare & custodire digneris; quoniam tota consolatio nostra sit in Jesu Christo salvatori nostro. Qui tecum vivit &c.

PSALMUS XII. [*sec. Hebr. XIII.*]

In finem Christum, ut liberet ab adversitatibus, Psalmus ipsius David Prophetæ.

Usq; quo & quamdiu, Domine Deus, oblivisceris me, subtrahendo gratiam? erit hoc usque in finem * & perpetuo? usque quo etiam avertis procul faciem tuam divinam à me peccatore?

Quamdiu ego ponam & volvam
con-

PSALMUS XII. 43.

*consilia diversa in anima mea * anxius?
quomodo liberabor de adversitate & mi-
seria? & quamdiu ponam dolorem pro
incolatu præsentis miseriae in corde meo?
certè per diem & singulos dies continuo.*

*Usquequo etiam exaltabitur & glo-
riabitur inimicus & calumniator meus
diabolus super me * peccatore, captivum
tenendo in peccatis? respice oculis mise-
ricordiae miseriā meam, et exaudi me
de tribulatione tanta liberando, Domine
salvator, Deus creator meus per gra-
tiam.*

*Illumina, Domine, oculos interiores
meos, qui sunt intellectus & affectus,
ne umquam de ceterò obdormiam ob-
stinatus in morte * peccati seu mortalis
culpæ; nequando in futuro iudicio dicat
gloriando & insultando inimicus meus
diabolus: Prævalui tentando adversus
eum, & devici.*

*Qui tribulant & vexant me tentatio-
nibus, scilicet diabolus & membra ejus,
exultabunt & letabuntur, si motus
fuero * à statu gratiæ in statum culpæ:
ego autem non movebor, quia in miseri-
cordia tua, quæ est magna nimis, spe-
ra-*

44 PSALMUS XII.

ravi, semper confidens ab iis tribulationibus liberari.

Exultabit cor meum, *letitia interiori*, in salutari tuo Jesu Christo, *quæ venit salvare mundum*: cantabo cordis *letitia* Domino, *ad laudem ejus*, qui bona, *tum spiritualia, tum temporalia necessaria*, tribuit mihi * *gratis*, *ultra id quod merui*; & psallam, *cum devota gratiarum actione*, nomini glorioso Domini Dei altissimi *in excelsis*.

ORATIO.

Ne obliviscaris nos, Domine, in finem, neque avertas faciem gratiæ tuæ in tribulationibus nostris: sed illumina, quæsumus, interiores oculos mentis nostræ, ut non obdormiamus in morte peccati; ne prævaleat calumniator noster diabolus, sed exsultet cor nostrum in salutari tuo Domino nostro Jesu Christo, cujus nomen altissimum sit benedictum in sæcula.

PSALMUS XIII. [sec. Heb. XIV.]

In finem, qui Christus est in lege promissus, quem in carne contemserunt Judæi, Psalmus iste dirigit nos: & est ipsius David Prophetæ.

Dixit insipiens *populus Judæorum* in corde suo * *perverso & incredulo*: *Hic homo Christus non est Deus verus.* [Infr. 52. 1.]

Corrupti sunt *cacitate infidelitatis*, et abominabiles ac reprobi facti sunt apud Deum in studiis & machinationibus suis * *dolosus*, quibus studebant quomodo Christum occiderent: non est qui faciat bonum, quia omnes peccavimus, & egemus gratia Dei: non est usque ad unum, quia omnes in primo parente transgressi sumus. [Rom. 3. 12.]

Dominus Deus Pater de coelo divinitatis prospexit, intendens super Judæos filios hominum * *rationabilium*; ut videat & videri faciat si quispiam eorum est intelligens divinitatem filii sui Christi, latentem in assumpta humanitate; aut si est aliquis requirens Deum, ut fide posset cognoscere.

Omnes Judæi declinaverunt simul à veritate, & inutiles facti sunt * *ad cognoscendum Christum*: & inter tales perfidos non est qui faciat bonum absente fide, non est usque ad unum.

46 PSALMUS XIII.

Sepulcrum *fœtidum* & patens, *exhalansque sermones pestiferos*, est guttur eorum *Judæorum*: linguis suis *adulando*, dolose agebant * *prava consilia adversus Christum*: venenum *mortiferum ipsorum aspidum & serpentum* est sub labiis eorum. [Supr. 5. 11. Rom. 3. 13.]

Quorum os *blasphemia* & *maledictione in Deum*, et amaritudine *in proximum* plenum est: * *prompti, expediti ac veloces sunt pedes* & *affectus eorum Judæorum*, ad effundendum sanguinem *Christi & suorum*. [Rom. 3. & seqq. Isai. 59. 7.]

Contritio, dolor, punitio, et infelicitas atque miseria est in viis atque operibus eorum *Judæorum*; et viam pacis, qui *Christus* est, non cognoverunt * *neque intelligere voluerunt*, obcecati *malitia*: quæ omnia ideo contigerunt, quia non est timor *sanctus Dei veri* ante oculos & in *præsentia* eorum.

Nónne cognoscent ultionem *venturam* omnes qui operantur *perseveranter iniquitatem* * *nunc sine timore*; qui devorant, seducunt, & occidunt plē-

PSALMUS XIII. 47

plebem meam electam Christianam, sicut quotidianam escam panis ? panis enim, quotidianus cibus est.

*Dominum Christum venientem in carnem non invocaverunt, * in illum credendo : & ideo illic trepidaverunt vano timore, sicut Pilatus timore Cæsaris, & Judæi timore Romanorum, ubi tamen non erat habendus timor.*

*Quoniam Dominus, qui justitias diligit, in generatione justa est, & non in eis qui diligunt sæculum : sed vos, Judæi, consilium Christi inopis contempsistis, & confudistis * humilem adventum ejus, quoniam Dominus Deus Pater spes sola ejus est.*

*Quis alius dabit ex Sion, de Judæis procedens, salutare, ut sit salvator Israël * populo fideli, ut veniat Euangelium salutis ? certe tunc cum averterit Dominus Jesus Christus captivitatem plebis suæ à jugo legis Mosaicæ, tunc exultabit Jacob de completa promissione Dei, et lætabitur atque gratias agat Israël cætus fidelium.*

ORA.

ORATIO.

Respice, Domine, de coelo sancto tuo, ut, viam pacis agnoscentes, ambulemus in timore sancto tuo: ut, hîc Jacob effecti, supplantatis vitiis, tandem veri Israëlitæ in coelesti Jerusalem inveniamur. Per Dominum nostrum.

PSALMUS XIV. [sec. Heb. XV.]

Psalmus iste est David Prophetæ, instructorius morum, & præsumptionis repressio.

Domine Deus, quis habitabit dignè & perseveranter in tabernaculo tuo * & Ecclesia militante, in quo sunt multi mali? aut quis requiescet post militiam & laborem in monte, ubi est visio pacis, sancto tuo, & in Ecclesia triumphante?

Qui ingreditur peregrinationem hujus vitæ sine macula * & labe mortalis culpæ; et operatur justitiam, bona videlicet opera, ac justa mandata Dei adimplendo.

Qui loquitur & prædicat veritatem Dei in corde suo * perfectio: qui non egit, ad decipiendum proximum, dolum

&

PSALMUS XIV. 49

& fraudem in lingua sua, aliud habens in ore, aliud in corde.

*Nec fecit aut machinatus est proximo suo aliquod malum * in facto; et opprobrium detractionis non accepit, gratum habens, adversus proximos suos, temerè calumniatoribus credendo.*

*Ad nihilum reputatus, & deductus est sine honore, in conspectu & reputatione ejus, homo malignus * qui obloquitur proximo: timentes autem puro corde Dominum ac verè virtuosos glorificat, honorat, gloriosos reputat.*

*Qui jurat fidem servando proximo suo firmiter, et non decipit, * neque seducit: qui pecuniam suam gratis proximo concessit, & non dedit illam ad usuram ut feneraretur; et munera injusta super innocentem, ut eum deprimeret vel causam retardaret, non accepit.*

*Qui facit & complet opere hæc * quæ dicta sunt, is non movebitur hic à statu gratiæ, nec in æternum à statu gloriæ: immò regnabit in patria.*

ORATIO.

Præsta, quæsumus, ut sine macula ingred-
D
dia-

50 PSALMUS XV.

diamur Ecclesiam tuam , & operemur iustitiam indefinenter , atque à dolis proximi , oppressiōibus , & usuris avertamur ; ut sic non excidamus à coetu filiorum Dei , neque abjiciamur à te vero Deo nostro Jesu Christo. Amen.

PSALMUS XV. [*sec. Heb. XVI.*]

Tituli triumphalis inscriptio & declaratio, attributa ipsi David , & Christo resurgenti : quum hic Psalmus agat de passione & resurrectione Christi.

Conserva (inquit Christus homo) me tuum filium , Domine Deus Pater , quoniam speravi in te * solo. Dixi Domino Patri : Deus meus es tu , & homo sum ego , quoniam bonorum meorum , qui fons es omnis boni , non eges ; sed ego potius tuo beneficio.

Sanctis & Apostolis viris , qui sunt in terra & Ecclesia sancta ejus * Dei Patris , mirificavit & mirabiles ostendit omnes & singulas voluntates meas ; eos illustrando lumine sapientiæ suæ , & predicationes in eis miraculis confirmando.

Multiplicatæ sunt apud Gentiles infir-

PSALMUS XV. 51

firmitates & cecitates idololatriæ eorum : * tamen postea, dimissis idolis, acceleraverunt, currendo velociter ad fidem Christi per prædicationem Apostolorum.

Non congregabo amplius conventicula eorum, Gentium, & delubra idolorum, ut inde fiat sacrificium de sanguinibus * animalium : nec memor ero amplius nominum eorum, quòd sint filii carnis & iræ : sed per labia mea vocabuntur Christiani & filii Dei.

Dominus Pater est pars, portio, & premium hereditatis meæ, videlicet sanctorum, qui sunt hereditas mea : & etiam Dominus est pars, premium, et merces calicis mei * & passionis meæ : tu, Pater, es qui, per meritum crucis meæ, restitues olim perditam hereditatem meam jam mihi debitam, fideles inquam qui per peccatum perierant.

Funes, quibus dividuntur hereditatum possessiones, ceciderunt mihi quasi sorte in præclaris * & electis hominibus : etenim hujusmodi hereditas mea, quæ est Ecclesia fidelium, præclara & prædilecta est mihi per abundantiam

52 PSALMUS XV

gratia & sanctitatis.

Benedicam Dominum Patrem, *gratias* agendo, qui tribuit mihi & *membris meis mihi conjunctis* intellectum * *suae divinitatis* : insuper et usque ad noctem & mortem crucis increpuerunt me vexando injuriis & blasphemis renes mei, qui sunt Judaei, ex quibus secundum carnem natus sum.

Providebam & aspiciebam Dominum existentem in conspectu meo semper, * *ut omnia juxta voluntatem suam agerem* : quoniam Dominus à dextris est mihi favens ac propitius, ne commovear injuriis Judaeorum. [Actuum 2. 25.]

Propter hoc adjutorium divinum, lætatum est cor meum gaudio interiori, et exultavit in verbis lingua mea * gaudio exteriori : insuper etiam et caro mea non deficiet post mortem, sed requiescet in sepulcro sine putrefactione per triduum, in spe resurrectionis futurae.

Quoniam tu, Deus meus, non derelinques morte communi animam meam humanam in inferno, * *ubi descendet ad liberandum sanctos* ; nec dabis aut
pa-

PSALMUS XV. 53

Patieris corpus meum, quod est sanctum tuum à te sanctificatum, videre corruptionem & putrefactionem. [Act. 2. 31. 13. 35.]

Notas mihi & meis fecisti, Domine Pater, vias vitæ, ut in mandatis tuis ambulemus: adimplebis me & meos lætitia spirituali cum vultu tuo, de fruitione divinitatis: & delectationes erunt mihi in dextera tua, posita facie ad faciem, & hoc usque in finem, æternaliter.*

ORATIO.

Conserva nos, Domine, sperantes in te, ut simus portio hereditatis tuæ: & notas nobis facito vias vitæ, ut lætitia resurrectionis à dextris tuis cum omnibus sanctis lætemur. Per Dominum nostrum Jesum Christum.

PSALMUS XVI. [sec. Heb. XVII.]

Oratio ista est Christi ad Patrem pro se, qui est Caput & Ecclesia, quod est membrum signati per David, qui manu fortis & desiderabilis interpretatur.

EXaudi, Domine Deus, justitiam meam, * qua tibi usque ad mortem obediens fui: intende & ausculta ad deprecationem meam, liberando me à malis.

Auribus clementiæ tuæ percipe veram orationem meam, * quæ est de bonis adipiscendis, factam quidem non in labiis dolosis, sicut illi dicunt & non faciunt voluntatem Patris.

De vultu & aspectu tuo divino iudicium meum, quo judicatus sum à Pilato, prodeat * in publicum ad notitiam omnium gentium: & oculi tui, iudicando inter me & illos, videant æquitates, retribuendo mihi gloriam resurrectionis, & Judæis pœnam condignam suæ iniquitatis.

Probasti cor meum utrum tibi obediens forem usque ad mortem, et visitasti nocte * tribulationis; & igne acerbissimæ passionis me examinasti, ceu metallum igne probatur: et tamen non est aliqua inventa in me justo iniquitas, quia semper humilis & obediens fui.

PSALMUS XVI. 55

Ut non loquatur neque proferat os meum nisi quod ad tuam gloriam pertineat, & non opera hominum, * quæ vana sunt & præsumtuosa; propter verba prophetica labiorum tuorum adimplenda de redemptione generis humani, ego custodivi laboriosas vias & duras, paupertatis scilicet, mortalitatis, & passionis.

Perfice, Domine, gressus & actus meos, quibus in hoc mundo ceu quibusdam pedibus ambulamus; & hoc in semitis & mandatis tuis * adimplendis: ut non moveantur retrorsum vestigia mea, qui scilicet me imitantur itinere recto ad patriam cœlestem.

Ego clamavi valida intentione; & quoniam confidentiam habui impetrandi, exaudisti me, Deus * meus: inclina aurem tuam misericordie mihi humili, et exaudi verba mea quæ sequuntur.

Mirifica per passionem Filii tui misericordias tuas, * reconciliando tibi humanum genus deperditum, qui salvos facis in æterna beatitudine sperantes in te & tua gratia.

56 PSALMUS XVI.

A resistantibus *Judæis* dexteræ & majestati tuæ , qui sum dextera tua, per quam facta sunt omnia , custodi me * secundum humanitatem , ut pupillam oculi , quæ tenerrimè custoditur.

Sub umbra & munimento alarum tuarum misericordiæ & caritatis , protege me * & meos à facie & præsentia impiorum *Judæorum* , qui me afflixerunt usque ad mortem crucis.

Inimici mei *Judæi* animam & vitam meam circumdederunt gladiis & fustibus , volentes me perdere : adipem suum & viscera misericordiæ concluderunt , * persequendo me : & os impudens eorum *Judæorum* locutum est contra me superbiam , dicentium : Ave , rex *Judæorum*.

Projicientes extra civitatem me ad crucifigendum , nunc & tunc circumdederunt cum furore me , * in cruce deridentes : & hoc ideo , quia oculos suos invidos statuerunt non elevare ad Deum , sed declinare in terram suam & gentem ; ne fortè venirent *Romani* ut tollerent locum & gentem , si Christum non occiderent.

PSALMUS XVI. 57

Susceperunt me principes *Judaorum*
 à *Pilato* , sicut leo famelicus paratus ad
 prædam * devorandam ; et populus reli-
 quus *Judaorum* sicut catulus leonis,
 assentiens principibus sacerdotum , habi-
 tans & permanens in abditis insidiis,
 fremens more ferarum contra Christum,
 ut perderent justum.

Exurge ad vindictam , Domine
 Deus , quem dormire arbitrantur , &
 præveni eum populum *Judaicum* exca-
 cando in malitia sua ; et ita supplantata
 ac subverte eum , * ut locum & gen-
 tem perdat : eripe animam meam , re-
 suscitando eam à morte , quæ mihi ab
 impio populo irrogata est : frameam
 tuam & animam meam , qua usus es
 teu framea ad debellandum diabolum,
 hanc inquam , erue ab inimicis manus
 & virtutis tuæ.

Domine Deus , à paucis justis & ele-
 ctis de terra viventium divide & sepa-
 ra eos , per diversa loca dispergendo in
 captivitatem in vita eorum, quamdiu vi-
 vant : * & de absconditis tuis , quasi
 peccata eorum tibi absconderentur , ad-
 impletus est adeò venter eorum , ut
 obli-

38 PSALMUS XVI.

obliviscantur Deum.

*Saturati sunt vitiis & peccatis , tamquam filii * quæ ipsi sibi genuerunt : et dimiserunt in hereditatem reliquias suas maledictionis parvulis & posteris suis , clamantes : Sanguis ejus super nos & super filios nostros.*

*Ego autem Christus , cum victoriæ triumpho , in justitia tua divina apparebo , devicta morte , conspectui tuo , * cum ad te assumtus fuero : & ego satiabbor salute generis humani , cum appa-ruerit in sanctis electis meis gloria tua æterna , quia ipsi in me , ego in illis tecum.*

ORATIO.

Domine Jesu Christe , qui salvos facis sperantes in te , cujus crux salus universorum est : custodi nos peccatores ut pupillam oculi , atque sub umbra alarum tuarum , quæ sunt misericordia & caritas , protege nos ; ut , examinati divino igne , tandem in justitia tua appareamus conspectui tuo , cum venerit gloria tua in electis : quia tu es benedictus in sæcula sæculorum. Amen.

PSALMUS XVII. 59

PSALMUS XVII. [sec. Heb. XVIII.]

In finem , *videlicet Christum*. *Conveniunt hæc* puero Domini Dei , filio David *secundum carnem* , qui locutus est *Christus* Domino Deo Patri verba canticum huius *agentis de lætitia resurrectionis Christi* , in die qua eripuit & liberavit eum Dominus Pater cum suis fidelibus de manu & potestate omnium inimicorum ejus ; *videlicet Judæorum quantum ad Christum , & demonum quantum ad membra* ; et de manu Saul , hoc est , *mortis æternæ*. Loquitur ergo hîc *Christus & Ecclesia* : id est , *totus Christus , caput & corpus*.

Diligam te *toto corde meo* , Domine Deus , quia tu es fortitudo mea * *contra insultus inimicorum* : Dominus Deus etiam est firmamentum meum *ut tolerem adversa constanti animo* , et refugium meum *in periculis* , et liberator meus *de morte inferni*.

Deus meus , qui me creasti , adjutor ac cooperatus meus * *in bono* : et ideo sperabo in eum , per quem salvabor , &

60 PSALMUS XVII.

non in alium. [Hebr. 2. 13.]

Protector meus *contra insurgentes hostes*, et cornu firmum salutis meæ * *ad dissipandos inimicos*, et susceptor meus *per gratiam*.

Laudans, *non meam, sed Dei gloriam*, invocabo Dominum * *cum devotione cordis*: et sic, ejus adjutorio, ab inimicis meis, *tam carnalibus, quàm spiritualibus*, salvus ero, *cùm omnis qui invocaverit nomen Domini salvus erit*.

Circumdederunt me *agminatim dolores mortis*, * *quum mors invidia diaboli intravit in orbem terrarum*: et torrentes ac fluxus iniquitatis, *cum impetu venientes in mundum*, conturbaverunt me *sua inundatione malorum*.

Dolores inferni & *invidiæ, quæ ducunt ad infernum*, circumdederunt me * *innocentem*: & præoccupaverunt me *ad nocendum etiam laquei mortis, qui sunt reatus originalis culpæ*.

(*) In hac tanta tribulatione mea & *pres-*

(*) Ab hoc versu usque ad finem, omnia verba possunt transferri & in præterito, & in futuro, & in præsentì.

PSALMUS XVII. 61

pressura , invocavi adiutorem Domi-
num , * qui est unicum solum remedium
inter mala: et ad Deum Patrem meum,
pro liberatione generis humani , clamavi
indefinenter.

Et exaudivit Deus Pater de templo
sancto suo , de cœlo gloriæ in quo habi-
tat , vocem meam * humilem ac ju-
stam : et clamor meus indefessus , pro
mundi salute in conspectu ejus factus,
introivit in aures potentiæ & clemen-
tiæ ejus.

Commota est incarnationis tempore,
et contremuit per prædicationem Chri-
sti & Apostolorum ipsa terra , * & pecca-
tores terrenis dediti , & etiam in corde
per pœnitentiam : fundamenta mon-
tium ac præsumptiones superbiorum in di-
vitiis & honoribus mundi conturbata
sunt etiam et commota sunt ab eorum
arrogantia , quoniam Dominus iratus,
est eis propter peccata.

Ascendit lacrimosa deprecatio pœni-
tentium , quæ est fumus gratus Deo , in
ira ejus , cum novissent quid minatur
Deus ; et , post pœnitentiam , ignis cha-
ritatis & amoris à facie ejus & notitia

Do-

62 PSALMUS XVII.

*Domini nostri exarsit, * & ardere cœpit:
& ita carbones extincti & mortui fuc-
censi sunt, & illuminati revixerunt ab
eo igne charitatis.*

*Inclinavit & humiliavit cœlos, &
altitudinem potentiae atque sapientiae
suae, et statim descendit * Christus in
carne, formam sibi accipiens: et caligo
diabolus, qui hominum mentes obnubi-
lat, est sub pedibus & potestate ejus
Christi salvatoris.*

*Et post resurrectionem ascendit Chri-
stus super Cherubim & omnem angeli-
cam celsitudinem, et volavit * longe in
altum: volvit, inquam, super pennas
ventorum, rapiens se ab intellectu nostro.*

*Et posuit mysterium suae incarnatio-
nis tamquam tenebras, quia divinita-
tem suam carnis nube contexit, quae est
latibulum suum & secretum majestatis
suae: in circuitu ejus est Ecclesia mili-
tans, quae est tabernaculum ejus, *
quia in illa habitat: tamen tenebrosa
& obscura est aqua & scriptura inun-
dans Ecclesiam in nubibus aëris & pro-
phetis obnubilantibus: videmus enim
nunc per speculum in enigmate.*

Præ

PSALMUS XVII. 63

Præ fulgore, à claritate quæ est in conspectu & cognitione ejus Christi, nubes, qui Apostoli sunt elucidantes verbum Dei, transfierunt * per mundum, ut grando, objurgando, & dura corda feriendo; et etiam ut carbones ignis, humana corda igne caritatis & fidei accendendo.

Et intonuit per ora justorum de cœlo Dominus, ut audiremus cœlestia: et altissimus per Apostolos dedit atque euangelizavit vocem & voluntatem suam * divinam per verba comminationis, quæ sunt grando in turbinibus malorum; et per præmia justorum, quæ sunt carbones divini ignis & amoris.

Et misit Apostolos suos tamquam sagittas suas, volantes & strenuè annuntiantes voluntatem Dei; et dissipavit atque dispersit eos * ad quos missi sunt, quia aliis fuerunt odor vitæ in vitam, aliis odor mortis in mortem: fulgura & miracula coruscantia multiplicavit per Apostolos, et per illa conturbavit eos ad pœnitentiam.

Et tunc apparuerunt veritates prædicantium Evangelia, quæ sunt fontes aqua-

64 PSALMUS XVII.

aquarum * salientium in vitam eternam, unde bibimus omnes: et tunc revelata sunt atque intellecta dicta Prophetarum, quæ sunt fundamenta super quæ stabilitur orbis terrarum.

Ab increpatione tua facta peccatoribus, Domine, * per verba prædicationum, conversi sunt in bonum, & ab inspiratione atque doctrina spiritus iræ tuæ comminantis & verendæ.

Misit (Ecclesia loquitur) de summo cælo Pater Christum salvatorem, et accepit me * in sponsam, et assumpsit me in hereditatem de aquis multis in baptismo.

Eripuit & liberavit me sponsam suam de inimicis & persecutoribus meis fortissimis & crudelibus, affligentibus populum Christianum, et ab his hæreticis qui oderunt me * & nomen meum: quoniam confortati sunt, & , potentiores effecti super me, quasi vincere possunt.

Prævenerunt me insidiis in die & tempore afflictionis & persecutionis meæ, * quando martyres trucidabant: et tunc factus est Dominus Deus protector

PSALMUS XVII. 65

Aur meus, ne succumberem.

*Et eduxit me, de angustia tribulationis, in latitudinem * consolationis & bonæ spei: saluum me fecit, dando perseverantiam, quoniam voluit & elegit me gratis.*

*Et retribuet mihi Dominus gratiam pro gratia, secundum justitiam & bonam voluntatem meam, * quam ipse in me operatus est; & secundum puritatem & innocentiam manuum mearum atque meorum operum bonorum, retribuet mihi, qui dedit ut facerem.*

*Quia custodivi perseveranter vias Domini, * quæ sunt dilectio Dei & proximi; nec impiè gessi, recedendo per peccatum à Deo meo.*

*Quoniam omnia divina judicia ejus, quæ sunt præmia justorum, & flagella impiorum, sunt in conspectu meo * semper; et justitias atque mandata ejus, quæ jussit, non repuli à me, immò complevi.*

*Et ero in æternum immaculatus cum eo: * qui enim adhæret Deo, unus spiritus est cum eo: et observabo atque præcavebo me ab iniquitate mea, ne recidivem.*

E

Et

66 PSALMUS XVII.

Et retribuet mihi Dominus *mercedem* secundum justitiam, *quam* meam* dico, non à me, sed per gratiam; et secundum puritatem manuum ac operationum mearum, quæ semper sunt in conspectu oculorum & divinitatis ejus *præsentialiter*.

Cum sancto homine conversando, sanctus eris,* propter ejus vitam & exempla: et cum viro innocente, qui vitam suam non corrumpit vitiis, innocens etiam & tu eris, ejus vestigia imitando.

Et, cum electo atque prædestinato ad vitam aternam, electus eris,* eum imitando: et, cum perverso in vita & moribus, pervertêris malis ejus exemplis.

Quoniam tu, Domine, populum humilem, pœnitentiam agentem, salvum facies* in die judicii; et oculos arrogantes superbiorum, qui magni sunt in oculis suis, humiliabis in tartari profundo.

Quoniam tu illuminas, in tenebris hujus vitæ, lucernam & animam meam intellectualem, Domine;* Deus meus, illumina per tuam gratiam tenebras meas, & ignorantias cordis mei.

Quoniam in te, per te, & non per me,

PSALMUS XVII. 67

me, eripiar & liberabor à tentatione *
diaboli: et in Deo meo atque virtute
 ejus transgrediar murum, vitiorum con-
 geriem superando.

Deus meus talis est quidem, ut im-
 polluta atque immaculata sit via ejus:
 insuper eloquia Domini sunt purissi-
 ma, ut argentum splendida, igne cari-
 tatis examinata * & probata: etiam
 protector est Dominus omnium homi-
 num sperantium in se & ipsius miseri-
 cordia.

Quoniam quis Deus est alius præ-
 ter Dominum? * aut quis Deus est
 adorandus præter Deum nostrum Chri-
 stianorum? quem ritè colimus: quum o-
 mnes dii Gentium, demonia sint.

Deus, qui armavit & præcinxit
 me, ut fortis sim, in virtute * sua,
 ad pugnandum contra diabolum; et po-
 suit atque custodivit immaculatam à
 labe peccati viam & vitam meam.

Qui perfecit & direxit pedes &
 affectus meos in via Dei agiles, tam-
 quam cervorum, * ad transilienda, sine
 læsione, spinosa & umbrosa hujus sæcu-
 li; et super excelsa cœlestia statuens

68 PSALMUS XVII.

me & cor meum.

Qui docet & fortificat manus meas ad prælium, * in expugnatione diaboli: et posuisti atque firmasti ut arcum æreum inflexibilem brachia mea, dando constantiam ad bene operandum. [2. Reg. 22. 35.]

Et dedisti mihi, in fortitudinem animæ meæ, protectionem salutis tuæ: * et dextera tua, favor gratiæ tuæ, suscepit me, tamquam medicus egrotum.

Et disciplina tua, tribulationes nempe temporales à te immissæ, correxit me, ne deviem, sed in finem * illum tendam ubi cohæream tibi: et disciplina tua ipsa utique me docebit pervenire quò direxit: quia à Deo inflictæ vexatio instruit intellectum.

Dilatasti & latè extendisti gressus meos & carnales affectus subtus me, * quia ratio illis pravalet: et ideo non sunt infirmata in tribulationibus mundi vestigia & opera mea, quæ sunt signa bonarum affectionum.

Persequar inimicos & affectus meos carnales, et comprehendam illos, * priusquam progrediantur in actum: et
non

PSALMUS XVII. 69

*non convertar ab hac intentione, donec
deficiant mortificati.*

*Confringam illos spiritus malignos
& motus carnales: nec poterunt sta-
re * & perseverare adversus me, sed
cadent tua virtute subtus pedes meos,
& vincentur.*

*Et hoc est ex eo quia præcinxisti &
armaſti me virtute gratiæ tuæ ad bel-
lum * contra peccata, et ſupplantaſti
tu, non ego, adverſarios inſurgentes in
me, & contra me, ſubtus me; ut dia-
bolus, mundus, & deſideria carnis non
dominentur mihi.*

*Et inimicos meos, Judeos, (inquit
Chriſtus) dedisti mihi quaſi dorſum, *
quum ipſi me perſequerentur: et odien-
tes me perſeſeranter diſperdidisti per
univerſum orbem.*

*Clamaverunt in ea perditione ſua; nec
erat qui ſalvos faceret eos, quum non ſit
alius præter te: ad Dominum*, inquam,
clamaverunt, nec tamen exaudivit eos
obſtinatos in malitia.*

*Et comminuam & confringam eoſ
ad nihilum, ut pulverem qui ante fa-
ciem venti * ſemper movetur & ſpargi-*

70 PSALMUS XVII.

tur : atque ut vilissimum lutum platearum, quod ab omnibus conculcatur, delebo eos obstinatos Judæos.

*Eripies me, Deus Pater, de contradictionibus populi * Judaici, qui veritati tuæ & mihi contradicunt : & constitues me, ereptum ab illis perfidis, in caput, ut sim rector gentium infidelium quæ Christianismum amplexabuntur.*

*Populus per orbem terrarum, quem non cognovi neque visitavi in lege aut Prophetis, servivit mihi, * credendo & colendo : &, licet me non viderit, tamen in auditu auris, prædicato Euangelio, obedivit mihi credendo.*

*Filii olim electi mei, sed nunc facti alieni, quia filii diaboli, mentiti sunt mihi, * blasphemantes contra me : & ipsi filii alieni Judæi inveterati sunt & obstinati in suis erroribus, et claudicaverunt uno pede, quia Vetus Testamentum & non Novum receperunt : unde erraverunt à semitis suis, à lege, & Prophetis, sequentes litteram, & non spiritum.*

Vivit Dominus in me sua præsentia, et benedictus atque laudandus sit Deus

PSALMUS XVII. 71

*pater meus * per ora fidelium , et exaltetur atque dominetur toti orbi per fidem Deus auctor salutis meæ.*

*Deus , tu es qui das de inimicis meis vindictas mihi ad ulciscendum , et subdis populos gentium sub me , * ut obediunt fidei : certe tu es liberator meus de inimicis meis impiis , iracundis , valde furentibus in persecutione mea.*

*Et ab persecutoribus insurgentibus in me , ut noceant , exaltabis me , * quia pertuli & vici injurias : à viro iniquo , qui potens est ad malum , eripies atque liberabis me.*

*Propterea ob has causas confitebor tibi confessione laudis in nationibus omnibus , Domine * omnium ; et nomini tuo , tum voce , tum opere , psalmum dicam , glorificando. [2.Regum 22. 50. Rom. 15. 9.]*

*Magnificans & ostendens toti orbi salutes mirabiles regis Christi filii ejus, Patris videlicet , quas rex Christus in humano genere operatus est , qui est salus credentium ; et ipse Deus Pater est faciens misericordiam Christo filio suo Domino nostro, qui est David * manu for-*

72 PSALMUS XVIII.

tis, et femini ejus, omnibus in eum credentibus, quod per Euangelium genuit, usque in sæculum & sine fine.

ORATIO.

Protektor noster Deus, & cornu salutis nostræ, fortitudo, firmamentum, & unicum refugium nostrum: salva nos ab inimicis, tam visibilibus, quàm invisibilibus, & educ nos de angustia tribulationis in latitudinem consolationis & bonæ spei. Illumina quoque tenebras cordis; ne, inveterati in peccatis, claudicemus à semitis tuis, & aberremus à vero lumine, qui CHRISTUS est benedictus in sæcula. Amen.

PSALMUS XVIII. [*sec. Heb. XIX.*]

In finem & in Christum, qui est finis consummationis, Psalmus ipsius David Prophetæ.

COELi & ipsi Apostoli, cælesti doctrina imbuti, enarrant sua predicatione gloriam & majestatem Dei* Christi, in qua est equalis Patri: et opera atque facta manuum & virtutum ejus, quæ secundum hominem gessit, videlicet nativitatem, passionem, &

PSALMUS XVIII. 73

& mortem, annuntiat firmamentum Apostolorum, qui firmati sunt Spiritu Sancto, & solidati in fide & caritate.

Dies cœlestis & illuminans doctrina, diei genti Christianæ electæ per gratiam, eructat mysteria divina, atque edocet verbum * incarnatum, videlicet Christum: et nox, quæ est prudentia ceca humana, nocti atque homini ambulanti in tenebris, indicat, non sapientiam spiritualem, quæ est de divinis, sed scientiam humanam, vanam, & animalem.

Non sunt neque fuerunt loquelæ & genera dicendi, neque sermones * aut idiomata mundi, quorum per Euangelii prædicationem non audiantur aut intelligerentur voces & annuntiationes eorum Apostolorum de Christo: quia prædicabant linguis omnium gentium.

In omnem terram, à solis ortu usque ad occasum, exivit à Jerusalem sonus & prædicatio eorum * Apostolorum, et in fines orbis & ambitum terræ ipsius verba divina Christum annuntiantia eorum Apostolorum. [Rom. IO. 18.]

In sole & lumine totius mundi, quia
fa-

74 PSALMUS XVIII.

*factus homo visibilis , posuit Christus tabernaculum & corpus suum * assumptum ex Virgine: et ipse, tamquam sponsus Ecclesie , toties promissus per prophetas , fuit procedens in mundum de thalamo suo , de intacto utero virginali.*

*Exultavit , quia non invitus , sed ultro , ut gigas fortissimus ad currendam viam , * quam suscepit pro redemptione generis humani. A summo cœlo, videlicet à Patre per æternam generationem , egressio ejus in mundum, factus homo. [Luc. 24. 46.]*

*Et occursum atque egressio ejus , in sua ascensione , fuit usque ad summum ejus , * quia sedet ad dexteram Patris: nec est homo qui se abscondat à gratia & calore spiritus ejus , quum electorum suorum corda accendit & illuminat.*

*Lex Domini Evangelica immaculata est , munda , ac pura , omne malum excludens , convertens animas * de malo ad bonum: testimonium Domini in Evangelio promissum fidele est , verax, & ineffabile , sapientiam divinam præstans parvulis , simplicibus & humilibus.*

Jus

PSALMUS XVIII. 73

Justitiæ Christi Domini Dei nostri rectæ sunt (quia, sicut docuit, sic & fecit), lætificantes spe præmii etiam corda * credentium: præceptum Domini, Novum videlicet Testamentum, lucidum est, quum in eo veritas revelata sit, illuminans interiores & mentales oculos hominis.

Timor Domini filialis ex amore procedens sanctus est, permanens in æterna beatitudine, & numquam in sæculum sæculi * excidens: judicia & mandata Domini, tum in Veteri tum in Novo Testamento scripta, vera sunt, neminem fallentia, & justificata, non aliena auctoritate, sed in semetipsa immutabili veritate perseverantia.

Desiderabilia sunt mandata Novi & Veteris Testamenti super aurum atque omnes divitias mundi, et super lapidem pretiosum, pascentem oculos multum * vana oblectatione: et etiam dulciora sunt devotis mentibus super mel & omnem dulcedinem mundi, etiam et super favum, quia ad gloriam perducunt æternam.

Etenim verè dulcia sunt, quia fervus

76 PSALMUS XVIII.

*us tuus, verus Christianus, devotè ac perseveranter custodit ea, * operibus adimplendo; quia scit quòd, in custodiendis perseveranter illis mandatis, sequetur retributio inestimabilis & multa nimis, quia vita aeterna.*

*Delicta omnia, quæ plurima sunt, quis hominum intelligit & cognoscit? nullus certe, nisi tu, qui omnia nosti: quocirca ab occultis peccatis meis oblitus & ignoratis munda me, * illa remittendo; et ab alienis peccatis, quæ suadentibus malignis spiritibus aut hominibus commisi, parce servo tuo, tu cui proprium est misereri, & parcere, & salvare.*

*Si mei inimici, qui sunt tum internorum externa tentatio, non fuerint dominati & prevalentes super me; tunc immaculatus & purus ero * à labe criminali, et tunc emundabor perfectè à delicto maximo, quæ est infidelitas, apostatare à Deo.*

*Et tunc erunt, post perfectam mundationem, ut complacent tibi & accepta habeas eloquia, orationes & laudes oris mei * gratias agentis; et medi-*

ta-

PSALMUS XIX. 77

Oratio interna cordis mei jam mundi grata & accepta erit in conspectu tuo divino semper, quia conscientiam puram desideras.

*Domine, esto adjutor & cooperator meus * in bonis agendis, et redemptor meus ab iniquitate mea.*

ORATIO.

Deus, qui, virginali thalamo egressus, rursus ad Patris dexteram conscendisti: immensam tuam misericordiam exposcimus, ut, lege tua Evangelica conversi, mandatis illuminati, testimoniis eruditi, in timore tuo sancto permanentes; à peccatis, tam occultis, quàm alienis, nos emundare digneris JESUS CHRISTUS, Dominus noster. Amen.

PSALMUS XIX. [sec. Heb. XX.]

In finem Christum Psalmus ipsius David Prophetae, ubi describitur divinitas Christi sacerdotalis & regalis.

EXaudiat te, ò Christe, Dominus Pater in die passionis & tribulationis * tuae, in qua ceu sacerdos offerres

res ei hostiam pro nobis : protegat te immortalitate nomen Dei ipsius Jacob, qui praefiguratur populum Christianum minorem.

Mittat tibi & tuis Pater auxilium suum de sancto * Spiritu ; et de Sion atque divinitate sua, per quam speculatur omnia, tueatur te & Ecclesiam suam.

Memor sit Ecclesia omnis sacrificii tui * & totius passionis tuae, quam pro nobis pertulisti : et holocaustum tuum, quod obtulisti Deo Patri pro peccatis nostris, pingue fiat, placitum, & acceptum Deo in reconciliationem.

Tribuat tibi Deus Pater secundum cor & desiderium tuum, * per efficaciam passionis tuae ; et omne consilium tuum impleat atque confirmet : ut, quia cecitas ex Israël facta est, plenitudo gentium intret.

Lætabimur nos in salutari tuo * atque in salute à te nobis collata : et in nomine Dei nostri Jesu Christi magnificabimur, cum à tuo nomine dicti simus Christiani.

Impleat Dominus Pater omnes petitiones tuas, * quibus in caelo interpet-
las

PSALMUS XIX. 79

las pro nobis : nunc , per prophetiam , cognovi , & mihi demonstratum est , quoniam saluum fecit & resuscitavit à mortuis Dominus Pater Jesum Christum filium suum.

*Exaudiet illum Christum Deus Pater de cœlo sancto suo , * ubi interpellat pro nobis : & in potentatibus nostris est salus dexteræ ejus Christi , cùm nos potentes simus ex auxilio gratiæ ejus.*

*Hi in curribus & volubili temporalium successione trahuntur , et hi in equis * efferuntur terrena dignitate : nos autem , in supernis spem figentes , in nomine Domini Jesu Christi Dei nostri invocabimus divinam clementiam.*

*Ipsi reprobi , obligati & illaqueati sunt funibus peccatorum , & temporalium cupiditate , et de spe cœlesti ceciderunt * in mortem æternam : nos autem , per Dei gratiam , surreximus de peccatis & morte , et erecti sumus in spem veniæ ad divina & cœlestia contemplanda.*

*Domine Deus Pater , saluum fac regem * Christum , ipsum resuscitando à mortuis ; et exaudi nos per eum in die*

80 PSALMUS XX.

*necessitatis nostræ , qua invocaverimus
te : quia quicumque invocaverit nomen
Domini salvus erit.*

O R A T I O.

Exaudi nos , Domine , de cœlo sancto
tuo , & imple omnes petitiones nostras,
tu qui es salus dexteræ nostræ : ut , erecti
in spem veniæ de peccatis , quibus obligati
& illaqueati fuimus , surgamus in nomine
Domini nostri JESU CHRISTI Dei no-
stri, de cujus passione affligamur , ac resur-
rectione lætemur. Qui cum æterno Patre
& Spiritu Sancto vivit & regnat Deus per
omnia sæcula sæculorum. Amen.

P S A L M U S XX. [*sec. Hebr. XXI.*]

*In finem & Christum , qui est finis &
completio legis , Psalmus iste est David
Propheta.*

Domine Deus Pater , in virtute
tua & omnipotentia majestatis
tue lætabitur Christus rex * regum : et
super salutare tuum , quod per te sal-
vator est generis humani , exultabit ve-
hementer , quod divinitas humanitati
conjuncta est.

De-

PSALMUS XX. 81

Desiderium cordis ejus de mundi
redemptione tribuisti ei, * concedendo
ut hoc sicut vellet adimpleret; et volun-
tate desiderata labiorum atque petitio-
num ejus non fraudasti eum : omnia
enim adimpleta sunt, & Euangelium à
gentibus receptum.

Quoniam prævenisti eum, ut non
esset sub maledictione Adæ, in benedi-
ctionibus & charismatibus dulcedinis, *
quia totum fuit ex gratia; & posuisti
super omnes creaturas in capite ejus co-
ronam, in signum regie dignitatis, de
lapide pretioso, quæ est Ecclesia electo-
rum.

Vitam gloriæ in sua resurrectione pe-
tiit à te, * dicens: Pater, clarifica filium
tuum; et tribuisti ei gloriam in resurre-
ctione, etiam longitudinem dierum de-
disti, ut mors illi amplius non domina-
retur, usque in sæculum, perenniter, et
in sæculum sæculi, sine fine.

Magna est gloria & claritas nominis
ejus Christi hominis, in salutari tuo, *
atque in salute qua eum resuscitasti:
gloriam divinam et magnum deco-
rem atque inestimabilem impones super
F cum,

82 PSALMUS XX.

eum , collocando ad dexteram tuam.

Quoniam dabis eum Christum credentibus in benedictionem , ut in ipso benedicantur omnes gentes , in sæculum sæculi , * nunc & semper : lætificabis eum secundum hominem in gaudio, cum adunata fuerit multitudo electorum, cum vultu tuo divino , quando eris omnia in omnibus.

Quoniam rex homo Christus sperat, non in se, sed in te Domino * Deo Patre ; et in misericordia altissimi , cooperante gratia Patris , non commovebitur , sed stabit obediens usque ad mortem crucis.

Inveniatur ergo, ò Christe , manus & potestas tua, cum ad iudicium veneris puniendo peccato, omnibus inimicis tuis, * qui tibi credere noluerunt : & dextera tua , potentia & majestas gravius puniens , inveniatur omnes prævaricatores, qui te oderunt pertinaciter , mandata tua non adimplendo.

Pones eos reprobos , ut ardeant , ut clibanum ignis , qui præparatus est diabolo & angelis ejus, in tempore vultus & iudicii tui * extremi : Dominus
Chri-

PSALMUS XX. 83

Christus in ira & vindicta sua conturbabit proferens contra eos sententiam damnationis, et devorabit eos aeternaliter affligendo ignis gehenna.

*Fructum eorum, quem habuissent de terra viventium, si credidissent Christo, perdes, * quia contumaci spiritu restiterunt: et semen eorum, quod seminaverunt per opera pravè vivendo, segregabis à filiis hominum & electis tuis, qui aeterna fruuntur beatitudine.*

*Quoniam declinaverunt & detorserunt in te Christo mala, * dicentes: Daemonium habes; & cogitaverunt consilia maligna, ut nomen tuum delerent de terra, quæ tamen non potuerunt stabilire, quia non est consilium contra Dominum.*

*Quoniam, avertendo faciem misericordie, pones eos dorsum, * dejiciendo in infernum; in reliquiis & angelis tuis malis, qui à te sunt derelicti, præparabis & dabis vultum & præsentiam eorum damnatorum, quum dicetur: Ite, maledicti, in ignem aeternum.*

*Exaltare, Domine, in majestate & virtute tua * divina resurrectionis & a-*

84 PSALMUS XXI.

*scensionis: cantabimus ore, et psalle-
mus opere, atque annuntiabimus virtu-
tes tuas, & mirabilia quæ gessisti.*

O R A T I O.

Benedic nos, Domine, benedictione
dulcedinis; ut laudes tuas fideliter cante-
mus, atque opere nostro mandata tua im-
pleamus, & tandem consequamur longi-
tudinem dierum æternorum in salutari tuo
CHRISTO Domino nostro, cujus magna
est gloria in sæcula sæculorum. Amen.

PSALMUS XXI. [sec. Hebr. XXII.]

*In finem Christum, de cujus passio-
ne agit hic. Psalmus ipsius est David
Propheta, pro susceptione & resurre-
ctione Christi matutina, quæ valde manè
facta est.*

DEus, Deus meus, (loquitur
Christus homo) respice in me
pendentem in cruce: quare me dereli-
quisti * in manibus Judæorum? cæterum
quod longe factus sum à salute mea
corporali, hoc exigebant verba & cla-
mores delictorum membrorum meorum,
postulantium salvari per mortem meam.

Deus,

PSALMUS XXI. 85

Deus, pater meus omnipotens, clamabo ad te per diem circa horam nonam, et non exaudies * me, sed fines crucifigi: et etiam nocte clamabo: Pater, si possibile est, transeat à me calix iste: ceterum et quod exauditus non sum, non reputabitur ad insipientiam mihi, sed ad sapientiam, quia per crucem humanum genus redimere necessarium fuit.

Tu autem, Deus Pater, in me sancto filio tuo habitas, * qui es laus in Ecclesia & gloria Israël videntium te per fidem.

In te Deum Patrem speraverunt antiqui patres nostri, * & hac est consolatio mea: speraverunt, inquam, et liberaisti eos de necessitatibus & tribulationibus eorum.

Ad te Deum clamaverunt in tribulationibus, et salvi facti sunt * de servitute Ægypti, & de captivitate Babylonis: in te speraverunt, & non in alio, et ideo non sunt confusi; sed, quod promissisti, adimplesti.

Ego autem Christus, licet sim major omnibus, & sanctus sanctorum, ni-

86 PSALMUS XXI.

*hilominus tamen sum in conspectu Judaeorum vermis, & vilis, et non homo * reputatus; sed opprobrium & derisio hominum, Phariseorum scilicet & Scribarum, et abjectio communis plebis Judaeorum.*

Omnes Judæi, videntes me in passione mea, deriserunt me, * dicentes: Ave, rex Judaeorum: locuti sunt labiis, me vituperando, et moverunt caput, blasphemando, dicentes: [Matth. 27. 39. seqq. Marci 15. 43. seqq.]

Speravit hic Christus in Domino patre suo: eripiat jam eum * de manibus nostris, & salvum faciat eum, ut non moriatur; quoniam Dominus, ut ait, vult & diligit eum.

Quoniam tu es Deus pater meus, qui extraxisti me, quia supra naturam natus, de ventre * virginali: spes mea tu es ab uberibus, quæ suxi, matris meæ virginis. In te, Deus meus, projectus sum spe tota, secundum humanitatem ex utero virginali procedens.

De ventre matris meæ, ex quo factus sum homo, Deus pater meus es tu, * quia de te ante secula genitus: ne

PSALMUS XXI. 87

*ergo discefferis, subtrahendo auxilium,
à me filio tuo unico.*

*Quoniam tribulatio & acerbitas
passionis meæ proxima est, * imminet-
que corpori meo; quoniam non est alius
qui adjuvet eripiendo me de manibus Ju-
daeorum, nisi tu, pater meus.*

*Circumdederunt me populi Judæo-
rum, tamquam vituli multi, * qui, i-
gnorato Dei jugo, vagi & insolentes sunt:
etiam principes Judæorum, ceu tauri
feroces & pingues crassitudine malitiæ,
obsederunt me, ne possem manus eorum
evadere.*

*Aperuerunt blasphemantes super me
innocentem os suum, * clamando: Cru-
cifige eum; sicut leo rapiens prædam,
et rugiens devorare eam præ crudeli-
tate.*

*Sicut aqua effunditur, ita effusus
sum * in sanguine meo, dum lancea mi-
litis perforavit pectus: et dispersa sunt
atque separata à suis juncturis omnia
ossa mea, per distentionem in cruce.*

*Factum est cor meum, horrore na-
turali terribilis pœnæ imminenti, tam-
quam cera resoluta & liquecens * à*

88 PSALMUS XXI.

calore ignis, in medio ventris mei atque in parte sensitiva humana.

Aruit, per effusionem sanguinis, tamquam testa exsiccata, virtus mea, per flagellationem, coronationem, & lateris apertionem; & ossa mea omnia conturbata sunt, exhausto sanguine; et lingua mea, præ defectu humoris, adhæsit sua siccitate faucibus meis: * et tandem in pulverem, omnibus arefactis, mortis corporalis deduxisti me innocentem.

Quoniam circumdederunt me Judæi, non ut homines, sed ut canes multi * rabidi: concilium seniorum & malignantium Phariseorum obsedit falsò me, ut morti traderent.

Foderunt clavis ferreis manus meas perforando in cruce, et pedes meos * ligno affigentes: dinumeraverunt, præ nimia extensione, omnia ossa mea.

Ipsi verò Judæi consideraverunt miracula multa, et tamen inspexerunt sine compassione me * talia perferentem: diviserunt sibi per quatuor partes vestimenta mea, unicuique militi unam partem; et super vestem ac tunicam meam

in-

PSALMUS XXI. 89

inconsutilem miserunt sortem , cujus foret. [Matth. 27. 35. Joann. 19. 23. & 24.]

Tu autem , Domine Pater , ne elongaveris differendo auxilium tuum à me , * & resurrectionem : sed ad defensionem meam , ne semper blasphement , conspice , ut protinus resurgam.

Erue & libera à morte , tamquam à framea & gladio occidente , Deus Pater , animam meam , * quæ propria voluntate à corpore separata est : et de manu canis ac potestate inferi , qui devorat animas more canis , unicam & solam à peccatis immunem animam meam.

Salva me , Domine , ex ore crudelis leonis * atque populi Judaici ; et eripe à cornibus lacerantibus atque indignantibus unicornium superbissimorum humilitatem meam , qui humiliavi me usque ad mortem.

Narrabo gloriosum nomen tuum atque delectabile fratribus Apostolis meis * & discipulis : in medio congregationis Ecclesiæ fidelium laudabo te , annuntians

tians per Apostolos meos magnalia tua.
 [Hebr. 2. 12.]

Qui timetis Dominum timore filiali, laudate eum * corde & ore: universum semen qui estis imitatores fidei & operum ipsius Jacob Patriarchæ supplantantis vitia, glorificate eum coram omnibus.

Timeat eum timore sancto omne semen spirituale Israël, * qui sunt fideles: quoniam non sprevit negligendo, neque despexit refutando deprecationem & orationem pauperis Christi, qui nos sua paupertate divites fecit.

Nec avertit Deus Pater faciem suam à me, * repellendo orationem meam: et, cum clamarem orando ad eum Patrem, exaudivit resuscitando me à mortuis.

Apud te Deum Patrem laus mea erit in Ecclesia & cœtu fidelium, quæ magna * est, quia per orbem terrarum latè diffusa: vota mea, quæ sunt sacrificium corporis & sanguinis mei in cruce oblatum, reddam ut offeratur tibi in memoriam passionis meæ, in conspectu fidelium timentium & adorantium eum.

Edent

PSALMUS XXI. 91

Edent hoc sacramentum humiles & pauperes spiritu, et saturabuntur pinguedine divinæ gratiæ: et laudabunt Dominum, spiritualiter exsultantes, qui requirunt eum, * quia ipse est panis qui de cœlo descendit: & vivent corda eorum qui dignè sumunt, hîc vita gratiæ, & postea in sæculum sæculi vita gloriæ.

Reminiscentur gentes, per prædicationem Apostolorum, Dei sui: et sic convertentur ad Dominum, * qui averſi fuerant per idololatriam, universi fines terræ, ex quibus collecta est Ecclesia catholica.

Et adorabunt cum sincera fide, in conspectu ejus * divino, universæ nationes & familiæ gentium, de omni ætate & sexu.

Quoniam Domini Christi jam est regnum * & imperium totius Ecclesiæ universalis, quia regnum diaboli cecidit: et ipse Christus, qui idem est cum Patre in deitate, dominabitur gentium, cùm ipse sit rex regum, & dominus dominantium.

Manducaverunt corpus Christi in sacra-

92 PSALMUS XXI.

*tramento, et adoraverunt, genua flectentes, omnes pingues in divitiis terræ, * scilicet superbi & mali: in conspectu tamen ejus Dei, discernentis qui sumunt ad vitam & qui ad mortem, cadent invisibili casu, per peccata, omnes qui descendunt ab amore Dei in terram & terrenas concupiscentias.*

*Et, è contra, anima mea illi Deo Patri vivet, * ad ejus obsequium & laudem; et semen meum, qui sunt filii Ecclesiæ, serviet ipsi, omnia referendo ad ipsum.*

*Annuntiabitur, per Euangelium, Domino Deo generatio Christiana ventura * & procreanda ex aqua & Spiritu Sancto: et annuntiabunt cœli atque Apostoli cœlestes justitiam ejus qui Christus est, per quem justificamur, populo Christiano, qui nascetur Domino spiritualiter ex fide per verbum prædicationis, quem fecit Dominus Christus liberum à peccatis.*

O R A T I O.

Deus, qui es laus & gloria Ecclesiæ catholicæ, pro nobis opprobrium factus in
li-

PSALMUS XXII. 93

Signo Crucis, clavis confossus, lancea perforatus : precamur, hujus non immemores, ut sperantibus in te sis liberator ab omnibus angustiis & miseriis nostris. Ne differas auxilium : quia non est alius qui adjuvet præter te Dominum nostrum, cujus nomen benedictum in sæcula. Amen.

PSALMUS XXII. [sec. Heb. XXIII.]

Psalmus ipsius David Prophetæ, in quo agitur de gratia & misericordia Dei.

Dominus Christus regit me, ut pastor oves suas ; et nihil mihi, eo regente, deerit * quod necessarium fit ad salutem : quia in loco pascuæ, in statu fidei & unitate Ecclesiæ, ibi me collocavit nutriendum & roborandum.

Super aquam baptismalem refectionis, qua reficitur & reformatur in homine similitudo Dei, educavit me, * ceu puerum, fidei nutrimento : & , post baptismum, animam meam, quæ captiva fuerat sub diabolo, convertit ad se, eam justam reddendo.

Deduxit etiam me peccatorem super semitas perfectæ & divinæ justitiæ, *

94 PSALMUS XXII.

& hoc propter nomen suum glorificandum, non propter meritum meum.

Nam, etsi ego ambulavero sub tanto duce in medio umbræ mortis, & hujus mundi periculis; non tamen timebo mala, * sive occulta, sive manifesta: quoniam tu, Deus, mecum es per fidem, protector vitæ meæ.

Virga tua castigationis, et baculus tuus * tribulationis, ipsa me erudierunt quòd sis memor mei; & consolata sunt, quia judicia paternæ dilectionis: castigas enim omnem filium quem recipis.

Paraisti, Domine, in conspectu meo, ut saturarer esca cælesti, mensam * sanctæ Eucharistia: & hoc adversus eos demones qui tribulant me diversis tentationibus, & impugnant fidem meam.

Impinguasti & unxisti, in oleo & infusione Sancti Spiritus, caput meum * & animam meam: et calix benedictionis sanguinis Christi, meus quia accipio, sed tuus quia das, inebrians me amore tuæ divinitatis, & oblivione vanarum delectationum, quàm utique præclarus & sincerus est! quia affectiones carnales non miscentur illo.

Et

PSALMUS XXIII. 95

Et misericordia tua, *quæ præcessit ad gratiam conferendam*, subsequetur me * *quasi custos*, ut perseverem in bono omnibus diebus *præsentis vitæ meæ*.

Et ut *tandem* inhabitem, *post hunc vitæ cursum*, in domo *cœlesti* Domini * *Dei nostri*, in longitudinem & *æternitate* dierum.

ORATIO.

Supplicamus, Domine, ut animas nostras à vitiis & diaboli potestate ad te convertere digneris, & super semitas justitiæ dirigere, & inter adversa corroborare; ut sic, calice benedictionis sanguinis tui inebriati, atque esca cœlesti iaturati, post finem hujus vitæ inhabitemus in domo tua cœlesti in æternitate dierum. Amen.

PSALMUS XXIII. [*sec. Heb. XXIV.*]

Psalmus iste decantatur à David de gloria resurrectionis Christi, *quæ facta est in prima Sabbathi*, *quæ nunc ob reverentiam Dominica dies dicitur*.

Domini Christi, quia est rex regum, est terra, quam creavit; et

96 PSALMUS XXIII.

et plenitudo seu multitudo in terra viventium etiam est sub ejus * potestate: insuper & orbis terrarum in suo ambitu, et universi homines qui habitant in eo orbe. [1. Corinth. 10. 26.]

Quia ipse Dominus super maria ambientia universum fundavit in circuitu eum * orbem; et super ac juxta flumina diversa, ut in eo possent homines vivere, præparavit in ordine eum.

Quis erit ille qui ascendet sine offensa in montem perfectionis justitiæ, qui est mons Domini * Dei nostri? aut quis perseveranter stabit in fide & bona operatione in loco sancto Ecclesiæ ejus, ut sit de electis?

Innocens, purus in manibus & operibus, et mundo corde * in cogitationibus, qui non accepit neque applicavit in vano desiderio rerum caducarum animam suam, immò potius ad legem Dei; nec juravit perperam in dolo ac fallacia proximo suo, ipsum decipiendo.

Hic homo accipiet æternam benedictionem à Domino * Deo, dum dicatur: Venite, benedicti; et misericordiam,

PSALMUS XXIII. 97

totaliter liberantem ab omni miseria , à Deo Christo salutari suo , qui solus peccata relaxat , & salvat.

*Hæc est enim spiritualis generatio sacri baptismatis fonte renatorum, quærentium eum * Dominum salvatorem: quærentium , inquam , & videre cupientium faciem divinam Dei ipsius Jacob Patriarchæ.*

*Attollite (inquiunt Angeli, in descensu Christi ad inferos) portas , ô vos principes tenebrarum , vestras inferni, et elevamini sursum de inferno vos portæ & animæ sanctorum æternales; * et introibit cum electis suis Christus in regnum suum , quia ipse est rex gloriæ.*

*Quisnam (inquiunt dæmones) est iste mirabilis rex gloriæ? * Respondent Angeli : Dominus Christus fortis , qui mortem vicit , et potens confringere infernalium claustra , Dominus quoque potens in prælio contra infernalium claustra.*

Attollite & reperate (inquiunt Angeli, in ascensu Domini ad cælos) portas, ô vos principes cæli , vestras & aditus cælestes , et elevamini atque aperimini

G

vos

98 PSALMUS XXIV.

vos portæ æternales atque janua sem-
piternæ; et introibit rex gloriæ in cæ-
lum.*

*Quisnam (quærent ceteri Angeli)
est iste rex gloriæ? * Quibus responde-
tur: Dominus virtutum, qui ex virtu-
te Dei vivit in gloria, ipse est rex æter-
næ gloriæ.*

ORATIO.

*Domine JESU CHRISTE, rex gloriæ,
cui plenitudo orbis terrarum deservit: da,
quæsumus, benedictionem & misericor-
diam tuam; ut, qui sacri baptismatis la-
vacro regenerati sumus, te salutare no-
strum mundo corde quærentes, ablegatis
mundi vanitatibus, tandem ad montem
sanctum in cœlestibus pervenire vlea-
mus. Amen.*

PSALMUS XXIV. [*sec. Hebr. XXV.*]

*In finem Christum Psalmus iste nos
dirigens attribuitur David, viro isti
qui in adversis non murmurat, sed divi-
num implorat auxilium.*

AD te, Domine, contemplandum,
gustandum, & amplexandum,
le-

PSALMUS XXIV. 99

levavi ascensu mentis spirituali animam meam, * quæ carnalibus desideriis premebatur : Deus meus , non in mea equitate , sed in te & tua bonitate confido , & ideo non erubescam neque confundar coram te in finali iudicio.

Neque irrideant suis suggestionibus me subsannando inimici mei * spirituales , videlicet demones : etenim universi fideles , qui sustinent te sub malorum persecutione , non confundentur , neque hic , neque in futuro.

Confundantur , pereant omnes mali , iniqua & impia agentes , * vana laborantes , supervacue solliciti & infructuose.

Vias tuas rectas justitiæ , Domine Deus , demonstra mihi * inter devia hujus vitæ ; et semitas tuas angustas , quæ ducunt ad vitam perfectiorem , edoce me , ne illas ignorem.

Dirige me , ut rectè & piè vivam , in veritate tua Evangelica , et doce me * ignarum scientiam salutarem : quia tu es Deus meus qui me creasti , & salvator meus qui me redemisti ; et te sustinui expectando misericordiam to-

100 PSALMUS XXIV.

ta die , omni videlicet tempore vitæ meæ.

*Reminiscere non obliviscendo miserationum tuarum , quas fidelibus semper impendisti , Domine * Deus ; et misericordiarum tuarum divinitus tibi insitarum , quæ à sæculo & à principio mundi sunt atque fuerunt : numquam enim sine misericordia fuisti.*

*Delicta , quibus viam æquitatis dereliqui , juventutis meæ , * quæ vel inconsultò vel ex fragilitate commisi , et ignorantias meas , quas neglexi in bono , ne memineris , ad vindictam reservando , Domine Deus meus.*

*Secundum abyssalem misericordiam tuam , non secundum iram qua dignus sum , memento mei tu , * remittendo culpam , & dando gratiam , propter bonitatem tuam , non propter merita mea , Domine Deus.*

*Dulcis , misericors , et rectus ac justus est Dominus : * & , propter hoc quia misericors est & justus , legem correctionis dabit errantibus & delinquentibus in via præsentis vitæ , ut secundum eam corrigamur. Lex est pœni-*
ten-

PSALMUS XXIV. 101

timentibus misericordia , peccantibus poena aeterna.

*Diriget de virtute in virtutem mansuetos , patientes , & humiles , in iudicio , * ut bene se habeant ad proximum: & docebit homines mites ut observent vias suas , Deum ex toto corde diligendo.*

*Universæ viæ , quæ in omni opere Domini simul inveniuntur , sunt misericordia , quæ est placabilis , et veritas , * qua iustissimè dijudicat : & hoc apparet requirentibus testamentum ejus Novum , et testimonia atque oracula Prophetarum ejus , quæ manifestè hoc testantur.*

*Propter nomen tuum , quod Jesus est , Domine , non propter meritum meum , propitiaberis , & misereberis peccato meo , * ipsum remittendo: multum est enim , quia in multis offendimus omnes.*

*Quis est homo rationalis qui timet Dominum * timore filiali ? legem Evangelicam statuit ei observandam in via Dei , quam elegit liberè quilibet Christianus.*

Anima ejus sic timentis Deum , in

bonis gratiæ , quasi in deliciis , demorabitur * in presenti : et semen atque opus ejus , quod hic justè vivendo seminavit , hereditabit atque possidebit terram viventium hereditario jure.

Firmamentum fidei , ne succumbant tentationibus , est Dominus Deus timentibus eum * in veritate : et etiam est testamentum ipsius promissum , ut manifestetur illis in presenti per fidem, & in futuro per gloriam.

Oculi mei interiores , scilicet intellectus & affectus , semper ad Dominum * respiciunt , de cujus gratia confido : quoniam ipse evellet & liberabit de laqueo diaboli pedes & sensus meos, quibus capiebar in voluptatibus sæculi.

Respice , Domine , in me pietatis affectu , et miserere mei , * dum tempus est misericordiæ: quia unicus sine auxilio, et pauper spiritu , sum ego servus tuus.

Tribulationes & anxietates cordis mei atque calamitates multiplicatæ sunt * nimis , ex prolongatione hujus exilii : de necessitatibus meis , tribulationibus per quas necesse habeo transire, erue me liberando.

PSALMUS XXIV. 103

Vide & propitius respice humilitatem meam in cordis contritione, et laborem meum * corporis in satisfactione: et, iis sacrificiis placatus, dimitte indulgendo universa delicta mea, quæ per infirmitatem commisi.

Respice oculis misericordiæ inimicos meos, ut convertantur: quoniam multiplicati sunt * falsi fratres in Ecclesia, et odio iniquo atque injusto oderunt persequentes me.

Custodi ab eorum insidiis & imitatione animam meam, ne pereat; et erue me * à consortio & communione eorum: & tunc non erubescam, si fortè insurgunt adversum me; quoniam speravi in te, & non præsumsi de me.

Innocentes, nullis polluti mundanis conversationibus, et recti corde adhæserunt mihi, * consentientes in bonum; quia sustinui & passus sum frequentes, propter te, in hoc mundo angustias.

Libera & salva, ò Deus, populum tuum Israël, * quem ad visionem tuam prædestinasti, ex omnibus corporalibus tribulationibus suis & spiritualibus.

ORATIO.

Protektor noster Deus, in quem confidimus, remaniscere miserationum tuarum, & dimitte universa delicta nostra : ut, mansueti & mites facti, atque à delictis juventutis & ignorantiae exuti, vias vitæ & veritatis sectemur, per quam in bonis demoremur, & hereditate tandem perfruamur æterna, propitiatore Domino nostro JESU CHRISTO. Amen.

PSALMUS XXV. [sec. Hebr. XXVI.]

In finem Christum Psalmus iste describitur à David Propheta.

JUdica & discerne me à peccatoribus condemnandis, Domine Deus: quoniam ego ambulavi in innocentia & simplicitate mea, atque ingressus sum * viam justitiæ; et propter hoc, in Domino sperans, & non in me, non infirmabor cadendo in peccatum, sed perseverabo in bonum.

Proba me prius, Domine, atque vires meas respice; et tunc, si ferre valeam, tenta me, * emendationis gratia: ure & Spiritus Sancti calore consum-

sume renes meos *atque* desideria carnalia, et cor meum immaculatum custodi.

Quoniam misericordia tua, quæ est magna nimis, ante oculos meos semper est, * ipsam jugiter meditando; et complacui tibi, ut gratiam consequerer in veritate & æquitate tua.

Non fedi, neque me conjunxi, neque consensi cum illis qui concilio vanitatis * agunt omnia, qui de terrenis cogitant semper & loquuntur: et cum perfidis hæreticis, impia & iniqua gerentibus, ac Scripturas depravantibus, non introibo, eorum doctrinis communicando.

Odivi ipsam ecclesiam & congregationem malignantium, * atque in malo perseverantium: et cum impiis hæreticis non sedebo, ne questionibus perfidis commaculer.

Lavabo, ut mundus sim ab omni labe peccati, inter innocentes & electos Dei, manus meas * spiritales, ut opera mea sint munda coram Deo: et circumdabo toto affectu altare tuum, Domine, ubi immolatur hostia salutaris,

106 PSALMUS XXV.

ris, ubi preces funduntur, vota offeruntur, atque mirabilia Dei narrantur.

*Ut audiam & intus intelligam vocem laudis * tuæ, scilicet sacram Scripturam, in qua laudatur Deus; et enarrem atque exponam aliis universa opera & mirabilia tua, quod pro nobis passus es, & resurrexisti, & justificas impium.*

*Domine Deus, dilexi admodum decorem & sanctitatem domus atque Ecclesie tuæ, * & locum habitationis, quæ est mens sanctorum, gloriæ tuæ, in quibus gloriose habitas.*

*Ne perdas & condemnes cum impiis infidelibus, Deus meus, animam meam, * quæ dilexit decorem domus tuæ; et cum viris sanguinum, qui carnaliter vivunt, vitam meam, quæ valde dissimilis est illis.*

*In quorum manibus & operibus iniquitates sunt * & injustitiæ: dextera eorum avara repleta est muneribus, quia quæstum æstimant pietatem.*

*Ego autem, per studium sanctæ vitæ, in innocentia mea & humilitate ingressus sum * viam veritatis & justi-*

PSALMUS XXVI. 107

ſtitia : & ideo redime me à malis , et miſerere mei in periculis hujus vitæ.

*Pes meus ſemper ſtetit fixus & immobilis in directo * itinere mandatorum tuorum , non recedens à rectitudine fidei & juſtitia : in eccleſiis & congregatione fidelium benedicam te , Domine , de tuis beneficiis in me collatis.*

ORATIO.

Largire , Domine , miſericordiam tuam famulis ſupplicibus : ut , iniquorum confortia fugientes , fidelibus tuis , in innocentia pura , ſpirituali ſemper caritate jungamur ; atque benedicatur & glorificetur nomen tuum, Domine , per ſæcula. Amen.

PSALMUS XXVI. [*ſec. Hebr. XXVII.*]

In finem conſummationis futuræ iſte Pfalmus attribuitur David , & cuilibet pœnitenti : & eſt de iis quæ patitur, priuſquam liniretur Chriſtianus ſecundò unctiōe perfectæ in regno æterno.

Dominus Deus eſt illuminatio mea,
docens me contra tenebras ignorantia ; et ſalus mea , * tum animæ,
tum

108 PSALMUS XXVI.

*tum corporis : quem ergo timebo ? cer-
tè nullum , vel insidiatorem , vel perse-
cutorem.*

*Dominus Deus est protector vitæ
meæ , * repellendo omnes insidias inimi-
corum meorum : à quo ergo trepidabo ,
habendo talem protectorem ?*

*Dum appropiant & accedunt super
me & contra me nocentes , * perse-
quentes me , ut edant devorando carnes
meas & corpus : animam enim non pos-
sunt occidere.*

*Qui tribulant me persequendo &
tentando inimici mei * corporales & spi-
rituales , ipsi infirmati & debilitati
sunt in semetipsis , et victi ceciderunt à
potestate nocendi.*

*Si ergo consistant & veniant adver-
sum me , sperantem in te , castra * dæ-
moniorum , & impetus vitiorum ; non ti-
mebit tamen cor meum , in Deo prote-
ctore confirmatum.*

*Si etiam exurgat fortiùs adversum
me prælium , * insultus , & conflictus
inimicorum ; in hoc pralio ego , cui Deus
est protector , sperabo victoriam , & re-
munerationis gloriam.*

Unam

PSALMUS XXVI. 109

Unam rogationem petii præ ceteris à Domino Deo, & hanc, perseveranter orando, requiram, * & obtinebo: ut inhabitem in domo æterna Domini in cælis, omnibus diebus vitæ meæ, æternaliter, ubi non sunt dies mortis.

Ut ibi videam facie ad faciem voluptatem, pulcritudinem, & bonitatem Domini * Dei nostri, et visitem cæleste templum ejus, ubi cum sanctis fruam contemplatione æterna.

Quoniam, ne tentationum procellæ obruant, abscondit me, militantem sibi, in tabernaculo suo * & Ecclesia Christiana: in die malorum & tempore tentationum, protexit me ad salutem in abscondito tabernaculi sui, videlicet in Christo per fidem, qui est absconditum tabernaculi spiritualis.

In petra, Christo, qui est vera petra, non tantum protexit, sed & exaltavit de virtute in virtutem me, * progredientem & fundatum supra petram: et nunc in præsentī vita exaltavit caput & intellectum meum super omnes inimicos meos, qui sunt appetitus carnales; ne mei dominantur.

Cir-

TIO PSALMUS XXVI.

Circuivi perscrutando omnia opera tua, & præcipuè opus redemptionis, et non ingratus immolavi offerendo in tabernaculo ejus & sancta Ecclesia catholica hostiam laudis, vociferationis, * & jubilationis: cantabo ore, et psalmum dicam corde, Domino Deo nostro.

Exaudi, Domine, ex tua clementia vocem & orationem meam, tam mentalem, quàm vocalem, qua clamaui toto corde ad te * Deum meum: & miserere mei in hac vita, et exaudi me frequenti supplicatione te rogantem.

Tibi, non hominibus, dixit & aperuit cor & desiderium meum: præ aliis omnibus, exquisivit te mens, facies & voluntas mea: * fac faciem & præsentiam tuam, Domine Deus, requiram, non mundi gloriam, non divitias, non delicias.

Ne avertas neque abscondas faciem tuam & lumen gratiæ à me * peccatore: ne declines, tamquam ex despectu, in ira tua à servo tuo: quia pereco, nisi adjuves.

Adjutor & cooperator meus esto, *

PSALMUS XXVI. iii

ut proficiam in bono: ne derelinquas me, quia sine te deficio: neque despicias me peccatorem, quia tu Deus meus es qui me creasti, & salutaris meus qui me redemisti.

Quoniam pater meus Adam et mater mea Eva dereliquerunt me * in originali peccato, Dominus autem Christus assumpsit & liberavit me per crucem.

Legem & regulam rectè vivendi pone & da mihi, Domine Deus, in via tua * Evangelica: et dirige me (ne declinem, vel ad dexteram, vel ad sinistram) in semitam rectam & viam certam ac eternam, propter demones inimicos meos, qui insidiantur operibus meis.

Ne tradideris me peccatorem in animas malignorum spirituum, tribulantium & persequentium me * ut aliquando illis consentiam: quoniam insurrexerunt suis falsis calumniis in me miserum testes falsi & iniqui: et tamen mentita est dolosa iniquitas sibi, quia diabolus est mendax, & mendacii pater.

Cre.

112 PSALMUS XXVI.

*Credo & indubitanter confido videre aliquando bona illa dulcia, immortalia, & sempiterna Domini * Dei, electis promissa: & hoc in terra beata viventium aternaliter.*

*Expecta patienter Dominum, qui verax est in promissis; & viriliter age, * de bono in melius proficiendo: et confortetur cor tuum, ne fatigeris à bonis operibus; et sustine patienter Dominum, si flagellum immittit: quia ipse vulnerat, & medetur.*

ORATIO.

Domine, protector noster, & salus nostra, ne derelinquas neque despicias nos. Ne contineas in ira gratiam tuam, neque avertas faciem tuam à nobis peccatoribus: sed exaudi nos, & miserere nobis, dirigendo nos in via Evangelica, quæ est semita recta; ut tandem videre mereamur bona Domini in terra viventium. Amen.

PSALMUS XXVII. [sec. Hebr. XXVIII.]

Psalmus iste est ipsi mediatori Christo Domino nostro decantatus à David
Pro-

PSALMUS XXVII. 113

Propheta. Est vox Christi hominis de passione & resurrectione sua.

AD te ex magno cordis affectu, Domine Pater, clamabo & orabo: Deus meus, ne fileas à me, * derelinquendo in passione: nequando, nec ad horam, taceas à me in resurrectione: et, si hoc feceris, tunc assimilabor hominibus descendentibus in lacum inferni.

Exaudi, Domine Pater, vocem internam deprecationis meæ, in passione mea; dum oro ad te * pro totius mundi salute, dum extollo manus meas in cruce ad templum sanctum tuum (quod est Ecclesia fidelium), ut per passionem meam salvetur.

Ne simul trahas me in mortem cum peccatoribus * ceteris, qui ad inferna descendunt: et cum operantibus iniquitatem mortalem ne perdas me, ut cum ipsis habeam portionem.

Qui Judæi inimici mei loquuntur dolosè pacem & verba pacifica cum me, proximo suo * secundum carnem; mala autem & dolus in cordibus & cogitatu eorum.

H

Da

114 PSALMUS XXVII.

Da *condignam* illis *retributionem*, secundum opera eorum * *quæ mihi intulerunt*, *flagellantes & occidentes*; et secundum *nequitiam falsam adinventionum & mendaciorum* ipforum.

Secundum opera *mala manuum & voluntatum* eorum, tribue illis * *mercedem*, & redde *retributionem* eorum *malorum* ipsis: & , *sicut mihi mala reddiderunt*, *retribue ipsis*.

Quoniam non intellexerunt *invisibilia* opera Domini, quòd *Verbum caro factum est*; et (quod magis mirum est) in opera *visibilia* manuum ejus, * *quæ faciebat*, *agros sanando*, *mortuos suscitando*, non *consideraverunt*: quo circa destrues illos per Romanos, et non *amplius ædificabis eos liberando à captivitate*.

Benedictus sit Dominus * *Deus Pater*, quoniam exaudivit *vocem & voluntatem deprecationis* meæ *quam oravi*.

Dominus est *adjutor meus in resurrectione*, et *protector meus* * *in passione*: & in ipso *Patre speravit cor meum atque humanitas mea*, unde et

PSALMUS XXVII. 115

ab illo adjutus sum in resurrectione.

Et reffloruit *in resurrectione* caro mea, * *procedens de tumulo gloriosa & incorrupta* : et ex libera voluntate mea hilariter confitebor ei, & confitebuntur mei, in quibus ego sum.

Dominus est fortitudo, in pugna contra diabolum, plebis suæ, * *quæ in eo confidit* : et protector æternus salvationum Christi sui est, eorum videlicet qui per Christum salvati sunt.

Salvum fac & in salutem deducas populum tuum Christianum, Domine Deus Pater, quem per mortem meam redemi : et benedic æternaliter hereditati atque Ecclesiæ tuæ, * *quam mihi adoptavi* : et rege eos, ne devient à via justitiæ; et extolle illos à terrenis ad cœlestia, usque in æternum glorificando.

ORATIO.

Exaudi, Domine, deprecationem nostram, & protector noster adesto propitius. Qui per crucem tuam redemisti genus humanum, benedicere digneris hereditati tuæ, & dirigere in via justitiæ, ut tandem ad cœlestia in æternum provehamur. Per Dominum nostrum Jesum Christum.

116 PSALMUS XXVIII.

PSALMUS XXVIII. [sec. Hebr. XXIX.]

Psalmus ipsius David Prophetæ, in consummatione & perfectione tabernaculi atque Ecclesiæ catholicæ: ubi mone-
mur offerre spirituales hostias Deo.

Afferte Domino corda vestra san-
cta, pura, & immaculata, vos
qui per regenerationis gratiam filii
Dei * estis effecti: afferte etiam Domi-
no Deo filios acquisitos per prædicatio-
nem arietum, hoc est Apostolorum, qui,
ceu duces gregum, in caulas Domini per-
duxerunt populum fidelem.

Afferte Domino Deo Patri gloriam,
gloriam verbo, et honorem exemplo,
ut per opera vestra glorificetur & hono-
retur: afferte Domino Filio gloriam
& sanctificationem nomini ejus, *
quod Jesus est: adorate Dominum Spi-
ritum Sanctum in atrio sancto & Ec-
clesia ejus, qui est sanctificator & inha-
bitator Ecclesiæ sanctæ suæ.

Vox Domini Dei Patris facta est
super aquas Jordanis in baptismo Chri-
sti. Deus majestatis & excelsæ virtutis
tunc

PSALMUS XXVIII. 117

tunc intonuit, * dicens: Hic est filius meus dilectus. Dominus Deus est super aquas multas, quia credentes baptizamur in aqua & spiritu.

Vox prædicationis Domini Christi per se & suos facta est in virtute * magna: vox Domini Christi facta est in magnificentia miraculorum & operum, cui non poterant resistere sapientes huius mundi.

Vox prædicationis Domini per se & suos confringentis altas cedros, * & humiliantis sublimes atque superbos: et confringet Dominus Deus humiliando cedros Libani per pœnitentiam, & regum colla iugo fidei submittet.

Et comminuet eas, succisa & confracta in his superbia, tamquam vitulum lascivientem in Libani * deliciis: et dilectus Filius Patris Christus factus est quemadmodum filius secundum carnem unicornium & superborum Iudeorum, qui gloriabantur in una lege Mosaica.

Vox Domini Christi est quasi intercidentis & resecantis flammam ignis, * & furentem iracundiam perse-

118 PSALMUS XXVIII.

quorum : vox Domini tamquam concutientis & commoventis ad fidem desertum populum gentilem , qui sine lege , sine Prophetis erat : et similiter commovebit atque convertet ad fidem Dominus desertum Cades , videlicet Judæos , qui deseruerant sanctum legis propter traditiones eorum.

*Vox predicationis Domini Christi quasi præparantis cervos , Apostolos & doctores Ecclesia , agiles ad Euangelium annuntiandum , quibus et revelabit obscura divinarum Scripturarum , & condensa * mysteria : et in templo seu Ecclesia ejus omnes electi dicent gloriam & laudem Deo , pro donis acceptis.*

*Dominus suos in Ecclesia , quasi in arca Noë , quasi per diluvium & fluctus hujus sæculi , inhabitare facit * illos , extra quam nullus salvatur : et sedebit Dominus Christus rex in Ecclesia , regens eam , usquequo deducat sanctos suos in æternum gaudium.*

*Dominus virtutem & fortitudinem populo suo , contra procellas hujus sæculi & turbines tentationum , dabit , **

ut

PSALMUS XXIX. 119

ut sint constantes : Dominus Christus benedicet electo populo suo, mandata ejus observanti, in pace aeterna.

ORATIO.

Deprecamur supplices, ut nos, qui sumus populus tuus, benedicere & adjuvare digneris; donecque hujus sæculi diluvium fide recta ac conversatione sancta sic pertransire, ut ad coelestem patriam pervenire valeamus. Per Dominum &c.

PSALMUS XXIX. [*sec. Hebr. XXX.*]

Psalmus iste cantici, laudis, & letitiae, in dedicatione & assumptione domus, videlicet humanitatis Christi, est David manu fortis. Ubi Christus homo gratias agit Patri pro resurrectione sua.

EXaltabo te gloriosè, Domine Pater, manifestando nomen tuum hominibus; quoniam de morte in resurrectione suscepisti me * ad dexteram tuam, nec delectasti diutius inimicos meos Judæos super me, ut meo jocundarentur interitu.

Domine Pater Deus meus, in pas-

H 4 sio-

120 PSALMUS XXIX.

*sione clamavi ad te : * & exaudisti , int-
mò et sanasti me ab omni corruptione
carnis , quia in corpore glorioso me resur-
gere fecisti.*

*Domine Pater , eduxisti post resur-
rectionem ab inferno animam meam *
cum aliis animabus sanctorum : salvasti
me & liberaisti à Judæis descendantibus
sua sponte in lacum inferni , ubi nulla
est redemptio.*

*Psallite Domino , bene operando,
sancti & electi ejus : * et confitemini
ore & corde memoriæ beneficiorum &
sanctitatis nominis ejus , quia memor no-
stri nos sanctificavit , & à morte rede-
mit.*

*Quoniam ira propter peccatum ori-
ginale in indignatione ejus , * quia pro-
pter scelus populi percussit me ; et vita
gratiæ & gloriæ in voluntate & ex be-
neplacito ejus & gratia , haud per meri-
ta nostra.*

*Ad vesperum passionis Christi de-
morabitur fletus * in Apostolis : et ad
matutinum , quia Dominus resurrexit ,
erit lætitia & gaudium.*

*Ego autem Christus dixi deliberando
in*

PSALMUS XXIX. 121

in abundantia mea * & plenitudine divinitatis : Non movebor à voluntate Dei Patris in æternum , sed ero obediens usque ad mortem.

Domine , in voluntate tua * & secundum beneplacitum tuum , præstitisti decori meo atque humanitati virtutem miracula faciendi.

Avertisti quodammodo faciem & deitatem tuam à me , * quando passioni exposuisti ; et factus sum in sensualitate carnis mee conturbatus , quia cæpi pavere , & tædere , & mæstus esse.

Ad te , Domine Pater , clamabo * in cruce , petens auxilium ; et ad Deum meum pro redemptione generis humani deprecabor , ut fiat voluntas tua.

Quæ utilitas foret generi humano in sanguine meo * & effusione ejus in cruce , dum descendo per mortem in corruptionem ; si tertio die non resurgo?

Numquid , certe non , confitebitur tibi in laudem pulvis * & caro redacta in pulverem , aut annuntiabit mundo veritatem tuam , quam Apostoli post resurrectionem prædicaverunt?

Audivit me deprecantem Dominus

Pa-

122 PSALMUS XXIX.

*Pater , et misertus est mei , * ne viderem corruptionem , immò ut resurgerem : Dominus Deus Pater factus est adjutor meus , quia non dedit sanctum suum videre corruptionem.*

*Convertisti planctum meum , dum tristis fuit anima mea usque ad mortem , in gaudium mihi , * quia de resurrectione gaudere fecisti : conscidisti faccum & corpus meum in passione , et circumdediti me stola immortalitatis cum summa lætitia.*

*Ut cantet tibi & laudet te Ecclesia catholica , quæ est gloria mea : et hoc ideo , quia , semel passus , non compungar * amplius , neque moriar : mors enim mihi ultrà non dominabitur. Ergo , Domine Deus pater meus , in æternum confitebor tibi per me & meos , & decantabo laudes majestatis tuæ.*

ORATIO.

Exaudi , Domine , nos suppliciter deprecantes : salva , sana & libera nos , convertendo in gaudium planctum nostrum , remissa mole facinorum : atque nos , mysterio resurrectionis tuæ lætificatos , attollere digneris in coelum , pro quibus dignatus

PSALMUS XXX. 123

tus es descendere ad infernum. Cui cum Patre & Spiritu Sancto est honor & gloria in sæculorum sæcula.

PSALMUS XXX. [sec. Hebr. XXXI.]

In finem atque in Christum dirigitur hic Psalmus, qui est ipsi David Prophetæ extasis seu mentis excessus.

IN te protectore meo, Domine Pater, speravi, & ergo non confundar insultationibus Judæorum in æternum: * immò in justitia tua, sicut promifisti, libera me, ne detinear morte, sed resurgam.

Inclina ad me humilem & infirmum aurem tuam, * me exaudiendo: accelera festinanter, ut eruas me de sepulcro, tertia die resuscitando.

Esto mihi in auxilium undique, & in Deum protectorem, tantum, quantum decet esse Deum; et in domum refugii, * ut in te sim tutus, ut salvum à Judæis me facias, resuscitando.

Quoniam fortitudo mea ad tolerandas passiones, et refugium meum ad eas evadendas es tu * mihi, & non alius:

124 PSALMUS XXX.

alius : et , propter nomen tuum *manifestandum* hominibus , deduces me *de pœna ad gloriam* , et enutries me *augendo corpus meum* , quod est Ecclesia.

Educes me , *per resurrectionem* , de laqueo hoc *mortis* , quem ipsi *Judai occultis insidiis* absconderunt & *machinati mihi* * sunt : quoniam tu es *unicus protector meus* , ideoque *nulla potest adversitas prevalere*.

In manus tuas *potentiæ & misericordiæ* commendo spiritum meum , * *ut potentia protegat* , & *misericiordiæ salvet* : redemisti me *ab impiis* , Domine , Deus veritatis , *implens quod promittis*. [*Luc. 23. 46.*]

Odisti & *reprobasti omnes observantes & amantes vanitates* * mundi , *ut divitias , honores , delicias ; sperantes supervacuè in illis atque infructuosè*.

Ego autem , *non sublimitate aliqua* , sed in Domino Deo Patre speravi : * & ideo exultabo corpore , et lætabor spiritu in misericordia tua , *quæ non fallit*.

Quoniam respexisti , & *misertus es mei* , propter humilitatem meam , *
quæ

PSALMUS XXX. 125

qua usque ad mortem me exinanivi ; salvasti etiam de necessitatibus & peccatis , à quibus homo se salvare nequit , animam meam , immunem servando.

*Nec conclusisti me , inquit Ecclesia , in potestate & manibus inimici * visibilis aut invisibilis : sed statuisti atque firmasti in loco caritatis spatiofo ac lato , quæ est dilectio Dei ac proximi , pedes & affectus meos , in via scilicet mandatorum tuorum.*

*Miserere mei , Domine : & necesse est , quoniam tribulor * pondere malorum presentium , & futurorum imminentium ; adeò quòd conturbatus & commotus est in ira magna oculus meus , & interior ratio , etiam anima mea seu affectus sensualis , et venter meus naturalis carnis.*

*Quoniam defecit omnino in dolore , ait Ecclesia , vita mea , * quia non possum emendare malos , nec eos segregare à sanctis ; et anni mei , quamdiu hìc milito , sunt in gemitibus , angustiis , & suppliciis diversis.*

*Infirmata est & debilitata in paupertate & defectu bonorum virtus mea , *
quia*

126 PSALMUS XXX.

quia plures sunt peccatores, & pauci sancti: et ossa mea in compagine sua conturbata sunt atque debilitata, propter iniquitates fidelium.

*Super omnes inimicos meos Gentes & Judæos factus sum opprobrium; et in derisum vicinis meis, quia mali Christiani perverse vivendo blasphemant nomen meum, valde: * et propter hoc sum timor, quia verentur ad fidem venire, notis meis, qui aliquam notitiam de me habuerunt.*

*Qui, inquit Christus, videbant me in cruce positum, foras, non intelligendo deitatem, fugerunt à me, * aestimantes spem suam morte mea finitam: & ideo oblivioni datus sum, tamquam mortuus, non resurrecturus, à corde & memoria eorum.*

*Factus sum in estimatione Judæorum tamquam vas perforatum, perditum, * & ad nullos usus utile: & hoc ideo, quoniam audiui & patienter sustinui vituperationem & blasphemiam multorum Judæorum, commorantium atque assistentium, tempore passionis, in circuitu crucis.*

In

PSALMUS XXX. 127

*In eo consilio, dum principes sacerdotum & seniores populi convenirent simul in unam pravam voluntatem adversum me * innocentem, accipere & tollere animam atque vitam meam consiliati sunt, ut me dolo tenerent, & occiderent.*

*Ego autem inter hæc opprobria in te speravi, quo nihil securius, Domine * Pater. Dixi: Deus meus es tu, & non alius: in manibus tuis & potestate tua sunt fortes & dispositiones, tam vitæ quàm mortis, meæ.*

*Eripe me, Domine, de manu & potestate inimicorum meorum * Judæorum, et à persequentibus falsis fratribus me in membris meis.*

*Illustra divinam faciem tuam gratiæ super me servum tuum secundum humanitatem: salvum me fac ab his malis, in misericordia tua * divina. Domine Pater, non confundar à perfidis Judæis: quoniam invocavi te, qui potens es me exaudire.*

*Erubescant impii Judæi Christum crucifigentes, et deducantur cum demonibus in infernum, * quia non credunt*

128 PSALMUS XXX.

resurrectionem : muta fiant penitus eorum labia garrula & dolosa , dum non timent judicium.

*Quæ labia loquuntur blasphemiam adversus justum Christum , & iniquitatem * in superbia cordis , et in abusione oris , quo crucifixum irriserunt.*

*Quàm magna & inestimabilis multitudo amoris , gloriæ , & dulcedinis tuæ , in futura beatitudine , Domine , * disposita est electis ! quam incomprehensibilem dulcedinem abscondisti & servasti in futura beatitudine timentibus te , ut solis illis reddas tempore opportuno.*

*Perfecisti hanc dulcedinem eis electis tuis , in gloria futura , qui sperant in te * perseveranter : & hoc ages in conspectu & præsentia filiorum hominum , in finali judicio , dicendo : Venite , benedicti.*

*Abcondes in æterna beatitudine eos , ne videantur ab impiis , in abscondito faciei tuæ * divinæ , qua perfruentur justis , à conturbatione hominum : quia nulla humana malitia eos valebit perturbare.*

Pro-

PSALMUS XXX. 129

Proteges, Domine, eos electos in tabernaculo tuo * atque in Ecclesia catholica militante: proteges, inquam, à contradictione & strepitu linguarum, schismatum, & hæresum, quæ contradicunt veritati Christiana doctrina.

Benedictus Dominus * Deus pater meus, quoniam mirificavit pro hominum salute misericordiam suam, quæ dilexit genus humanum, mihi; ut per me genus humanum redimeret in civitate Jerusalem munita, ubi in medio terræ operatus est salutem.

Ego autem, cum in me Judæi sèverent, dixi in excessu & stupore mentis meæ: * Quàm vilis reputatus? quia projectus sum, in hoc passionis tempore, à facie & memoria oculorum tuorum, tamquam derelictus à te.

Ideo, ne semper projectus reputarer, exaudisti tandem vocem validam orationis meæ, * quando in cruce dixi: Pater, quare me dereliquisti? Dum clamarem ad te, merui exaudiri, resurrectionis meæ gloria.

Diligite ex totis viribus Dominum Christum omnes sancti & electi ejus: *

I

quia

130 PSALMUS XXX.

quia tradidit semetipsum pro nobis; quoniam in iudicio extremo veritatem vite, doctrinae, & iustitiae nostrae requireret Dominus Christus, iustus iudex; et retribuet condignam poenam abundanter & severe facientibus superbiam, quae est contemptus Dei, & radix omnium malorum.

*Viriliter & constantissime agite perseverando in bonis operibus, et confortetur cor vestrum, * ne à recto proposito, carnis imbecillitate, seducamini; omnes qui speratis in Domino spe certa, quae est expectatio futura beatitudinis, ex meritis & gratia proveniens.*

ORATIO.

In manus tuas commendamus animas nostras, Domine, qui speramus in te. Libera nos, & auxiliare nobis, qui es protector noster, & domus refugii; ne confundamur in æternum. Fac nos spem nostram in te figere, ut valeamus ad illam dulcedinem pervenire, quam in coelesti patria electis præparasti, & abscondisti peccatoribus. Per Christum dominum nostrum.

PSALMUS XXXI. 131

PSALMUS XXXI. [sec. Heb. XXXII.]

Intellectus & instructio, ut peccata nostra recognoscamus, ipsius David Prophetæ, & cujuslibet pœnitentis.

BEati sunt illi in spe & gratia, quorum remissæ sunt iniquitates * quantum ad culpam, et quorum tecta, abolita & deleta sunt hîc per pœnitentiam peccata, ne in judicio revelentur ad pœnam. [Rom. 4. 7.]

Beatus vir ac summè felix est, cui non imputavit, sive ad culpam, sive ad pœnam, Dominus Deus peccatum * suum, nec est in spiritu mentis ejus dolus, quia verè pœnitet mente, & se accusat ore.

Quoniam tacuî confessionem peccati, inveteraverunt in malum ossa mea * & interiora robora animæ meæ; dum clamarem tota die, continuè peccatum defendendo, aut de justitia & meritis præsumendo.

Quoniam die ac nocte in assidua tribulatione gravata est mole malorum super me manus & potestas tua, * ul-

132 PSALMUS XXXI.

*trix scelerum : & ideo conversus sum
assiduitate flagellorum in ærumna mea,
& consideratione propriæ miseriæ, dum
configitur suo remorsu aculeato spina &
stimulus in conscientia peccatrice.*

*Delictum meum omissionis cogni-
tum tibi feci * per veram confessionem:
et injustitiam atque iniquitatem meam
commissionis non abscondi à te, immò
detexi & patefeci.*

*Dixi, firmiter proponendo, quòd
confitebor & corde & ore adversum
me, accusando me ipsum, injustitiam
meam atque impietatem Domino *
Deo meo : et tu, per gratiam, remisisti
clementer impietatem & culpam peccati
mei confessi.*

*Pro hac remissione & venia obtinen-
da, orabit emundandus ad te Deum
omnis sanctus * (quia nullus est sine
peccato), in tempore hoc opportuno
gratiæ & vitæ præsentis.*

*Verumtamen illi, qui sunt fluctuan-
tes in diluvio aquarum multarum *
atque voluptatum carnalium, ad eum
Deum non approximabunt salvandi,
sed elongabuntur.*

Tu

PSALMUS XXXI. 133

Tu solus es refugium meum unicum
à tribulatione tentationum, vitiorum,
& diaboli, quæ circumdedit & impu-
gnat me * in isto diluvio: exultatio
mea per spem & consolationem, erue
atque libera me captivum, fereque sub-
mersum, à circumdantibus & insidian-
tibus me demonibus & peccatis.

Intellectum sapientiae tibi dabo, in-
quit Dominus, ut te cognoscas & me; et
instruam te armis justitiae, ad prose-
quendum bonum, & fugiendum malum,
in via hac poenitentiae, qua gradieris *
& peregrinaberis sine errore: firmabo
super te poenitentem oculos meos gra-
tia & misericordia.

Nolite fieri irrationales sicut equus
indomitus & effrenis, et mulus * piger
& stolidus, in quibus non est ratio aut
intellectus ad refrenandum appetitus
sensuales.

In camo, capistro, et freno tribula-
tionum atque flagellorum, maxillas eo-
rum superbas constringe * ac reprime
qui de suis viribus & meritis se jactant,
qui certè non approximant, humilian-
do, ad te, sed elongantur superbiendo.

134 PSALMUS XXXI.

*Multa sunt flagella, sive in præsenti, sive in futuro, peccatoris * pœnitentiam recusantis, & obstinati: sperantem autem in Domino spe certâ & debitâ, misericordia, ne sit locus diabolo, circumdabit undique protegens, & liberabit.*

*Lætamini mentis suavitate in Domino, non in vobis, et exultate animi fervore, iusti, * non meritis vestris, sed gratia Dei justificati: et gloriamini testimonio conscientiae puræ, omnes re-
cti corde, habentes voluntatem conformem voluntati divinæ.*

O R A T I O.

*Quæsumus, Domine, intellectum sapientiæ nobis tribuere digneris, atque instruere armis justitiæ in via hac peregrinationis nostræ; figendo oculos gratiæ & misericordiæ super nos pœnitentes, qui confitemur injustitias nostras: ut, obte-
ctis per veniam peccatis, nec imputatis ultra delictis; sic justificati, mereamur sanctorum exultationis esse participes. Per Christum Dominum nostrum.*

PSALMUS XXXII. [*sec. Hebr. XXXIII.*]

In finem Christum Psalmus ipsius David: quippe Christus est finis noster ad quem tendimus.

EXultate vos, iusti, non in rebus seculi, non in vobis, sed in Domino: * quia rectos corde, qui confor- mant se voluntati divinae, decet collau- datio, quae Deo accepta est.

Confitemini Domino confessione lau- dis in cithara * & operibus activae vitae, & in psalterio decem chordarum per observantiam decem praeceptorum psallite illi: tangite psalterium, & implete legem.

Cantate ei in spiritu canticum no- vum, * exuendo veterem hominem, & induendo novum: bene psallite ei in spiritu, vita, & gaudio, atque in vo- ciferatione, novo cordis affectu.

Quia rectum in se est verbum Do- mini, * rectè docens, jubens, praedicans, & promittens; et omnia opera ejus con- sistunt in fide seu fidelitate: nihil enim promittit quod non reddat.

Diligit Dominus misericordiam, dum

136 PSALMUS XXXII.

*sustinet peccatores & patienter exspectat; et iudicium, * quo in futuro retribuet unicuique secundum merita sua: misericordia Domini plena est terra, quia ubique terrarum à Domino concessa est pœnitentibus remissio peccatorum.*

*Verbo enim Domini, & sapientia Dei Patris, cœli & Apostoli firmati & solidati sunt * in fide, in verbo, exemplo, & dono: et postea spiritu oris, & filii ejus, qui est os Patris, omnis virtus in doctrina & miraculis eorum roborata est.*

*Congregans in unum locum, sicut in utre concludens, aquas maris, * & sæculi tribulationes, quæ prius sæviebant apertè fluctibus persequentium, sed nunc intra terminos occultè clauduntur: ponens atque recondens in thesauris absconditis abyssos. Imperscrutabilia atque mirabilia soli Deo cognita sunt.*

*Timeat Dominum timore filiali omnis habitans in terra * hac peregrinationis: ab eo autem Domino commoveantur & ad pœnitentiam convertantur omnes peccatores inhabitantes orbem terræ.*

Quo-

PSALMUS XXXII. 137

Quoniam ipse Dominus dixit, & voluit, et ejus imperio facta atque formata sunt * omnia : ipse mandavit verbo suo, et creata sunt omnia ex nihilo. [Judith. 16. 17.]

Dominus dissipat, ne effectum habeant contra se & suos, consilia gentium, * quæ conabantur destruere Ecclesiam : reprobatur autem vanas cogitationes populorum qui machinantur delere nomen Christianum, et etiam reprobatur superba consilia principum atque tyrannorum hujus seculi.

Consilium autem Domini de nostra vocatione, justificatione, & glorificatione, in æternum manet * stabile ac fixum : & cogitationes, dispositiones cordis & sapientiæ ejus, ante mundi constitutionem permanent in generatione et generationem : quia quod disposuit Deus, mutari non potest ab hominibus.

Beata ergo gens cujus est Dominus, per veram fidem, Deus ejus * in debito cultu : populus quem elegit, per prædestinationem, in possessionem perpetuam, tamquam in hereditatem sibi : electi enim

138 PSALMUS XXXII.

enim sunt hereditas Dei, & Deus hereditas ipsorum.

*De cœlo, excelsio suo habitaculo, respexit Dominus * oculis misericordiæ: vidit per suam gratiam omnes filios hominum, ut omnibus misereatur.*

*De præparato & disposito ad salutem mundi habitaculo suo * assumpta humanitatis, in quo habitat omnis plenitudo divinitatis, respexit misericorditer super omnes homines, qui habitant terram, quos elegit ex mera sua gratia.*

*Qui finxit & formavit figillatim & separatim corda & animos eorum * hominum: qui intelligit cogitationes, dicta, facta, & omnia opera, tam bona, quam mala, eorum.*

*Non salvatur rex aliquis per multam virtutem * sui exercitus, nisi assistat sibi divinum auxilium: et gigas, quantumcumque fortis, non salvabitur neque liberabitur in multitudine & potentia virtutis suæ & virium sui corporis.*

*Fallax etiam est equus ferox ad salutem, * quia sæpe fallit sessorem suum: in abundantia autem fortitudinis & virtutis suæ sessor non salvabitur, im-*

PSALMUS XXXII. 139

*Unde sapius colliditur in terram. A Deo
ergo omnis salus.*

*Ecce, ut nos protegat, sunt oculi
Domini & respectus misericordiae suae
super metuentes eum, * & non de se
presumentes; et etiam in eis hominibus
qui sperant, non in virtutibus suis aut
meritis, sed super misericordia & gra-
tia ejus.*

*Ut tandem eruat à morte & damna-
tione perpetua animas eorum, * dans
eis vitam aeternam; et aliat hic interim
eos pane caelesti & verbo spiritali, in
fame: quia esurient justitiam, sed sa-
turabuntur.*

*Anima nostra interim sustinet Do-
minum, * & patiens est in Domino, ex-
spectando ejus beneplacitum; quoniam
ipse adjutor ad faciendum bona, et pro-
tector noster est contra malum.*

*Quia in eo, non in nobis, lætabitur
perfectè cor nostrum, * cum pro operi-
bus præmia suscipiemus; et interim in
nomine Jesu sancto filii ejus salutaris
nostri speravimus, haud in meritis no-
stris.*

*Fiat & veniat misericordia tua inef-
fa-*

140 PSALMUS XXXIII.

*fabilis, Domine Deus, super nos *
peccatores; quemadmodum speravimus,
haud in iustitia nostra, sed in te & tua
gratia.*

O R A T I O.

Domine Deus noster, cujus misericordia plena est terra; qui dixisti, & facta sunt; qui mandasti, & creata sunt: respice nos peccatores oculis gratiae de coelesti tuo habitaculo, ut omnibus miserearis. Pasce nos pane coelesti, ut saturemur verbo tuo, quo hìc famescimus in via peregrinationis nostrae; quemadmodum speramus in te Jesu Christo Domino nostro.

PSALMUS XXXIII. [*sec. Hebr. XXXIV.*]

David, hoc est Christus, & in eo Christianus, cecinit hunc psalmum, cùm mutavit in cœna novissima vultum suum, & vetus sacrificium, & hoc coram Achimelech & Judæis; et Christus dimisit eum populum Judaicum, et abiit ad gentes. [1. Reg. 21.]

Benedicam Dominum corde, ore,
& opere, in omni tempore, *
tam adversitatis, quàm prosperitatis:
sem-

PSALMUS XXXIII. 141

*semper laus, gloria, & honor ejus erit
in ore meo, nec tacebo umquam.*

*In Domino, à quo est omne bonum,
laudabitur, non in sapientia mundi aut
sublimitate verborum, anima mea: *
qui enim gloriatur, in Domino gloriatur.
Audiant hoc mansueti, mites & beni-
gni, et lætentur me socium spiritualis
gratiæ.*

*Magnificate laudando & prædicando
Dominum, esse magnum mecum * re-
sonando: et exaltemus per potestatem &
bonitatem nomen ejus, quod Jesus est,
in idipsum, in unitate & concordia, ut
sit nobis cor unum & anima una.*

*Exquisivi ex toto corde Dominum
orationibus sedulis; et exaudivit me, *
dando bona quæ ab eo postulavi: et ex o-
mnibus tribulationibus, angustiis meis
& tentationibus, eripuit & liberavit
me.*

*Accedite ad eum fide & opere, et
illuminamini * ab eo, qui est vera lux;
et facies vestræ in orationibus suis non
confundentur, quia non patiemini re-
pulsam.*

Iste pauper spiritu clamavit orando
de:

142 PSALMUS XXXIII.

*devotè : et Dominus Deus exaudivit eum * humiliter deprecantem , et de omnibus hujus mundi tribulationibus ejus & angustiis salvavit eum transeuntem ad se.*

*Immittet se occultè Angelus Domini Dei in circuitu , pro defensione timentium eum * de cordis puritate , et eripiet eos ab omni impugnatione demonum.*

*Gustate per spiritualem gustum anime , et videte atque intelligite quoniam suavis palato cordis est Dominus * Deus , qui peccata dimittit , & vitam confert aternam : beatus est vir ille qui sperat in eo qui est omne bonum.*

*Timete Dominum , ne nimia securitate decipiamini , omnes sancti , qui firmi statis in ejus * promissis : quoniam non est inopia spiritualium bonorum timentibus eum in veritate.*

*Divites hujus sæculi eguërunt præ avaritia ; et esurierunt , * ea quæ non habent concupiscendo : inquirentes autem Dominum toto corde non minuentur , immò abundabunt , omni bono , tum spirituali ad salutem , tum corpo-*

PSALMUS XXXIII. 143

Vali ad necessitatem.

Venite , filii per desiderium disciplinae , audite me * diligenter : timorem Domini, qui est initium sapientiae, docebo vos , quo nihil utilius.

Quis est homo mortalis qui vult habere vitam * eternam , & diligit dies videre bonos atque aeternos in futura beatitudine? [1. Petr. 3. 10.]

Prohibe ac tempera linguam & loquelam tuam à malo * contentionis, detractiois , murmurationis ; et labia tua contra proximum , ne loquantur dolum adulationis , mendacii , deceptionis.

Diverte à malo , quod diaboli instinctu provenit ; et fac bonum , * quod ex Dei gratia procedit : inquire cum magno desiderio pacem in Deum & in conscientia , et persequere perseveranter ut eam comprehendas.

Oculi Domini & aspectus divinae pietatis semper sunt super justos * & dilectos , et aures ejus paratae sunt in preces eorum exaudiendas. [Eccles. 15. 20. Hebr. 4. 13.]

Vultus autem irae & indignationis
Do-

144 PSALMUS XXXIII.

Domini Dei super facientes mala , *
ad puniendum eos; ut perdat & destruat
de terra viventium memoriam eorum,
adeò ut nec mentio nec intercessio fiat
pro eis.

Clamaverunt iusti devotè orando , et
Dominus exaudivit eos * promovendo
in bonis : et ex omnibus tribulationi-
bus atque angustiiis eorum protegendo,
liberavit eos à malis spiritualibus.

Juxta est Dominus suo divino auxi-
lio iis qui tribulato & contrito sunt cor-
de , * eos adjuvando : et humiles spiri-
tu ac corde salvabit , quoniam ipsorum
est regnum cœlorum.

Multæ sunt tribulationes hominum
iustorum , * à diabolo & invidis homi-
nibus : et de omnibus his vitæ præsentis
angustiiis liberabit eos Dominus , quan-
do absterget omnem maculam ab oculis
eorum.

Custodit & observat Dominus Deus
omnia ossa eorum * electorum , quæ
sunt animæ virtutes , in quibus robur
mentis : & unum ex his , qualiscumque
immineat tentatio , non conteretur ne-
que deperibit ex toto.

Mors

PSALMUS XXXIII. 145

Mors peccatorum decedentium in mortali delicto pessima * est, quia in gehenna perpetuò torquebuntur: et qui oderunt in animo justum hominem delinquent, cùm odium fraternum sit occasio multorum malorum.

Redimet Dominus pretio mortis suæ animas servorum suorum* prædestinatorum; et non delinquent finaliter in mortem omnes qui sperant spe formata caritate in eo, in quo est remissio peccatorum.

ORATIO.

Illuminemur, quæsumus, nos lumine gratiæ tuæ, ut hîc gustemus & intelligamus quàm suavis sis, Domine, in misericordia tua, sperantibus in te. Et emitte Angelum tuum in circuitu nostro: cujus præsidio muniti, ab omni impugnatione dæmonum & morte peccatorum pessima liberemur. Per Dominum &c.

PSALMUS XXXIV. [sec. Hebr. XXXV.]

Psalmus iste attribuitur ipsi David, hoc est Christo, manu forti, qui vicit mundum, mortem, & diabolum.

K

JU.

JUdica, Domine, *judicio condemnationis* Judæos nocentes me, * *reddendo eis secundum opera eorum*: expugna atque devince impugnantes me *injustè*.

Apprehende tua arma divina ad ar-
cendum inimicos, et scutum * ad pro-
tegendum: et exurge atque succurre in
adjutorium mihi, *quum vires meæ non
suppetant*.

Effunde frameam, & evagina gla-
dium iræ tuæ, in Judæos; et conclude
multitudine hostium adversus eos, ut
intereant qui persequuntur me: * *quo-
niam tu es salus mea*. Dic animæ meæ
per revelationem interiorem: Salus tua
ego sum, ut neminem præter te requi-
ram in angustiis.

Confundantur Judæi, & facta sua
erubescant, et tandem revereantur *
emendati, quærentes perdere animam
& vitam meam.

Avertantur à Deo ut sint retrorsum,
non valentes perficere quod intendunt, et
confundantur * in pravis actibus suis,
cogitantes & machinantes mihi mala,
tam

*tam Judei , quàm Hæretici , quàm Gen-
riles.*

Fiant ipsi tamquam pulvis levissi-
mus , qui dispergitur ante faciem ven-
ti , * ut facile vincantur ab hostibus : et
Angelus Domini malus sit coarctans
& affligens semper eos , atque domine-
tur eis.

Fiat via & vita illorum impiorum
tenebræ , per ignorantiam & cæcitatem
cordis ; et lubricum , * ut facile laban-
tur in vitia : et Angelus Domini malus
sit etiam persequens & tentans eos ,
ut ejus impulsu facile capiantur.

Quoniam gratis , sine causa , quum
nihil mali fecissem , absconderunt mihi
Judei latenter insidias : sed hoc fuit in
interitum laquei sui , * quia per hoc
laquearunt sese in mortem : supervacuè ,
inutiliter & sine causa exprobrave-
runt , & contumeliosè accusaverunt , ut
tollerent animam & vitam meam cor-
poralem.

Veniat illi populo Judaico laqueus
captivitatis per Romanos , quem igno-
rat futurum esse ; et captio ac fraus ,
quam abscondit mihi insidiosè , appre-

hendat eum * subito & improvisò : et in laqueum mortis cadat dictus populus, in ipsum inquam laqueum quem mihi moliebatur.

Anima autem mea , à malis liberata , exultabit in Domino , * gratias agendo ; et delectabitur jubilatione jucunda super Christo salutari filio suo , per quem salvati sumus.

Omnia interiora ossa mea & robora animæ meæ , quæ sunt constantia mentis , & sanctæ voluntates , dicent , * loquentur , & predicabunt : Domine Deus , quis similis tibi ? certè nullus.

Eripiens tu es , Domine , inopem populum Christianum de manu & potestate fortiorum ejus , * immundorum videlicet spirituum , qui naturaliter fortiores sunt homine : insuper egenum sapientia populum , et pauperem virtutibus , liberaisti à potestatibus tenebrarum diripientibus eum : & hoc per crucem tuam.

Surgentes principes Judæorum , & testes iniqui * inducti ab eis , quæ ignorabam , ut mentiri & blasphemare , interrogabant me , ad extorquendum ali-
quod

quod verbum reprehensione dignum.

Retribuebant Judæi mihi Christo mala pro bonis : * attuli eis vitam , ipsi me condemnauerunt morti : etiam sterilitatem retribuebant animæ meæ , contumelias , vulnera , & mortem.

Ego autem , quando in me fœvirent , & cùm mihi molesti essent , * clamantes : Crucifige ; tunc non vindicabam eos , sed induebar cilicio , & abscondebar secundum divinitatem sub humana carne.

Humiliabam & affligebam in jejunio Judæorum animam meam , * quia esuriebam & sitiebam salutem eorum : et oratio mea pro crucifixoribus emissæ , ex quo suscipere non merentur , in sinu meo & secreto cordis , unde exierat , convertetur & remeabit : frustra enim pro eis orabam.

Quasi ad proximum meum , et quasi ad fratrem nostrum carnalem , sic complacebam * & morem gerebam illis , docendo , prædicando , instruendo viam vitæ & veritatis : & , quasi pater lūgens filium , et contristatus de errore ejus , sic humiliabar compatiendo eis , & affligebar de perditione eorum.

150 PSALMUS XXXIV.

Et tamen Judæi adversum me innocentem lætati sunt in malevola & impia eorum voluntate, et convenerunt * in unum consilium: congregata & multiplicata sunt super me innocentem flagella atque tormenta, et ignoravi causam unde meruissem.

Dissipati & attoniti sunt, visis miraculis in passione: nec tamen compuncti de sua iniquitate ad pœnitentiam, tentaverunt me: Si filius Dei es, descende de cruce. Subfannaverunt deridentes me subfannatione * hac: Vah qui destruis templum Dei! Frenuerunt super me, ex crudelitatis magnitudine, dentibus suis, bestiali ferocitate.

Domine Pater, quando respicies * illorum iniquitates, & meam innocentiam? restitue tertia die animam meam corpori, à malignitate eorum liberatam; & erue atque libera à leonibus (Judæis, propter fortitudinem malitiæ eorum) unicam carnem meam, quæ sola concepta fuit sine peccato.

Confitebor tibi & laudabo te, Domine Pater, in Ecclesia Christianorum magna, * ex omni gente collecta, atque
per

PSALMUS XXXIV. 151

per orbem diffusa: in populo Christiano, gravi, maturo, ac modesto, firmiter precepta tua custodienti, laudabo te glorificando.

Non supergaudeant Judæi mihi, *nomen meum delendo*, qui adversantur mihi iniquè, * & *persequuntur injustè; qui oderunt me gratis, sine causa, et annuunt oculis, alios concitantes ad derisionem.* [Jo. 15. 25.]

Quoniam mihi quidem, *licet dolose, tamen pacificè loquebantur*, * *dicentes: Magister, scimus quia verax es: et tamen, in iracundia terræ amittenda loquentes, ne perderent locum & gentem, dolos cogitabant, quomodo me caperent in sermone.*

Et dilataverunt in passione super me *innocentem os suum*, * *blasphemantes, atque dixerunt deridentes: Euge, gaudentes, euge, bene actum de nobis, quia viderunt jam oculi nostri quod desideravimus, ut scilicet cum latronibus in cruce pendèret.*

Vidisti & cognovisti, Domine, *meam innocentiam, & illorum nequitiam: & ideo, ne fileas*, * *sed profer sententiam:*

152 PSALMUS XXXIV.

Domine Pater , ne discedas in passione
à me & ab humanitate mea , quæ subja-
cet passioni.

Exurge , Domine , in adjutorium
meum , et intende judicio meo , * quo
judicatus sum ad crucem : Deus Pater
meus et Dominus meus , respice in
causam meam , quia patior pro homi-
nibus , & non pro peccatis meis.

Judica me secundum causam meam,
& secundum justitiam tuam , quæ non
condemnat innocentem , Domine Deus
Pater meus : * et non supergaudeant
neque insultent mihi Judæi , quasi vi-
ctores.

Non dicant neque arrogant in cor-
dibus & cogitationibus suis malevolis :
Euge , euge , bene , bene est animæ no-
stræ , * fecimus quod volumus : nec di-
cant jactantes : Devoravimus eum , &
exstinximus nomen ejus.

Erubescant de peccatis suis , et re-
vereantur omnes simul * pœnas ater-
nas , qui gratulantur & exsultant de
mâlis meis , de afflictione & tribulatione
mea :

Induantur pudore , & confusione ,
et

PSALMUS XXXIV. 153

*Et simul reverentia: * erubescant ex timore omnes qui magna loquuntur, vel detrahendo, vel jactando super me innocentem.*

*Exultent corpore, et lætentur spiritu, qui volunt justitiam meam * imitari quæ fuit in me: et dicant semper & usque in finem sæculi: Magnificetur Dominus Pater in nobis. Hoc, inquam, dicant hi qui volunt & diligunt pacem Christi servi Patris ejus, qui sua morte pacem posuit inter Deum & hominem.*

*Et lingua mea atque Apostolorum meorum meditabitur atque prædicabit justitiam tuam, * annuntiando Evangelium gentibus; & tota die præsentis vitæ decantabit laudem tuam in Ecclesia catholica.*

ORATIO.

Præsto sit tuum divinum auxilium in persecutione impugnantium nos; quoniam unica salus nostra tu es: quis enim similis tibi? Quocirca anima nostra delectabitur semper & exultabit in salutari nostro JESU CHRISTO, qui humiliavit semetipsum usque ad mortem crucis, delens chirographum peccati. Protecti ergo scu-

scuto inexpugnabili justitiæ tuæ, mereamur, cum diligentibus te, lætitiæ & exultatione æterna perfundi. Per eundem Dominum nostrum.

PSALMUS XXXV. [*sec. Hebr. XXXVI.*]

Psalmus tendens in finem Christum attribuitur servo justo Domini, qui est David.

Dixit in corde suo injustus & crevit apud se ut delinquat, libere peccando, obduratum in semetipso * cor habens : sed non est timor Dei, quod est frenum peccati, ante oculos mentis ejus.

Quoniam, timore Dei posthabito, dolose egit, legem contemnens, in conspectu ejus * qui videt omnia : ut inveniatur iniquitas & reputetur ejus peccatum ad odium, ut Deus iniquitatem judicet, & non dimittat, sed imputet.

Verba oris ejus injusti sunt iniquitas in Deum, et dolus * in proximum: noluit peccator intelligere, immò contempsit, dicta salutaria, ut bene ageret; licet posset, si bona voluntas accederet.

Ini-

Iniquitatem longa deliberatione meditatus est & errorem, in cubili suo * atque in secreto cordis sui: astitit & consensit omni viæ non bonæ, & in omni genere peccati; malitiam autem non odivit, sed dilexit, in malis gaudento & delectando.

Domine Deus, in cœlo est misericordia & beneficentia tua * divina, quæ ubique sentitur: et veritas tua promissionum est usque ad nubes, ubique & semper.

Iustitia tua est altissima, sicut sunt montes Dei, * ab impiis incomprehensibilis: judicia tua, quod horum miseris, & hos excacas, sunt abyssi multa, profunda & inscrutabilia.

Homines justos ac rationales, et iumenta, brutos homines & carnales, salvabis, Domine, * dum tamen poenituerint; quemadmodum mirabiliter multiplicasti in omnibus misericordiam tuam ineffabilem, Deus noster.

Filii autem hominum, * propriis viribus ad omne bonum destituti, in tegmine & umbra alarum tuarum expansarum in cruce sperabunt, cum nulla
alia

alia sit salus nisi in cruce Domini.

Inebriabuntur atque saturabuntur ab ubertate Spiritus Sancti, & pinguedine domus tuæ; * quia omnibus bonis replebis eos, et de torrente atque abundantia voluptatis tuæ divinæ potabis eos in fruitione æterna, qui jam sitiunt justitiam.

Quoniam apud te, Domine Deus, est indeficiens fons vitæ, * initium omnium bonorum, & origo virtutum; et in lumine, Christo filio tuo, qui illuminat omnem hominem venientem in hunc mundum, videbimus & intelligemus lumen totius Trinitatis.

Prætende, longe lateque diffunde, Domine Deus, misericordiam tuam, in remissione peccatorum, scientibus & cognoscentibus te * per fidem, atque confitentibus individuam Trinitatem: et justitiam tuam in vitæ rectitudine tribue his qui recto sunt corde, dirigentes se ad voluntatem Dei.

Non veniat aut subrepat mihi pes & affectus superbiæ, * quo de me præsumam: et manus seu impulsio peccatoris mala suadentis non moveat me à

Bono proposito, & à fide aut statu gratia.

*Ibi enim in affectu superbiæ ceciderunt à gratia divina omnes qui operantur iniquitatem, * quoniam Dei jussa contemnunt : expulsi ergo sunt & damnati à Deo, nec potuerunt stare vel resurgere, quia non cognoscunt errorem.*

ORATIO.

Deus, fons vitæ, & origo omnium bonorum, multiplica super nos misericordiam tuam: ut, inebriatos ubertate gratiarum tuarum; omnem iniquitatem, dolum, superbiam abdicantes; nos, sacrosancti nominis tui cognitione illuminatos, regno tuo dignos efficias, in fruitione æternitatis. Per Christum Dominum nostrum.

PSALMUS XXXVI. [*sec. Hebr. XXXVII.*]

Psalmus iste est ipsi homini impio à David Propheta decantatus.

NOli æmulari, invidere, & indignari in malignantibus, * nec te malè habeat improborum fortuna, neque

que zelaveris aut dilexeris facientes iniquitatem : *tales enim , nec imitandi , nec amandi sunt.*

Quoniam , tamquam fœnum , quod hodie floret & cras marcescit , velociter arescent * in gloria & prosperitate majorum ; et , quemadmodum olera herbarum , viridia , sed vilia , cito decident in carnali eorum gloria.

Spera in Domino , quod est initium salutis ; et fac bonitatem , * quia fides sine operibus mortua est ; et inhabita terram , permanendo in unitate Ecclesiæ : et pascêris , usque ad saturitatem & satietatem , in divitiis spiritualibus ejus , quarum thesaurus est ipse Christus.

Delectare , non in rebus transitoriis , sed in Domino , * qui sit dulcedo mentis tuæ ; et dabit tibi petitiones , non carnis , sed cordis tui , quas spiritus rationalis petit , quæ sunt bona gratiæ & virtutis.

Revêla & patefac Domino Deo viam tuam peregrinationis per confessionem , et spera in eo , * & non in alio : et ipse sine dubio faciet illud quod desideras.

Et

PSALMUS XXXVI. 159

Et educet in publicum , quasi lumen aliis in exemplum virtutis , justitiam tuam atque opera justitiæ tuæ ; et judicium tuum , quo eligis sequi Christum , tamquam meridiem * in pleno splendore manifestabit in extremo judicio : interim subditus esto Domino , preceptis ejus obediendo ; et ora eum pie ac perseveranter.

Noli æmulari neque invidia commoveri in eo homine qui prosperatur & floret in via sua * perversa , & in homine malo faciente atque perpetrante injustitias. Ille prosperatur in via sua , & tu laboras in via Dei.

Desine ab ira , ne subitò irascaris prosperitate malorum , et derelinque furorem : * noli , ob hoc , contra Deum malignari. Subinde noli æmulari aut indignari in tantum ut ipse maligneris , atque efficiaris reprobus.

Quoniam qui malignantur & nequiter agunt , estò jam floreat in deliciis , exterminabuntur * tamen in futuro extra terminos viventium : sustinentes autem & patienter expectantes Dominum Deum , ipsi hereditabunt
ter-

terram viventium & patriam cœlestem.

Et adhuc restat pusillum temporis, et non erit peccator, * pro quo irascere; et quæres locum atque felicitatem ejus, et non invenies, quia evanuit.

Manfueti autem & mites, qui jugum Domini patienter portant, & adversa mundi æquanimiter tolerant, hereditabunt cœlestem terram * viventium, et delectabuntur atque gaudebunt in multitudine supernæ pacis futuri sæculi, quæ est requies perfecta. [Matth. 5. 4.]

Observabit occultis insidiis peccator, ut circumveniat justum, * dolens de bono virtutis ejus; et stridebit præ furore super eum justum, dentibus suis detractionis & nequitia.

Dominus autem irridebit atque dignum opprobrio eum * judicabit; quoniam prospicit & procul aspicit quod veniet, post pusillum temporis, dies perditionis ejus & dies ultionis iræ suæ.

Gladium persecutionis evaginaverunt atque nudaverunt peccatores * adversus sanctos: intenderunt, insidians

diando , arcum suum in dolo.

Ut dejiciant *dolis* pauperem , & *humilem spiritu* , et *inopem* , * *qui nec opem habet ab alio* ; ut trucident atque interficiant rectos corde , *constantes & firmos in fide.*

Gladius eorum , quo aliis nocere conantur , intret in corda & animas ipsorum * *ad damnationem* , ut simili persecutione moriantur : et arcus , *dolus* eorum confringatur , & *insidia* , ne *justo noceant.*

Melius est & sufficientius modicum temporale *justo* * *homini* , qui tendit ad bona spiritualia , super divitias peccatorum multas : quia *avaro tam deest quod habet , quàm quod non habet.*

Quoniam brachia , potestas , divitiæ , robur peccatorum , in quibus confidebant , conterentur , * minuentur , & confringentur : confirmat autem , ne à bono virtutis moveantur , justos , tam in prosperis , quam adversis , Dominus Deus.

Novit & approbat Dominus in vita presenti dies immaculatorum , * conversationem & vitam justorum : et hereditas eorum qui sine macula sunt,

in æternum erit, & in vita aeterna durabit.

Non confundentur neque privabuntur spe sua iusti in tempore malo, quod erit dies iudicii: et in diebus famis, quibus damnati esurient per carentiam boni, iusti saturabuntur* per ademptionem summi boni, quia peccatores peribunt.

Inimici verò Domini, qui sunt amici huius mundi, mox ut honorificati fuerint gloria & reverentia, et exaltati* dignitatibus & potentia; deficientes quotidie de malo in pejus, quemadmodum fumus, cujus nullum tandem invenitur vestigium, deficient tandem perpetuò.

Mutuabitur & suscipiet peccator diversa Dei beneficia; et non solvet,* Deo gratias agendo, & mandata eius implendo: iustus autem de bonis à Deo acceptis miseretur affectu compatiendo, et tribuet largiendo eleemosynas.

Quia benedicentes & gratias agentes ei Deo hereditabunt in præmium terram* viventium: maledicentes autem ei, quales sunt peccatores, blasphemi,
&

& Dei legibus inobedientes , disperibunt
 à justorum beatitudine in aeternam perdi-
 tionem.

Apud Dominum Deum gressus ho-
 minis justi dirigentur , * ut non decli-
 net à rectitudine justitiæ : et viam ejus,
 ad meritum aeternæ vitæ ordinando , vo-
 let & approbabit Dominus.

Cùm ceciderit in peccatum propter
 carnis infirmitatem (quia septies in die
 cadit justus) , non tamen collidetur *
 neque frangetur , gratiam Dei irrecupe-
 rabiliter amittendo ; quia Dominus
 Deus supponit adjuvando manum suam
 misericordiæ , reducendo eum per pœni-
 tentiam ad gratiam.

Junior fui per ætatem , etenim jam
 senui * in diebus ; et non vidi umquam
 justum hominem derelictum à Deo , nec
 semen & progeniem ejus vidi umquam
 quærens panem & necessaria bona.
 [Eccl. 2. 12.]

Tota die atque omni tempore vitæ
 suæ , miseretur justus admonendo erran-
 tem , et commodat * pauperibus dispen-
 sando eleemosynas : et semen illius, quod
 seminat ut metat , in benedictione erit,

quia cum exultatione veniet portans manipulos suos.

*Declina à malo & diverte à peccato, et fac bonum * opus exercendo te virtutibus : et inhabita in terra viventium in sæculum sæculi, æternaliter.*

*Quia Dominus Deus amat iudicium, iustitiam & æquitatem, et ideo non derelinquet electos sanctos suos, * qui ejus voluntatem impleverunt : sed in æternum in vita beata conservabuntur in corpore & anima.*

*Injusti pœna æterna punientur * in inferno, et semen atque opus illorum impiorum hominum transibit ut umbra, & peribit in nihilum.*

*Iusti autem homines hereditabunt atque possidebunt terram * viventium, ubi nullus moritur ; et inhabitabunt atque dominabuntur in sæculum sæculi sine fine super eam, tamquam domini & possessores.*

*Os ipsius iusti hominis meditabitur & predicabit sapientiam, * quæ est ex Deo & æternis : et lingua ejus cum discretione loquetur iudicium veritatis, discernens quæ tenenda sunt, & quæ fugienda.*

Lex

*Lex Dei ejus & observatio præceptorum erit semper in corde ipsius, * per jugem meditationem : et ideo non supplantabuntur à diabolo vel peccato gressus ejus, quibus nititur ad Deum pervenire. [Isai. 51. 7.]*

*Considerat callidè peccator ut circumveniat justum, * ad decipiendum : et etiam per invidiam quærit opportunitatem mortificare eum, vel corporaliter, vel spiritualiter.*

*Dominus autem Deus non derelinquet eum totaliter in manibus & potestate ejus * impii ; nec damnabit eum justum in futuro judicio, cum judicabitur, sed sententia illi dabitur pro eo.*

*Expecta patienter Dominum, qui te judicabit ; et custodi viam ejus, observando mandata : et exaltabit te de lacrimarum valle, ut hereditate & firma possessione capias terram * supernæ patriæ : & quidem, cum perierint atque judicati fuerint peccatores, tunc videbis præmia justorum, & pœnas impiorum.*

*Vidi impium præ aliis superexaltatum * potentia & honoribus sæculi, et*

elevatum superbia sicut cedros, arbores Libani montis altissimas.

Et transivi, *per aliquod tempus expectans*, et ecce non erat * *qui sic in-
tumuerat*: et quæsi vi eum in gloria sua *vana*, et non est inventus *neque splendor pompæ, dignitatis, & superbiæ, nec etiam locus prosperitatis ejus.*

Custodi innocentiam vitæ, quo ad Deum; et vide æquitatem, * *justè cum proximo agendo*: quoniam hæc bona opera sunt reliquiæ quæ post hanc vitam relinquuntur homini pacifico, ut post mortem præmientur in felicitate æterna.

Injusti autem cum suis operibus disperibunt atque æterna damnatione delebuntur, simul * *etiam cum eis reliquiæ impiorum, quæ sunt honor, divitiæ, fama, interibunt*: quoniam, post mortem, falsa eorum laus & fragilis gloria dissolvetur.

Salus autem mentis & corporis ipsorum justorum hominum est à Domino * Deo: qui etiam et est protector eorum, si quid eos impugnat, in tempore tribulationis & tentationis, ne superentur.

Et

*Et in colluctatione tentationum adjuvabit eos Dominus, cooperando ne fatigentur : et liberabit eos, * si ceciderunt in peccatum; et eruet eos per veram pœnitentiam à peccatoribus, quia non erunt de numero obstinatorum : et tandem salvabit eos, ad vitam æternam perducendo : quia speraverunt firmiter in eo qui est salus cunctis sperantibus in Domino.*

ORATIO.

Omnipotens Deus, salus, protectio, & liberatio nostra, concede petitiones cordis nostri, qui delectamur & speramus in te. Domine, dirige gressus nostros in bonum: & cum ceciderimus in peccatum, porrige dexteram cadentibus, cum auxilio gratiæ & misericordiæ tuæ; ne collidamur in interitum, ne confundamur in tempore malo, ne dispereamus cum impiis; sed hereditatem justorum in terra viventium sortiamur. Per Dominum nostrum.

PSALMUS XXXVII. [*sec. Heb. XXXVIII.*]

Psalmus iste est David & cujuslibet pœnitentis, in rememoratione atque recordatione Sabbati & requiei æternita-

tis, quam habere desiderat, sed peccatorum conscius perdere reformidat.

Domine, precor ne in furore tuo excandescenti arguas me, * cum reprobis damnando; neque in ira atque indignatione tua castiges & corripas me, purgatorii pœna cruciando.

Quoniam in hac vita sagittæ tuæ vindictivæ, quæ sunt pœnalitates animæ & corporis, infixæ sunt mihi * in vulnus, postquam peccavi; et confirmasti diu & in multis, super me peccatorem, manum tuam & potentiam vindictæ.

Non est sanitas neque requies in carne mea mortali, à facie & instantia iræ & vindictæ tuæ: * etiam non est pax in interioribus ossibus meis & viribus animæ meæ, à facie & reminiscencia peccatorum meorum, atque instantia suggestionum malarum.

Quoniam iniquitates meæ, regnantes in mortali corpore, supergressæ sunt suo numero caput & intellectum meum, * quod in servitutem redigunt; et sicut onus grave, ob multitudinem & magnitudinem gni-

gnitudinem earum , gravatæ sunt ut ad bona erigere mentem nequeam, super me peccatore.

*Putruerunt plagæ peccatorum in deliciis suis , et corruptæ sunt tabe malorum operum cicatrices meæ * in livoribus perversis , à facie & aspectu insipientiæ atque ignorantia meæ , quia neglexi ut rem vilem.*

*Miser , quia servus peccati , factus sum in afflictionibus animæ & corporis; et curvatus sum in conscientia , peccatorum mole , usque in finem * humiliatus ad pœnitentiam : tota die hujus vitæ , contristatus propter synderesim ingrediebar , timens pœnas futuras.*

*Quoniam lumbi mei carnalium delectationum impleti sunt & fatigati , fomite concupiscentiæ , illusionibus * vanis, libidinum incentivis : et ergo non est sanitas neque requies in carne mea, quæ semper adversus spiritum concupiscit.*

*Afflictus sum corpore , et humiliatus sum mente nimis , * quum undique sit calamitas : rugiebam , amarè flendo , à gemitu & contritione cordis mei,*
pe-

170 PSALMUS XXXVII.

petens cum luctu remissionem.

Domine , ante & coram te est omne desiderium meum : * et , quia pius es , gemitus meus pro peccatis , à te , qui nosti secreta cordium , non est absconditus : tibi enim non occultantur occulta.

Cor meum , quia tranquillitatem conscientiae amisit , conturbatum est suis passionibus , & inde dolor : dereliquit me robur ac pristina virtus mea , * inde pavor : et lumen , ob passionum turbulentiam , oculorum meorum mentalium etiam deseruit me , inde error : et ipsum verum lumen , qui Christus est , non est mecum , quia in tenebris decidi peccatorum.

Amici mei (vox est Christi) et proximi mei , * Judæi , adversum me cum gladiis & fustibus appropinquaverunt : consiliis et dolis steterunt perseveranter contra me , ut occiderent.

Et qui ante passionem juxta me erant , Apostoli , de longè steterunt , * quia , relicto me , fugerunt : et vim faciebant Judæi , trahentes ad principes sacerdotum , qui quærebant tollere animam & vitam meam.

Et

Et qui *scrutantes* inquirebant *falsa* & mala *crimina* quæ *opponerent* mihi; non *invenientes*, locuti sunt *vanitates*, * *fingendo testimonia falsa*; et *dolos frudesque* tota die *meditabantur*, ut *me morti traderent*.

Ego autem, *ferendo impropéria*, tamquam *furdus nihil respondens*, non *audiebam*: * et *fui sicut mutus*, *conticescens*, non *aperiens ad exprobrationes* os suum.

Et factus sum, *dum me conspuerent illuderentque*, sicut *homo objecta non audiens* * *convicia*, et *quasi non habens in ore suo innocenti redargutiones*, quibus *eorum blasphemias respondere possem*.

Quoniam, *sustinendo crucem*, in te, Domine, *speravi*, * *ut me susci- tes*; tu *exaudies me*, quia *obediens fui usque ad mortem*, Domine *Pater Deus meus*.

Quia *dixi in oratione*, te *deprecando*: Nequando *insultent* & *supergau- deant* mihi *conviciatores inimici mei*: * et, dum *commoventur atque labascunt discipuli*, qui *sunt pedes mei*; tunc
su-

super me , *irridendo* , magna *improperia* loquuti sunt : *Si filius Dei es , descende de cruce.*

Quoniam ego , *non recusans crucifigi* , in flagella *sustinenda* & tormenta paratus sum * *volenti animo* ; et dolor meus *crucis* in conspectu meo , quia *innocens patior* , est semper pro eis.

Quoniam & ego *pœnitens* , iniquitatem meam *accusando* , annuntiabo * *in confessione* ; et cogitabo *sollicitus ac sedulò* pro peccato meo , *operibus satisfaciendo.*

Inimici autem mei *prosperantur* , vivunt , *fruuntur mundo* , et confirmati sunt *in malitia* , *secure peccantes* , super me , * *ob eorum prosperitatem* : et multiplicati sunt *numero* qui oderunt me *sine causa* , *sed iniquè* , *sed sola perversitate.*

Qui retribuent , *ex ingratitudine* , mala pro bonis , *quod pessimorum est* , *detrahebant mihi* * *ex invidia* , quoniam sequebar *conscientiæ bonitatem* , *detestando vitia.*

Ne derelinquas me *in tentatione* & *tribulatione* , Domine , *auctor salutis meæ* ,

PSALMUS XXXVII. 173

*mea, & Deus meus, * quem adoro: ne discefferis penitus à me, subtrahendo gratiam tuam.*

*Intende, quia graves sunt pugnae carnis, in adjutorium meum, * ut in bonis perseverem, Domine Deus, auctor, dator, & promissor salutis & redemptionis meae aeternae.*

ORATIO.

Domine, ne in furore tuo excandescenti arguas nos, cum reprobis in æternum damnando. Cognoscimus culpam, precamur veniam: reminiscencia peccatorum nos affligit, cor conturbatum est, non est sanitas in carne nostra: ne derelinquas nos, Domine Deus noster: ne subtrahas gratiam tuam à nobis, sed intende in adjutorium nostrum, auctor salutis nostrae JESU CHRISTE, qui es benedictus in sæcula sæculorum.

PSALMUS XXXVIII. [sec. Hebr. XXXIX.]

In finem nos dirigens & Christum, pro Idithun & pro transiliente mundum per contemptum & castigationes carnis, canticum, quod attribuitur ipsi David, docens mundana despicere, & cœlestia anhelare.

DIxi firmiter & proposui in corde: Custodiam vias & actiones meas, * tali diligentia; ut etiam non delinquam peccando in lingua mea, detrahendo, jurando, vel mentiendo.

Posui ori meo custodiam * & cautelam, silentium observans; cum confisteret haereticus, calumniosus peccator, vel reprobus adversum me, mihi insidiando, vel quærens calumniam elicere.

Obmutui, volens vitare contentionem, et humiliatus & afflictus sum apud impios, adeò ut et filii à bonis * enuntiandis, unde veritatem subticui: et dolor meus propterea renovatus est, de indiscreta taciturnitate.

Concaluit & succensum est cor meum, ex dilectione Dei & proximi, intra me, * in interiori homine: et, in meditatione atque deliberatione mea de his habita, exardescet ignis & fervor dilectionis per zelum, ut arguam insensatos.

Locutus sum Deo meo in lingua mea, * toto corde & ore eum deprecando: Notum atque manifestum fac mihi,

ut semper in memoria habeam, Domine Deus, finem & exitum meum in mortali corpore.

*Et numerum ostende mihi dierum meorum, quibus vivam in hoc saeculo, quis est, * & quantum supersit; non ut indulgeam voluptatibus, sed ut sciam quid temporis & meriti desit mihi, ut emendem vitam meam.*

*Ecce breves, mensurabiles, & transitorios posuisti atque ordinasti dies meos, * immò numerus mensium apud te est: et substantia mea carnalis, quæ in Adam peccante corrupta est, tamquam nihilum reputanda est ante te, qui æternus es.*

*Verumtamen, in hac mortalitate, universa sub sole degentia sunt vanitas: * & etiam omnis homo vivens plenus est vanitate naturæ, culpæ, & miseriæ.*

*Verumtamen, præter hæc, etiam in imagine, quæ videtur in speculo & statim disparet, pertransit homo * eundo ad mortem, & evanescit: sed et, quamvis sic transeat, nihilo secius tamen frustra & inutiliter conturbatur &*
gra-

gravatur vana sollicitudine circa temporalia.

*Thesaurizat * cum magna sollicitudine , pro se & suis : et tamen ignorat cui congregabit ea , an furibus , an hostibus , an extraneis , an fisco.*

*Et nunc , inter tot vanitates vite presentis , quæ est expectatio mea , & finis meus quem spero ? nonne Dominus * Deus , qui est super omnia ? et substantia mea spiritualis , quæ in conscientia existit , apud te nota est atque reservatur.*

*Ab omnibus peccatis & iniquitatibus meis , præteritis , presentibus , & futuris , erue & libera me * tua miseratione : in opprobrium atque derisum insipienti ac stulto peccatori dedisti me , quia mali semper illudunt bonis.*

*Obmutui quum me conviciis lacefferent , et non aperui os meum quum me diversis improperiis irritarent ; quoniam tu fecisti * me talem , ut in adversis non murmurarem : amove tamen à me peccatore plagas & correctiones tuas , quibus me affligi permittis.*

A fortitudine & gravi correptione
ma-

PSALMUS XXXVIII. 177

manus & potentia tuæ divine ego defeci, & debilitatus sum in increpationibus* tuis & duris punctionibus: tamen, propter iniquitatem & peccata, justè corripuisti flagellis tuis hominem, ut tandem castigatus erudiatur.

Et tabescere, infirmari, atque humiliari fecisti, ad erudiendum, sicut araneam, qua nihil tabidius, quæ leviter tacta cadit, animam ejus* fragilem: verumtamen vanè anxietur, conturbatur, & affligit se omnis homo mortalis, citò transiens.

Exaudi orationem meam pro bonis adipiscendis, Domine Deus, et deprecationem meam* pro malis amovendis: auribus tuis divinis percipe misericorditer lacrimas meas, tibi fusas ex intimo corde.

Ne fileas neque dissimules: quoniam advena in hoc mundo ego sum apud te, non habens permanentem civitatem; et peregrinus, * pergens ad patriam vitæ æternæ, sicut olim omnes patres mei, qui hinc migraverunt.

Remitte mihi peccata mea, ut refrigerer in conscientia per consolationem,

M

pri-

178 PSALMUS XXXIX.

priusquam abeam * *de presenti vita ad mortem*, et amplius non ero in statu merendi: quia post mortem non est peccati remissio.

ORATIO.

Pone, Domine, custodiam ori nostro, ut non delinquamus in lingua. Ab omnibus iniquitatibus libera nos, & corripe nos: sic tamen, ut non deficiamus in increpationibus. Notum fac nobis finem nostrum, ut cognoscamus quid desit in emendationem vitæ. Ne differas auxiliari: quia advenæ sumus & peregrini, sicut omnes patres nostri. Subinde thesaurizemus ea in hoc sæculo, quæ, te retribuente, capiemus in futuro. Per Christum Dominum nostrum.

PSALMUS XXXIX. [sec. Hebr. XL.]

In finem & Christum Psalmus iste est David Propheta.

EXpectans cum magno desiderio expectavi quotidie Dominum * Christum incarnandum, qui solus potest salvare: et ipse pro sua clementia intendit mihi, implendo desiderium amoris mei.

Et

Et exaudivit Dominus preces meas, *
mittendo Christum; et eduxit me atque
liberavit de lacu miseriæ, infelicitatis,
atque ignorantia, et de luto fætido fæ-
cis, carnalis concupiscentia, & deside-
riis terrenorum.

Et statuit atque firmavit per fidem
super petram Christum, qui est vera
petra, pedes & affectus meos, * ut in
eo confidam; et direxit per legem Euan-
gelicam gressus & actus meos, ad bea-
titudinem eternam.

Et sic immisit supernè in os meum,
ut occinerem, canticum novum * de
incarnatione, passione, resurrectione,
ascensione: carmen, inquam, laudes, &
gratiarum actiones, Deo nostro Jesu
Christo.

Videbunt per fidem multi qui cæci
erant, & de Deo nihil intelligebant; et
timebunt, * cognoscentes se peccatores:
et, effecti Christiani, sperabunt conse-
qui in Domino Jesu remissionem pecca-
torum.

Beatus est vir ille cujus est nomen
Domini Jesu Christi spes salutaris
ejus * (quia non est aliud nomen in quo

oportet nos salvos fieri) ; et qui non respexit neque fiduciam posuit in vanitates hujus mundi, et insanias falsas, quæ sunt iræ, rixæ, dissensiones, & reliqua opera carnis.

*Multa fecisti mundum creando tu, Domine Deus meus ; sed majora mirabilia tua * sunt quod per passionem tuam mundum salvasti : et cogitationibus tuis, quibus disposuisti ab æterno mysterium incarnationis, non est aliquis qui similis sit tibi, quia hoc mirabile excedit omnia mirabilia tua.*

*Annuntiavi mirabilia, prius per Prophetas ; et novissimè locutus sum * ipse, inter homines conversatus ut homo : unde multiplicati sunt credentes, super numerum arena maris.*

*Sacrificium et oblationem veteris legis noluisti, * ad tollendum peccata mundi : aures autem ad obediendum perfecisti mihi, usque ad mortem carnis.*

*Holocaustum quod totum incendebatur ad honorem Dei, et pro peccato originali, non postulasti, * quia non fuit tibi acceptum : tum dixi ego Christus:*

stus: Ecce volens ac latus ego venio ad offerendum corpus meum in ara crucis, ceu sacrificium acceptissimum.

*In capite libri prædestinationis scriptum est de me Christo, ut facerem atque adimplerem voluntatem tuam, * quæ fuit obire mortem pro redemptione generis humani: & Deus meus, hoc idem volui, & ad hoc de cælo descendi, et legem tuam Euangelicam semper habui in medio cordis mei per meditationem.*

Annuntiavi, per me & Apostolos, iustitiam & legem tuam Euangelicam, quæ pœnitentiam docet in Ecclesia catholica, quæ magna est potestate, & firmitate, & amplitudine: ecce labia mea non comprimam, non prohibebo à promulgatione legis per me & meos: & tu, Domine Pater, tu hoc scisti, & testis es.*

*Iustitiam tuam & mandata tua non abscondi, quando potui prodesse in corde meo; * sed palàm annuntiavi doctrina & operibus: & veritatem tuam in exhibitione promissorum, et salutare tuum, videlicet me ipsum pro salute*

*hominum , dixi , predicavi , atque enun-
tiavi.*

*Non abscondi neque celavi miseri-
cordiam tuam , quia peccata condonas ,
et veritatem tuam , * quia minaris im-
piis , à concilio multo & congregatio-
ne magna : omnibus enim benignitatem
tuam & doctrinam Euangelicam annun-
tiavi.*

*Tu autem , Domine Deus Pater ,
ne longè , sed propè facias miserationes
tuas infinitas à me * & membris meis
fidelibus : misericordia tua , qua dimit-
tuntur peccata , et veritas tua , qua ju-
stus es , semper susceperunt & conser-
vaverunt me , ne peream.*

*Quoniam circumdederunt undique
me mala & molestissima quæque , quo-
rum non est numerus * (negligentia
nostra & tentationes innumerabiles sunt) :
comprehenderunt & illaquearunt me
iniquitates meæ adeò , et non potui
prospicere mihi , ut viderem quomodo il-
las evaderem.*

*Multiplicatæ sunt iniquitates meæ
super capillos capitis mei , * quia in-
finitæ : et ergo cor meum atque vi-*

PSALMUS XXXIX. 183

gor animæ dereliquit me , destitutus fiducia & viribus.

*Complaceat tibi in bona voluntate tua , Domine Deus , ut eruas me , * ut gratiâ tuâ à tantis malis liberer: Domine , ad adjuvandum me auxiliator unicus , respice misericorditer.*

*Confundantur inimici mei ut resipiscant , et revereantur erubescences simul pœnam , quam meruerunt , qui quærunt insidiando animam meam * & meorum , ut auferant eam interficiendo.*

*Convertantur de pravis suis voluntatibus retrorsum , ne in malo opere perseverent , et revereantur * atque timeant Deum , qui volunt mihi & meis mala inferre.*

*Ferant quasi pondus immensum confestim , ne longius progrediantur in malum , confusionem suam , * ut citò redeant ad pœnitentiam , qui dicunt mihi & meis : Euge , euge , bene , bene , applaudentes adulatoriè & dolosè.*

*Exultent corpore , et lætentur mente , super te Deum Patrem , omnes quærentes te * per fidem & dilectionem:*

184 PSALMUS XXXIX.

et dicant semper *atque prædicent* : Magnificetur Dominus, & sit nomen ejus benedictum, qui diligunt me Christum salutare tuum, quem misisti pro salute hominum.

Ego autem mendicus sum, quia formam servi accepi, et pauper, * vilis, abjectusque judicatus : sed Dominus Deus sollicitus est & curam habet mei.

Adjutor meus, quum sim fragilis, et protector meus in angustiis tu es : * Deus meus, ne tardaveris periclitanti auxilium opportunum.

O R A T I O.

Exaudi preces nostras, Domine, & educ nos de lacu miseriæ, infidelitatis, & ignorantiae, atque de luto carnalis concupiscentiae; ne respiciamus in vanitates & infanias falsas. Sed dirige per legem Evangelicam gressus nostros ad beatitudinem æternam. Et misericordia suscipiat nos, quum multiplicatae sint iniquitates super capillos capitis nostri. Ad adjuvandum nos respice: ne tardaveris, adjutor & protector noster, qui es benedictus in sæcula. Amen.

PSALMUS XL. [sec. Hebr. XLI.]

In finem & in Christum intellectus hujus Psalmi tendens attribuitur filiis Core, hoc est, imitatoribus passionis Christi.

BEatus & felix est vir ille qui intelligit per veram fidem super Christum, egenum in sua humanitate, et pauperem* ac humilem; ut confiteatur eum verum Deum & hominem esse: in die judicii, quæ erit dies mala, dies iræ, calamitatis & miseriæ, liberabit eum à damnatione æterna Dominus Deus.

Dominus Deus conservet eum inter pericula & tentationes hujus laboriosæ vitæ, et vivificet eum suo spiritu & gratia, et beatum verè faciat eum in terra* viventium, ubi est perfecta beatitudo; et non tradat eum justum in animam & voluntatem inimicorum, diaboli & ministrorum, ejus.

Dominus opem suæ gratiæ divinæ ferat illi intelligenti, super lectum afflictum doloris ejus, * aut corporis, aut animæ, in infirmitate carnis: quia tu,
Do-

186 PSALMUS XL.

Domine , universum stratum ejus , jam quietum in omni sensualitate , versasti & turbasti , in infirmitate & doloribus ejus castigando , & reminiscetur eternorum.

*Ego peccator dixi ad te : Domine Deus , miserere mei , * quia confiteor me miserum : sana animam meam , auferendo ab ea delicti reatum , quia peccavi tibi & coram te mea perversa voluntate.*

*Inimici mei Judæi dixerunt frequenter multa mala opprobria mihi * innocentem , atque in conciliis suis interrogaverunt : Quando morietur Samaritanus iste , et peribit seu annihilabitur nomen & memoria ejus?*

*Et , si forsitan ingrediebatur aliquis de inimicis meis , ut videret me docentem ; causâ explorandi faciebat , & sic vana loquebatur * & ficta , ad diffamationem : unde & cor ejus congregavit ad damnum suum iniquitatem sibi , in detrimentum animæ & corporis.*

*Egrediebatur ille foras * ad populum , et loquebatur falsa & ficta in idipsum , ad diffamationem meam.*

Ad-

Adversum me innocentem susurrabant, latenter detrahendo, omnes inimici mei, * scribæ, & pharisæi: adversum me etiam cogitabant, in consiliis eorum, mala plura mihi inferre.

Verbum iniquum in omni injustitia constituerunt & ordinaverunt adversum me, * clamantes: Crucifigatur. Numquid qui dormit, & moritur sponte, non adjiciet morti suæ ut resurgat? Qui habuit potestatem ponendi animam suam, habet & resumendi eam.

Etenim Judas, homo familiaris pacis meæ, mecum habitans pacificè, in quo speravi * & confidebam, quia loculos habebat, qui edebat panes meos mecum in mensa, magnificavit super me innocentem supplantationem, ita ut traderer Judæis osculo ejus. [Joan. 13. 18. Actor. 1. 16.]

Tu autem, Domine Pater, misere mei, non derelinquendo in sepulcro, sed et resuscita me * tertio die à mortuis: et tunc retribuam eis vicissitudinem malorum quæ in me gesserunt, dispergendo eos perpetuò captivos in universum.

In hoc cognovi quod tibi semper
pla-

*placui , quoniam voluisti me * glorificare & exaltare : quoniam non gaudebit finaliter inimicus meus populus Judæus super me crucifixum , immò tristabitur de gloriosa resurrectione.*

*Me autem , crucifixum sine debito , propter innocentiam vitæ meæ , quia semper sine peccato fui , suscepisti * ex sepulcro , corpus gloriosum mihi conferendo ; et confirmasti me gloria immortalitatis in conspectu tuo , me ad dexteram collocando in æternum & ultrà.*

*Benedictus & laudatus sit Dominus Deus Christianorum , qui est Dominus Israël videntium Deum per fidem ; à sæculo , ex quo omnia cæperunt , et usque in sæculum * futurum , æternaliter : fiat , fiat. Amen , amen.*

O R A T I O.

Libera nos , Domine , conserva & vivifica nos , sana animas nostras , & miserere nobis , quia peccavimus tibi. Opem nobis feras in hac carne fragili , contra insultus dæmonum , nequando gaudeant inimici super nos. Sit benedictio tua super nos , ut , dum carnalia delicta clementer arguis , nobis veniam placatus largiaris. Per Christum Dominum &c.

PSALMUS XLI. [*sec. Hebr. XLII.*]

In finem , *ad eternam beatitudinem pervenire desiderantibus*, intellectus hujus Psalmi attribuitur filiis Core , qui scribuntur Janitores tabernaculi sive templi Domini.

Quemadmodum desiderat & festinat ire cervus , agitated à venatoribus , & calefactus , ad fontes aquarum , * *ut sitim & aestum exstinguat* ; ita desiderat anima mea , demonum tentationibus , & malis seculi afflictà , venire ad te , Deus , qui es unus fons misericordiæ.

Sitivit & summè desideravit anima mea in hac peregrinatione ad videndum Deum fortem vivum , * *quia cupio dissolvi & esse cum Christo* : sed quando veniam ? quando finietur peregrinatio mea , et apparebo præsens ante faciem & conspectum Dei redemptoris mei ?

Fuerunt mihi , ob desiderium Dei mei , lacrimæ meæ tamquàm panes refectionis in anima , quibus sperabam remissionem peccatorum , die ac nocte , *

tam

nam in prosperis quàm adversis rebus hujus sæculi ; dum dicitur & impropertur mihi quotidie à reprobis & infidelibus: Ubi est Deus tuus , ut subveniat tibi?

*Hæc opprobria recordatus sum , et pleno desiderio effudi atque prostravi in me ipso animam meam , * ad intelligendum Deum ; quoniam transibo de periculis mundi in locum tabernaculi & Ecclesiæ catholicæ , admirabilis valde propter sacramentorum efficaciam , usque ad domum æternam Dei in cælis.*

*In voce exultationis de beneficiis gratiæ, et confessionis * de propriis peccatis , est sonus spiritualis animæ epulantis : nam quid esse potest dulcius , quid salubrius , quàm Deum laudare , & se semper arguere?*

*Quare ergo tristis & afflictæ es , anima mea , * perinde ac desperata ? et quare conturbas me , dolorem inferendo in sensualitate?*

*Spera firmiter in Deo , & recipe consolationem ; quoniam adhuc confitebor illi * gratias agendo , qui est salutare vultus mei , & vera salus animæ meæ , et est Deus meus : ipse enim sal-*

vator noster homo est Deus.

Ad meipsum anima mea *conversa*,
conturbata est * & *afflicta ob recorda-*
tionem peccatorum: propterea, *ut eva-*
dam istas tribulationes, memor ero tui,
Domine, *ad te in humilitate recurrens*,
de terra Jordanis, *ubi fit baptisma*, et
Hermoniim, *ubi fit pœnitentia*, à mon-
te modico, *in humilitate*.

Abyssus, Novum Testamentum, abyf-
sum, Vetus Testamentum invocat, *
quia mutuò se testimoniis confirmant:
quæ, abyssus sunt propter profunditatem
intelligentiæ, in voce Prophetarum &
Apostolorum, cataractarum tuarum &
aqueductuum, quia per eos fluentia di-
vinæ sapientiæ nobis emanant.

Omnia excelsa & graviora judicia
tua, quæ minaris, et fluctus tui* in
tribulationibus, propter peccata mea,
super me transierunt. Recessit ira, &
venit misericordia: transierunt peccata,
superabundat gratia.

In die tribulationis, mandavit & vo-
luit Dominus Deus laudari misericor-
diam & benignitatem suam: * et, in
nocte adversitatis, præcepit canticum
glo-

gloriæ nominis ejus , & exsultare in ipso.

Apud me *intus est oratio puræ mentis , quam offero Deo auctori vitæ meæ * atque conservatori. Dicam Deo , gratias agendo : Susceptor & protector meus es , ne succumbam in tribulationibus.*

*Quare ergo , Domine , tamdiu oblitus es mei , * in his mundi miseriis ? cur non dissolvor , ut tecum sim ? et quare contristatus incedo per viam hujus vitæ , dum affligit me tentando inimicus , diabolus , caro , mundus ?*

*Dum confringuntur tribulationibus ossa mea * & robora animæ meæ , exprobraverunt mihi verbis injuriosis qui tribulant & persequuntur me innocentem inimici mei , tam visibiles , quàm invisibiles.*

*Dum dicunt impropere mihi in afflictionibus constituto , per singulos dies hujus vitæ : Ubi est Deus tuus ? * quasi nullus esses , tentantes me in desperationem inducere. Quare tristis & afflicta es , anima mea , perinde ac desperata ? et quare conturbas me , dolorem inferendo in sensualitate ?*

Spe

PSALMUS XLII. 193

*Spera firmiter in Deo, & recipe consolationem: quoniam adhuc confitebor illi, * gratias agendo, qui est salutare vultus mei & vera salus anima mea, et est Deus meus.*

ORATIO.

Salvator noster JESU CHRISTE, qui es verus Deus & homo: effundimus animas nostras in voce exultationis, ad te Deum, fontem vivum omnis gratiæ & misericordiæ. Abyſſus miſeriæ invocat abyſſum miſericordiæ, ut à peccatorum fæce nos purificare digneris, &, quando finietur peregrinatio noſtra, appareamus præſentes in gloria æterna ante faciem tuam, JESU CHRISTE, qui es benedictus in ſæcula. Amen.

PSALMUS XLII. [*ſec. Hebr. XLIII.*]

Psalmus & dulcis modulatio cœleſtium verborum ipſius David, monentis ne in preſſuris deficiamus.

JUdica me in futuro iudicio, Deus, ſeparando me à malis; et diſcerne cauſam meam, & merita mea, de gente non ſancta, * ſed mala & perversa:

N

ab

ab homine iniquo , qui apertè ledit;
et dolofo , qui occultè nocet , erue & li-
bera me.

Quia tu es Deus meus & fortitudo
mea , * succumbo præ fragilitate nisi ju-
veris : quare ergo me repulisti , expo-
nendo me tantis mundi tribulationibus?
et quare tristis incedo præ dolore , dum
affligit me quotidianis tentationibus ini-
micus diabolus?

Emitte lucem tuam , & aufer tene-
bras nostras; et da mihi veritatem tuam,*
& aufer errorem : quoniam ipsa lux &
veritas me deduxerunt ab errore pecca-
ti , et adduxerunt per fidem caritate
formatam in montem sanctum tuum,
Christum salvatorem nostrum , qui est
mons fidei; et in tabernacula tua atque
unitatem Ecclesiæ catholicæ.

Et introibo cum gratiarum actione
ad altare Dei , * ut meipsum exhibeam
hostiam viventem & placentem Deo : in-
troibo , inquam , ad Deum salvatorem
meum , qui , expurgato veteri fermento,
lætificat in novitate vitæ juventutem
meam.

Confitebor tibi gratias agendo in

*cithara & jubilatione animæ, Deus omnium per creationem, Deus meus * per redemptionem: quare ergo tristis es, anima mea, & prona decumbis? et quare conturbas me atque tumultuaris, ceu desperata?*

*Spera potius & fiduciam habe in Deo, qui suos deserere nequit; quoniam adhuc confitebor illi * toto pectore & ore: salutare vultus mei, in quo solo salvari possum; et Deus meus, a quo omnia habeo.*

ORATIO.

Omnipotens Deus, fortitudo, vita, & salus nostra: emitte lucem tuam divinam in nobis, & aufer tenebras cordis nostri: doce veritatem, & aufer errorem: ut, introeuntes ad altare Dei, nosmet exhibeamus in hostiam viventem, placentem Deo, tibi semper confitentes, & laudantes, atque in te sperantes, qui es aspectus animæ nostræ, Deus noster JESUS CHRISTUS, benedictus in sæcula. Amen.

PSALMUS XLIII. [sec. Hebr. XLIV.]

In finem Christum hic Psalmus datur filiis & electis Core passionis Christi, ad

intellectum talem , ut contemnant terrena , & desiderent aeterna.

DEus , nos auribus nostris per spirituales sensum audivimus , * & cognovimus : patres nostri & Prophetæ annuntiaverunt nobis quæ gesta sunt illorum tempore.

Opus videlicet miraculosum , quod operatus es tu , Deus noster , in diebus eorum , * Moysis , Josue , & aliorum patrum ; et in diebus antiquis , in exitu Israël de Ægypto.

Manus & potestas tua divina gentes terræ promissionis disperdidit in interitum , et plantasti atque constituisti eos * patres nostros in eadem terra : afflixisti populos Chananeos & Jebuseos , et expulisti eos de terra promissionis.

Nec enim in gladio suo , neque per bella , possederunt terram * promissionis : et brachium aut fortitudo eorum patrum non salvavit eos , ne ab inimicis superarentur.

Sed dextera & potentia tua divina , et brachium tuum excelsum , et illuminatio vultus tui , * quæ est gratia

PSALMUS XLIII. 197

ex tua voluntate procedens: quoniam complacuisti, & voluisti in eis benevolentiam tuam exercere.

*Tu es ipse qui tunc & nunc idem immutabilis, licet tempora sint mutata: rex meus, quem colo; et Deus meus, * quem adoro: qui mandas in bello victorias & salutes populo Judaico, qui exivit de Jacob electo.*

*In te propugnatore nostro, omnes inimicos nostros, tam visibiles, quam invisibiles, ventilabimus & disperdemus cornu * salutis nostræ, quod Christus est: et, in nomine tuo divino, spernemus & suppeditabimus hostes insurgentes in nobis, videlicet spiritus malignos, & reprobos.*

*Non enim in arcu meo, aut armis, aut viribus meis sperabo, * sicut nec patres nostri fecerunt: et gladius meus seu violenta defensio non salvabit me, sed fides, & humilitas tua.*

*Salvastis enim nos & salvabis, Domine, de affligentibus & persequentibus nos * spiritibus pessimis: et odientes nos propter nomen tuum confudisti aeterna damnatione.*

198 PSALMUS XLIII.

*In te Deo nostro laudabimur , quia
 tu es laus & gloria nostra , tota die *
 æternitatis , quæ noctem non habet : et
 in nomine tuo , quod JESUS est , con-
 fitebimur tibi de salvatione nostra in
 sæculum , semper , & sine fine.*

*Nunc autem in hac mundi ætate re-
 pulisti , & permisisti nos martyres af-
 fligi , et confudisti nos * in facie im-
 piorum , tamquam frustra in te spera-
 verimus : et non egredieris ulterius ,
 Deus noster , in virtutibus nostris con-
 tra hostes nostros , sicut olim patribus
 fecisti.*

*Avertisti nos adeò retrorsum post
 inimicos nostros , * ut nos victos post
 se trahant : et qui oderunt nos ini-
 què , diripiebant nos sibi in prædam ,
 alios trahentes in carcerem , alios occi-
 dentes.*

*Dedisti nos martyres persecutoribus
 ad interficiendum , tamquam oves e-
 scarum , * quæ interficiuntur ab homi-
 nibus in communem escam : et in genti-
 bus atque provinciis variis dispersisti
 nos , ut exsularemus confiscatis bonis no-
 stris.*

Ven-

Vendidisti *permiffivè* populum tuum *Christianum* sine pretio * (*aded vilis reputatus*): et non fuit multitudo pretii in commutationibus & emtioni- bus eorum, quia minimo aut nullo pre- tio ducebamur in servitutem.

Posuisti nos *martyres* opprobrium in contumeliam vicinis & amicis no- stris * *secundum carnem*, in subsanna- tionem indignationis, et derisum ex- probrationis; his inimicis qui sunt & gradiuntur in circuitu nostro quaquaversum.

Posuisti, Domine, nos *martyres* in similitudinem & exemplum maledictio- nis ipsis gentibus, * dum ajunt: Sic pereas, sic moriaris, sicut *Christianus* ille: & etiam in commotionem capi- tis, in populis infidelibus, qui, cum irrisione movendo caput, insultant no- bis.

Tota die & assiduè verecundia mea & erubescencia tantorum opprobriorum, quæ patior, contra me est * & ante conspectum meum: et confusio & ignominia faciei meæ, pro- pter subsannationes inimicorum; coo-

peruit me *rubedine*.

A voce exprobrantis *suâ maledictiâ*, et obloquentis * *detrahendo occultè*, à facie & *præsentia* inimici, quæ *me capitaliter odit*, et persequentis *animam meam*.

Hæc omnia *valde gravia* venerunt super nos *martyres*, & *patienter tulimus*, nec oblitus sumus te * *propter scandala hæc*: et iniquè aut perversè non egimus, *timore mortis*, in testamento tuo, immò *præcepta servavimus*, & *nomen tuum glorificavimus*.

Et non recessit, *per desperationem retrò avertendo*, cor nostrum * à *fide & caritate*: et declinasti atque aliunde derivasti *femitas nostras carnales voluptatum & prosperitatum* à via tua, quæ *arcta est & angusta*. Alia enim est *via voluptatum*; alia *via tua*, quæ in *tribulationibus & tentationibus consistit*.

Quoniam humiliasti in hoc mundo nos *martyres*, in loco afflictionis, * in hoc mundo, ubi affligimur propter te: et cooperuit nos, non mors vera, sed umbra mortis; non mors anime, sed mors corporis.

Si obliti sumus & non recordamur nomen Dei nostri, * quod JESUS est, salvator noster; et si expandimus manus nostras in adoratione ad Deum alienum, idololatriam committendo:

Nonne Deus, si recessimus à via ejus, requireret & exiger ista, * ad puniendum? certè sic: ipse enim novit cogitationes nostras, abscondita cordis nostri.

Quoniam, propter te & tuam dilectionem, mortificamur & diversis tribulationibus opprimimur tota die * nostræ peregrinationis; & æstimati sumus ab hominibus sicut oves occisionis, non utiles nisi ad occidendum.

Exurge in auxilium nostrum: quare obdormis, Domine, * & vidêris negligere nos? exurge, & libera, et ne repellas preces nostras in finem, totaliter, estò videaris ad tempus neglexisse.

Quare faciem tuam & præsentiam gratiæ tuæ avertis, * quasi iratus; & oblivisceris inopiæ atque indigentiae nostræ, non dando nobis spiritum fortitudinis; et tribulationis nostræ, quam propter te patimur?

Quo-

202 PSALMUS XLIII.

*Quoniam non debes oblivisci nostri, quia humiliata est nimis in pulvere poenitentia anima & vita nostra, * recordatione peccatorum: etiam conglutinat^{us} est adhaerens in terra venter noster, quia conculcatio hominum facti sumus, & nobis ipsis graves.*

*Exurge ergo, Domine Deus, & adjuva nos * tantis malis oppressos, et redime nos ab his tribulationibus, non propter iustitiam nostram, sed propter nomen tuum, in quo salvamur.*

O R A T I O.

Rex noster, quem colimus, Deus noster, quem adoramus: exurge in auxilium nostrum, & erue nos ab opprobriis vitiorum: libera de affligentibus nos, propter nomen sanctum tuum; quatenus, ab hostibus mentis & corporis liberati, pervenire valeamus securi ad te, qui es laus & gloria nostra, benedictus in sæcula. Amen.

PSALMUS XLIV. [*sec. Hebr. XLV.*]

In finem æternæ beatitudinis tendens hic titulus est David Propheta, pro his
san-

sanctis qui commutabuntur & transformabuntur de hac mortalitate ad immortalitatem, videlicet filiis Core, qui sunt imitatores Christi, quibus scribitur ad intellectum & mysterium incarnationis Christi: & canticum est pro sponso dilecto.

ERUCTAVIT de plenitudine gratiæ spiritualis cor meum in caritate verbum bonum, * quia mysterium Christi & Ecclesiæ: dico ego & cantare gestio opera mea & carmina regi regum, Jesu Christo.

Lingua mea in pronuntiando est tamquam calamus seu penna alicujus scribæ * seu notarii velociter scribentis: quia per linguam meam loquitur Spiritus Sanctus, qui est vehemens in gratia, & velox.

Speciosus es formâ, quia immunis à peccato, præ omnibus filiis hominum, absolutissimus gratiis & virtutibus: insuper diffusa est ipsa gratia eloquentiæ in labiis tuis, * quia te loquente mundus gratiam reconciliationis accepit: propterea benedixit te hominem Deus Pater in assumpta carne, cum qua resur-

re-

204 PSALMUS XLIV.

rexisti in æternum regnaturus.

*Accingere in virtute spiritus gladio tuo spiritali, quod est verbum Dei, super femur tuum, * in carne assumpta, prædicans Euangelium (cùm femur sit humanæ propaginis seminarium); potentissimè pugnando contra diabolum, & liberando genus humanum.*

*Specie tua quantum ad humanitatem, et pulcritudine tua * quantum ad divinitatem, intende ut hominem pereuntem miseratus adspicias, & prosperè ac feliciter procede veluti per viam hujus vitæ, et regna demum morte triumphata in æternum.*

*Propter veritatem vitæ & doctrinæ, et mansuetudinem qua injurias patienter sustinuisti, et justitiam * abundantem quam ostendisti in passione offerendo te Deo Patri: et deducet te per hujus vitæ cursum mirabiliter, quia mortuos suscitabis, leprosos mundabis, ceteraque perficiet miracula dextera tua & majestas tuæ divinitatis, quæ te assumpsit.*

Sagittæ tuæ, emissa per prædicationem

*nem verborum tuorum , tam acutæ erunt
(quia verbum Dei penetrantius omni gla-
dio) ; quod populi multi sub te & tua
obedientia cadent * humiliter orando,
& etiam sagittæ verbi transibunt in cor-
da inimicorum atque persecutorum
regis Christi : multi enim , illis vulnera-
ti , convertentur ad fidem.*

*Sedes tua judiciaria , & regalis po-
testas , Deus meus , non est temporalis,
sed æterna , in sæculum sæculi * durans :
virga & regula divina æquitatis atque
directionis , quæ numquam incurvatur,
est virga & sceptrum regni tui , quæ
regit justos , & impios percutit.*

*Dilexisti iustitiam & veritatem , et
odisti iniquitatem * seu impietatem :
propterea unxit te Christum Deus Pa-
ter , Deus tuus , tibi consubstantialis ,
in regem & sacerdotem , oleo lætitiæ
& plenitudine gratiæ , præ omnibus con-
sortibus tuis atque intellectualibus crea-
turis.*

*Myrrha , et gutta , et casia , cetera-
que virtutum & gratiarum aromata de-
fluxerunt sponse , videlicet Ecclesiæ , à
vestimentis tuis & assumpta humanitate,
qua,*

*qua, veluti vestimento divinitatis, circumdatus es; atque à domibus eburneis * & sanctis tuis, castitate & candore virtutum decoratis: ex quibus domibus delectaverunt te laudando & honorando filix regum & Ecclesiæ Apostolorum, per orbem diffusa, in honore tuo, ad gloriam & honorem nominis tui.*

*Astitit, semper Deo inharens & conjuncta, regina, catholica Ecclesia, Christi regis sponsa, à dextris tuis, serviens tibi in bonis gratia, in vestitu deaurato, * atque in doctrina Apostolorum & Prophetarum; circumdata varietate populorum, personarum, linguarum, statuum & donorum, in virtute fidei Deum colentium.*

*Audi legem Evangelicam, filia & uxor mea, Ecclesia, et vide regem regum, cui nunc es desponsata; et inclina aurem tuam, * ad obediendum & imitandum; et obliviscere populum tuum, abrenuntians carni & sanguini, et domum patris tui diaboli, cujus filia fuisti priusquam esses filia Christi per fidem.*

Et

*Et tunc concupiscet rex Christus decorem tuum , * qua , jam abluta per baptismum , gratiâ Christi candida es : quoniam ipse non solum est rex & sponsus tuus , sed etiam est Dominus Deus tuus , creator & dominator tui , et adorabunt eum regem regum omnes populi de quibus collecta es.*

*Et non solum Judæi , sed etiam filiæ Tyri & gentes , in muneribus * seipsos in obsequium Christi offerentes , vultum tuum magna veneratione deprecabuntur , optantes societatem & conformitatem tuam : similiter omnes principes mundi & divites plebis honorabunt te , Ecclesiam , sponsam meam.*

*Omnis gloria ejus Ecclesiæ , filiæ & sponse regis Christi , non in magno apparatu exteriori , sed ab intus * in puritate conscientie , in ornatu carismatum & virtutum , in fimbriis aureis caritatis : & etiam circumamicta est sponsa atque ornata varietatibus virtutum , linguarum , gratiarum , statuum qui sunt in Ecclesia.*

Adducentur in fide regi Christo , per prædicationem Apostolorum , virgines
nes

nes integritatem mentis & corporis servantes, post eam sponsam Ecclesiam tamquam proximæ pedissequæ: & proximæ ejus, viduæ castæ, quæ proximis virginibus fructum sexagesimum habebunt, afferentur tibi per fidem.*

Afferentur quidem in lætitia virtutum et exultatione gratiarum: & adducentur sponte, per gratiam tamen, in templum regis, ad serviendum Christo in conspectu ejus.*

*Pro patribus tuis, qui fuerunt Apostoli & Prophetæ, nati sunt spirituali generatione tibi Ecclesiæ, filii, * imitatores Apostolorum, ut Episcopi & Prælati: constitues eos in sede patrum, tamquam principes in spiritualibus, super omnem terram & universalem Ecclesiam.*

Memores erunt semper nominis tui, fama, & gloria tuæ, Domine Deus, in omni generatione præsentis, et generationem futuram, usque ad finem mundi annuntiando verbum tuum.*

Propterea etiam populi, toties videntes gloriam Ecclesiæ tuæ, confitebuntur tibi, glorificabunt, & celebra-
bunt

PSALMUS XLV. 209

*bunt nomen tuum in æternum, * sine fine, et in sæculum sæculi, hic & in futuro.*

ORATIO.

O Christè, Verbum Patris, per quem cuncta creata sunt & creantur: custodi, quæsumus, Ecclesiam tuam, varietate gentium congregatam; ut, dum veritatem, mansuetudinem, & justitiam tuam ex ipsa cognoscimus, principatum æterni sæculi cum patribus nostris mereamur. Amen.

PSALMUS XLV. [sec. Hebr. XLVI.]

In finem & Christum, qui est finis noster in quem tendimus, filiis Core imitatoribus passionis Christi, pro arcanis & secretis divinitatis suæ, Psalmus iste cantatur.

DEus omnium, potestate; noster, gratia & voluntate; refugium, ad quem inter pressuras calamitatum confugimus; et virtus * seu fortitudo, in quo ab omnibus periculis liberamur: & adjutor in tribulationibus variis animæ & corporis, quæ invenerunt & capti-

O

va-

vaverunt nos nimis defatigantes.

Propterea , *freti tanto adjutore*, non timebimus , *dum ex novitate tanti miraculi turbabitur terra* , * *generatio Judaeorum* , qui *terrena sapiunt* ; et transferentur *relictis Judæis montes Dei* , qui *sunt Apostoli* , in *cor & ad extrema maris* : *quod factum est dum , à Judæis contempto verbo , conversi sunt ad Gentes.*

Sonuerunt *Apostoli prædicando* , et turbatae sunt *aquæ multæ & populi diversi ad pœnitentiam hoc sono prædicationis eorum* * *Apostolorum* : etiam conturbati sunt & perterriti *montes atque excelsiores sæculi potestates* , & *principes gentium* , in fortitudine & *predicatione ejus Dei qui assistebat Apostolis.*

Fluminis impetus & inundatio *Spiritus Sancti* , vel *ablutio baptismi* , lætificat *suis gratiis & donis civitatem Dei* * & *sanctam Ecclesiam catholicam* : & sanctificavit , *per illud flumen* , *tabernaculum suum* , quæ est *congregatio fidelium in qua habitat* , altissimus *Christus* , *Dei filius.*

Deus habitat in medio ejus Ecclesia,

&

*& ideo non commovebitur * Ecclesia in tribulationibus, quia fundata est super firmam petram, Christum: immò adjuvabit eam Deus in adversitate laborantem, mane in principio conversionis, & hoc diluculò per illuminationem Spiritus Sancti.*

*Conturbatæ salubri commotione sunt gentes per prædicationem Apostolorum, & miraculorum operationem; et inclinata atque humiliata sunt regna * gentium, sub iugo fidei, ad Christum adorandum: & Dominus dedit vocem, declaravit voluntatem suam, per ora Apostolorum; & mota est terra, atque conversa sunt corda terrena ab infidelitate ad fidem, à vitiis ad virtutes.*

*Dominus virtutum cælestium & angelorum nobiscum * est: susceptor noster, qui carnem pro nostra salute suscepit, Deus ipsius Jacob junioris, populi Christiani, qui vitia supplantare non cessat.*

*Venite, credite, et videte, lumine fidei, opera Domini nostri salvatoris, quæ magnalia posuit & inassueta prodigia super terram * tempore suæ nati-*

212 PSALMUS XLV.

*vitatis, quando virgo suscepit, stella
Magis apparuit; auferens etiam bella
omnia usque ad finem terræ, quia tunc
templum Jani ab Augusto Cesare clau-
sum est.*

*Arcum conteret, ut sit rex pacifi-
cus in terra, et confringet destruetque
arma * bellica: et scuta, quæ sunt præsi-
dia humana, comburet igni. In adven-
tu Christi, omnia erunt contrita & con-
fracta.*

*Vacatè Deo in tranquillitate mentis,
& non seculo, et videte intelligendo
quoniam ego sum Deus, * Christus in
lege promissus, qui vos redemi: & exal-
tabor in gentibus, quoniam publicani
me dignè colent; et etiam exaltabor in
terra, apud omnes homines qui dicent:*

*Dominus virtutum cælestium & an-
gelorum stat nobiscum * ex parte nostra:
susceptor & protector noster est Deus
Jacob, quia hîc luctamur contra tenta-
tiones, vitia supplantando.*

ORATIO.

*Deus noster, refugium, virtus, & ad-
jutor in tribulationibus quæ captivave-
runt*

PSALMUS XLVI. 213

runt nos : sis semper nobiscum in medio nostri , ad protegendum à malo , & roborandum in bono. Et sanctifica irroratione Sancti Spiritus habitaculum nostri cordis ; ut , te nobiscum cooperante , confringere valeamus arma iniquitatis. Per Dominum nostrum JESUM CHRISTUM.

PSALMUS XLVI. [*sec. Hebr. XLVII.*]

In finem & Christum Psalmus iste est pro filiis Core & imitatoribus Christi.

OMnes gentes , ad quas pervénit gratia Dei , plaudite manibus * & gaudete bonis operibus : jubilate Deo , ex intimo cordis affectu , in voce exultationis. Concordent manus cum lingua : illæ operentur , hæc confiteatur.

Quoniam Dominus Jesus Christus excelsus est , transcendens omnem intellectum creatum ; & terribilis , * quia judicaturus est mundum ; atque rex magnus , quia rex regum & dominus dominantium , super omnem terram , non tantum Judæorum , sed etiam Gentium.

Subjecit populos Judæorum nobis *

214 PSALMUS XLVI.

& universali Ecclesiæ; et gentes, conversas ad fidem, sub pedibus nostris, cum, errores suos agnoscendo, acquiescunt sana doctrina.

*Elegit suâ gratiâ nobis, non meritis nostris, hereditatem suam, * ut coheredes Christi essemus; speciem interiori & benedictionem salutarem ipsius Jacob, Abrahæ promissam, quam semper dilexit Deus, Esau odio habens.*

*Ascendit Christus, Deus & homo, ad cælum, in jubilo * admirabili & exultatione angelorum: et Dominus ubique insonuit in voce tubæ atque prædicationis Euangelicæ, ut credamus.*

*Psallite Deo nostro, gratias agendo, psallite * ore & corde: psallite regi nostro Christo, psallite bonis operibus laudando.*

*Quoniam omnipotens rex omnis terræ est Jesus Christus, verus Deus * & homo: quare psallite illi, non pro terrenis vel inani gloria, sed sapienter, ut soli Domino placeatis.*

*Regnabit Deus Christus super omnes gentes, * quas in hereditatem accepit à Patre: Deus Christus sedet ad*

PSALMUS XLVI. 215

ad dexteram Patris , super sedem sanctam suam & solium David , in aeternum.

Principes & rectores populorum de omnibus nationibus congregati sunt in unitate fidei cum Deo Christo , qui est Deus Abraham * patriarchæ , cum populi sint filii ipsius per fidem ; quoniam Apostoli Christi , dii effecti per gratiam , fortes terræ in fide & dilectione , vehementer clarificati & elevati sunt in signis , virtutibus , & prodigiis.

ORATIO.

Deus excelsus potentia , terribilis iudicio , rex regum , dominus dominantium , qui sedes super sedem sanctam tuam ad dexteram Patris : tibi psallimus , jubilamus , & plaudimus , corde , ore , & opere , creatori & redemptori nostro. Subinde elige nos , quæsumus , tua gratia in hereditatem tuam coelestem , ut participes fieri mereamur coelestium gaudiorum. Amen.

PSALMUS XLVII. [sec. Hebr. XLVIII.]

Psalmus iste , qui est cantici laudis divinæ , seu cantilena laudans Deum,

tribuitur filiis Core atque veris Christianis Christum imitantibus, pro iis quæ facta sunt in secunda die Sabbati pro constitutione Ecclesiæ, quæ est civitas summi Dei.

M*Agnus est Dominus noster Jesus Christus, et laudabilis nimis, * quia est dominus omnium creaturarum, in civitate Dei nostri, quæ est Ecclesiæ catholica, ubi unimur fide & caritate: in monte videlicet sancto ejus, qui Christus est, fundamentum, & lapis angularis.*

*Fundatur Ecclesiæ per Christum in fide, cum exultatione & gaudio universæ terræ & omnium credentium: mons Sion, * qui est populus Judaicus, & latera Aquilonis, quæ sunt gentes, ex iis, inquam, collecta est civitas regis magni, Dei nostri.*

*Deus noster Christus in domibus ejus, & in fidelibus, in quibus habitat, cognoscetur * per fidem: & hoc cum suscipiet eam Ecclesiæ tuendam & protegendam ab inimicis.*

Quoniam ecce, quod mirum est, re-
ges

ges terræ & principes populi congregati sunt * cum ceteris in unitate fidei: & convenerunt pariter ut essent cives sanctorum, in unum lapidem summum, angularem credentes, qui Christus est.

Ipsi reges, videntes gloriam redemptionis & virtutes Apostolorum, sic in operibus miraculorum admirati sunt de verbo Evangelii, conturbati sunt in humana eorum prudentia, commoti sunt * de infidelitate ad fidem: tremor futuri iudicii apprehendit eos ad agendam poenitentiam.

Ibi, agnito errore, fuerunt dolores, præ conscientia remorsu, ut sunt dolores parturientis * mulieris: ceterum, in Spiritu Sancto vehementi ad salutem electorum, conteres atque confringes naves Tharsis & superbiam gentium, quæ quondam in navigatione superba fuit.

Sicut audivimus in lege & Prophetis, sic vidimus in Evangelio, in civitate & Ecclesia militante, quæ est Domini virtutum & angelorum, in civitate (inquam) Dei nostri * Jesu Christi: Deus fundavit in fide Evangelii eam, & diriget eam usque in æternum fixam.

Suf.

218 PSALMUS XLVII.

Suscepimus ex promissione, Deus noster, misericordiam tuam * & salvatorem Dominum nostrum Jesum Christum, qui pereunti mundo tandem misertus est, in medio templi tui & cordis nostri, cum per gratiam facti sumus templum tuum.

Secundum benedictum nomen tuum & magnum, Deus noster, sic et laus tua & reverentia in fines & extrema terræ, * ubi divulgabuntur verba oris tui: justitiâ, qua nos justos efficis, plena & liberalis est dextera tua, diffundens in electos.

Lætetur in Domino mons Sion & Ecclesia catholica, quæ speculatur Christum; et exultent in fide filiae Judæ, * quæ per prædicationem Apostolorum de Judæis conversæ sunt; propter judicia tua occulta, Domine, qui hos eligis, & reprobas illos.

Circumdate, defendite, munite Sion, Ecclesiam, in fide; et completimini eam * amplexibus caritatis, virtutes illius & mores servando: narrate atque prædicate laudem Ecclesiæ & gloriam Christi in turribus & virtutibus ejus,

ejus, qui estis principes Ecclesiæ.

Ponite corda vestra & affectum vestrum in virtute ejus, * *ne separemini à caritate quam docuit; et distribuite, per gradus officiorum, domos, habitatores & cives ejus Ecclesiæ, ut enarretis prædicando magnalia Dei, in progenie altera postuma, usque ad finem mundi eadem docendo.*

Quoniam hic Christus est Dominus, Deus, Deus noster, qui creavit & redemit in æternum, in presenti tempore, et in sæculum sæculi * in futuro; ipse, & non alius, reget, proteget, & defendet nos in sæcula sine fine.

ORATIO.

Laudabilis Deus, Domine virtutum, cujus justitia plena est terra: pone corda nostra in virtute tua, ne deviemus à civitate tua sancta, in qua reges terræ conveniunt in unitate fidei: sed rege, protege, & defende nos, ut misericordia tua, in nostri pectoris templo suscepta, dignos nos faciat in coelesti Jerusalem æterna perfrui lætitia. Per Christum &c.

PSALMUS XLVIII. [*sec. Hebr. XLIX.*]

In finem Christum , pro filiis Core, *electis Dei , ne decipiantur murmurantes, est hic Psalmus ipsius David.*

AUdite hæc verba , omnes gentes , * quæ secundum carnem vivitis : auribus mentis & corporis percipite , intelligite , atque memoria commendate , omnes qui habitatis orbem terrarum.

Quique terrigenæ , peccatores vitiis terrenis inquinati ; et filii hominum * boni ac rationales , geniti secundum gratiam ; simul in unum venite ad audiendum , dives et superbus , pauper & humilis.

Os meum propheticum loquetur sapientiam , * quam Deus abscondit superbis , & revelavit parvulis : et meditatio intrinseca cordis mei cogitabit prudentiam & utilissimam doctrinam.

Inclinabo , applicando intellectum , in parabolam & similitudines rerum aurem meam * interiorem , ut intelligam verba legis & Prophetarum , quæ frequen-

quenter parabolica sunt: & tunc aperiam dilucidè aliis in psalterio isto propositionem meam, à Spiritu Sancto revelatam. [Psalm. 77. 2.]

Cur timebo in die illa tremendi iudicii, quæ erit mala * malis? ideo certè quia iniquitas ac malitia calcanei mei, Satanae insidiantis, & mortis extremæ inopinatum occupantis, circumdabit me ex omni parte, opprimet, & timere faciet.

Qui confidunt atque præsumunt in virtute seu fortitudine sua * propria, perinde atque gratia Dei non egerent; et in multitudine seu abundantia divitiarum suarum, tamquam summo bono, gloriantur; ii, inquam, circumdantur calcaneo iniquitatis.

Frater non redimit à sententia damnationis fratrem, prece, aut pretio: quomodo redimet ergo homo * peccator seipsum? certè non dabit Deo placationem & expiationem suam, sacrificium, aut oblationem, unde propitiatur sibi Deus.

Et pretium aut eleemosynam redemptionis animæ suæ * non poterit dare, quia erit extra statum merendi: et laborabit in æternum in tormentis perpetuis:

tuis : et etiam vivet ipse adhuc in finem ; quia quæret mortem , & non inveniet.

Non videbit carnalis homo neque intelliget sibi imminere interitum gehennæ ; quia , cùm viderit atque prospexerit sapientes ac justos morientes * in Deo , reputabit nullum illius præmium : & ergo simul insipiens , qui pœnam non credit futuram , et stultus , in divitiis , non in Deo sperans , peribunt in corpore & anima.

Et relinquent tales iniqui alienis hereditibus divitias suas , * in quibus speraverunt : et sepulcra eorum , quæ construxerunt magnificè , sunt domus in quibus habitant illorum corpora in æternum , quia non credunt aliam vitam futuram.

Tabernacula , ædificia , palatia eorum , quæ construxerunt , manentia in progenie filiorum et progenie * nepotum ; in iis vocaverunt nomina sua , memoriam eorum & famam , in terris suis : quia terrena quæsierunt , nihil de cælestibus curantes.

Et homo , cùm à Deo in honore & bea-

*beatitudine aeterna perfruenda ordinatus esset; tamen, carnaliter ambulans, non intellexit * se ad imaginem Dei creatum: & ideo comparatus est bestiis seu jumentis insipientibus, propter vitam voluptuariam; et similis in omnibus factus est illis, subtracto honore imaginis Dei.*

*Hæc via & talis progressus illorum in hac vita præsentis est scandalum & offendiculum ipsis, * quia facit cadere de peccato in peccatum: et postea, affecti felicitatem hujus mundi, in ore suo sibi complacent, jactantes de tali vita.*

*Sicut oves ductæ ad occisionem, sed ignorantes, in inferno æternaliter positi sunt * in pœnam: unde & mors gehennæ depascet corrodetque semper eos miseros, quia viventes semper moriuntur, & moriendo semper vivunt in pœnis.*

*Et dominabuntur tandem eorum malorum justi homines, & hoc in matutino * post dormitionem corporum in resurrectione, quando accipient judiciariam potestatem: et auxilium eorum, quod habebant de potentia, de divitiis, de*
ami-

amicis , veterascet , deficiet , peribit in inferno gehenna , & à gloria eorum transibunt in poenam & confusionem maximam.

*Verumtamen spes mea , Deus justus , redimet sua gratia animam meam , ne damner cum impiis , de manu inferi * & potestate diaboli : & hoc cum acceperit de hac mortali vita me in beatitudine aeterna.*

*Ne timueris , scandalizeris , aut turberis , cum dives in prosperitate factus fuerit homo * peccator vivens secundum carnem ; et cum multiplicata fuerit in honoribus saeculi gloria domus ejus , in cognatis , prolibus , & amicis.*

*Quoniam , cum per mortem interierit repente , non fumet secum omnia , * immò nihil , nisi peccata ; neque descendet cum eo ad abyssum inferni gloria & prosperitas ejus , quam habuit in presenti vita.*

*Quia anima sensualis ejus impii , in vita ipsius prospera , ab adulatoribus benedicetur , * propter potentiam & affluentiam divitiarum : at hic impius*
con-

confitebitur tibi, *gratias agendo*, cum benefeceris ei in *honore*, *divitiis*, aut *gloria*.

Introibit *descendens ad infernum* usque in *progenies patrum suorum*, * *quorum scelerum fuit imitator*; et usque in æternum *excæcabitur errore*, & non videbit *hic lumen gratiæ*, neque in *future lumen gloriæ*.

Homo itaque *impius*, cum in *honore constitutus* esset atque *dignitate*, non intellexit * *id sibi gratis à Deo præstari*: propter quod comparatus est *jumentis irrationabilibus*, *insipientibus*, qui *sensualitatem sequuntur*; et *similis omnino factus est illis*, *sequendo voluptates carnis*.

O R A T I O.

Domine, qui es *pretium nostræ redemptionis*: libera *animas nostras* de manu *insidiantis Satanæ*, ne mors *gehennæ* depascat nos in *interitum sempiternum*. Sed tribue *intellectum*; ut, *mandatis tuis obediendo*, *terrena cuncta contemnamus*, & *ad cœlestia bona toto mentis affectu anhelamus*. Amen.

PSALMUS XLIX. [sec. Hebr. L.]

Psalmus ipsius Asaph, qui fuit unus inter quatuor personantes in psalterio, & interpretatur congregatio, quæ nunc est in populo Christiano. Agitur de utroque adventu Christi.

DEus, Christus, omnium deorum falsorum dominus, omnipotens, locutus est * multifariam in Prophetis, etiam per se in humanitate assumpta; et vocavit ad fidem suam terram ac universos habitatores terræ.

A solis ortu lex Evangelica usque ad occasum * ultimum terræ promulgata est per Apostolos: ex Sion tamen & de Jerusalem cœpit annuntiari species decoris ejus, atque pulcritudo divinitatis & virtutum Christi.

Deus, Christus, manifestè veniet * ad generale judicium, Deus, inquam, noster, Christianorum verus Deus & homo; et non filebit, immò super peccatores exercebit iram & vindictam suam.

Ignis materialis in conspectu ejus precedens exardescet, * quia sæculum per

*per ignem judicabit : et in circuitu ejus
exsurgat tempestas valida, in momento, in
ictu oculi, in novissima tuba.*

Advocabit Christus cœlum cœlestes-
que ordines defursum, * veniens à Pa-
tre; et terram terrenosque homines etiam
advocabit deorsum, discernere, ut per
sententiam discernat & dividat popu-
lum suum à non suo, bonos à malis,
salvandos à damnandis.

Congregate vos, Angeli, illi Christo
sanctos & electos ejus, * qui ordinant,
prædicant, & implent Testamentum
ejus Novum & Evangelica præcepta, su-
per sacrificia Testamenti Veteris & ob-
servantias legales.

Et annuntiabunt prædicando cœli, vi-
ri cœlestes, verbi dispensatores, justitiam
ejus, * qua justii remunerabuntur, &
reprobi damnabuntur; quoniam Deus,
qui nec fallit nec fallitur, judex est
vivorum & mortuorum.

Audi credendo, populus meus, quem
elegi, cui legem dedi, à quo carnem as-
sumsi; et loquar tibi, atque prædicabo
filiis Israël veritatem; et testificabor ti-
bi * verbis ac factis quod Deus per

*omnipotentiam , Deus tuus per gratiam
ego sum , & nemo alius.*

*Non in sacrificiis tuis Veteris Testa-
menti arguam aut reprehendam te , *
quia non quero , nec ea volo : holocau-
sta autem tua , igne caritatis incensa , in
anima humiliata , in conspectu meo
sunt semper grata & accepta.*

*Non accipiam amplius de domo tua
insolentes vitulos * ad sacrificium , ne-
que de gregibus tuis pascualibus exi-
gam hircos ad hostiam pro peccato , sed
cor contritum & humiliatum.*

*Quoniam meæ sunt possessiones , o-
mnes feræ & bestie silvarum , * etiam
jumenta quæ vagantur in montibus ex-
celsis , et boves in pascuis.*

*Cognovi ab æterno omnia volatilia
cœli : * et pulcritudo atque amœnitas
agri virentis mecum est , & à me pro-
ducta.*

*Si esuriero aut sitiero , non dicam
tibi ; * quia bonorum tuorum non egeo :
meus est enim orbis terræ , quem crea-
vi , quem gubernò , et plenitudo ejus ;
sùm nihil sine nutu meo vivat.*

*Numquid sum talis nature , quod
man-*

PSALMUS XLIX. 229

manducabo carnes taurorum, * *ut in sacrificiis ? aut sanguinem hircorum potabo ? certè non , quia nec cibo nec potu indigeo.*

Immola ergo Deo holocaustum pingue , & sacrificium acceptabile laudis * *atque gratiarum actionis , quòd te creavit & redemit ; et redde semper altissimo , qui in cœlis est , vota tua , quæ promissisti in baptismo.*

Et , nihil de viribus tuis præsumens , invoca me in auxilium in die tribulationis , * *adversitatis , & tentationis ; & eruam te , tantùm confidas & invoces : et , tandem liberatus , honorificabis postea me , & sanctificabis nomen meum.*

Peccatori autem impio dixit Deus * *omnipotens : Quare tu enarras atque prædicas justitias meas de præmiis bonorum , & pœnis malorum ; et assumis indigna præsumptione Testamentum meum , tam Novum , quàm Vetus , per os tuum impurum & sceleratum ?*

Tu verò audacter odisti disciplinam * *& increpationem , et projecisti contemnendo sermones meos , quos ta-*

men in ore habebas, retrorsum, in tuam damnationem.

*Si videbas furem; non increpasti, sed dissimulando currebas cum eo, * laudando atque excusando: et cum adultervis & scortatoribus portionem tuam in consensu voluptatis ponebas, sequendo carnis concupiscentiam.*

*Os tuum perversum abundavit malitia, * infideliter legem meam interpretando: et lingua tua ad decipiendum concinnabat fraudes ac dolos, malè agendo, blandè loquendo.*

*Sedens cum auctoritate, studio nocendi, adversus fratrem tuum falsa loquebaris, ipsum calumniosè objurgando; et adversus proximum, filium matris tuæ Ecclesiæ, qui tibi frater est per regenerationem baptismi, ponebas scandalum, * præbendo illi occasionem ruinæ per facta & verba tua nequam: hæc omnia fecisti sine timore divini judicii; et ego tacui atque dissimulavi, ut compleretur malitia tua.*

*Existimasti iniquè tu, ò peccator, quod ero tui similis, * consentiendo malis, quia scelera tua non statim vin-*
di-

PSALMUS XLIX. 231

dico: sed arguam te in morte atque finali judicio, et statuam tunc peccata tua contra faciem tuam, quæ te accusabunt, omnesque imposturas declarabunt.

*Intelligite atque ruminare hæc dicta in corde vestro, omnes qui obliviscimini Deum, * mandata ejus contemnendo; nequando vos inopinato rapiat à vita præsentis in æternam damnationem, et non sit qui eripiat, cum in inferno nulla sit redemptio.*

*Sacrificium laudis, quod puritate fidei & operum immolatur, honorificabit, sanctificabit, & dignè me * colet: et illic est iter & recta via quæ ducit ad vitam, quo ostendam illi, sacrificanti puro corde, salutare Dei, Christi filii Patris, in quo subsistit vera salus hominis.*

ORATIO.

Deus deorum, Domine, cujus est orbis terræ & plenitudo ejus, qui manifestè venturus es in igne exardescenti & tempestate valida ad judicandum genus humanum: te supplices exoramus, ut holocausta nostra, igne caritatis succensa, in compunctione cordis sint tibi grata & accepta:

ut sic, à peccatis nostris expiati, priusquam ab hac vita rapiamur ad iudiciũ; placidum ac pacatum te inveniamus redemptorem nostrum JESUM, cui cum Patre & Sancto Spiritu est honor & gloria in sæcula sæculorum. Amen.

PSALMUS L. [*sec. Hebr. LI.*]

In finem, qui Christus est, omnium bonorum consummatio & perfectio, Psalmus iste est ipsius David Prophetae de pœnitentia & humilitate ejus, & quam habuit cùm venit ad eum Nathan Propheta redarguens ipsum de homicidio & adulterio, quando scilicet intravit & ingressus est David ad Bethsabée uxorem Uriæ. [2.Reg. 12.]

Miserere mei, quoniam peccator sum, Deus* meus, cui proprium est misereri & parcere, secundum magnam, infinitam, & abyssalem misericordiam tuam, qua egeo, quia magna est miseria mea.

Et secundum innumerabilem multitudinem actualium miserationum tuarum, * ab initio sæculi exhibitarum, de-

dele , ut nullum remaneat vestigium ,
iniquitatem & culpam meam.

Amplius , magis ac magis , lava in
fonte misericordiæ me , per aquam gra-
tia , ab iniquitate mea , * qua te Deum
offendi : et à peccato meo , quo proxi-
mum læsi , munda me , ut culpa & pec-
catorum voluntas abstergetur.

Quoniam iniquitatem meam dete-
standam ego verè pœnitens neque diffi-
teor neque abscindo , cognosco * ut tu
ignoscas ; et peccatum meum in con-
scientia remordente contra me , cœ-
limago figurata , est semper per contri-
tionem amarā.

Tibi tamquam judici , soli potenti
& punire & misereri , peccavi valdè ; et
malum , quod coram hominibus erubui ,
illud coram te feci , * quia omnia vi-
des : itaque miserere , ut justificeris ,
verax ac justus inveniaris , in sermoni-
bus & verbis tuis quibus promisisti ve-
niam pœnitentibus ; et vincas illos de-
mendacio , cùm perperam & præsumtuo-
sè judicaris , tamquam volens justificare
impiū.

Ecce enim figmentum tuum in ini-
qui

quitatibus *originalis culpæ* conceptus sum , * *unde miseria & pœna est mihi; et in peccatis atque libidinum concupiscentiâ* concepit me , *unde caro nascitur infirma* , mater mea.

Ecce enim *me quoque erigit* , *ut à te veniam sperem* , *quod tu verax es & veritatem dilexisti* : * *incerta insuper et hominibus occulta judicia sapientiæ ac providentiæ tuæ manifestasti mihi.*

Asperges ergo , *per pœnitentiam humilem* , *me peccatorem* , Domine Deus , *hyssopo* , *sanguine Christi* ; *et per hoc mundabor* * *à maculis per contritionem* : *lavabis me fonte* , *tum baptismi & gratiæ* , *tum lacrimarum & pœnitentiæ* ; *et incomparabiliter super nivem tunc* , *per satisfactionem* , *dealbabor candore spiritali animæ justificatæ.*

Auditui meo *interiori* dabis gaudium *de absolutione peccatorum* , *et lætitiā* * *de promissione eternorum* : *et tunc exultabunt ossa spiritalia* , *animæ fundamenta* , *prius humiliata tentationibus* , *& turbata impugnationibus.*

Averte *per plenam remissionem faciem tuam* , *non à me* , *sed à peccatis*
 meis,

meis, * illorum non recordando : et omnes iniquitates meas *præteritas*, *præsentes*, & *futuras*, dele de tua notitia, ne punias.

Cor à culpa mundum & immaculatum crea ac restaura in me, Deus, * per gratiam justificantem : et spiritum rectum ad cœlestia sublevantem innova, refice in visceribus & viribus meis interioribus, unde peccata exierunt.

Ne projicias in desperationis foveam me, ceu reprobatum, à facie & præsentia tua, * unde lumen & sanitas mentis : et Spiritum Sanctum tuum, in quo spem veniæ colloco, ne auferas omnino à me, immò mecum sit, & mecum laboret.

Redde mihi, quod mea culpa perdidisti, lætitiā spiritualem salutaris filii tui * Christi : et Spiritu sancto principali dominante super omnia confirma me in gratia, ne recidivem in peccatis.

Docēbo verbo & exemplo iniquos homines vias tuas * misericordiam & veritatem : et impij, relinquentes vias suas, ad te Deum verum convertentur per pœnitentiam salutare.

Libera me , *pœnitentem* , de sanguinibus & *corruptionibus carnalibus* , Deus creator , Deus redemptor , atque salutis meæ * *conservator* : et tunc exultabit cum gaudio lingua mea extollendo iustitiam tuam , quia *justificas impium* , & *parcis pœnitenti*.

Domine , dando scientiam loquendi , labia mea , prius clausa propter peccatum , aperies : * et tunc cum fiducia os meum & cordis arcanum annuntiabit & *præconizabit laudem tuam* , quia *sanctus* , quia *pius* , quia *misericors es*.

Quoniam , si voluisses , pro expiatione peccati , sacrificium hircorum & vitulorum ; dedissem ac obtulissem : sed utique * holocaustis victimisque veteribus non delectaberis neque placaberis amplius.

Sacrificium acceptum Deo , quo peccata solvuntur , est spiritus plurimum anxius pro peccatis , contribulatus * corpore per pœnitentiam ; ut spiritus dolore , corpus labore afficiatur : cor , prius contritum per compunctionem , et deinde humiliatum per confessionem , Deus , qui *misericors es* , non despicies

neque spernes , immò gratanter adspicias.

Benignè fac , largam impendendo benedictionem , Domine Deus , in bona & gratuita voluntate ac gratia tua, Ecclesiæ nostræ catholice Sion , * quæ Deum speculatur ; ut in spe , fide , & caritate ædificentur super firmam petram Christum muri Jerusalem , qui sunt animæ sanctorum in visione pacis.

Tunc acceptabis gratum habens sacrificium justitiæ , quod est confessio qua justificatur impius ; oblationes , non pecudum , sed hominum ; et holocausta * in carnis mortificationem : tunc imponent offerentque super altare fidei, quod tuum est , seipsos , ceu vitulos , in victimam & hostiam viventem , placentem Deo.

ORATIO.

Dele iniquitates nostras , Domine , secundum magnam misericordiam tuam : munda & lava nos , super candorem nivis , à peccatis nostris , quibus malum coram te fecimus. Cor nostrum contritum & humiliatum non despicias , Domine : sed innova in visceribus nostris spiritum sanctum

Etum tuum , quo laudem tuam annuntiare possimus ; & , recto principalique spiritu confirmati , mereamur in coelestem Jerusalem pervenire. Per CHRISTUM Dominum nostrum.

PSALMUS LI. [*sec. Hebr. LII.*]

In finem *Christum* intellectus & eruditio ipsius David Prophetæ ; cùm venit Doëg Idumæus impostor falsarius , et nuntiavit atque indicavit Sauli regi Hebræorum , et dixit ei turbato : Venit David *amulus tuus* in domum Achimelech sacerdotis. [1. Reg. 22. 9.]

Quid gloriaris & exsultas in malitia * pessima , obstinata , qui potens es opprimere pauperem in iniquitate & impietate tua?

Tota die & omni tempore vitæ tuæ injustitiam & pravitatem cogitavit lingua tua , * ex certa & premeditata malitia : sicut novacula acuta inflixisti vulnus , & fecisti dolum atque imposturam : quia , cùm diligere simulas , fraudulenter vulneras.

Dilexisti longè malitiam ipsam super
be-

benignitatem, * immò exosum habuisti bonum: & iniquitatem ac mendacium amasti magis quàm loqui æquitatem, justitiam, & legem Dei.

Dilexisti omnia verba adulationis, præcipationis, * & detractiōis, quibus innocentes dejiciuntur ad malum, fallax lingua dolosa, & ministra malitiæ.

Propterea Deus subvertet & destruet te, licet modo vidēris stare & florere, in finem * atque in æternum: evellet te de felicitate temporali, in qua confidebas; et emigrabit te ab hac vita de tabernaculo & corpore tuo; et radicem tuam, quæ est anima vivificans corpus, sicut radix arborem, evellet de terra viventium atque beatitudine sanctorum.

Videbunt justi damnationem impiorum, et timebunt (cū punitio impiorum, eruditio erit justorum); et super eum ridebunt, contemnentes prosperitatem ejus præteritam; et dicent * ipsi justi: Ecce homo robustus in malitia, qui non posuit Deum, immò contempsit, adiutorem suum, non habens
fi-

fiduciam in Dominum.

*Sed speravit, tamquam in summo bono, in multitudine divitiarum suarum, * in copia argenti & auri, potentia, & gloria; et prævaluit justis ad tempus in vanitate & prosperitate sua, & affluentia temporalium.*

*Ego autem pius, qui sum in bonis operibus sicut oliva fructifera in domo Dei * & Ecclesia sancta, speravi, non in divitiis, sed in misericordia Dei duratura in æternum, non solum hinc, sed et in sæculum sæculi, in vita æterna.*

*Confitebor tibi & gratias agam in sæculum hoc, quia fecisti * mecum misericordiam in præsentibus: et expectabo, in futura retributione justorum, nomen tuum, quod JESUS est, quoniam bonum, dulce est & suave in conspectu, judicio, & æstimatione sanctorum tuorum, qui gustaverunt suavitatem bonitatis tuæ.*

ORATIO.

Omnipotens Deus, totius mundanæ vanitatis destructor: fac nos in Ecclesia tua florere, sicut olivam fructiferam bonorum operum; ut, in tua misericordia speran-

rantes, & tibi semper gratias agentes, ab iniquitatis maledicto salvemur per confessionem nominis tui, quod JESUS est.

PSALMUS LII. [sec. Hebr. LIII.]

In finem & Christum ducens, pro Maeleth parturiente dolorem de peccatis, intellectus & eruditio ipsius David.

DIxit & sibi ipsi persuasit insipiens & impius in corde suo, * quod non est Deus curans res mortalium.

Corrupti sunt in peccatis, et abominabiles atque odibiles facti sunt Deo & hominibus in iniquitatibus * suis: non est de illis reprobis qui faciat bonum aliquod meritorium.

Deus de cœlo prospexit, per suam misericordiam, super filios hominum * ut pœnitentes salvaret; ut videat si aliquis est intelligens per veram cognitionem, aut requirens Deum per bonam operationem.

Omnes declinaverunt à rectitudine justitiæ, & simul inutiles atque inepti facti sunt * à consequutione vitæ æternæ: non est aliquis qui faciat bonum, aut

impleat voluntatem patris cœlestis : non est usque ad unum : quia omnes peccaverunt , & egent gratia Dei.

*Nonne scient & experientur in futuro justitiam Dei omnes qui nunc operantur pertinaciter iniquitatem * contra Dei mandata ? qui devorant & dilaniant plebem meam innocentem , & , perinde ut si comederent cibum panis quotidianum , ita delectantur in spoliis innocentum ?*

*Deum per pœnitentiam non invocarunt , * quia in eum non crediderunt : sed illic trepidaverunt peccatores hujus mundi timore , ne fraudarentur felicitate terrena , ubi tamen non erat timor habendus : formidant tantùm temporalia , & non mala aterna.*

*Quoniam Deus dissipavit atque dispersit ossa & corpora eorum , luxui & deliciis mancipata , qui hominibus placent , * & Deum spernunt : confusi sunt intellectu , quoniam Deus sprevit , tradens eos in reprobum sensum.*

*Quis dabit ? (certè nullus, nisi tu, Domine,) ex Sion illâ cœlesti salutare Israël , * aut salutem populo fideli , per fidem ve-*

*ram Deum videnti? Cùm converterit
& eripuerit Deus ab impiorum violentia
captivitatem & servitium plebis suæ
electæ, tunc exultabit Jacob pessumda-
tor vitiorum, et lætabitur atque gra-
tias aget Israël redemptori suo optimo,
maximo.*

O R A T I O.

Omnipotens Deus, de cœlo prospice
super nos peccatores, filios hominum, ut
intelligamus & requiramus te solum
Deum verum, spretis mundanis omni-
bus. Ne declinemus à rectitudine justitiæ
& via veritatis, ne corrumpamur & abo-
minabiles simus in iniquitatibus nostris:
sed nos convertere digneris ad te, ut læ-
temur & exultemus in salutari tuo Do-
mino nostro JESU CHRISTO. Amen.

PSALMUS LIII. [*sec. Hebr. LIV.*]

In finem, qui Christus est, tenden-
tibus, pro carminibus & laudibus ejus,
hic Psalmus est intellectus & eruditio
David & cujuslibet fidelis; cùm venis-
sent Ziphæi, persecutores bonorum,
florentes in hoc mundo, et annuntiassent
Sauli perverso: Nonne David latens

*Et miser absconditus est apud nos flo-
rentes? [I.Reg. 23. 19. & 26. 1.]*

DEUS meus , in nomine tuo, quod
JESUS est , saluum me fac , *
non ob meritum meum : et in virtute
atque misericordia tua divina judica me,
separando à malis.

Deus , qui verax es in promissis,
exaudi orationem meam * & vota
mentis meæ : etiam auribus clementiæ
percipe verba vocalia oris mei , quæ
tibi supplex propono.

Quoniam alieni à Deo , fide , &
operibus , insurrexerunt sua violentia
adversum me , armati livore insanæ
mentis ; et , fortes in malo , quæsierunt
animam meam , * ut eam à pietate di-
vertant ; et non proposuerunt in con-
scientia Deum verum ante conspectum
suum , sed divitias , sed honores , sed
voluptates.

Ecce enim Deus omnipotens adju-
vat me , * ut sim patiens in adver-
sis ; et Dominus , me coadjuvans in
bonum , susceptor est , per suam gra-
tiam , animæ meæ , eam à peccatis o-
mni-

in omnibus liberando.

Averte mala, *adversum me cogitata, ab inimicis meis * insidiantibus*, et in veritate tua *judiciali* disperde illos in *eternum*: *estò hìc* floreat falsis bonis, pereant veris tormentis.

Voluntariè atque libera mente, non coactè, sacrificabo tibi * *sacrificio laudis & bonorum operum*; et confitebor, celebrabo, & gratias agam nomini tuo, Domine Deus meus, quoniam bonum est, immò nil melius illo invenitur.

Quoniam ex omni tribulatione & adversitate eripuisti me * *sperantem in te*, et super inimicos meos *insidiantes* despexit, *pro nihilo reputando*, oculus meus, *quia vidi retributionem in impiis.*

ORATIO.

Domine, in virtute nominis tui salva nos, ne alieni in fide divertant à vera pietate animas nostras: sed per tuam gratiam sub divina protectione nos suscipe, libera & eripe ab omnibus inimicis, tam visibilibus, quàm invisibilibus, insidiantibus nobis: ut sic semper nomini tuo, quod JESUS est, voluntariè sacrificio lau-

246 PSALMUS LIV.

dis & bonorum operum confiteamur per
sæcula. Amen.

PSALMUS LIV. [sec. Hebr. LV.]

In finem *Christum*, ad quem cuncta
referenda sunt, Psalmus iste in carmi-
nibus & laudibus est intellectus & eru-
ditio David.

EXaudi, Deus meus, orationem
meam pro bonis assequendis, et
ne despexeris votivam deprecationem
meam * pro malis evitandis : sed inten-
de mihi oranti, et exaudi me per gra-
tiam, dando quod postulo.

Contristatus sum, animâ & corpo-
re, in exercitatione mea * & tribula-
tionibus, quibus mali me exercent : et
conturbatus sum & inquietus in ani-
ma à voce inimici obloquentis & insi-
diantis, et à tribulatione peccatoris
affligentis me.

Quoniam *impii* declinaverunt retor-
quendo in me innocentem iniquitates *
quæ eorum erant, & mala sua mihi im-
ponebant ; et in ira eorum, non in me-
rito meo, molesti erant mihi, sine ra-
tio-

zione mala inferendo.

Cor meum elanguit & conturbatum est, propter molestias, in me : * et in animo meo formido, metus, & horror mortis aeternæ cecidit super me, timendo fraternum odium.

Timor animæ et tremor mortis venerunt super me, * & opprimunt : et contexerunt & circumdederunt me tenebræ, mali homines, & peccatores caci.

Et dixi, deliberando inter has conturbationes : Quis dabit mihi pennas virtutum, & motum desideriorum bonorum, sicut columbæ, * quæ simplex est, & felle caret? et volabo à strepitu mundi, et requiescam in tranquillitate mentis, gustando quàm suavis est Dominus.

Ecce elongavi me à turba desideriorum temporalium, &, fugiens * illa, discessi à congregatione hominum; et mansi in solitudine, requiescens in quiete mentis.

Expectabam patienter eum Dominum longanimis, qui saluum me fecit * & liberavit à pusillanimitate & inordi-

nato timore ipsius spiritus mei, ne caderem in desperationem, propter tot tumultus persecutionum; et à tempestate animæ, ne irascerer impetuosè.

*Præcipita & disperde, Domine, fraudes eorum, & divide, ne veniant in concordiam, linguas eorum * qui in me conspirant; quoniam vidi iniquitatem, & dolum, et contradictionem, atque discordiam in civitate & congregatione impiorum, ubi nulla caritas.*

*Die ac nocte, sine intermissione, circumdabit eam civitatem diaboli, super muros ejus excubando, iniquitas * pessima: et labor atque molestia erit in medio ejus (non enim est pax impiis), et injustitia abundabit.*

*Et non defecit sed semper duravit de plateis ejus, * ubi licitantur venalia, usura, fraus, & impius quæstus, et dolus: quia, aut creditoribus pluris vendunt, aut in pretio rei cum dolo & fraude.*

*Quoniam, si inimicus meus, publicus peccator, maledixisset mihi * manifestè; sustinuissem utique, & patientius tolerassem.*

Et, si is qui oderat me publicè, super

*per me insultasset , & magna atque
superba locutus fuisset , * minitando ;
abscondissem me forsitan ab eo , fu-
giendo presentiam & sodalitium ejus.*

*Tu ve: dè , homo à quo dolos patior
in abscondito , homo mecum vivens , una-
nimis * in pace , dux meus in vitæ insti-
tuto , et notus atque familiaris meus ;*

*Qui simul , conversando , mecum
dulces & suaves capiebas cibos , *
tum Eucharistiæ , tum doctrinæ : in domo
Dei , quæ est Ecclesia sancta , ambula-
vimus simul cum magno consensu ani-
morum.*

*Veniat mors gehennæ super illos *
hypocritas falsos , et descendant secun-
dum merita in infernum , ubi nulla est
redemptio : & hoc viventes , quia scien-
ter peccant , & scienter pereunt ,*

*Quoniam nequitia , fraudes , & do-
li sunt in habitaculis & cordibus eo-
rum , * & in medio conversationis eo-
rum : quia pestilentes sunt impii.*

*Ego autem tota fiducia ad Deum
clamavi * in tantis periculis & tribula-
tionibus , et Dominus Deus salvabit me
à peccato & inferno.*

Ve-

Vespere *senectutis*, et mane *pueritiae*, et meridie *juventutis*, quod est *omni tempore*, narrabo, meditabor, et annuntiabo * *divina beneficia mihi collata*: et Dominus exaudiet vocem & *orationem meam justam*.

Redimet Dominus in pace & *quiete* animam meam *innocentem*, ab his *falsis fratribus* qui appropinquant mihi, * *persequentes sub specie bona*; quoniam, inter multos *amicos quos habueram*, erant & *junxerant se mecum*.

Exaudiet & *consolabitur me orantem* Deus *pacis*, et humiliabit *abjiciendo & confundendo illos* * *impios*: hic, inquam, Deus qui est *aeternus ante saecula*, quia *in principio erat Verbum*.

Non enim est *resipiscentia illis impiis*, aut *commutatio in melius*; sed *descendunt semper in pejus*, et non timuerunt Deum, * *sed potius contemserunt*: & ergo extendit Dominus manum suam & *vindictam*, in retribuendo *poenam pro malefactis eorum*.

Contaminaverunt & *despexerunt*, male vivendo, testamentum ejus, *mandata Dei non custodiendo*: quare divisi sunt

PSALMUS LIV. 251

*sunt de terra viventium ab seu præ ira & severitate vultus ejus, * quia non videbunt faciem Domini; et appropinquavit ad bonos cor illius seu voluntas ipsius Dei.*

*Molliti sunt in blandiloquentia sermones ejus, suaves super oleum * (aded applaudunt verbis in hypocrisi); et ipsi sermones sunt jacula, letaliter vulnerantia corda audientium.*

*Jacta super Dominum Deum omnem curam & sollicitudinem tuam, committendo Deo omne negotium: et ipse Dominus te enutriet, * docendo, confortando, & vias tuas dirigendo; & non dabit in æternum, licet ad horam permittat, fluctuationem, inquietudinem, & conturbationem viro justo. [Matth. 6. 25. Luc. 12. 22. 1. Petr. 5. 7.]*

*Tu verò, Deus, qui sanctos enutris, deduces eos * impios, qui nec timeant te, nec tibi confidunt, in puteum inferni & interitus mortis æternæ.*

Viri sanguinum, persecutores, & homicidæ, et dolosi per simulationes fraudem molientes, non dimidiabunt

*in voluptatibus dies suos , * immò interitus erit celerrimus & subitaneus: ego autem certissimè sperabo , non in homine , non in mundo , sed in te , Domine, & ideo liberabor ab omni malo.*

O R A T I O.

Domine , qui in te jactamus , ceu iututissimum portum , omnes curas nostras , folique tuæ gratiæ innitimus : enutrias nos in fide , moribus , doctrina , & virtutibus. Ne despexeris deprecationes nostras , sed salva nos à pusillanimitate spiritus , ne succumbamus in tribulationibus aut pressuris : et , te vespere , mane , & meridie laudantes , mereamur ab hujus sæculi tempestatibus defensari. Per Christum Dominum nostrum.

PSALMUS LV. [sec. Hebr. LVI.]

In finem Christum , qui est consummatio nostra , hic Psalmus tendit , scriptus pro populo Judæorum & persecutorum , qui à sanctis electis longè factus est & alienatus , in tituli inscriptione : quia sancti consentientur Christum regem Judæorum , at hic populus negat. Psalmus agit quod factum est ipsi

PSALMUS LV. 253

ipsi David *Propheta*, cùm tenuerunt eum *captivum Allophyli alienigenæ* in Geth. *Oratio est justì tribulati.* [1. Reg. 21. 12.]

Miserere mei, & gratiam tuam mihi impertire, Deus meus, quoniam conculcavit & pessumdedit me homo * nequam: tota die diabolus impugnans *tentationibus* tribulavit & afflixit me.

Conculcaverunt pedibus suis me innocentem inimici mei, tam homines, quàm demones, tota die; * adeò ut nullum tempus pressuris vacuum relinqueretur: quoniam multi bellantes steterunt adversum me, videlicet diabolus, caro, mundus.

Ab altitudine quidem & superbia diei temporalis ad horam datam timebo, * sed interim tamen ego verò justus in te sperabo de tua protectione.

In Deo meo laudabo verbum ejus, & celebrabo sermones meos, Dei munere mihi concessos: in Deo & ejus protectione speravi * confidenter: non ergo timebo quid mali faciat mihi caro

&

& carnalis homo.

Tota die mendaces verba mea bona execrabantur * tamquam mala : & adversum me sunt omnes cogitationes eorum impiorum ; & hoc in malum , ut absterreant à pietate doctrina & vita.

Inhabitabunt mecum in Ecclesia catholica , et abscondent * malum quod cogitant : ipsi impii calcaneum meum , more serpentis , insidiosa calliditate observabunt , ut accusare possent vel blasphemare.

Sicut sustinuerunt ad perdendum & expectaverunt animam & vitam meam ; tamen pro nihilo & gratis salvos facies illos , * per solam tuam misericordiam : sed in ira tua divina populos adversarios veritatis confringes , ad nihilum redigendo.

Deus meus , vitam meam , quæ mala fuit , annuntiavi tibi * in confessione : posuisti tristitias & lacrimas meas , quas effudi pro peccatis , in conspectu tuo , eas non obliviscendo.

Sicut erat et in promissione tua , * qua veniam spondes pœnitentibus , sic egessi : tunc ergo convertentur inimici

&

& adversarii mei, à suo errore & vita mala retrorsum, ut non amplius vadant post concupiscentias carnis.

*In quacumque ergo die ætatis & vitæ meæ invocavero te * cordis devotione, ecce cognovi, experiendo misericordiam tuam, quoniam Deus meus es, qui me recipis ad pœnitentiam.*

*In Deo Patre laudabo Verbum incarnatum, prædicando eum consubstantialem Patri & coæternum: in Domino Jesu Christo laudabo sermonem, * & ejus regulam vivendi, quam mundo præstitit: & in Deo Spiritu Sancto speravi de ejus bonitate: & ergo non timebo quid mali faciat mihi innocenti homo nequam.*

*In me sunt tibi reddenda, Deus meus, vota tua * à te data, quia pro beneficiis mihi impensis illa debeo tibi: quæ vota reddam, quia sunt laudationes & gratiarum actiones, tibi solvenda ad nominis tui gloriam.*

*Quoniam eripuisti & salvasti animam meam, quæ per te vivit, de morte culpæ & gehennæ, et pedes meos, affectus & sensus, de lapsu * & proni-*

*tate cadendi in peccatum ; ut placeam
in via mandatorum coram Domino Deo
meo , in lumine justorum , viventium
ex fide & gratia.*

O R A T I O.

Unica salus , vita , & spes nostra,
Deus , consolator , remunerator , & ubi-
que justificator : miserere nobis , qui un-
dique tribulationibus à mundo , tentatio-
nibus à diabolo , miseriis à carne concul-
camur , qui semper observant calcaneum
nostrum. Eripe animas nostras de morte
æterna ; ut , dum hîc carnalia bella com-
primimus , placere tibi in lumine gloriæ
& immortalitatis mereamur. Per Christum
Dominum nostrum.

PSALMUS LVI. [*sec. Hebr. LVII.*]

In finem & Christum , ad quem ten-
dimus , venire hortatur iste Psalmus ; ne
tu , perfide Judæe , disperdas , interfi-
cias , vel corrumpas quovis modo David,
hoc est Christum , in tituli inscriptione,
negando ipsum esse regem Judæorum, quod
tamen titulus crucis indicabat ; cùm fu-
geret à facie Saul truculenti & ferocis in
speluncam. [1. Reg. 22. & 24.]

Miserere mei & succurre, Deus: pater clementissime, miserere mei, * quia periculum imminet magnum: quoniam in te, & in nullo alio, confidit & stabilita est anima mea.

Et in umbra alarum tuarum atque in protectione tue divina potentia sperabo * semper, donec transeat ipsa iniquitas Judæorum.

Clamabo ab humanitate assumpta ad Deum Patrem altissimum * in cœlis: ad Deum meum, cui consubstantialis sum, qui benefecit & reddidit mihi quidquid promiserat.

Misit de cœlo, non angelum, vel creaturam, sed me filium suum; unde et liberavit me, * resuscitando à mortuis: & dedit dispergens per orbem, in opprobrium hominum, Judæos conculcantes me & nomen meum.

Misit Deus, per me, misericordiam suam gentibus et veritatem suam, * juxta promissa Judæis: et eripuit, crucifixo corpore, animam meam de medio Judæorum & catulorum leonum rugientium in me ut crucifigerer: dor-

R. mi-

*mivi somno mortis secundum carnem,
sed conturbatus ex angustia passionis.*

Filii hominum, Judæi, dentes eorum ut devorent sunt arma invidiæ, et sagittæ * ut occidant ac perdant: et lingua eorum (quando clamabant: Crucifige) est gladius acutus crudelissimus.

Exaltare ascendendo super cœlos cœlorum, Deus, * Jesu Christe, ad dexteram Patris; ut cognoscaris semper in tua majestate regnare: et sic in omnem terram promulgabitur gloria tua resurrectionis, & ascensionis in cœlum.

Laqueum per fraudulentas objectiones paraverunt pedibus & doctrinis meis, * ut me in verbo caperent: et incurvaverunt animam meam, tentando an flectere eam possent à rectitudine veritatis & justitiæ.

Foderunt Judæi ante faciem meam, congregando concilium, foveam * fraudis, oppressionis, & criminationis, ut me morti traderent; et ipsi inciderunt præcipitati in eam, passi mala quæ mihi inferre conabantur.

Paratum cor meum ad sustinendam ignominiam crucis, Deus Pater, paratum
tum

PSALMUS LVI. 259

tum cor meum , * *præ desiderio salutis humanae* : cantabo , voce gratias agendo , et psalmum dicam , digna actione te Deum Patrem laudando.

Exurge potenter , gloria mea , caro mea glorificata : exurge , inquam , caro , quæ fuisti psalterium divina operans , et cithara * humana patiens : exurgam certe diluculo , mane , prima sabbati. [Joan. 2. 22.]

Confitebor tibi postquam resurrexero , prædicando per meos in populis laudes tuas , Domine * Deus Pater : & psalmum dicam tibi , ut tu , Pater , glorificeris in gentibus.

Quoniam magnificata & prædicata est per orbem terrarum usque ad cælos beneficentia & misericordia tua , * quam promissisti per Christum ; et usque ad nubes tonat præceptis , coruscat miraculis , pluit doctrinis veritas tua divina.

Exaltare , per gloriosam ascensionem , super cælos Angelorum , Deus * noster ; et super omnem terram semper sit gloria & magnificentia tua ; ut sis , Deus , omnia in omnibus.

ORATIO.

Deus, cui proprium est præstare misericordiam iis qui in te confidentiam habent : ab æstu persecutionum & vitiorum protege nos sub umbra alarum tuarum, quæ sunt misericordia & veritas ; donec transeat iniquitas impiorum, & eruamur à nequissimis insidiatorum foveis, & laqueis diaboli : ut sic, mala sustinendo temporalia, æterna bona speremus ; donec ad te, qui CHRISTUS es, pervenire valeamus. Amen.

PSALMUS LVII. [Sec. Hebr. LVIII.]

In finem verum & optatum, ne disperdas aut contradicas verbo vel factò ipsi David, qui Christus est, in tituli crucis inscriptione facta à Pilato.

SI verè, & non falsè, utique & certè justitiam in verbis loquimini ; * in factis tunc recta judicate, discernendo bonum à malo, vos qui estis filii hominum.

Etenim, in corde quas cogitastis, iniquitates illas operamini : * in terra vos terreni & animales injustitias varias

*vids manus vestræ , fraudatis proximis ,
concinnant , congregant , & miscent ,
peccata peccatis accumulando.*

*Alienati sunt peccatores à veritate
& justitia , à Deo , & bono ; à vulva ,
ab ipsa conceptione : erraverunt ab ute-
ro * matris , & loquuti sunt falsa ,
spemendo veritatem.*

*Furor est illis , præ invidia , secun-
dum similitudinem furoris serpentis , *
præ desiderio mordendi & nocendi ; sic-
ut est ira aspidis surdæ venenum effun-
dentis , et obturantis aures suas , ne per-
cipiant veritatem.*

*Quæ aspis non exaudiet neque per-
cipiet vocem incantantium , * immò
contemnit ; et verba venefici alicujus in-
cantantis mentes hominum obstinatorum ,
sapienter , ut convertantur à suis erro-
ribus.*

*Deus conteret comminuendo dentes
eorum & verba dolosa in ore ipsorum , *
quo blasphemias protulerunt : & molas
atque maxillas , minasque leonum &
ferocium Judæorum confringet Domi-
nus in sua resurrectione.*

Ad nihilum & contemptum deve-

nient *Judai* , tamquam aqua cito decurrens * & non revertens : Dominus intendit in ira arcum suum , ut vulneret sagittis timoris & judicii , donec infirmantur & ulterius non valeant nocere.

Sicut cera mollis , quæ fluit & liquescit à facie ignis , sic impii auferentur * à facie Dei in extremo judicio : supercécidit eis ignis infernalis & æternus , et non viderunt solem justitiæ & verum lumen divinum.

Priusquam intelligerent & producerent spinæ vestræ & punctiones malæ conscientie rhamnum * & rubum acutum (quippe , spinarum more , peccata primò delectant , postea pungunt) : sicut sunt viventes in prosperitate , sic in ira divina subito absorbet & aufert eos de mediò.

Lætabitur justus zelo divinæ justitiæ , cum viderit impiorum vindictam * & punishmentem : manus suas , opera & actiones , lavabit à peccatis , ut mundior & justior fiat in sanguine peccatoris , ex consideratione vindictæ & pænæ reproborum.

Et dicet homo , post judicatum impium:

PSALMUS LVII. 263

pium : Si utique *pro meritis* est fructus
& *merces* iusto , * *de bonis suis operi-*
bus ? utique est Deus , *justè* judicans,
& *retribuens* eos malos *hic* in terra,
ubi florere videntur.

ORATIO.

Da , quæsumus , Domine , ut rectè ju-
dicemus nosmetipsos ; ne , à via veritatis
& justitiæ aberrantes , manus nostræ in-
justitias concinnent , peccata peccatis cu-
mulando. Sed , nostrorum spinis facino-
rum afflicti , aurem non obturantes præ-
ceptis tuis ; te solem justitiæ & verum
lumen sequamur. Per Dominum nostrum
JESUM CHRISTUM.

PSALMUS LVIII. [*sec. Hebr. LIX.*]

In finem Christum Psalmus hic est,
ne tu , Judæe , corrumpas quovis modo
David, hoc est Christum, in tituli inscri-
ptione, dicendo ipsum non esse regem Ju-
daeorum, et hoc quando misit Saul & con-
cilium Judæorum, et custodivit domum
ejus & sepulcrum Christi , ut interfice-
ret & exstingueret eum , nomen videli-
cet & famam ejus. [I. Regum 19.]

ERipe & libera me innocentem de inimicis meis *Judæis*, Deus, pater meus : * et ab insurgentibus & insultantibus, per blasphemias, in me filium tuum salva & libera me.

Eripe me de *Judæis* operantibus iniquitatem, * colaphizantibus & flagellantibus me : et de viris sanguinum (qui clamabant : Crucifige) salva & libera me.

Quia ecce ceperunt insidiosè animam & vitam meam * corporalem : irruerunt cum impetu, sine omni ratione, in me humilem fortes *Judæi*, ut me morti traderent.

Neque iniquitas mea fuit in causa, neque peccatum meum, quare me persequerentur, Domine * Deus : quoniam sine iniquitate, purè, & innocenter cucurri viam hujus mundi, et direxi ad rectum finem, verbo prædicationis & exemplo vitæ.

Exurge, Deus Pater, in occursum meum, ut suscipias me resurgentem & ascendentem ; et vide * quanta contra me malignantur : et tu, Domine, potes
hoc

PSALMUS LVIII. 265

*hoc facere, quia tu es Deus virtutum
cœlestium, & Deus Israël omnipotens.*

*Intende & expergiscere ad visitandas
in cordibus eorum omnes gentes * per
gratiam, ne progrediantur in malitia:
non miserearis omnibus prævaricato-
ribus qui, ex certa malitia & obstinata
mente, operantur iniquitatem perseve-
ranter.*

*Convertentur tandem gentes ad fi-
dem, & hoc ad vesperam mundi, in
sexta ætate; et famem verbi Dei pa-
tientur, ut canes * famelici; et circui-
bunt civitatem, sanctam Ecclesiam at-
que credentium multitudinem, ut au-
diant verum.*

*Ecce ipsi, conversi ad fidem, lo-
quentur prædicando in ore suo liberè
cum auctoritate; et gladius Sancti Spiri-
tus, quod est verbum Dei, in labiis eo-
rum * erit: quoniam quis audivit um-
quam talia?*

*Et tu, Domine Deus, deridebis as-
pernando eos * qui veritatem audire no-
luerunt, & ad nihilum deduces & con-
culcabis omnes gentes remanentes in sua
perfidia.*

For-

266 PSALMUS LVIII.

Fortitudinem & potentiam meam ad te, Deus Pater, custodiam secundum dispositionem tuam: & meritò, quia tu, Deus, susceptor meus es * per resurrectionem, & Deus Pater meus es; insuper misericordia ejus Patris prævenerit me, qui plenus sum gratia & veritate paterna.

Deus Pater ostendit mihi quid agendum foret super inimicos meos Judæos, quia pro eis orandum ne occidas eos * delendo omnino: nequando obliviscantur populi Christiani mei, & passionis meæ, quia Judæi sunt memoriale passionis Christi.

Disperge illos Judæos per omnia regna mundi, in virtute & potentia tua * divina: et depone atque deprime eos à timore superbiæ, protector meus, Domine Deus Pater.

Delictum & peccatum oris eorum depone; & sermonem falsum labiorum ipsorum, * mortem meam coram Pilato postulantium, tolle: et ergo comprehendantur ipsi perfidi in superbia sua, quando exsultant in rebus pessimis.

Et, postquam confusi fuerint de execra-

eratione, blasphemia, et mendacio; tunc annuntiabuntur & redarguentur ab Apostolis, in consummatione, * ad internectionem: in ira divina consummationis, et non erunt amplius.

Et ipsi Judæi tunc scient quia Deus Christus, quem occiderunt, dominabitur Jacob, * quia princeps est verorum Israëlitarum; et finium terræ, qui est creator omnium.

Convertentur Judæi plenariè ad vesperam, in fine mundi: et, esuriendo ac sitiendo justitiam, famem patientur verbi Dei, ut canes * famelici; et circuibunt civitatem Dei & Ecclesiam sanctorum, ut audiant Euangelium.

Ipsi, conversi, dispergentur per mundum ad manducandum, * quærentes cibum verbi Dei: si verò non fuerint saturati pane cœlesti, et murmurabunt tamquam jejuni.

Ego autem non murmurabo, sed cantabo & prædicabo fortitudinem & potentiam tuam, * qua justificas impium; et exultabo atque celebrabo, non ad vesperam, sed mane, satis maturè, misericordiam tuam, non opera mea.

Quia

268 PSALMUS LVIII.

Quia in presenti vita factus es in ipsa tribulatione fufceptor meus, ab instantibus periculis; et refugium meum unicum, in die tribulationis & angustiae meae.*

Adjutor meus, cooperator in bonis, tibi psallam accepta ferendo quæ, te auxiliante, gessi; quia tu, Deus, fufceptor meus es, nunc ad gratiam, & tandem ad gloriam: Deus meus, qui me creasti, & misericordia mea, qui me salvasti: quidquid enim sum, tuae misericordia sum.*

O R A T I O.

Deus, misericordia nostra, protector & refugium nostrum: eripe nos de inimicis nostris, tam visibilibus, quàm invisibilibus: exurge in occursum nostrum, & adjuva ut faciamus quæ præcipis, & impleamus quod expedit; quatenus, tuo adjutorio muniti, & misericordia adjuti, mereamur post hujus vitæ exilium ad tuæ beatitudinis gloriam pervenire. Per Dominum nostrum JESUM.

PSALMUS LIX. [*sec. Hebr. LX.*]

In finem Christum, pro iis electis qui commutabuntur ad Deum, veteri
er-

errore deposito, in tituli crucis inscriptione, credendo Christum regem Judaeorum; Psalmus David Prophetæ, in doctrinam electorum, cum succendit Syriam Mesopotamiæ, et Syriam Soba, et convertit Joab, et percussit Idumæam in valle Salinarum duodecim millia. Oratio, pro misericordia Dei imploranda. [1. Reg. 8. 1. & 10. 7. & 1. Par. 18. 1.]

DEus, propter peccata nostra repulisti nos à te, et destruxisti nos * atque confregisti: iratus es, nos flagellando; et tamen misertus es nobis, ut reverteremur ad te per poenitentiam.

Commovisti, per timorem futuri judicii, terram & corpora nostra terrena; et conturbasti eam, * per poenitentiam: sana ergo per tuam gratiam contritiones ejus, & redde illi te placatum, quia commota est in conscientia per poenitentiam.

Ostendisti in Sacra Scriptura populo tuo electo dura, * pœnalia, peccatis debita: potasti nos per multas tribula-

*tionem vino compunctionis, mœroris,
& tribulationis; miscendo dulcia amarum,
& dolores consolationibus.*

*Dedisti metuentibus & timentibus
te filiali amore significationem; * ut,
exercitati tribulationibus, fugiant &
subtrahant se à facie & præsentiâ ar-
cus & justitiæ tuæ, quæ extenta est ad
percutiendum peccatores.*

*Ut liberentur dilecti tui, * à servi-
tute diaboli, ab omni pœna & miseria:
& ergo saluum me fac, ut inveniar in
dextera tua cum ovibus, & non in sini-
stra cum hœdis; et exaudi me, depre-
cantem pro salute mea.*

*Deus Pater locutus est verbum in
sancto suo * filio, qui est sanctus san-
ctorum. Lætabor mente, et partabor
atque dividam Sichimam per tribus; et
convallem tabernaculorum, ubi Abra-
hæ facta est repromissio, metabor, cum
alii credent, alii non.*

*Meus est Galaad, terra hæc: et
meus est Manasses, * tribus illa: et
Ephraim eligam, ut sit fortitudo ca-
pitis mei.*

*Juda erit rex & legifer meus, * quia
de*

de Juda nascetur Christus salvator: Moab, Arabes & Moabita sunt olla spei meæ; quia juxta arbitrium meum, ut ollâ, illis utor.

*In Idumæam, filios Esau, extendam atque projiciam calceamentum meum, * illos suppeditando per Euangelium: mihi alienigenæ, gentes, subditi sunt & obediunt per fidem.*

*Quis deducet me atque nomen meum in civitatem munitam, * ad populum vallatum peccatis? quis deducet & diriget me usque in Idumæam, ad gentem infidelem & peccatricem?*

*Nonne tu Deus? (certe nullus alius), qui repulisti nos * periculis, & sinens tribulari: et non egredieris neque exibis, Deus, nobiscum in virtutibus nostris, sed in tua virtute & majestate, ad protegendum nos.*

*Da nobis hîc peregrinantibus auxilium, quo liberemur de tribulatione * nostra: quia sine te vana est & inanis salus hominis, quia sine gratia tua non salvabimur.*

*In Deo, non in viribus nostris, faciemus & constituemus virtutem * contra*

tra hostes : et ipse conculcando ad nihilum deducet inimicos tribulantes nos.

ORATIO.

Omnipotens Deus , ne repellas nos propter peccata nostra : ne irascaris , sed miserere nobis : salva & libera nos à potestate diaboli. In te est omnis spes , virtus , & gloria nostra. Unde ad nihilum redige , tam vitia quæ nos tribulant , quàm inimicos qui nos impugnant ; ut tandem æterna felicitate , te largiente , perfrui mereamur. Per Christum &c.

PSALMUS LX. [*sec. Hebr. LXI.*]

In finem (finis enim legis , Christus est in salutem omni credenti) habitus in hymnis & laudibus , Psalmus est David exhortantis omnes ad Christi laudem.

EXaudi , Domine Deus , auribus clementiæ deprecationem meam , * *mala avertendo ; & intende oculis misericordiæ orationi meæ , bona conferendo.*

*A finibus extremis terræ , ex quibus collecta est Ecclesia , ad te clamavi * in tem-*

tempore angustiae: dum anxiaretur in hac peregrinatione cor meum, inter pressuras & vitia hujus saeculi; in petra, in Christo & fidei soliditate, exaltasti & fundasti me, in qua omnis edificatus est Christianus.

*Deduxisti me ad te per viam veritatis & vitae; quia factus es sola spes mea, * & turris fortitudinis, atque munitio inexpugnabilis, à facie, praesentia, & impugnatione inimici visibilis, & invisibilis.*

*Inhabitabo in unitate fidei in tabernaculo tuo & Ecclesia catholica, in saecula, * usque ad finem mundi: & protegar contra astus vitiorum, in velamento & munimine alarum tuarum misericordiae & potentiae.*

*Quoniam tu, Deus meus, exaudisti justam orationem meam, * & desideria cordis mei: unde dedisti hereditatem futuri saeculi timentibus salutare nomen tuum, quod JESUS est.*

*Dies aeternos, super dies temporales regis nostri Christi in quibus Ecclesia jam regnat, adjicies: * etiam appones annos ejus aeternales; usque in diem ge-*
S
ne-

nerationis *hujus vitæ temporalis*, et generationis *futura æterna*: quia per omnia *secula durabunt*.

Permanet, habitat, & assistit in æternum *advocatus noster Christus* in conspectu & *præsentia Dei* * *Patris*: ergo *miserericordiam ejus qua in præsenti peccata dimittit*, et *veritatem ejus qua in futuro promissa reddit*, quis requireret frustra? certe nullus. *Petite enim, & dabitur vobis*.

Sic psalmum dicam *de gratia & veritate nomini tuo divino, in æternum & in sæculum sæculi*, * *quoad durabit mundus*; ut in *præsenti reddam & satisfaciam vota mea quæ promisi in baptismo*, de die in diem, *indefinenter & quotidie*.

ORATIO.

Exaudi deprecationem nostram, spes nostra, misericordissime consolator, Deus, & deducas nos per viam veritatis & vitæ in velamento alarum tuarum. Et esto nobis ceu turris fortitudinis atque munitio inexpugnabilis, à facie & impugnatione inimici, tum visibilis, tum invisibilis; ut tandem consequi mereamur hereditatem
fu-

futuri sæculi, & tabernacula inhabitare æterna. Per Christum &c.

PSALMUS LXI. [*sec. Hebr. LXII.*]

In finem & Christum Dominum, qui est finis ad quem tendimus, pro Idithun & pro transiliente voluptates hujus mundi, Psalmus est David calcantis caduca, & aspirantis ad æterna.

Nonne Deo vero subiecta obediendo erit perseveranter anima mea, * ei fideliter serviens? ab ipso enim & per ipsum est salutare meum, salus & salvatio in corpore & in anima.

Nam et ipse Christus est Deus meus qui me creavit, et salutaris meus * qui me redemit, & susceptor meus ut transiliam de mundo ad eum: & ideo non movebor à bono proposito amplius, tali adjutorio munitus.

Quousque vos, impii, irruitis & impetum facitis in hominem * innocentem, persequendo eum? interficitis per peccatum universi vos ipsos in anima? quia irruitis incumbentes ei, tamquam

parieti inclinato ad ruinam, et mæ-
riæ inveteratæ atque depulsæ à suo ca-
mento?

Verumtamen *impii*, licèt repugno,
pretium omne meum & bonum opus,
quo emo vitam æternam, cogitaverunt
insidiosè repellere & auferre à me : un-
de cucurri in siti * ad Deum, fontem
vivum quem sitiebat anima mea. Sed
ipsi, hoc impedire volentes, vanitatem
suggerendo, ore suo benedicebant ; sed
et in corde suo, veritati contradicen-
tes, maledicebant.

Verumtamen, quantumcumque im-
pugnent *impii*, Deo subjecta & obe-
diens esto, anima mea : * & nolo vacil-
lare adversitatibus, aut moveri blandi-
tiis, quoniam ab ipso Deo stat patien-
tia mea, cujus amore patior omnia ad-
versa.

Quia ipse est Dominus Deus meus
qui vocavit me ad fidem, et salvator
meus * qui me redemit & justificat, &
adjutor meus ad bene operandum : &
ideo non emigrabo nec separabor à Deo
meo.

In Deo est ipsum salutare meum,
totæ

PSALMUS LXI. 277

*tota fiducia & salus mea, et gloria mea: * in nulla enim re glorior nisi in Deo. Etiam ipse est Deus auxilii mei, in omni infirmitate: et spes mea de vita aeterna adipiscenda in Deo est, qui mihi est scopus unicus.*

Sperate firmiter in eo qui solus potest salvare, omnis congregatio populi fidelis; & effundite aperto pectore coram illo corda vestra, per confessionem: quoniam Deus est adjutor noster, non deserens nos in æternum.*

*Verumtamen hoc non attendunt, sed sunt vani & dediti vanitatibus, filii hominum, sperantes in rebus caducis: sunt etiam mendaces & fallaces filii hominum Adæ & Evæ in stateris * & deliberatione boni & mali; ut decipiant ipsi, alios de vanitate in idipsum vanitatis ducentes: quia inter se invicem, & unusquisque alium.*

*Nolite sperare in malitia, in iniquitate, mendacio, aut dolo; et rapinas violentas nolite concupiscere, * auferendo aliena: & divitiæ ipsæ si affluant abundanter, nolite tamen cor apponere, in eis confidendo, præsumendo,*

do, & superbiendo.

Semel *immutabile verbum* locutus est Deus, qui non repetit nec revocat quidquam. Duo hæc *certissima* audivi & didici: quia potestas & absoluta justitia Dei est ad puniendum malos, et tibi, Domine Deus, est misericordia * ad premiandum plusquam merita requirunt: quia tu reddes unicuique, tam bonis, quàm malis, juxta opera sua quæ egerunt. Potestas ergo timeatur, & misericordia ametur. [Matth. 16. 27. Rom. 2. 6. 1. Cor. 3. 8. Gal. 6. 5.]

ORATIO.

Da, quæsumus, Domine, qui es unica salus, spes, & gloria nostra, ne vacillemus in adversitatibus, ne emigremus à te in tribulationibus. Sed subjecta semper sit anima præceptis tuis; &, renuentes incerta divitiarum oblectamenta, te solum, contenta omni mundi vanitate, sequamur. Per Dominum nostrum JESUM CHRISTUM filium tuum.

PSALMUS LXII. [sec. Hebr. LXIII.]

Psalmus iste est ipsius David & cu-
jus-

iuslibet iusti, cùm esset & dum moraretur in deserto Idumææ & solitudine huius mundi. [1. Regum 22. 5.]

DEus omnium per creationem, etiam es Deus meus * per desiderium sanctum: ad te promerendum, de luce tuæ gratiæ vigilo, ut bene operari incipiam.

Sitivit aquas vitæ, in te fonte omnis boni, anima mea * per se arida: & quàm multipliciter, ob varios defectus egestatis, sitis, famis, tribulationis, sitivit etiam tibi ad laudem tuam caro mea, volens liberari, & deponere mortalitatem.

In terra hac mundiali, deserta, sterili et invia, non habente viam veritatis, et inaquosa * sine fructu bonorum operum, sic mecum affectus in sancto desiderio apparui tibi; ut, tua luce illustratus, viderem & cognoscerem virtutem & misericordiam tuam in hoc sæculo, et gloriam tuam in futuro.

Quoniam multò melior & eligibilior est misericordia tua divina, super vitas; * quia per vitas, quantumvis

280. PSALMUS LXII.

*bonas , non pervenitur ad cœlum , nisi ad-
sit misericordia : unde labia mea , pro
beneficiis ex tua misericordia exhibitis ,
laudabunt te , gratias agendo.*

*Sic benedicam te perfectè in tota
vita mea , * nihil mihi arrogando : sed
et in nomine tuo atque ad gloriam no-
minis tui levabo puras manus meas ,
ad bene operandum.*

*Sicut adipe in visceribus , et pin-
guedine in carne , repletur corpus ; ita
repleatur & vegetetur anima mea *
gratiâ & dulcedine spiritus : et , labiis
exultationis , de tantis beneficiis lauda-
bit nomen sanctum tuum os meum.*

*Si memor fui tui , te laudando , su-
per stratum meum & in quiete prospe-
ritatis ; sic etiam in matutinis , in luce
gratiæ mihi illucescente , meditabor in
te * de tantis beneficiis : quia fuisti sem-
per adjutor meus , & sine te bona face-
re non potui.*

*Et in velamento & protectione ala-
rum tuarum , quæ sunt defensio in ma-
lis , & directio in bonis , exultabo &
hilarescam : adhæsit ferventi desiderio
anima mea sitiens , & cucurrit post te **
&

PSALMUS LXII. 281

& tuam gratiam : & ideo me suscepit in sua protectione dextera & propitiatio tua divina.

*Ipsi verò inimici in vanum & frustra quæsierunt animam & vitam meam perdere : & ergo tandem introibunt & descendent in inferiora terræ * & carcerem infernalem ; ubi tradentur perpetuò in manus gladii & tormentorum , & partes vulpium seu callidorum demonum erunt , in damnatione sortem ipsorum accepturi.*

*Rex verò Christus , qui est rex regum , lætabitur in Deo Patre , quando cum ipso ejus erunt membra : laudabuntur omnes Christiani , qui in baptismo jurant in eo * promittentes servare mandata ; quia obstructum est & obstruetur , confundetur & convincetur os loquentium mendacia & iniqua blasphemia.*

ORATIO.

Omnipotens Deus , auctor lucis æternæ : lumen largire perpetuum ad te de luce vigilantibus in hoc arido deserto mundi. Semper ficiat anima nostra te fontem vitæ , & suscipiat nos sub protectione
ne

282 PSALMUS LXIII.

ne alarum tuarum misericordia tua ; ut te laudent labia nostra , vita benedicat , & opera glorificent. Amen.

PSALMUS LXIII. [*sec. Hebr. LXIV.*]

In finem Christum Psalmus est David Prophetæ , ubi agitur de passione & resurrectione Christi.

EXaudi , Deus Pater , orationem meam *justam* , cùm deprecor * *affectuosè* : à timore inimici , qui *vita mea insidiatur* , eripe & salva animam meam , & transeat à me calix iste.

Protexisti me , Deus Pater , à conventu & consilio Judæorum malignantium , * *atque machinantium contra me malum* : à multitudine *etiam insidiosa operantium in me iniquitatem & crucifixionem.*

Quia exacuerunt *ad occidendum* , ut gladium , linguas suas , * *clamantes* : Crucifige eum. Intenderunt arcum , *insidias* , & dolos , rem amaram valde ; ut sagittent & interficiant in occultis , *cautè & subdolè* , immaculatum & innocentem Christum , qui solus fuit agnus
sine

sine macula peccati.

Subitò consiliati sagittabunt eum, ut occidant quasi nescientem, et non timebunt * agere contra Deum neque contra conscientiam : firmaverunt obstinatione durissima sibi in eorum perniciem sermonem nequam, dum dixerunt : Reus est mortis.

Narraverunt, mutuò consultantes, ut & qualiter absconderent laqueos, * ut Christum dolo tenerent & occiderent. Dixerunt & persuaserunt sibi : Quis hominum videbit eos, aut deprehendet dolos eorum?

Scrutati sunt Judæi iniquitates, * ut per falsos testes justum accusarent : defecerunt ab intento ipsi scrutantes frequenti inquisitione, scrutinio iniquo, & consilio perverso.

Accedet sponte homo Christus in passione ad cor altum * & secretum Dei consilium, ut moriatur pro redemptione mundi : et, qui fuit humiliatus in passione, exaltabitur in resurrectione verus Deus & homo.

Sagittæ, festuæ ex cannis, parvulorum ludentium, quæ nihil nocent, ita fa-

284 PSALMUS LXIII.

factæ sunt plagæ eorum * *quas Christo intulerant, dum viderunt ipsum resurrexisse: et infirmatæ sunt in verecundiam contra eos Judæos linguæ eorum maledica, quia nec verbo poterant nocere.*

Conturbati sunt ad pœnitentiam omnes homines qui videbant & intelligebant eos * *Judæos confusos: et timuit, consideratâ Dei potestate, omnis homo, post resurrectionem.*

Et annuntiaverunt aliis prædicando opera & miracula Dei, * *incarnationis mysteria, & gloriam resurrectionis: et facta ejus non fuisse purè humana intellexerunt, sed divina.*

Lætabitur ergo justus, per Christum redemptus, in Domino, pro gloria Dei; et sperabit, certâ fiduciâ in eo, * *vitam æternam: et laudabuntur ab ipsa veritate omnes recti corde, qui rectè credunt & bene vivunt.*

ORATIO.

Spes omnium in te credentium, Deus, eripe nos de manu inimici visibilis, & invisibilis: & protege à conventu malignantium,

PSALMUS LXIV. 285

aium, qui occultis jaculis nos impugnare conantur. Atque, recto corde tibi fervientes, in te lætemur, tibi que per omnia placeamus. Per Christum &c.

PSALMUS LXIV. [sec. Hebr. LXV.]

In finem & Christum nos dirigens Psalmus iste est David Propheta, & canticum seu júbilus ejus. Laus Dei, & multiplex beneficium acceptum & accipiendum, enarratur.

TE creatorem & redemptorem decet ac convenit hymnus gratiarum, Deus, qui in Sion * & Ecclesia præsentî coleris: et tibi de bonis operibus reddetur perfectè totum votum & desiderium nostrum in Jerusalem, in visione pacis & patria cœlesti.

Exaudi, Domine Deus meus, orationem meam; * ut, quod tibi promisi in baptismo, persolvere possim: quia ad te Deum, judicem, & ante tribunal tuum, omnis caro & omnis homo, sive bonus, sive malus, veniet & apparebit, ut referat unusquisque quod gessit.

Verba prima iniquorum, videlicet

Eva

286 PSALMUS LXIV.

*Eva persuadentis , & Adæ excusantis , prævaluerunt super nos , * cùm fuerunt causa exheredationis de paradiso : et impietatibus atque transgressionibus nostris , quantumlibet enormibus , tu propitiaberis , dando veniam & locum poenitentiae iis quos proprio sanguine mer-
catus es.*

*Beatus & felix est ille quem elegisti per tuam gratiam de mundo , et assumisti * in sorte sanctorum tuorum : quia inhabitabit aternaliter in atriis tuis caelestibus , ubi erit plenitudo omnium bonorum.*

*Replebimur usque ad summum in bonis aeternis domus tuæ * caelestis , cùm apparuerit gloria tua : sanctum est templum tuum caelestis gloriæ , siquidem in illo habitant sancti : mirabile etiam est in æquitate & equalitate participationis gaudii.*

*Exaudi nos peccatores peregrinantes , Deus , qui es salutaris & salvator noster , * sine cuius auxilio nihil possumus : spes unica omnium finium terræ , etiam et eorum qui sunt in mari atque insulis ejus longè distantibus.*

Præ-

*Præparans Apostolos , sicut montes habentes fortitudinem fidei & altitudinem sanctitatis , in virtute tua & magnitudine miraculorum ; accinctus potentiâ * magnâ divinitatis : qui conturbas ad pœnitentiam profundum maris , seu cor impium profundèmersum in mari hujus sæculi ; atque sonum mendacem fluctuum & principum ejus , qui contradicere volunt veritati.*

*Turbabuntur voce Apostolica gentes ad pœnitentiam ; et timebunt Deum , de communi populo , multi qui habitant per terminos orbis , à signis & prodigiis tuis * visis : exitus matutini , hoc est orientem ; et vespere , videlicet occidentem , delectabis , ad confessionem Dei veri perducendo.*

*Visitasti terram tuo adventu , et inebriasti aquis doctrinæ Euangelicæ eam * prædicatione Apostolorum : multiplicasti variis donis spiritualibus locupletare & ditare eam , quia docuisti homines omnem veritatem.*

Flumen Dei , qui est populus fidelis , repletum est à fonte suo aquis , donis , & gratiis Spiritus Sancti : parasti , in

*communione corporis & sanguinis tui, cibum illorum * fidelium ; quoniam ita per te est præparatio ejus cibi in escam salutarem.*

*Rivos ejus in fide fluentes inebria, & donis Spiritus Sancti multiplica, ut à te fonte deriventur per orbem genimina & generationes ejus * ad fidem conversa : quia in stillicidiis ejus & guttis doctrinæ tenuis lætabitur spiritualiter germinans incipiensque neophytus in fide, qui guttis doctrinarum pascitur.*

*Benedices multitudini credentium, coronæ (inquam), acquisitæ de mundi circulo, anni gratiæ & benignitatis tuæ, * qui sunt anni redemptionis nostræ : et campi tui atque justi, qui suscipiunt semen verbi Dei & pluviam gratiæ spiritualis, replebuntur ubertate & affluentia bonorum operum.*

*Pinguescent etiam dulcedine gratiæ speciosa deserti, * qui sunt peccatores olim steriles, ex quibus nihil sperabatur boni : et exultatione spirituali colles atque ardua loca accingentur, quia pulcherrimè fructificabunt.*

Induti sunt stola jucunditatis, gauden-

PSALMUS LXV. 289

*dentēs de fructibus prædicationis eorum, arietes ovium & duces animarum; et valles atque humiles credentes abundabunt frumento * & fruge bonorum operum: clamabunt jubilando, etenim hymnum dicent gratias agendo.*

ORATIO.

Exaudi nos, Deus salutaris noster, & iniquitatibus nostris propitiare; ut, erepti ab ariditate peccati, flumine misericordiæ tuæ copiosius irrigati, repleamur semper & saturemur in bonis gratiæ tuæ: ut tandem in sorte electorum tuorum hymnum dicamus exultationis & laudis, per te, JESU CHRISTE salvator mundi, qui es benedictus in sæcula. Amen.

PSALMUS LXV. [sec. Hebr. LXVI.]

In finem & in Christum, canticum gaudii & Psalmus agens de materia resurrectionis capitis, quæ præcessit, & corporis, quæ futura est.

Jubilate Deo ineffabili letitia, omnis homo habitans in terra & Ecclesia sancta: psalmum dicite gratias
T agen-

290 PSALMUS LXV.

*agendo nomini ejus , * quod JESUS est , in quo salvati estis ; & date gloriam , non nobis , sed laudi ejus , cui debetur omnis laus & gloria.*

*Dicite Deo , ad honorem ejus : Quàm terribilia & metuenda sunt opera tua divina , Domine * Deus , quòd hunc reprobas , illum eligis ! in tanta tamen multitudine virtutis tuæ , qua cuncta facis , disponis , & instauras , mentientur tibi , non credendo potentiam tuam , inimici tui , increduli , & impii.*

*Omnis terra puro corde adoret te , Deus , tamquam suum creatorem ; et psallat tibi , * tamquam suo redemptori : psalmum dicat in bona operatione nomini tuo , ut , quidquid boni fecerit , ad gloriam nominis tui referat.*

*Venite omnes habitatores terræ , et videte diligenter considerando opera Dei * valde metuenda , quòd unus reprobat , & alter eligitur : terribilis est Deus in consiliis suis , quæ inscrutabilia sunt , super filios hominum ; dum unum ex misericordia salvat , alium ex justitia damnat.*

Qui convertit mare hoc magnum &

sa.

*saeculum, ubi multi submerguntur, in aridam, ut sicco pede electi transeant pericula mundi: in flumine & fluxibilitate hujus vitae, ipsi pertransibunt delectationes rerum sicco pede, * sine offensa & periculo: & tunc ibi lætabimur, quando pervenerimus ad portum felicitatis aeternae, in ipso Christo salvatore nostro.*

*Qui dominatur omnibus, & hoc in virtute sua propria, in æternum, non temporaliter, quia potestas ejus est aeterna: oculi ejus misericordiae super gentes salvandas respiciunt, * ut illuminentur: sed qui exasperant Deum in iram provocando, non exaltentur, sed potius deprimentur in semetipsis, & semper surdescent magis.*

*Benedicite, gentes, pro magnis beneficiis, Deum nostrum, * illi gratias referendo: et auditam facite atque palam euangelizate vocem laudis ejus, qua gratiam mundo exhibuit.*

*Qui posuit & reduxit, per suam gratiam, animam meam, quae in peccatis mortua fuerat, ad vitam, * eam justificando; et non dedit neque permisit in*

commotionem & vacillationem pedes
& affectus meos, sed perseverantiam de-
dit in bonis.

Quoniam probasti & exercitasti
nos, Deus, * per adversitates pluri-
mas, & igne tribulationum nos exami-
nasti, ut mundares à sordibus concupi-
scentia: sicut examinatur & purga-
tur argentum per ignem à scrobibus;
sic mortificasti carnem, & purificasti
corda.

Induxisti nos, non deceptione, sed
probatione, in laqueum poenalitatis, quæ
sunt infirmitas, paupertas, mortalitas:
posuisti tribulationes varias in dorso
nostro, * ut humiliaremur castigati o-
mnibus: insuper imposuisti homines
peccatores super capita nostra, ut de
nobis sententias capitales ferre possent.

Transivimus per ignem adversitatis
urentis, et aquam* prosperitatis cor-
rumpentis, per varia scilicet mortis &
peccatorum pericula: et tandem, neque
combustos in igne adversitatis, neque
submersos in aqua prosperitatis, edu-
xisti nos post angustias in refrigerium
æternum & beatitudinem cœlestem.

In-

Introibo & ingrediar in domum
tuam promptitudine spiritus, in holo-
caustis * bonorum operum : reddam tibi
vota mea, quæ sponte distinxerunt &
promiserunt labia mea in affectu cordis.

Et etiam votum quod locutum est
os meum, * tibi promittendo, in tri-
bulatione & adversitate mea.

Holocausta medullata, me ipsum
scilicet totum in anima & corpore, of-
feram tibi atque devovebo, cum incen-
so arietum * & destructione motuum
superbiæ : etiam offeram tibi mactando
boves, quibus terra aratur, & sunt
motus avaritiæ ; cum hircis, fœtidis
motibus luxuriæ ; sic vitia mactando.

Venite per fidem, audite per obe-
dientiam : et narrabo vobis, omnes
qui timetis Deum, * quibus prædican-
dum est verbum ejus, quanta beneficia
fecit atque impenderit animæ meæ,
quantis quoque donis me repleverit.

Ad ipsum Deum ore meo proprio
clamavi * ex cordis devotione, et exal-
tavi mentis júbilo sub lingua mea in
eo quod protuli : quia non remordet con-
scientia.

294 PSALMUS LXV.

*Iniquitatem & peccatum si aspexi, per delectationem in corde meo * consentiens; non exaudiet certe Dominus, qui peccatores non exaudit.*

*Propterea, quia non dilexi iniquitatem, exaudivit me orantem Deus * in bonis obtinendis; et attendit misericors voci deprecationis meæ in malis amovendis.*

*Benedictus sit Deus * pro beneficiis in æternum, qui non amovit neque despexit orationem meam (piæ enim aures ejus semper justorum precibus parent); et etiam misericordiam atque benignitatem suam non abstulit à me deprecante.*

O R A T I O.

Supplices deprecamur, Domine, cui debetur omnis laus, gloria, & jubilatio, ut animas nostras, peccatis mortuas, per tuam gratiam justificare & vivificare digneris; ut tibi efficiantur holocaustum purum & suave; & sic, mactatis vitiis, post hujus sæculi angustias deducere digneris in refrigerium paradisi, agminibusque jungere sanctorum.

PSALMUS LXVI. [*sec. Hebr. LXVII.*]

In finem mittens nos & in Christum, in hymnis & laudibus Deo exhibendis, Psalmus est cantici humana voce modulandi, qui convenit David & cuilibet pœnitenti.

DEus misereatur nostri, peccata nobis remittendo; et postea benedicat nobis, * gratiam conferendo: illuminet atque manifestet vultum suum, ut fulgeat imago ejus & lumen rationis, secundum quam creati sumus ad imaginem Dei, super nos peccatores; et misereatur nostri, qui maledicti sumus per peccatum primorum parentum.

Ut cognoscamus hîc in terra peregrinationis nostræ viam tuam, * per quam eundum est ad te; in omnibus gentibus, ut totus mundus agnoscat, salutare tuum, filium Jesum Christum, qui est salus omnium.

Confiteantur tibi, confessione peccatorum, populi ipsi, Deus * noster, se primò accusantes: deinde confiteantur tibi, confessione laudis, populi & na-

tiones omnes , te glorificantes.

*Lætentur in anima , et exultent in corpore gentes * jam illuminatæ per Christum ; quoniam judicas , sine acceptione personarum , populos atque nationes omnes in æquitate , reddendo unicuique secundum opera sua ; et gentes in te credentes in hac terra peregrinationis dirigis , ut rectè vivant.*

*Confiteantur tibi populi , Deus , beneficium salutis à te recognoscendo : confiteantur tibi populi omnes , * laudando tuam divinitatem : quia terra dedit & produxit fructum & germen suum , florem de radice Jesse , & primogenitum omnis creaturæ.*

*Benedicat nos , gratiam conferendo in præsentì , & gloriam in futuro , Deus Pater , & Deus noster Filius : benedicat nos Deus * Spiritus Sanctus : et metuant eum qui est Unus in tribus Personis omnes fines terræ , fide sincera.*

ORATIO.

Illumina , quæsumus , Domine , vultum tuum super nos , & benedictionem perpetuam nobis largire : ut , confitentes te Tri-
num

PSALMUS LXVII. 297

num & Unum , in timore sancto latemur ,
& exultemus in salvatore nostro JESU
CHRISTO ; & , quem in humilitate car-
nis venisse cognovimus , ipsum venturum
judicem super nos clementem sentiamus.
Amen.

PSALMUS LXVII. [*sec. Hebr. LXVIII.*]

In finem Christum Psalmus iste , qui
est cantici & exultationis , quia pro-
ponit nobis mysterium nostræ reparationis ,
est David Prophetæ.

EXurgat Christus Deus à mortuis ,
& glorificetur : et dissipentur
per orbem terrarum inimici ejus * Ju-
dæi ; et fugiant adversarii veritatis , qui
oderunt eum , pertinaces in malitia , à
facie ejus , cùm non possint sustinere im-
petum spiritus ejus.

Sicut deficit & evanescit fumus , ita
à potestate & gloria sua deficient *
Judæi : sicut fluit cera à facie ignis quo
dissolvitur & consumitur , sic pereant
peccatores impii à facie Dei in judicio
extremo.

Et è contra justi epulentur in eterno

con-

*convivio, et exultent deliciis divinitatis in conspectu Dei, * videndo ipsum facie ad faciem; et delectentur in salvatore Christo, in lætitia magna.*

*Cantate Deo, vivendo secundum ejus mandata; & psalmum dicite puro animo nomini ejus, * opera omnia in gloriam ejus referendo: iter facite ei, corda vestra purificando, qui ascendit resurgendo à mortuis super occasum, ut captivam ducat captivitatem: Dominus Deus, qui est idem cum Patre, nomen illi JESUS est.*

*Exultate in interiori homine in conspectu ejus, * considerando premium futurum: impii turbabuntur in judicio extremo à facie ejus Christi, patris videlicet orphanorum innocentum, et judicis desolataram viduarum.*

*Deus est in loco & habitaculo sancto suo, * quæ est anima fidelis, quam preparat sibi per gratiam: Deus est qui inhabitare facit plures homines unius moris & voluntatis, quorum est cor unum & anima una, in domo & una Ecclesia militante.*

*Qui educit ad statum gratiæ vin-
ctos*

*Etos à diabolo in peccatis, in fortitudine * justificationis suæ; similiter & eos suscipit qui exasperant, provocando Deum ad iram, resistendo justitiæ; & etiam eos qui habitant, tamquam obstinati, in sepulcris & in fœda consuetudine peccandi, ceu sepulti in peccatis.*

*Deus, cùm olim egredereris ex Ægypto, domo servitutis, in conspectu populi tui, * in columna nubis per diem, & in columna ignis per noctem; cùm pertransires ducendo eos in deserto, usque ad montem Sinai;*

*Terra mota est, Deo descendente in monte Sinai: etenim cœli ipsi distillarunt guttatim pluviam vel manna, à facie & præsentia Dei, qui in Sinai * dedit legem; à facie, inquam, Dei Israël, cujus erat populus Israël.*

*Pluviam doctrinæ & gratiæ tuæ voluntariam, gratis donatam, non meritis, segregabis, Deus, à Judæis, & dabis hereditati & Ecclesiæ tuæ * catholicæ, quam proprio sanguine acquisivisti: et infirmata est Ecclesia tua plerumque, tu verò perfecisti & consolidasti eam*

eam verbo tuo & spiritu. Infirmata est in se, ut perficiatur per te.

*Animalia tua & oves pascuæ tuæ habitabunt perseveranter in ea * sancta Ecclesia: parasti gratiam tuam, in dulcedine tua caritatis, pauperi & humili spiritu, Deus, de se non presumendi; ut est populus catholicus, qui deletur solum in dulcedine caritatis tuæ.*

*Dominus Deus noster dabit verbum pacis & salutis euangelizantibus * & prædicantibus, in virtute miraculorum multa, quibus convertet gentes.*

*Rex virtutum & Angelorum ipse & pater est dilecti filii sui super omnia, semperque dilecti * filii: et ipse dilectus Christus, ad decorem speciei domus suæ Ecclesiæ militantis, disposuit dividere spolia, populos scilicet à captivitate diaboli ereptos; ordinando in opus ministerii, alios Apostolos, alios Prophetas, alios Doctores.*

Si à strepitu sæculi dormiatis atque requiescatis in præceptis Domini inter medios cleros, inter duo testamenta, animam pascendo doctrinis; tunc pennæ & virtuosæ operationes, quæ sublevant ad

*ad cœlos, ipsius columbæ atque Ecclesiæ innocentis & simplicis sunt deargenta-
tæ, * resplendentes divinis eloquiis; et
posteriora dorsi ejus, ubi opera carita-
tis exercentur, sunt in pallore auri re-
lucentia.*

*Dum discernit & ordinat cœlestis
agricola Christus reges, doctores, recto-
res, prælatos super eam Ecclesiam; tunc
nive in candore mentis dealbabuntur
per remissionem peccatorum, & non
meritis suis, sed in Selmon * monte,
quod est in umbra gratiæ refrigerante ab
æstu vitiorum: quippe mons Dei, quæ
est Ecclesia, est mons pinguis & fertilis
propter abundantiam gratiæ divinæ.*

*Mons coagulatus & congregatus ex
simplicibus & humilibus, qui teneriori
lacte doctrinæ foveantur, est mons pin-
guis * propter gratiam: ut quid ergo
vos suspicamini invidiosè in montes
coagulatos, deridendo simplices?*

*Mons ille est in quo desideravit &
beneplacitum est Deo nostro habitare
in eo, * secundum gratiam suam: et-
enim Dominus Deus habitabit in suis
electis usque in finem sæculi.*

Cur-

*Currus Dei, quem ille velut auriga moderatur & regit, est decem millibus ministrorum multiplex, quia ex infinita numerositate omnium credentium millia sunt lætantium * in spe & dulcedine donorum Dei: quia Dominus est in eis per gratiam, quia observant præcepta data in Sina, in monte sancto.*

*Ascendisti, Christe, in altum, super omnes cælos, ad dexteram Patris: cepisti è manibus diaboli captivitatem * patrum, qui in limbo detinebantur: accepisti à Patre dona Spiritus Sancti, ad distribuendum illa in hominibus, illos docendo omnem veritatem. [Ephes. 4. 8.]*

*Etenim gentes non credentes * in Christum docebit Spiritus inhabitare per caritatem Dominum Deum, ut Deus in ipsis, & ipsi in Deum vivant.*

*Benedictus sit à fidelibus Dominus creator, die quotidie, * per singulos dies & assidue: prosperum iter atque salutiferum vitæ cursum faciet nobis, quia ipse est Deus salutarium nostrorum: ab ipso enim salvamur, hinc per gratiam, in futuro per gloriam.*

Deus, inquam, noster Jesus Christus

*scus est Deus verus habens potestatem
salvos faciendi * nos, ex eo enim est sa-
lus hominum : et Domini nostri, Do-
mini Jesu Christi, non alius fuit exitus
ab hac vita quam mortis. Ergo & nos
mortem æquanimiter toleremus.*

*Verumtamen Deus, secundum ordi-
nem suæ justitiæ, confringet & ad ni-
hilum rediget capita inimicorum suo-
rum * extollentium se adversus doctri-
nam ejus : similiter confringet atque
evellet verticem capilli hominum per-
ambulantium & obstinatorum in deli-
ctis & peccatis suis, negligentium pœni-
tentiam.*

*Dixit & disposuit Dominus ab ater-
no : Ex Bāsan, de turpitudine hujus
seculi, convertam * peccatores ad me,
& etiam obstinatos : convertam illos,
inquam, qui demersi sunt in profun-
dum maris & fluctibus vitiorum hujus
seculi.*

*Ut intingatur (ita conversi proficient
in tua gratia) ut, inquam, fiant pes-
tuus, volentes pro nomine tuo in san-
guine * martyrium pati : & lingua ca-
num atque prædicatorum tuorum, qui
la-*

latratibus contra hostes vigilabunt , prodibit ex inimicis & gentibus conversis ad fidem : & hoc erit ab ipso Deo & ejus gratia , non à se ipsis.

*Viderunt & agnoverunt ingressus tuos quibus venisti in mundum, Deus , * qualiter incarnatus , qualiter occisus , & glorificatus : ingressus , inquam , Dei mei creatione , & regis mei gubernatione , qui est & manifestatur in Christo, sancto sanctorum.*

*Prævenerunt alios, in convertendo ad fidem , principes viri , Apostoli , quibus super Ecclesiam datus est principatus; conjuncti ipsis minoribus psallentibus * per omnia ad gloriam Dei ; in medio virginum juvenicularum prima etate florentium, Deo consecratarum, tympanistriarum, Deum laudantium carne macerata & extensa instar tympani.*

*In Ecclesiis & magna frequentia vestra , benedicite Deo creatori & Domino * redemptori , omnes qui electi estis de fontibus Israël , videntes Deum in claritate perfecta.*

Ibi inter principes Ecclesie est Benjamin , Paulus , qui fuit de tribu Benjamin,

*min adolescentulus , * tamquam primipilaris , raptus in extasi & mentis excessu ad tertium cælum.*

*Principes de tribu Juda , videlicet Apostoli , regis Christi , qui secundum carnem ex Juda processit , sunt duces eorum * populorum converforum ad fidem : principes tribus Zabulon sunt antesignani in Ecclesia : etiam & principes Nephthali : quia ea tribus in Galilæa sortes suas acceperunt , unde oriundi sunt Apostoli , & Galilæi vocati.*

*Manda & præcipe , Deus noster , virtuti tuæ , * Spiritui Sancto , ut nos per prædicationes doceat : confirma hoc opus fidei , Deus noster , quod operatus es per tuam gratiam in nobis ; ut stabile fixumque maneat in Ecclesia.*

*A templo sancto tuo , quod est in Jerusalem , * ubi fides originem habuit , tibi Deo nostro offerent reges conversi ad fidem munera , in eleemosynas pauperum & ædificationem ecclesiarum.*

Increpa & compesce feras arundinis , qui sunt hæretici , ut ferae dilanantes animas simplicium , instabiles ac mobiles , instar arundinis , omni vento do-

306 PSALMUS LXVII.

Strinx : quia congregatio taurorum & hereticorum indomita cervicis est in vac-
cis & lascivis animis populorum * *simplicium*, qui facile seducuntur ; ut ex-
cludant & avertant à veritate fidei eos
bonos qui probati & purificati sunt in
divinis eloquiis , plus ipso argento quod
in fornace purgatur.

Dissipa gentes infideles atque alios
hereticos , quæ bella volunt , & sedi-
tiones commovent adversus Ecclesiam :
quod fiet , quia venient legati Chri-
stum prædicantes , ex Ægypto , * gen-
tilitate magna : & Æthiopia , prius de-
nigrata peccatis , præveniet manus &
vindictam ejus Dei , reconciliata Deo per
fidem , quia ipsi subjicietur.

Regna terræ de omni natione sub so-
le , cantate Deo * voce & corde , ipsum
devotè laudando : psallite Domino , be-
ne operando ad honorem ejus.

Psallite , inquam , Deo Christo , qui
ascendit in excelsis super cœlum cœli , *
& super omnes choros Angelorum , sedens
ad orientem , ad dexteram Dei Patris.

Ecce , qui ascendit , dabit in extre-
mo judicio voci suæ humanæ vocem

virtutis cœlestis, & efficaciam resuscitandi omnes mortuos: & ideo date gloriam Deo, serviendo illi ad honorem ipsius, super Israël * & populum Christianum, qui Deum videt per fidem. Magnificencia & majestas ejus Christi et virtus ejus divina erit in nubibus in quibus descendet ad judicium, quando virtutes cœlorum movebuntur.

Mirabilis est Deus noster in sanctis suis, per quos fecit mirabilia, cecos illuminando, leprosos mundando, mortuos suscitando: Deus, inquam, Israël & populi Christiani videntis eum per fidem, ipse, & non alius, dabit virtutem bonorum operum, et fortitudinem patientiæ in tentationibus, plebi suæ * electæ, Christianæ. Benedictus ergo sit Deus, pro tantis donis.

O R A T I O.

Domine JESU CHRISTE, Deus salutarium nostrorum, cujus nomen sit benedictum hodie & quotidie; qui ascendisti super cœlum cœli, ad dexteram Dei Patris, denuò venturus ad judicandum in nubibus, cum potestate magna, & majestate mirabili: educ nos à vinculis peccati, in forti-

308 PSALMUS LXVIII.

tudine justificationis tuæ; ut dealbemur per remissionem peccatorum super nivem, adeò ut beneplacitum sit tibi habitare in nobis & nos in te. Amen.

PSALMUS LXVIII. [sec. Hebr. LXIX.]

In finem & in Christum, hic Psalmus agit de passione quam Christus sustinuit pro iis electis qui commutabuntur de peccato originali ad gratiam, de morte ad vitam, de mundo ad cælum.

SAlvum me fac à pœnis imminetibus, Deus * Pater, quoniam intraverunt aquæ vehementissimarum persecutionum usque ad animam meam tollendam & à corpore separandam.

Infixus & immersus sum corpore in limo profundi, * atque in hoc sæculo turpi ac tenaci: et non est substantia neque carnis virtus ut evadam, nisi tu salves.

Veni sponte in altitudinem maris * & inundationem persecutionum: et tempestas atque seditiosa commotio Judæorum demersit me in mortem, & exstinxit.

La-

Laboravi in cruce, clamans ad te Deum Patrem : raucæ præ desiccatione factæ sunt fauces meæ, * propter acerb^{itat}em pœnarum : defecerunt & extincti sunt oculi mei corporales in morte, dum spero inter angustias in Deum patrem meum, qui dabit gloriam resurrectionis.

Multiplicati sunt inimici mei Judæi super capillos capitis mei * innumerabiliter, qui oderunt me gratis & sine causa, cùm profuerim ipsis.

Confortati sunt & animati ad nocendum, qui persecuti sunt me ut perderent, inimici mei Judæi injustè : * at ego innocens, quæ non rapui neque contraxi, neque perpetravi, tunc in cruce exsolvebam pro peccatis primorum parentum.

Deus Pater, tu scis & nosti insipientiam meam, * quod Gentibus & incredulis stultitia factus sum ; et delicta mea, quæ ferendo mihi imposuisti pro humano genere, à te patre meo non sunt abscondita : quia delictorum fui susceptor, non commissor.

Non erubescant neque confundantur

310 PSALMUS LXVIII.

*in me moriente qui expectant te, Domine, * atque in te tota mente confidunt: ò, inquam, Domine omnipotens virtutum & potestatum omnium, qui imperas omnibus.*

*Non confundantur neque scandalizentur super me * moriente in cruce, neque cedat eis passio mea in ruinam, qui quærunt ex toto corde te, fide, spe, & caritate, ò Deus Israël: neque evacuetur spes credentium de mea passione.*

*Quoniam ego, propter te & tuam obedientiam, non pro mea culpa, sustinui patienter opprobrium * & convicia Judæorum: unde operuit confusio & ignominia faciem meam, præ indignatione verborum eorum.*

*Extraneus & abjectus factus sum Judæis fratribus meis, * ex quibus secundum carnem prodii: et etiam ut peregrinus & ignoratus reputatus à cognatis & filiis matris meæ, qui fuerunt in Nazareth.*

*Quoniam zelus & fervens amor domus atque Ecclesiæ tuæ catholice construendæ comêdit me * & absorbuit,*
adèd

adde ut fuerit causa passionis mea ; et opprobria omnium exprobrantium tibi, me negando filium tuum , ceciderunt super me , & ego sentiebam amarissimo corde. [Joan. 2. 17. Rom. 15. 3.]

*Et operui atque celavi in jejunio salutis eorum animam meam , * quia esuriebam salutem humani generis : et hoc ipsum factum est & reputatum in opprobrium & derisionem mihi atque detractionem.*

*Et posui , præ zelo , vestimentum meum in cilicium * vel saccum , ut pro eis lugerem : et ex hoc etiam factus sum illis Judeis in parabolam , quia omnium ore deridebar.*

*Adversum me innocentem loquebantur falsa , publicè coram omnibus diffamando , qui sedebant in porta , * vel templi , vel civitatis , & in publicis conventibus : et in me etiam psallebant derisorias cantilenas illi qui bibebant vinum , quia eram illis fabula & ridiculum.*

** Ego verò , omnibus neglectis , orationem meam humilem & plenam fiducia direxi ad te , Domine * Deus Pa-*

312 PSALMUS LXVIII.

ter, ut ignoscas illis, qui nesciunt quid faciunt: & tempus nunc est beneplaciti, gratiæ, & reconciliationis, Deus meus, ut per me redimatur genus humanum.

*In multitudine ergo & abundantia misericordiæ atque benignitatis tuæ divinæ, exaudi me * deprecantem: in veritate firma salutis tuæ à te promissæ, ut verax appareas implendo salutem quam promissisti.*

*Eripe me, Domine Pater, de luto & pulvere mortalitatis, ut non infigar * neque inhæream in eo per incinerationem, & ut non putrescam in sepulcro: libera me per resurrectionem ab iis Judæis qui oderunt me, ne tantum noceant quantum cupiunt; et de profundis aquarum & persecutionum, ne supergrediantur caput, & obruant me.*

*Non me demergat irrecuperabiliter in mortem tempestas aquæ & seditio Judæorum, neque absorbeat & devoret me profundum, * abyssus infernalis: neque urgeat claudendo super me puteus, limbus, & aditus inferni, os suum ad retinendum me, cùm descen-*
de-

dero ad spoliandum eum.

Exaudi me, Domine, *devotè supplicantem*, quoniam benigna & *suavis est semper misericordia tua*, * & *parata cum piè petitur* : & ergo, secundum multitudinem *numerossimam miserationum tuarum infinitarum*, respice in me & *consolare in tot adversis*.

Et ne avertas omnino faciem tuam *divinam à puero filio tuo* * *seu à me Christo* : quoniam tribulor & *angustie undique imminent* ; velociter exaudi me, *ut citò resumam spiritum in resurrectione*, quem in tuis manibus commendavi.

Intende animæ & *vite meæ*, qui *videris eam deseruisse*, et libera eam, * *resuscitando à mortuis* : propter inimicos meos *Judeos eripe me*, *ut per resurrectionem confundantur*.

Tu scis & *nosti improperium meum*, *mibi illatum in verbis injuriosis* ; et confusionem meam, * *quia captus sum in modum latronis* ; et reverentiam, *verecundiam*, *atque ignominiam meam*, *qua Judæi subsannant, rident, illudunt*.

In conspectu tuo *divino sunt omnes*

Ju-

314 PSALMUS LXVIII.

*Judæi qui tribulant me , * & tantum scelus committunt te præfente & vidente : improperium eorum in dictis expectavit voluntariè cor meum , quia , post colaphos & sputa , etiam et crucis miseriam passus sum.*

*Et sustinui solus mortem crucis , expectando qui simul contristaretur & compateretur mecum , et non fuit * aliquis : et etiam expectavi qui consolaretur me in pœnis , et non invéni aliquem. Solus angustias undique tuli.*

*Et dederunt milites crucifigentes , in escam meam , ipsum fel * amarum : et , omnem malitiam exercendo , in fiti mea valida potaverunt me crudelissimi Judæi aceto , potu austero.*

*Fiat mensa eorum & convivium Paschale coram ipsis , quod celebrabant in Jerusalem , in laqueum * (quod factum est dum , à Romanis conclusi vallo , sicut aves illaqueati sunt) : et hoc in retributiones pœnarum propter mortem Christi , et in scandalum ruinæ eorum.*

*Obscurentur invidia cecati oculi cordis eorum Judæorum , ne videant * & intelligant divinitatem sub humani-*
ta-

*tate latentem: et dorsum eorum præ
mole peccatorum semper incurva, ut
gentibus serviant, & onera legis atque
peccatorum portent.*

Effunde copiosè super eos Judæos
iram & indignationem tuam * atque vin-
dictam in præsentem, et furor iræ atque
justitiæ tuæ divinæ comprehendat eos
in futuro judicio.

Fiat habitatio eorum in Jerusalem
deserta, * ut perdant locum & gentem:
et in tabernaculis eorum, ut in tem-
plo, synagoga, & palatio, non sit ali-
quis qui inhabitet, neque habeant suc-
cessores, sed vagabundi agantur per di-
versa. [Act. 1. 20.]

Quoniam illum quem tu percussisti
& percuti voluisti propter eos, & pro
mundi salute, persecuti sunt * crudeli-
ter, eum occidendo; et super dolorem
vulnerum meorum, quæ sustinui in
cruce, addiderunt blasphemias.

Appone & permitte iniquitatem ob-
stinatam, super iniquitatem eorum, *
ut excæcati ruant de scelere in scelus: et
non intrent, revertendo de culpa ad
gratiam, in justitiam tuam, ne tan-
dem

dem salventur, & peccata dimittantur.

*Deleantur de libro viventium, * & non computentur inter electos: et cum iustis salvandis non scribantur, neque fidelibus annumerentur.*

*Ego sum pauper, humilis, et dolens * in passione pro omnibus: salus & benignitas tua, Deus Pater, suscepit me de omni angustia in resurrectione.*

*Laudabo in me & in membris nomen Dei Patris, cum cantico * & hymnidica exultatione: et magnificabo atque magnum eum predicabo in laude, non cessando Deum meum laudare & magnificare.*

*Et placebit sacrificium laudis Deo, atque acceptius erit super vitulum novellum * unius anni cornua producentem et ungulas: laus enim puri cordis plus placet quàm mactatio pecudis.*

*Videant pauperes spiritu, et lætentur * humiles corde: quærite Deum fide, devotione, & bona operatione, et vivet in æternum anima vestra, quia Deus est vita animæ, & cibus mentis.*

Quoniam exaudivit in oratione pauperes spiritu & de se nihil præsumentes

Do-

PSALMUS LXVIII. 317

Dominus * Deus; et vinctos suos, qui
præceptis Domini vinciuntur, non despe-
xit, immò gratificavit.

Laudent illum *congratulantes* cœli
et terra, * *cives cœlestes & homines*
terreni: mare etiam, et omnia reptilia
in eis, atque omnis creatura.

Quoniam Deus noster salvam faciet
Sion, * *Ecclesiam militantem*, quæ jam
in fide speculatur Deum; et ædificabun-
tur civitates atque Ecclesiæ particulares
ipsius Juda, qui Christus est de tribu
Juda.

Et inhabitabunt *fideles ibi* * *in Sion*,
et hereditate aterna tandem in regno cœ-
lorum acquirent eam, quando filii Dei
vocabuntur & coheredes Christi.

Et semen seu imitatores fervorum
seu discipulorum ejus Christi possidebit
eam * aternaliter: et omnes qui dili-
gunt in perfecta caritate nomen ejus,
& non ex timore, habitabunt in ea hîc
& in futuro, tamquam in hereditate sua.

ORATIO.

Omnipotens, misericors Deus, qui
damnatam naturam humanam beatificasti
per

318 PSALMUS LXIX.

per mortem tuam, perditam liberaſti, mortuam vivificaſti: te deprecamur, ut nos ſervos tuos, quos redemiſti per fellis amaritudinem, per aceti aſperitatem, per crucis ſupplicia, per clavorum vulnera; per reſurrectionis gloriam cuſtodire digneris in hoc ſæculo nequam, ut tandem cum electis tuis hereditemus vitam æternam. Per Chriſtum Dominum noſtrum.

PSALMUS LXIX. [*ſec. Hebr. LXX.*]

In finem & in Chriſtum nos dirigens hic Pfalmus attribuitur David & cui-libet juſto, in rememoratione beneficiorum, quòd ſalvum eum fecit Dominus.

DEus, creator meus, in adjutorium meum miſericorditer intende * & reſpice, præſtando mihi auxilium gratiæ tuæ: Domine, qui omnia potes, ad adjuvandum me citò feſtina: quia, ſi tardet miſericordia, graviora creſcent pericula.

Confundantur in ſe ipsis, & opprobrium ferant, et reveſcantur * formidentque te iudicem, qui quærunť animam & vitam meam perdere.

Aver-

Avertantur retrorsum à proposito suo malo, et erubescant * de peccatis commissis, qui volunt & cogitant mihi mala in sua iniquitate.

Avertantur à prava eorum cogitatione statim ac velociter, erubescences * & confusi, qui dicunt mihi adulando & mendaciter decipiendo: Euge, gaude, euge, gaude, rideas atque lateris.

Exultent corpore, et lætentur animo, in te, non in se neque in alio gloriantes, omnes pii qui amore sincero quærunt te * atque beneficentiam tuam. Et dicant semper, non cessando: Magnificetur præ omnibus Dominus Deus, & ad gloriam ejus cuncta referantur, qui diligunt & desiderant salutare tuum Dominum Jesum Christum, qui est omnium vita & salus.

Ego verò egenus, circumdatus multis malis, et pauper sum * in virtutibus, nihil boni ex me habens: & ergo, Domine Deus, in peregrinatione hac mundana adjuva me tuæ miserationis auxilio.

Adjutor meus in bonis et liberator meus à malis es tu, * & non alius: &
er-

320 PSALMUS LXX.

ergo , Domine Deus , ne morêris neque differas mihi succurrere.

ORATIO.

Adjutor noster, Deus, libera nos egenos & pauperes ab omnibus coinquinamentis animæ nostræ : neque differas auxiliari in tempore tribulationis , miseratione tua solita , qui exsultamus in te , & diligimus salutare tuum Dominum nostrum JESUM CHRISTUM , qui est unica salus & vita nostra. Amen.

PSALMUS LXX. [*sec. Hebr. LXXI.*
fine titulo tamen.]

Psalmus hic , decantatus à David Propheta , est filiorum Jonadab et obedientiæ , qui Deo voluntariè serviunt : & etiam est priorum illorum captivorum in peccato originali, ob inobedientiam protoplasti.

IN te solo , Domine , Deus meus, non in me , vel in alio quocumque , speravi , & ideo non confundar in æternum * in illo finali judicio : in justitia tua , non in mea , quæ nulla est , libera me à delictis meis , et eripe me à po-
te-

testate diaboli.

Inclina clementer ad me, agrotum
& jacentem, aurem tuam * gratiæ: et
salva me ab aegritudine peccatorum, qua
premor.

Esto mihi in Deum defensorem &
protectorem meum contra jacula inimi-
corum, et in locum munitum * quod
confugiam tutò; ut. salvum me facias
ab omnibus imminentibus malis.

Quoniam firmamentum meum * &
fortitudo mea in tentatione, dum pugno,
et refugium meum in omni tribulatio-
ne es tu solus, & non alius.

Deus meus, libera & eripe me, te
invocantem, de manu & potestate pec-
catoris * diaboli, qui omnis peccati per-
suasor est; et de manu ac potestate con-
tra legem tuam agentis, & transgre-
dientis mandata tua; et iniqui, videli-
cet violenti persequentis me:

Quoniam tu es patientia mea, Do-
mine, * propter te enim omnia sustineo:
Domine, spes mea, qua non fraudabor,
& fiducia à juventute mea, ex quo con-
tra diabolum pugnare cæpi.

In te confirmatus sum & sustenta-

*tus ex utero , * cùm tibi soli innitari
de ventre matris meæ Ecclesiæ , in qua
fui renatus ex baptismo , tu etiam es
protector meus à malis imminetibus.*

*In te , & non in mundanis , est can-
tatio mea , laus & gaudium , semper *
& in omni tempore : idcirco tamquam
prodigium & portentum factus sum
multis mirantibus de me , qui insolita
doceo & ago quæ illi damnant : et tu,
Domine , contra omnia opprobria es ad-
jutor meus fortis , præstans spiritualem
fortitudinem.*

*Repleatur os meum tua laude divi-
na , ut cantem gloriam tuam * pro o-
mnibus beneficiis mihi concessis , tota
die , tam in prosperis , quia consolaris ,
quàm in adversis , quia corrigis ; etiam
magnitudinem & majestatem tuam ,
in omnibus operibus & beneficiis tuis.*

*Ne projicias me à gratia tua in tem-
pore senectutis , * cùm vires caritatis
& fidei decrescunt : & , cùm defecerit
atque mollescat virtus & patientia mea
præ mole tribulationum , ne derelinquas
nec despicias me miserum.*

*Quia dixerunt contemtores veritatis ,
ini-*

inimici mei, *impii*, *exprobrantes* mihi *
bona; et qui custodiebant atque ob-
servabant insidiosè animam & vitam
meam, consilium fecerunt *suis technis*
in unum, *ut me perderent*,

Dicentes *apud se*: Deus dereliquit
 eum, *subtrahendo auxilium*: persequi-
 mini, *quia fugere non potest*; et com-
 prehendite eum * *dolis & injuriis*,
 quia non est qui eripiat & liberet eum
in iis tribulationibus.

Deus, ne *elongeris*, *subtrahendo*
auxilium defensionis tuæ, à me: * Deus
 meus, *quia tribulationum fasce prægra-
 vor*, in *auxilium atque adjutorium*
meum respice, *cohibendo hostes à cru-*
delitate.

Confundantur *mali*, *cognoscentes eo-
 rum peccata*, et deficiant qui de se præ-
 sumunt, *detrahentes per infamiam ani-
 mæ meæ*, * *fatigando & denigrando*
eam injuste: operiantur *confusione*, *op-
 probrio*, et *pudore*, atque *ignominia*,
 qui quærunt *insidiando mala mihi in*
perditionem.

Ego autem semper ac jugiter spera-
 bo * *in auxilium gratiæ tuæ*; et adji-

*ciam hoc super omnem laudem tuam,
quòd incarnatus es pro salute omnium.*

*Os meum annuntiabit, prædicando
aliis, justitiam tuam * & filium tuum,
per quem impleta est justitia : tota die
atque assiduè salutare tuum, videlicet
Filium, per quem salutem dedisti mundo.*

*Quoniam ego non cognovi litteratu-
ram & scientiam infantem quæ super-
bire facit, introibo in potentias, co-
gnoscendo Euangelium Domini * san-
ctum, & virtutes spiritus ejus : Domi-
ne Deus ; tunc memorabor justitiæ tuæ
soli, nullam humanam prædicando in-
ventionem aut prudentiam.*

*Deus meus, tu docuisti me, non
caro aut sanguis aut litteræ, à juven-
tute mea, * ex quo cœpi ad tuam gra-
tiam pervenire : et usque nunc non abs-
condam talentum, sed pronuntiabo
aliis mirabilia tua quæ operatus es pro
salute generis humani.*

*Et usque in senectam, inquit Eccle-
sia, et senium * atque finem mundi.
Deus meus, ne derelinquas me sine
tua gratia & misericordia, sed coopera-
re mecum, ne deficiat verbum veritatis;*

Do-

Donec annuntiem & prædicem brachium tuum * & Euangelium veritatis tuæ , generationi omni humana quæ ventura est usque in finem sæculi.

Potentiam insuper tuam qua salvas homines , et iustitiam tuam qua iudicas secundum meritum uniuscuiusque , Deus, usque in altissima mysteria quæ fecisti, & magnalia, * opera providentiæ & gratiæ. Deus, quis est similis tibi, omnipotens, optimus, maximus?

Quantas ostendisti mihi adversitates, tribulationes, & tentationes, ut erudies me in via virtutum? multas certè, et malas: unde et, conversus ad me oculis gratiæ, vivificasti me * per internam consolationem; et de abyssiis terræ, de negotiis sæculi, & profunditate peccati, iterum (quia multoties corruì in peccatum) reduxisti me, ab illis liberando.

Multiplicasti per diversas afflictiones magnificentiam tuam, * faciens me proficere de bono ad melius: et, conversus ad me pœnitentem, consolatus es me alloquio divinarum Scripturarum, per internam dulcedinem.

326 PSALMUS LXX.

Nam et ego *modis omnibus* confitebor tibi, & celebrabo bonitatem tuam, in vasis psalmi & instrumentis musicis veritatem tuam, * Deus, *cujus promissa vera sunt & complenda*: psallam tibi in cithara, quia corde, voce, & opere laudabo te, qui es Deus sanctus ipsius Israël, *populi videlicet Christiani videntis te per fidem.*

Exultabunt opere & sermone, corde & ore, labia mea, in oratione, cum cantavero tibi * in psalmodia: et anima mea etiam psallet spiritu, quam redemisti pretio sanguinis tui.

Sed et lingua mea assidue, tota die, indefinenter, meditabitur divinam justitiam tuam, * qui sola tua gratuita misericordia redemptus sum: & hoc cum confusi erubescendo et reveriti fuerint impii, qui quærunt invidiosè mala plurima mihi, tum corporaliter, tum spiritualiter persequendo.

ORATIO.

Deus, qui sperantes in te damnari æternis confusionibus non pateris: sis protector noster, & contra omnia diaboli machinamenta firmamentum & refugium nostrum.

PSALMUS LXXI. 327

trum. Et gratia tua sic nos præveniat, & sequatur; ut illa semper meditemur in corde, atque compleamus opere, quæ beneplacita sunt tuæ divinæ voluntati, cui est iustitia, potentia, virtus, & imperium in sæcula. Amen.

PSALMUS LXXI. [*sec. Hebr. LXXII.*]

Psalmus iste dirigitur in Salomonem; & in Christum, qui est verus & pacificus Salomon, & mediator Dei & hominum.

DEus Pater, iudicium tuum & potestatem judicariam regi da * Christo, filio tuo, qui est rex regum: et iustitiam tuam, in potestatis executione, filio regis Christo, qui filius est regis æterni Patris secundum deitatem, & filius regis David secundum humanitatem.

Judicare da illi populum tuum Christianum (qui & ejus est) in iustitia, * reddendo unicuique secundum opera, et pauperes tuos spiritu (qui verè pauperes Dei sunt) in iudicio, ut, post mundi æumnas, regnum habeant cælorum.

Suscipiant ipsi montes Dei, qui sunt Apostolici viri, pacem & Christum, qui est vera pax, populo * predicandum; et colles atque viri minores annuntiabunt justitiam Christi & Euangelium ejus.

Judicabit rex pauperes populi mortificatos verbo crucis, et salvos faciet etiam filios & imitatores pauperum * Apostolorum, quos verbo euangelico genuerunt: et humiliabit, conteret, atque damnabit calumniatorem, diabolum, qui est injustus accusator fratrum.

Et, illis sic damnatis atque devictis, permanebit Christus cum sole, patre suo, cujus ipse splendor est, et ante lunam * & Ecclesiam ejus (quia Ecclesia militans hic ceu luna crescit & deficit), in generatione mortalium et generationem perpetuam.

Descendet Christus in uterum virginis imperceptibiliter, sicut pluvia cadens in vellus * sine strepitu; et sicut stillicidia aquæ stillantia in modum roris summa levitate super terram, ut eam fecundent.

Orietur & florebit in diebus ejus,
cūm

*cum scilicet nascetur Christus & faciet opera Patris , justitia & fides catholica, quæ perfectam continet justitiam ; et abundantia pacis , * quia pax inter Deum & hominem facta erit ; donec auferatur luna , usque ad consummationem seculi.*

*Et dominabitur Christus à mari orientali usque ad mare * occidentale: et à flumine Jordanis , in quo baptisma cepit , usque ad terminos orbis terrarum propagabitur Christi fides & Evangelium.*

*Coram illo Christo pròcident atque humiliabuntur Æthiopes * peccatis denigrati , qui dealbabuntur candore virtutum : et inimici ejus , veritati resistentes , terram lingent , quia subjugabuntur.*

*Reges Tharsis etiam et insulæ maris munera sua offerent * Christo nato : reges Arabum aurum pretiosissimum , et Saba thus & myrrham , quæ dona sunt divina , adducent secum.*

*Et etiam adorabunt eum Christum omnes reges terræ , * conversi ad Deum verum : omnes gentes , olim colentes*
ido-

idola, fervient fide & opere ei cœlesti regi.

*Quia liberabit & saluum faciet pauperem spiritu, nihil de se præsumentem, à potente * diabolo; et pauperem populum Christianum, tam desolatum ac miserum, cui non erat adjutor, nisi tantum Leo de tribu Juda, rex noster Christus.*

*Parcet, peccata dimittendo, pauperi spiritu et inopi, * non de se, sed gratia confidenti: et animas pauperum implorantium peccati remissionem salvas faciet in vitam æternam.*

*Ex usuris succrescentibus in malis, et ex iniquitate, fraude, ac violentia, redimet pretio sanguinis sui animas eorum * fidelium: et honorabile erit nomen eorum qui à Christo Christiani nuncupantur, coram illo, in laude & merito.*

*Et vivet rex immortalis, et dabitur ei Christo de auro Arabiæ, quia optima quaque illi grata afferent: et adorabunt summa veneratione, non vacui, sed de ipso munere virtutum pleni semper: * & tota die vitæ præsentis benedicent ei,*

re-

referendo gratias de suis beneficiis.

Et erit ipse Christus firmamentum in terra quo sustinebuntur animæ fideles, in summis & vertice montium, in Apostolis & aliis sanctis: superextolletur & augmentabitur super Libanum montem fructus ejus * & semen verbi divini: et florebunt abundanter de civitate & Ecclesia sancta, sicut fœnum terræ, virtutibus, exemplis, & bonis operibus.

Sit nomen ejus, quod JESUS est, benedictum & glorificatum in sæcula, * semper magis ac magis: quoniam ante solem & omnia tempora permanet ab eterno nomen ejus, quia in principio erat Verbum.

Et benedicentur in ipso Christo omnes tribus terræ, * cùm erit expectatio, salus, & legifer gentium: unde & omnes gentes conversæ ad fidem magnificabunt & laudabunt eum, tamquam salvatorem & dominum.

Benedictus sit Dominus, qui est Deus Israël, * videntium eum per fidem: qui facit sua auctoritate & potestate mirabilia magna solus, & nemo alius.

Et benedictum sit nomen gloriæ majestatis

332 PSALMUS LXXI.

jestatis ejus *Christi* in æternum, * *quia sanctificatum in cœlo & in terra*: et replebitur maiestate ejus omnis terra, *quia ubique in tota Ecclesia magnificabitur. Et hoc, quod jussisti, fiat, fiat.*

O R A T I O.

Domine JESU CHRISTE, qui invisibilis deitate, factus es in humanitate visibilis; qui, sicut pluvia in vellus, ita in uterum virginalem descendisti: te humiliter deprecamur ut saluum facias populum tuum Christianum in abundantia pacis, nihil de se præsumentem, sed tuam gratiam implorantem per nomen tuum benedictum, quod replesti maiestate in æternum.

PSALMUS LXXII. [sec. Hebr. LXXIII.]

Defecerunt à Judæis laudes ipsius David Propheta filii Jesse, quas faciebat vetus populus Judæorum pro bonis temporalibus; quia amiserunt locum & gentem. Psalmus est Asaph cantoris David, ut amplectamur æterna, & pro illis Deum laudemus.

Quàm

QUàm bonus placidusque est Israël,
id est fidelibus, Deus! * Quàm;
inquam, suavis & jucundus his
qui recto sunt corde, non curvato ad
terrena.

Mei autem penè, sed non omnino,
moti sunt & ad errandum inclinati pe-
des * & animæ affectiones: penè effusi
sunt & ad lapsum præcipitati gressus
mei, opera & actus.

Quia zelavi, indignatione motus,
super iniquos * in prosperitate eorum;
pacem temporalemque prosperitatem pec-
catorum iniquorum videns, & causam
non intelligens.

Quia non est respectus morti eo-
rum * (cùm non recogitent de morte
sua); et firmamentum etiam est in
plaga & adversitate eorum, quia sem-
per feliciter subsistunt, nec quidquam eis
nocet.

In labore & afflictione hominum
justorum non sunt, * nec tribulantur,
sed in deliciis vivunt: et cum homini-
bus piis non flagellabuntur in hoc secu-
lo ad correctionem.

Ideo,

Ideo, propter temporalem prosperitatem, tenuit & alligavit eos superbia,* alios contemnentes: operti sunt undique iniquitate contra proximum, et impietate sua contra Deum.

Prodiit, quasi ex adipe & abundantia divitiarum, iniquitas & malitia eorum,* quia divitiæ præstant fomentum vitiis: transferunt, de vitio in vitium ruentes, in affectum cordis implendum & desideria mala.

Cogitaverunt prius intra se, et deinde loquuti sunt aliis persuadendo nequitiam* suam, quia ex abundantia cordis os loquitur: iniquitatem in excelso & contra excelsum Deum loquuti sunt, blasphemantes.

Posuerunt, per superbiam, in cœlum & cœlestia os suum,* blasphemantes: et lingua eorum nequam transivit in terra, felicitatem in eis asserendo.

Ideo, hoc considerato, convertetur ad me populus meus fidelis hic* in hoc seculo, dum tempus est acceptabile; et dies salutis, pleni misericordia & gratia, invenientur in eis sic conversis de iniquitate.

Et dixerunt *impii* : Quomodo scit Deus * *scelera nostra* ? et si est scientia atque providentia in excelsis Deo , ut curet *terrena* ?

Ecce enim ipsi peccatores *impii* et abundantes , *tranquilli ac fortunati* in hoc *sæculo* * & *mundo* , obtinuerunt divitias : quia *filia* eorum *compositæ* , oves *fatosa* , boves *crassi*.

Et dixi , *animo vacillans* : Ergo *inani*ter , sine causa , immò frustra , justificavi cor meum * *coram Deo* , et lavi in vanum inter innocentes nihil sibi *conscios* manus meas , *abstinendo à pravis operibus*.

Et fui *sine causa* flagellatus , *portando crucem* , & *afflictus* tota die , * *Deo serviendo* ; et castigatio mea de perpetratis malis semper fuit in matutinis : quia , si quando cecidi , castigabar citò & indilatè.

Si dicebam *mecum* : Narrabo sic , * & tenebo hanc opinionem , appetendo cum peccatoribus prosperitatem ; ecce tunc nationem & conditionem filiorum tuorum *justorum* , qui filii Dei sunt per gratiam , reprobavi & contempsit
gran-

grandi temeritate.

Existimabam mecum atque cogitabam, ut cognoscerem investigando causam providentiae & judiciorum tuorum; sed hoc * scire labor est ante me, & impossibile viribus intellectus mei,

Donec intrem in penetralia divinarum Scripturarum, quod est sanctuarium Dei, * ubi divinitus responsa dantur; et tunc intelligam, illuminatione divina, in novissimis eorum, quid bonis vel malis servetur in fine.

Verumtamen, licet ad tempus floreat, propter dolos quibus defraudaverunt innocentes & afflixerunt justos; posuisti eis * finem prosperitatis temporalis, & dejecisti eos in ruinas mortis, dum allevarentur & augmentarentur in prosperitate.

Quomodo facti sunt in subitanam desolationem, cum se florere putarent! subito & repente defecerunt * de presenti vita: perierunt aeternaliter propter iniquitatem suam, quia mortui sunt in finali impoenitentia.

Velut somnium surgentium & expergiscentium est felicitas eorum, quae
citò

*cito evanescit , Domine * Deus : in civitate tua coelesti , imaginem & animam ipsorum , secundum quam ad similitudinem tuam creati sunt , ad nihilum rediges , excludendo eos à beatitudine eterna.*

*Quia inflammatum & accensum est cor meum amore Dei & eternorum , et renes mei atque carnales affectus commutati sunt * in spirituales : et ego compunctus ad nihilum redactus sum in mea reputatione ; et nescivi , immò stultum & inutilem me reputavi.*

*Ut jumentum mansuetum factus sum ad obediendum apud te , * nihil sapiens prater te : et ego semper tecum ero ac firmiter perseverabo.*

*Tenuisti , per gratiam tuam cooperantem , manum dexteram meam ad opera bona , ne vacillarem ; et in voluntate tua divina deduxisti me * de virtute in virtutem : et cum gloria gratis suscepisti me , per gratiam consummantem.*

*Quid enim & quantum premium mihi est paratum in coelo * & promissum ? et à te quid volui aut desideravi*

Y fu-

super terram? cùm nihil, præter te Deum meum, habere quero.

Defecit & consumpta est caro mea humana, et cor meum spirituale, in consideratione bonitatis tuæ. Deus cordis mei beatificator, et pars mea Deus: quia, præter te, nihil cupio, sed in æternum adhærebo tibi.*

Quia ecce impii, qui elongant se per peccatum mortale à te fonte vivo, peribunt in gehennam: perdidisti æternaliter omnes homines qui fornicantur abs te, separando se à te, diligendo creaturam pro creatore.*

Mihi autem adhærere & conjungi Deo fide, spe, & caritate, bonum est, immò optimum; & ponere in Domino Deo tantum spem & fiduciam meam, non in iustitiis meis, viribus, opinionibus, aut verbis.*

Ut interim annuntiem fidelibus omnes prædicationes tuas & verborum tuorum divinorum; & hoc in portis & Ecclesiis, quæ sunt filiæ Sion speculantur Deum per fidem.*

ORATIO.

Dirige, Domine, egressus, opera, & actus nostros; ne fornicemur à te, ne præcipitemur à voluntate tua divina ad lapsum, ne transeamus in affectum cordis illicitum, & obruamur iniquitate & impietate nostra, & pereamus in ea: sed concede nos tibi jugiter adhærere, in te totam virtutem spei nostræ defigere, ut mereamur tandem laudes tuas in portis æternalibus decantare. Amen.

PSALMUS LXXIII. [*sec. Hebr. LXXIV.*]

Intellectus & eruditio ipsius Asaph cantoris David Prophetæ, deplorantis clades futuræ captivitatis Jerusalem.

UT quid, Deus noster, repulisti populum tibi familiarem & electum, usque in finem, * interitum, & captivitatem? iratus est furor tuus, rigore ultionis tuæ, super populum Israël, qui sunt oves pascuæ tuæ, siquidem pavisti illos manna in deserto?

Memor esto & recordare congregationis tuæ * electæ, quam præ aliis poscedisti ab initio legis datæ per Moysen.

Unde beneficia potius quàm errata considera.

*Redemisti atque liberaſti à manu Pharaonis virgam, ſceptrum & dominationem hereditatis tuæ, * populi Iſraël, quem ceu hereditatem tibi vendicaſ: mons Sion, civitas Jeruſalem, ille eſt in quo habitavi corporaliter in eo populo Judæorum.*

*Leva & exerce manus, virtutes tuas & poteſtates, in ſuperbias eorum Gentilium (à quibus eversa eſt Jeruſalem) in finem, * ut tandem opprimantur: quanta malignatus eſt, cùm omnia profanaverit, inimicus exercitus in ſancto monte & templo civitatis Jeruſalem!*

*Et gloriati ſunt, in malitia, de tanta victoria qui oderunt te * idololatra ſervi demonum, in medio ſolemnitatis tuæ omnia in ſuam libidinem & avaritiam profanando.*

*Poſuerunt & erexerunt Romani imperatores ſigna ſua, vexilla, & aquilas ſuas, in templo Deo conſecrato, ſigna * inquam ſua (et non cognoverunt neque intellexerunt divina id diſpenſatione permiſſum, cùm attribuebant ſuæ poten-*
tia)

PSALMUS LXXIII. 341

cia); sicut in exitu belli, in signum victoriae, super summum fastigium expanduntur signa militaria.

Quasi in silva lignorum, ita irreverenter securibus exciderunt & destruxerunt januas ejus civitatis Jerusalem, in idipsum * consentientes: in securi, quae trabes exciduntur, et ascia ac bipenni dejecerunt funditus & devastaverunt eam civitatem.

Incenderunt igni, quod non poterat excidi ferro, sanctuarium & templum tuum * nomini tuo dicatum: in terra seu usque ad terram dejicientes, polluerunt sacrilegio tabernaculum nominis tui, in quo invocatur nomen tuum divinum. [4. Regum 25. 9.]

Dixerunt consilium in corde suo maligno tota cognatio eorum Romanorum simul * in unum: Quiescere faciamus & disperdamus omnes dies festos atque solemnitates Dei, illas auferendo à terra Judaeorum.

Signa nostra in liberatione non vidimus, qualia data sunt patribus nostris in exitu de Aegypto: jam non est propheta * aliquis, qui bona nobis prae-

342 PSALMUS LXXIII.

*tiet : et Deus noster nos non cognoscet
amplius ut liberet & à malis reducat,
sed in miseriis dimittet.*

*Usquequo, Domine Deus noster, im-
properabit populo Judaorum inimicus *
Gentilis, gloriando de subversione civi-
tatis? irritat & exasperat adversarius
noster nomen tuum, blasphemando us-
que in finem & perpetuo?*

*Ut quid avertis à nobis Judæis ma-
num tuam, potentiam et dexteram
tuam? * quare non juvas nos? tandem
extrahere de medio sinu tuo manum ad-
jutoricem, & prohibere ne lædant in finem
semper.*

*Deus autem Jesus Christus, rex no-
ster, homo factus, qui est ante omnia
sæcula * (quia in principio erat Verbum);
hic, inquam, rex operatus est salutem
humani generis in medio climate terræ
habitabilis, videlicet in Jerusalem.*

*Tu confirmasti quasi intra muros,
in virtute & potentia tua divina, ma-
re * Rubrum : tu contribulasti & con-
trivisti capita draconum atque demersi-
sti principes Pharaonis in aquis maris
Rubri.*

Tu

Tu confregisti penitus in nihilum capita, potestates, & suggestiones draconis, * principis demoniorum: dedisti eum diabolum in escam, prædam, & derisionem populis Æthiopum, primò nigris per peccatum, postea dealbatis per baptismum.

Tu dirupisti & aperuisti fontes et torrentes * veritatis, scripturas videlicet Novi & Veteris Testamenti, ut emanarent liquorem sapientiæ: tu siccasti fluvios Ethan, doctrinas, verbositates, vanitates Philosophorum, Judæorum, & Hereticorum.

Tuus est dies, qui omnia creasti, et tua est nox, * cùm tibi obediant omnia: tu fabricatus es atque disposuisti in suo ordine auroram et solem, lunam & stellas.

Tu fecisti atque distinxisti omnes terminos terræ, * climata mundi, & divisiones provinciarum: æstatem et ver atque hyemem, tu plasmasti ea, & in manibus tuis sunt tempora nostra.

Memor esto hujus congregationis: quia inimicus improperavit per contumeliam Domino * Deo, et populus insipiens ac

344 PSALMUS LXXIII.

stultus incitavit ad iracundiam nomen tuum multis blasphemis atque injuriis.

*Ne tradas bestiis & malignis spiritibus animas filiorum Ecclesie, confitentes tibi * confessione fidei ac laudis: et animas pauperum atque humilium tuorum de se nihil præsumentium ne obliviscaris in finem, esto ad horam tribulationibus probentur.*

*Respice oculis gratiæ in testamentum tuum * & promissiones quas in utroque Testamento fecisti, quod sperantibus in te esses auxilio: quia repleti sunt improbi illi qui, lumine sapientiæ amisso, obscurati sunt, immò obcecati, terræ & desideriiis terrenis; repleti, inquam, sunt domibus iniquitatum, in quibus perseverant tamquam habitantes in propria domo.*

*Ne avertatur à tua misericordia humilis factus confusus, * qui in tribulationibus multis ac improperiis atteritur & confunditur: pauper spiritu, et inops, nihil de meritis suis præsumens, laudabunt nomen tuum in bonis, & se se accusabunt in malis.*

Exurge, Deus, in vindictam, & judi-

PSALMUS LXXIII. 345

dica causam tuam , * *justis dando coronam, hostibus pœnam: memor esto improperiorum tuorum quæ nunc Ecclesia sustinet, præsertim eorum quæ ab inficiente populo sunt facta & fiunt tota die, qui te tuaque omnia nihili facit, immò contemnit & improbat.*

Ne obliviscaris omnino voces blasphemias inimicorum tuorum , * *immò vindica gloriam nominis tui: superbia eorum impiorum, qui te oderunt & nomen tuum benedictum, ascendit & multiplicatur semper, quia peccatis peccata accumulanti.*

ORATIO.

Domine JESU CHRISTE, rex noster, ante omnia sæcula genitus, & in tempore homo factus, qui operatus es salutem humani generis in medio terræ: te supplices deprecamur ne repellas nos in finem, qui sumus oves pascuæ tuæ, quas effusione sanguinis tui redemisti: sed humiles te quærentium voces propitiatus exaudi. Amen.

PSALMUS LXXIV. [sec. Hebr. LXXV.]

In finem & Christi conformitatem, ne corrumpas te per superbiam, monet hic Psalmus; qui est nobis causa cantici & jucunditatis, estque ipsius Asaph admonentis ne quis superbus de se presumat, ne item humilis de Deo desperet.

Confitebimur de peccatis præteritis tibi pio indultori, Deus, * quia tibi soli peccavimus: confitebimur etiam confessione laudis pro beneficio nostræ justificationis, et invocabimus nomen tuum pro aliis beneficiis obtinendis.

Narrabimus toto orbe terrarum mirabilia tua, * quæ pro redemptione humani generis fecisti: cum accepero (inquit Christus) tempus præfinitum judicandi, tunc ego Christus justitias judicabo, reddendo unicuique secundum merita sua.

Liquefacta est terra, & defluxit in varias vitiorum concupiscentias: et omnes mundi amatores, qui habitant in ea, * non suspirant ad cœlestia, sed in terrenis volutantur: unde ego (inquit Dominus) in remedium confirmavi per
meam

PSALMUS LXXIV. 347

meam incarnationem columnas ejus, & emisi Apostolos, qui prædicatione sustentent simplices in fide.

*Dixi iniquis & insanis peccatoribus: Nolite iniquè agere, * & in peccatis perseverare: et delinquentibus atque peccata defendentibus dixi: Nolite præsumere de viribus vestris, & exaltare cornu vestrum superbiæ contra Deum.*

*Nolite extollere per superbiam in altum cælum cornu vestrum * & proprium sensum, repugnando verbo Dei: nolite loqui nec corde nec lingua adversus Deum murmurantes, vestram excusando iniquitatem, & Deum vel fatum accusando.*

*Quia neque ab oriente erit refugium peccatoribus; neque ab occidente & angulis mundi, neque à desertis & extremis montibus, * quispiam evadet manus Domini: quoniam Deus ubique præsens judex est, omnia cernens, omnia dijudicans.*

*Hunc superbum humiliat dejiciendo, et hunc humilem exaltat * sublimando: quia calix continens mensuram justæ retributionis est in manu & potestate Domini.*

348 PSALMUS LXXIV.

mini, secundum ejus divinam voluntatem: calix, inquam, vini meri & puri absque faculentia alicujus tristitiæ, sed etiam plenus misto vino. Aliis enim dabitur vita per misericordiam, aliis mors per justitiam.

Et inclinavit calicem, effundendo ex hoc, per mixturam quam continet, in hoc; temperando misericordiam & judicium: verumtamen fæx ejus calicis & pœna & vindicta non est exinanita * & evacuata, sed eam bibent in inferno omnes peccatores terræ. Quippe merum datur sanctis in patria, mistum justis in via: nil ergo restat malis, nisi fæx æternæ damnationis.

Ego autem annuntiabo Dei virtutem in sæculum * vitæ præsentis; & cantabo in letitia cordis Deo Jacob, populi Christiani qui vitia supplantat.

Et omnia (inquit Christus) cornua peccatorum, quæ sunt dignitates, potestates, honores, divitiæ, superbia, confringam * in finali judicio, ad nihilum redigendo: et exaltabuntur tunc cornua justi, scilicet fides, caritas, ceteræque virtutes, quæ sunt munera Christi.

O R A T I O.

Deus, qui justitias judicabis, redditurus unicuique secundum opera sua: misere nobis peccatoribus tibi confitentibus, & divinum nomen tuum invocantibus. Conserva nos, ne delinquamus, ne iniquè agamus, ne exaltemus in superbia cornu nostrum, de nobis ipsis præsumendo: ut sic tandem de calice vini meri & gaudii pleni bibere valeamus in beatitudine æterna. Amen.

PSALMUS LXXV. [*sec. Hebr. LXXVI.*]

In finem & Christum in carminibus & laudibus est Psalmus ipsius Asaph, & canticum in organis, ad Assyrios & ad omnes rectè vivere volentes.

NOtus est in Judæa vera, spiritali, & Ecclesia catholica Deus,* quæ confitetur Christum venisse de tribu Juda: etiam in unoquoque Israël fidei magnum nomen ejus, quia Christum confitetur regem regum & dominum dominantium.

Et sic factus est in pace & corde
tran-

*tranquillo cum Deo locus ejus * Dei, qui est amator pacis : et habitatio ejus est in Sion , in eis qui jam divina speculantur.*

*Ibi , in illa pace , confregit & ad nihilum redegit potentias arcuum, * videlicet delectationem in peccatis ; scutum, malam voluntatem ; gladium , actum peccandi ; et bellum, consuetudinem peccandi : quibus Deus continuè impugnatur. Hac enim sunt armatura diaboli.*

*Illuminans es tu , Christe , corda gentium & peccatorum mirabiliter per predicationem prolatam à montibus æternis , * ab Apostolis & predicatoribus sanctis : turbati inde sunt omnes recedentes à vero & insipientes corde, sequentes desideria mundi.*

*Dormierunt amatores sæculi hujus somnium suum * deliciosum & fallax ; et nihil invenerunt , postquam expergefacti sunt , omnes viri & servi divitiarum & potentes hujus sæculi in manibus suis : quia, evanuerunt cuncta , tamquam umbra & fumus.*

*Ab increpatione & objurgatione tua, Christe , qui es Deus Jacob , * populi*
Chri-

*Christiani supplantantis vitia, dormita-
verunt, excacati sunt & obdurati,
qui ascenderunt equos superbiae, ja-
ctantes se in dignitatibus, divitiis, &
potestatibus.*

*Tu, Domine, qui modò increpas in
misericordia, terribilis in judicio futu-
rus es: et tunc quis resistet tibi, * cùm
infinita sit tua virtus? ex tunc,
cùm veneris judicare, apparebit ira tua
magna nimis.*

*De cœlo, tonante tuba angelica, au-
ditum fecisti adventum tuum ad judi-
cium: * Surgite vos, mortui. Terra
tremuit à voce judicis, et quievit (quia
amplius non erit locus meriti);*

*Cùm exurgeret in extremum judi-
cium Christus Deus, * venturus non
solum ad vindicandum impios, sed etiam
ut salvos faceret omnes humiles &
mansuetos terræ, simplices ac mites,
pacem mentis habentes.*

*Quoniam cogitatio prima hominis
mansueti confitebitur tibi, * ut dimit-
tas illi peccata; et reliquæ cogitationis
hujus quod Deus ipsos sanaverit, & pec-
cata dimiserit, diem festum solemnem
agent*

agent tibi, & gratias referent pro beneficiis.

Vovete liberè : vota tamen, quæ fecistis, persolvite et reddite Domino Deo vestro, * qui non irridetur, omnes qui in circuitu ejus, cùm ipse sit in medio, affertis munera, videlicet vos ipsos, aut alia bona.

Terribili, inquam, Deo reddite vota, et ei qui aufert, quando vult, spiritum ipsorum principum * atque audaciam superbiorum : terribili, inquam, apud omnes reges terræ ; qui, velint, nolint, judicium ejus sustinebunt.

ORATIO.

Terribilis Deus, cui resistere nemo potest, cùm sis rex regum & dominus dominantium : fac tranquillum cor nostrum & pacatum coram te, ut sit habitatio tua in nobis : atque illuminare digneris nos insipientes, ut votis ac muneribus te terribilem Deum placare studeamus, & , præsentia contemnentes, futuram gloriam inquiramus. Amen.

PSALMUS LXXVI. [sec. Hebr. LXXVII.]

In finem Christum, qui est premium

*nostri laboris, pro Idithun transiliente
atque contemnente omnia terrena atque
carnalia, est hic Psalmus ipsius Asaph
cantoris David.*

VOce mea ab affectu cordis ad Domi-
num Deum clamavi, * ut exaudiat:
voce mea supplici ad Deum perveni; et
intendit mihi, quia benignè me respexit.

In die tribulationis meæ, atque in
hac præsentì vita, quæ est tentatio su-
per terram, Deum exquisivi, auxilium
& consolationem postulans, etiam cum
manibus atque operibus meis bonis, quæ
divinis conveniunt mandatis: exquisivi,
inquam, in nocte hujus sæculi contra
eum * & coram ipso, & non coram ho-
minibus in vana gloria: et non sum de-
ceptus, quia assequutus sum Dominum,
quem quarebam.

Renuit in deliciis hujus sæculi con-
solari anima mea, * quæ semper ad Do-
minum suspirabat: unde memor fui
Dei, considerando ejus mansuetudinem &
pietatem; et delectatus sum in ipsius mi-
sericordia, et inde exercitatus sum in di-
vinis laudibus: et defecit, ex devotione,

spiritus meus in Deum.

*Anticipaverunt, præ formidine peccatorum, vigilias nocturnas oculi mei, * ante tempus surgendo ad orandum: turbatus sum de humana miseria, et non sum locutus contra Deum murmurando.*

*Cogitavi ac sollicitè ruminavi dies antiquos, * præteritos in perditione temporis: et annos æternos futuros, quibus vel gaudia vel supplicia æterna erunt, in mente semper habui.*

*Et meditatus sum nocte in oratione secreta, cum corde meo * & cum ratione, de benignitate Dei: et exercitabar, jam peccata arguens, jam Dei misericordiam requirens: et sic scopebam atque purgabam spiritum meum ab omnibus culpis, & Dei offensis.*

*Numquid in æternum sine remedio projiciet & damnabit Deus * hominem, quem creavit & redemit? aut non apponet adjicietque ut complacitior sit miserendo, qui iratus fuit puniendo adhuc? immò apponet misericordiam iræ.*

*Aut in finem totaliter misericordiam suam abscindet * à nobis, ut nolit posthac misereri, à generatione hac in*

generationem subsequentem?

Aut obliviscetur misereri nobis Deus, * qui totus benignus est, & prestabilis super malitia? aut continebit in ira sua misericordias suas, ut iudicium severitatis supergrediatur misericordias suas infinitas? certè non.

Et post hæc, redeundo ad rationem, dixi in corde meo: Nunc primum cœpi * intelligere quod hæc est mutatio in me dexteræ excelsi, atque effectus divine misericordiæ & pietatis, qui post iram dat gratiam.

Memor fui operum Domini, * quia hujus mutationis obliviscor: quia memor ero ab initio mundi mirabilia tuorum, quod hominem creasti, & per misericordiam reparasti.

Et meditabor mecum in omnibus operibus tuis, * quæ sunt misericordia & justitia, pietas & severitas: et in adinventionibus tuis ad nostram salutem pertinentibus exercebor, agnoscendo opera gratiæ & potentiæ tuæ.

Deus Pater, in sancto filio tuo est via tua, qua itur ad te: quia nemo venit ad Patrem nisi per Filium. Quis

356 PSALMUS LXXVI.

Deus magnus *virtute*, sicut Dominus
Deus noster * *Jesus Christus*? tu es
Deus bonus & omnipotens, qui facis
mirabilia, sanans corpora à languoribus,
& animas à peccatis.

Notam fecisti, Domine, in populis
totius orbis virtutem tuam, * quando
in mundum misisti filium tuum Christum:
redemisti in brachio & filio tuo po-
pulum tuum, ipsos filios Jacob electos
de Judæis, et filios Joseph electos de
Gentibus.

Viderunt & cognoverunt te aquæ &
generationes populorum, Deus, (quia,
sicut aqua labitur, ita generatio præte-
rit, generatio advenit). Viderunt te
aquæ, * populi de Judæis & de Gentibus:
et timuerunt omnipotentiam tuam et
turbatæ sunt abyssi, seu conscientia
mota ad pœnitentiam.

Multitudo eorum est velut sonitus
aquarum * multarum, in confessionibus
peccatorum, in gemitibus, in hymnis, &
canticis: vocem dederunt suis prædica-
tionibus nubes, ipsi Apostoli, prædican-
do Christum per orbem terrarum.

Etenim sagittæ tuæ & verba sacra
Scri-

PSALMUS LXXVI. 357

*Scriptura transeunt * & discurrunt ab ore prædicatorum ad corda audientium, unde punguntur ad pœnitentiam : vox tonitruï tui , terribilis peccatoribus , circulariter in rota facta est , quia in omnem terram exivit sonus eorum.*

*Illuxerunt & notæ sunt coruscationes tuæ , virtutes & miracula , orbi terræ : * ex quibus commota est ad pœnitentiam & fidem et contremuit terra , in timore Dei.*

*In mari , apud Gentiles , prædicata est via tua & observatio mandatorum tuorum : et semitæ tuæ , quibus securè pertransitur mare hujus sæculi , sunt in aquis multis * & populis diversarum gentium : et vestigia tua non cognoscuntur , quia ratio humana non assequitur judicia tua in pios & impios.*

*Deduxisti fidelissimus pastor , sicut oves in caulas , populum tuum * electum , in manu Moyfi et Aaron ; dando eis doctores & duces , juxta verbum tuum. [Exod. 14. 29.]*

ORATIO.

Domine JESU CHRISTE , qui es via

in

358 PSALMUS LXXVII.

in exemplo, veritas in promissis, vita in præmio : ne projicias in æternum à tua gratia & consolatione quos creasti & redemisti : ne contineas in ira misericordias tuas. Sed deduc populum tuum Christianum, sicut oves in cãulas, per semitas mandatorum tuorum, ad consortium beatorum. Qui cum Patre & Spiritu Sancto vivis & regnas &c.

PSALMUS LXXVII. [*sec. Heb. LXXVIII.*]

Intellectus & eruditio ipsius Afaph. Fit recordatio beneficiorum Dei & mirabilium operum quondam populo Judaico exhibitorum, monens ne simus ingrati divinis beneficiis.

Attendite & corde percipite, popule meus Christiane, quem meo sanguine acquisivi, legem meam * euangelicam : inclinate humiliter aurem vestram, tam corporis, quàm cordis, in verba euangelica oris mei, quæ ore proprio prædicavi.

Aperiam in parabolis & similitudinibus os meum, * ut impii credant, & pii exerceantur : loquar propositiones,
ani-

PSALMUS LXXVII. 359

enigmata, & obscuritates, ab initio legis datae. [Matth. 13. 34.]

*Quanta Dei beneficia audivimus in Veteri Testamento, et cognovimus tandem ea * in Novo Testamento: et patres nostri, qui sunt Apostoli & Euangelistæ, narraverunt nobis præcepta, beneficia, & mirabilia tua.*

*Non sunt occultata neque abscondita à filiis spiritualibus & imitatoribus eorum * Apostolorum, in generatione nostra hac: quæ est altera à Judæis, cum apud nos sit regeneratio.*

*Narrantes scilicet laudes Domini, & facta Jesu Christi, et virtutes ejus, * videlicet humilitatem, paupertatem, caritatem; et mirabilia opera ejus quæ fecit in Jerusalem & Judæa.*

*Et suscitavit atque in lucem produxit testimonium resurrectionis ejus in Jacob, * & populum Christianum qui luctatur contra vitia: et legem evangelicam, constitutam in caritate, posuit in Israël, quæ est sancta Ecclesia catholica, videns Deum per fidem.*

Quanta & quàm magna mandavit Deus patribus nostris, Apostolis aliisque

*discipulis, nota facere ea atque docere filiis suis * quos in Christo generarent per Evangelium; ut cognoscat atque intelligat generatio altera futura, ne umquam ignorent posteri legem Dei.*

*Filii scilicet qui nascentur in baptismo ex aqua & Spiritu Sancto, et exurgent * à carnalium affectu, sursum cor habentes, qui et narrabunt Dei legem filiis, successoribus suis Christianis,*

*Ut ipsi filii ponant solùm in Deo spem & fiduciam suam, nihil de se ipsis præsumentes; et non obliviscantur operum Dei, * videlicet creationis, recreationis, & extremi iudicii; et mandata ejus exquirant impleantque, ut fides per dilectionem operetur.*

*Ne fiant aut sint, sicut patres eorum * carnales, generatio dura, prava, rebellis, et Deum exasperans irritansque in iracundiam.*

*Generatio perversa, quæ non direxit cor suum * ad sequendum Christum; et non est creditus cum Deo, quia non adheret illi, spiritus ejus sincerè, fideliter, ac piè.*

Filii Ephrem, increduli Israëlitæ,
in-

PSALMUS LXXVII. 361

*intendentes armati et mittentes arcum * contra verbum Dei , conversi sunt , & in Ægyptum redire deliberaverunt , in die belli & tempore adversitatis.*

*Non custodierunt fœdus & testamentum Dei * vivi quod pepigerunt in deserto : et in lege ejus noluerunt ambulare perficiendo & perseverando.*

*Et obliti sunt omnino benefactorum ejus * & beneficiorum Dei , et mirabilium operum ejus quæ multis vicibus ostendit eis : quia ingrati fuerunt de omnibus.*

*Coram patribus eorum , Moyse & Aaron , fecit mirabilia , immittendo decem plagas in terra Ægypti : * & præcipuè in campo & planitie Taneos civitatis regiae.*

*Interrupit atque divisit mare Rubrum , et perduxit eos , * ut transirent sicco pede : et statuit utrimque aquas elevatas instar parietum , & quasi in utro de corio clausæ continebantur aquæ.*
[Exod. 14. 22.]

*Et deduxit eos Israëlitæ in nube diei , * pro refrigerio ab ardore solis ; et*
tota

362 PSALMUS LXXVII.

tota nocte in illuminatione & columnâ ignis, ut viam in tenebris viderent.
[Exod. 13. 21.]

Interrupit sciditque petram durissimam in eremo, * & inde fluxit aqua: et adaquavit eos largissimè, velut in abyssò multa, quamdiu erant in itinere.
[Psalm. 104. 41. Exod. 17. 6.]

Et eduxit aquam dulcem de petra * illa dura, et deduxit tamquam flumina magna aquas multas.

Et tamen ingrati apposuerunt adhuc murmurando peccare ei, * per incredulitatem: unde in iram excitaverunt excelsum Deum, in inaquoso & sicco deserto.

Et tentaverunt ex certa malitia Deum cæli in cordibus suis, * Dei providentiæ non credentes, ut peterent escas & carnem animabus suis ad sustentationem vitæ.

Et tunc malè locuti sunt de Deo, * diffidentes de ejus omnipotentia: dixerunt, jam saturi manna: Numquid poterit Deus noster parare mensam & refectiorem splendidam carniû in hoc deserto, sicut habuimus in Ægypto?
[Num.

[Num. II. 4.]

Quoniam ecce percussit per Moysen
petram in deserto Sin, et fluxerunt
aquæ * abundanter, et torrentes aqua-
rum inundaverunt in magna copia.

[Num. 20. 11.]

Numquid et panem de frugibus pot-
erit dare * (quia jam fastidimus man-
na), aut parare mensam & refectio-
nem populo suo? (Est dubitativa lo-
cutio.)

Ideo audivit Dominus eorum peti-
tionem, et distulit * poenam & vindi-
ctam infligere eis: sed, postquam dedit;
et ignis & furor Dei accensus est in Ja-
cob ad punitionem, et ira Dei ascendit
in Israël populum illum. [Num. II. 1.]

Quia non crediderunt in Deo *
quod duceret eos in terram promissionis,
nec speraverunt in salutari ejus, qui
eos de Ægypto redemptos salvare promi-
serat.

Et mandavit nubibus desuper, *
unde manna datum eis pro pane; et ja-
nuas atque vias cœli ætherei aperuit, ut
plueret manna.

Et pluit illis, in modum roris, man-
na,

364 PSALMUS LXXVII.

*na, cibus admirabilis, ad manducandum * in escam: et panem suavissimum coeli aërei dedit eis affluenter. [Exod. 16. 4. Num. 11. 6. & seqq.]*

*Panem, ministerio Angelorum formatum, manducavit homo * in alimonia: cibaria etiam alia misit eis, non tantum manna, in abundantia, adeo ut fastidirent. [Joan. 6. 31. 1. Corinth. 10. 3.]*

*Transtulit Austrum, ne flaret de coelo * aëreo; et induxit in virtute & fortitudine sua ventum Africum, qui arreptas coturnices deferret trans mare. [Num. 11. 31.]*

*Et pluit super eos in deserto, sicut pulverem, valde abundanter carnes * vivas: et sicut arenam maris, quæ numerari non potest, volatilia pennata & suavissimas coturnices.*

*Et ceciderunt in medio castrorum eorum * (quia duobus cubitis super terram volitabant) circa tabernacula eorum, ut ab omnibus possent capi.*

*Et manducaverunt sine gratitudine, et saturati sunt nimis usque ad nauseam, et desiderium eorum attulit eis * abundan-*

dantiam : non sunt fraudati à desiderio suo. *Satisfactum est gulæ eorum, ne murmurarent increduli.*

Adhuc escæ eorum, scilicet coturnices, erant in ore ipsorum, * *nondum trajecerant in stomachum* ; et ecce ira & furor Dei ascendit super eos, ob murmur & ingratitude.

Et occidit pingues eorum, * *repletos divitiis* ; et electos in Israël, principales & magnos, impedivit ne ingrederentur terram promissionis.

In omnibus his non correcti, sed obstinati, peccaverunt adhuc * *ex nimia ingratitude* ; et non crediderunt promissionibus ejus, in omnibus mirabilibus factis ejus.

Et ideo defecerunt & consumebantur in vanitate-spei dies vitæ eorum * *murmurantium* ; et anni eorum perierunt cum festinatione : quia omnes mortui sunt in deserto, exceptis duobus.

Cùm Deus occideret eos murmurantes ; tunc alii quærebant eum * *implo-rando auxilium*, et revertebantur ad pœnitentiam, et diluculo atque festinanter veniebant ad eum, misericor-diam

diam petendo.

Et rememorati sunt *atque recordati* quia Deus adiutor est & cooperator eorum * *in bonis*, et Deus excelsus redemptor & liberator eorum est à malis.

Et dilexerunt eum *tantum* in ore suo, * *verbo & non corde*: et linguâ suâ, *qua dixerunt precepta ejus velle servare*, mentiti sunt ei, *quia statim relapsi sunt.*

Cor autem eorum *intrinsecus* non erat rectum cum eo, * *quia idola colere desiderabant*: nec fideles habiti sunt & constantes in testamento ejus & preceptis faciendis.

Ipse autem Deus est misericors, *quia ejus proprium est misereri & parcere*; et propitius fiet peccatis eorum, * *expectando poenitentiam*, et non disperdet neque delebit eos omnino.

Et abundavit patientia ejus, *in tantum* ut averteret iram & vindictam suam * *ab eis*; et non accendit omnem iram suam: *quia citra condignum punivit eos.*

Et recordatus est Deus quia caro sunt, * *fragiles, & proni ad lapsum*:
spi-

spiritus hominis est vadens per se in peccatum, et non rediens neque resurgens à peccato nisi gratia adjutus divina.

Quoties (sine numero) exacerbaverunt & provocaverunt eum in deserto * ad vindictam? & in iram concitaverunt eum ut mala eis faceret, in inaquoso, ubi aqua non erat?

Et post fictam eorum pœnitentiam converſi sunt ad idololatriam: et tentarunt Deum, * de beneficiis ejus ingrati, et sanctum Deum Israël sanctificantem exacerbaverunt verbis & factis.

Non sunt recordati, immemores beneficiorum, manus & potestatis ejus * Dei, in die qua redemit atque liberavit eos de manu & tyrannide tribulantis Pharaonis.

Sicut & qualiter posuit in Ægypto signa sua, * & decem plagas quibus percussit Ægyptum; et etiam prodigia sua stupenda in campo Taneos, coram rege & primoribus regni.

Et convertit in sanguinem flumina eorum * Ægyptiorum, et imbres atque aquas pluviales eorum, ne biberent.

[Ex-

[Exod. 7. 20.]

Misit in eos *Ægyptios* cœnomyïam, muscam caninam, et comêdit eos * mordendo atque pungendo : et etiam ranam immisit, et disperdidit eos, quia ranae erant in penetralibus ipsorum. [Exod. 8. 24. & 6.]

Et dedit ærugini, vento urenti qui corrumpit segetes, fructus eorum, * qui sponte nascebantur : et labores agriculturæ eorum comederunt locustæ. [Exod. 10. 15.]

Et occidit mortificando in grandine vineas eorum, * vites destruendo : et moros eorum in pruina & nocturno frigore congelante. [Exod. 9. 25.]

Et tradidit grandini interficienda jumenta eorum * quæ erant in campis, et possessionem eorum igni & fulgoribus : unde depauperavit eos. [Exod. 9. 6.]

Misit in eos *Ægyptios* iram indignationis suæ * per plagas dictas : indignationem, & punitionem, et iram, et tribulationem, & angustiam : immisiones per angelos malos, occultè & in tenebris eos vexantes & terrentes.

Viam fecit, puniendo *Ægyptios*, semi-

PSALMUS LXXVII. 369

mitæ iræ suæ, *declinando ab Hebræis*:
& non pepercit à morte animabus eo-
rum, * *immò interfecit primogenitos*; et
jumenta eorum *Ægyptiorum* in morte
conclufit occidendo.

Et percussit *una nocte* omne primo-
genitum, *tam de hominibus, quàm de*
animalibus, in terra *Ægypti* * (*& hæc*
fuit decima plaga): primitias etiam
vastavit omnis laboris eorum, *quæ vel*
ad victum, vel ad solatium habebant: &
hoc in tabernaculis & domibus *Ægy-*
ptiorum, de Cham descendantium. [Exod.
12.29.]

Et abstulit, *liberando de domo ser-*
vitutis, sicut oves tranquillas, *sine tu-*
multu pugne, populum suum * *Israël*:
et perduxit eos, tamquam pastor gre-
gem suum, in deserto.

Et deduxit eos *per desertum* in spe
pervenienti in terram *promissionis*, et
non timuerunt * *exercitum Pharaonis*:
et inimicos eorum *insequentes* eos ope-
ruit mare, *sumergendo in mediis flucti-*
bus. [Exod. 14.27.]

Et induxit eos *Hebræos* in montem
sanctificationis suæ, * *in Jerusalem*,

Aa

ubi

370 PSALMUS LXXVII.

ubi templum suo nomini sanctificari voluit : montem Moria , quem acquisivit , non gladius eorum , sed dextera ejus & divina virtus.

*Et ejecit de terra promissionis , à facie & præsentia eorum Judæorum gentes Chananaeas : * et sorte divisit eis terram illam in funiculo distributionis , secundum mensuram divisionis quam ipse ordinaverat. [Josue 13. 6. & 7.]*

*Et habitare fecit confidenter , in domibus , tabernaculis , & villis eorum * septem populorum , tribus Israël & filios Abrahæ.*

*Et tamen post tanta beneficia tentaverunt , adhuc diffidentes de divina virtute , et exacerbaverunt Deum excelsum , * cujus potentiam senserant ; et testimonia atque mandata ejus non custodierunt , sicut promiserant.*

*Et averterunt se à Deo , et non servaverunt pactum * & legem quam pepigerant observare : sed , quemadmodum patres eorum adoraverunt vitulum , itidem & ipsi conversi sunt ad idolatriam , in arcum pravam , ob promissitudinem ad male agendum.*

*In iram & vindictam concitaverunt
atque provocaverunt eum Deum suum;
cùm in collibus & locis suis * excelsis,
ritu Gentilium , immolarunt : et , in
sculptilibus suis idola colentes , ad æmu-
lationem , zelum , & indignationem,
eum provocaverunt.*

*Audivit & advertit Deus populi ne-
quitiam , et sprexit * atque contempsit:
et ad nihilum redegit valde Israël,
tradens eam in captivitatem Gentium.*

*Et repulit , pro idololatria eorum,
tabernaculum quod habebant in Silo , *
ubi arca Domini capta fuerat : taber-
naculum suum electum , ubi habitavit
in hominibus , quia ibi responsa dabat.
[I. Reg. 4. 4.]*

*Et tradidit permittendo in captivita-
tem Philisthinorum virtutem eorum , *
videlicet arcam testamenti ; et pulcritu-
dinem eorum (quia per arcam videban-
tur fortes , & reddebantur honorati ab o-
mnibus) in manus inimici Philisthæi.*

*Et conclusit permittendo in gladio
Philisthæorum populum suum * Judai-
cum : et hereditatem suam , quam elegerat , sprexit , quia spreverunt eum.*

372 PSALMUS LXXVII.

Juvenes eorum bellatores comedit, vastavit, ignis* & ferrum: et virgines eorum non sunt lamentatae, quia quis quærebat locum fugiendi.

Sacerdotes eorum Ophni & Phinees in gladio ceciderunt, * propter abusum divini cultus: et viduæ eorum non plorabantur, propter perturbationem.

Et, post has afflictiones, excitatus est tamquam dormiens Dominus* (quia cœpit misereri tribulatis, & auxilium prestare), & tamquam potens & fortis crapulatus à vino; dum, pœnâ erudiente, suam culpam agnoscebant.

Et percussit postea inimicos suos Philistæos in posteriora* natium, ubi computrescebant: opprobrium sempiternum dedit illis, quia est in sempiterna memoria eorum pœna probrosa.

Et repulit atque abominatus est tabernaculum & familiam Joseph, * ne inde esset rex: et tribum Ephraim similiter non elegit ut inde nasceretur rex.

Sed elegit, propter David, tribum Juda* pro regia dignitate; & montem Sion pro sede regni, quem dile-

xit ad cultum suum.

Et ædificavit ipse Deus , sicut unicornium , scilicet Judæorum Deum unum colentium , sanctificium & templum suum toto orbe spectabile , in terra * Judæa , quam fundavit pro sede regali in sæcula & in æternum.

Et elegit David in regem servum suum de tribu Juda : et sustulit & exaltavit eum de gregibus & caulis ovium , * quia de pastoralis officio : & de eo ubi erat sequens post foetantes oves accepit eum , quia pascebat oves quando vocatus fuit ut ungeretur in regem , [I. Reg. I 6. I 2.]

Pascere & dignè régere Jacob servum suum , * populum videlicet qui de Jacob servo descendit , et Israël hereditatem suam sibi peculiariter electam.

Et pavit , educavit eos , & rexit in innocentia cordis sui , * in puritate conscientiae : et in intellectibus manuum suarum , prudenter agens in operibus suis , deduxit eos per vias justitiae & veritatis.

O R A T I O.

Deus, qui mirabilia opera & beneficia multa olim Judaico populo exhibuisti, in quibus semper ingrati, rebelles, & increduli exstiterunt: fac nos populum tuum, ex aqua & Spiritu renatos, dirigere cor nostrum ad mandata tua, & exquirere ea, & adhærere sincerè ac piè Spiritui tuo; ut tandem, vitiis supplantatis, in coelesti Jerusalem commutemur.

PSALMUS LXXVIII. [*sec. Heb. LXXIX.*]

Psalmus iste est ipsius Asaph, deplorantis Jerusalem vel Ecclesie devastationem.

DEus omnipotens, venerunt Gentes infideles non timentes te in hereditatem tuam, & in terram promissionis: polluerunt immunditiis templum sanctum tuum, * adorando in eis idola sua: posuerunt Jerusalem quasi tugurium vile in pomorum custodiam, quod hortulani de frondibus componunt.

Posuerunt morticina & cadavera

PSALMUS LXXVIII. 375

*occisorum fervorum tuorum in escas volatilibus cœli, * relinquendo ea insepulta : & carnes sanctorum tuorum dederunt bestiis terræ ad devorandum.*

*Effuderunt sanguinem innocentem eorum sanctorum, tamquam aquam, ita abundanter & viliter, in circuitu Jerusalem, * circumquaque : et non erat qui sepeliret, præ multitudine occisorum.*

*Facti sumus in despectum & opprobrium magnum vicinis nostris * Philisthæis : subsannatio, et illusio, & derisio his inimicis qui in circuitu nostro sunt.*

*Usquequo tu, Domine Deus, irascêris, nos puniendo? ne sit usque in finem * & perpetuè: usquequo accendetur & ardebit, velut ignis omnia consumens, zelus tuus & indignatio tua?*

*Effunde & retorque iram atque vindictam tuam divinam in gentes idololatrias, quæ te non noverunt, * neque credunt te esse Deum; et in regna diversa quæ nomen tuum divinum non invocarunt, sed tantùm nomina idolorum & demoniorum suorum. [Jerem. 10. 25.]*

*Quia crudeliter comederunt , & sicut cibum consumserunt , captivando & occidendo , populum de Jacob * descendentem ; et locum ejus , civitatem & templum , desolaverunt vastando.*

*Ne memineris ad puniendum iniquitatum nostrarum antiquarum , quia sapius peccavimus : citò anticipent & praeveniant nos misericordiæ tuæ , * ut liberemur ante mortem , quia pauperes , miseri , & indigentes facti sumus nimis , & impotentes ad satisfaciendum pro peccatis.*

*Adjuva nos , quia sine te nihil possumus , Deus salutaris & salvator noster , qui non in nostris sed in tuis virtutibus confidimus : et propter gloriam nominis tui amplificandam , Domine Deus , libera nos * à malis omnibus : et propitius esto peccatis nostris , sine quibus in hac vita non sumus , propter nomen tuum , non propter meritum nostrum.*

*Ne fortè impii dicant in gentibus & inter Gentiles : Ubi est Deus eorum? * (quasi dicerent : vel non est , vel , si est , adjuvare non potest) ; et innotescat vin-*

vindicta tua in nationibus perfidis, & coram oculis nostris de tua maiestate gratulantibus.

Ultio sanguinis piorum fervorum tuorum, qui abundanter effusus est, * clarè appareat: etiam introëat in conspectu tuo divino gemitus & afflictio compeditorum qui captivi tenentur, ut liberentur tandem.

Secundum magnitudinem & potentiam brachii tui * & fortitudinis tuæ, posside, & defende, & relinque filios posteriores, & imitatores mortificatorum, qui pro veritatis defensione occisi sunt.

Et redde vicinis nostris Philisthæis & aliis gentibus septuplum, in vindictam perfectam, in sinu & secreto pectoris eorum, * ut recognoscant se peccasse: improprium ipsorum sit quod falsò exprobraverunt suis blasphemiiis tibi, Domine; ut discant ceteri te colere & laudare.

Nos autem populus tuus, quem tibi peculiariter elegisti, et oves pascuæ tuæ, * quos docuisti, rexisti, & custodisti, confitebimur tibi gratias agendo

378 PSALMUS LXXVIII.

do in sæculum sempiternum.

*In generationem præsentem et generationem * succedentem , quamdiu sæculum durabit , annuntiabimus aliis laudem tuam , prædicando beneficia clementiæ & gratiæ tuæ.*

ORATIO.

Ne reminiscaris , Domine , nostrarum iniquitatum priorum , dum peccavimus tibi. Præveniant celeriter nos miserationes tuæ , cùm impotentes simus ad satisfaciendum pro peccatis nostris. Quocirca adjuva nos , Deus , salvator noster , & propitius esto , non propter nos & merita nostra , sed propter nomen tuum , quod est JESUS , invocatum super populum tuum Christianum , qui sumus oves pascuæ tuæ. Amen.

PSALMUS LXXIX. [*sec. Hebr. LXXX.*]

In finem & in Christum Psalmus iste nos dirigens , est pro iis seu ad utilitatem eorum qui commutabuntur de infidelitate ad fidem , de peccato ad penitentiam : & est testimonium Asaph , qui credit & confitetur Christum in carne venturum : & cantatur pro Assyriis dirigentibus se ad Christum.

Qui

Qui maximè regis , curas , & defendis Israël , populum Christianum te videntem per fidem , intende , * & lumen pietatis super nos infunde : qui deducis per doctrinam Apostolorum , velut ovem , in simplicitate cordis , ipsum Joseph fidelem populum de Gentibus adauctum.

Qui sedes in secreto majestatis tuæ super Cherubim * & virtutes cælestes , manifestare in carne , & huic mundo te videndum præbe , coram Ephraim , Benjamin , et Manassè , & omnibus fidelibus in te credituris.

Excita & ostende potentiam & fortitudinem tuam , et tandem veni * in carne , ut salvos facias nos de potestate diaboli.

Deus , à culpa ad gratiam converte nos * & ad amorem justitiæ tuæ , et ostende faciem tuam & filium tuum , per quem cognoscêris : et ita salvi erimus credentes in ipsum fide formata.

Domine Deus virtutum * humanarum & angelicarum , quousque irascêris & iratum te ostendes super orationem

380 PSALMUS LXXIX.

nem servi tui, differendo mittere Filium,
pro quo toties rogavi?

Cibabis nos in hac vita pane lacrimarum, * flagellis, & ærumnis, affligendo ut erudiamur: et potum dabis nobis in tribulationibus, in lacrimis, & tentationibus: sed hoc in mensura, pro viribus, ut ferre possimus: ut erudiamur, non ut opprimamur.

Posuisti nos electos tuos in contradictionem Gentibus vicinis nostris, * quia scilicet te Deum verum colentibus contradicebant: et inimici nostri atque hostes fidei subfannaverunt atque irriserunt nos, quasi colentes mortuum, adorantes crucifixum.

Deus virtutum, præveniente gratia converte nos * ad tuam legem explendam, et ostende faciem tuam, & mitte Christum promissum salvatorem; et salvi erimus per eundem.

Vineam, populum videlicet Judæicum, quem plantasti tibi electam vineam, de Ægypto transtulisti * in terram promissionis: ejecisti gentes Chananæorum, et plantasti, ut agricola, eam vineam in quiete.

Dux

Dux itineris fuisti in columna nubis
per diem, in conspectu ejus, * & in
columna ignis per noctem: plantasti ra-
dices ejus, Patres videlicet & Prophe-
tas, qui in cultu Dei & fide erant ra-
dicati: et populus ille implevit terram
promissionis, multiplicatione prolis.

Operuit montes in magnâ gloriâ
umbra ejus * vinea, quia exaltati sunt
in fama nominis: et arbuta ejus, id est
excrementa, cedros Dei operuerunt,
quia inde propagatae sunt cognationes exi-
mie sicut elegantissima cedri.

Extendit vinea & habitatio Judaeo-
rum palmites suos & comas usque ad
mare * mediterraneum, ab occidente;
et usque ad flumen Euphratem, ab
oriente, propagines & generationes
ejus.

Ut quid ergo destruxisti maceriam
& sepem ejus, * subtrahendo protectio-
nem ejus; et vindemiant eam, concu-
cant, atque devastant omnes populi qui
prætergrediuntur viam legis & man-
datorum Dei?

Exterminavit & devastavit eam vi-
neam aper immundus, egressus de silva *
in-

382 PSALMUS LXXIX.

infidelitatis : et singularis ferus atque crudelis idololatra depastus est eam, totaliter devastando.

Deus virtutum cœlestium & terrestrium , convértere * *ab ira ad misericordiam , & respice oculis clementiæ de cœlo cœlorum , et vide misericorditer ad nos , et visita vineam istam , scilicet Ecclesiam catholicam ; gratiam præstando & auxilium.*

Et perfice eam *in fide , quam plantavit , inchoavit , & ornavit dextera atque potentia tua * & propitiatio : et hoc super filium hominis, Christum incarnatum , quem confirmasti tibi in obedientia tua pro salute nostra.*

Incensa igni peccata provenientia *ex concupiscentia inordinata , et etiam suffossa * peccata ex timore servili , ab increpatione vultus & filii tui , qui imago tui dicitur , peribunt & delibuntur.*

Fiat manus & operatio tua , *ut ostendatur potentia super virum Christum dexteræ tuæ , * qui coæqualis tibi est per divinitatem ; et super filium hominis, virginis per assumptionem carnis , quem*
con-

PSALMUS LXXIX. 383

confirmasti tibi, *ab aeterno prædestinando pro salute nostra venturum.*

Et, *si Filium miseris, non discedimus ultra à te, sed per fidem semper adhærebimus: vivificabis nos * vitâ gratiæ, qui mortui eramus peccatis; et nomen tuum divinum invocabimus, in quo solo speramus salutem.*

Domine, Deus virtutum, *qui solus potes à morte liberare, converte nos * ad te perfectè diligendum: et ostende nobis faciem tuam, & Verbum tuum mitte, Christum promissum redde, et salvi erimus per ipsum à malis omnibus.*

ORATIO.

Deus Pater omnipotens, te supplices deprecamur ut Dominum nostrum JESUM CHRISTUM, qui est imago tui, facies tua, & illuminatio vultus tui, in quo manes, & qui manet in te, ostendere nobis digneris, ut purificatis mentibus nostris dignetur illabi salvator mundi. Cui gloria & imperium tecum cum Spiritu Sancto in sæcula sæculorum. Amen.

PSALMUS LXXX. [*sec. Hebr. LXXXI.*]

In finem & in Christum Dominum,
pro

pro torcularibus spiritualibus & pressuris tribulationum, habitus quinta die Sabbati, Psalmus iste cantetur pro gratiarum actione ipsi Asaph, fidelibus Christianis, & dominica congregationi.

EXultate corde & ore Deo adjutori nostro, * in bonis agendis, & malis tolerandis: jubilate cum gratiarum actione Deo Jacob, & attribuite omne bonum vestrum illi, non vobis.

Sumite sequentia instrumenta musicalia: psalmum & devotam orationem, et date atque offerte ultro tympanum * Deo & carnis mortificationem atque castitatem: psalterium jucundum in verbo Dei, cum cithara bonarum operationum.

Buccinate & clangite in Neomenia, seu in novilunio, tuba * (Judæis dictum ad litteram, nobis ad spiritum) in insigni & præclaro die solemnitatis vestræ, in festo tabernaculorum: hortamini mutuo ad cultum Dei verum.

Quia hoc præceptum à Deo in Israël est * ut gratias exhibeamus, et judicium contra negligentes est Deo Jacob:

*Job: quia, si non feceris, morieris jam
judicatus.*

*In Testimonium rei futurae in Joseph
seu populo Israël, posuit illud prae-
ceptum sub attestatione, cum exiret idem
populus de terra Ægypti * per mare Ru-
brum in deserto: linguam quam non
noverat, videlicet legem per Moysen da-
tam, audivit, & praecepta accepit.
[Genes. 41. 29.]*

*Divertit ac liberavit ab oneribus,
quibus exercebat eum Pharao in luto &
latere, dorsum ejus * populi Judaici:
manus ejus in cophino, ubi portabant
simum & faeces, servierunt.*

*In tribulatione, dum premebaris la-
bore & servitute, invocasti me, et li-
beravi te * in signis & prodigiis: exau-
divi & eripui te de fornace & olla
Ægypti, in abscondito tempestatis,
cum versabaris in malorum tumultibus:
probavi & examinavi te utrum esses
gratus & fidelis, apud aquam contra-
dictionis, ubi de mea potentia despera-
bas. [Exod. 17. 5.]*

*Audi atque intellige populus meus,
qui specialem legem dedi, et contesta-*

bor te * *in conscientia tua*: *Israël*, si audieris me, obtemperando praeceptis meis; non erit in te deus recens, neminem alium credes, amabis, aut timebis, neque adorabis deum alienum, alteri honorem mihi debitum impendens.
[*Exod. 20. 3.*]

Ego enim, & non alius, sum Dominus & rector, Deus & creator tuus, quem solum debes diligere, colere, & adorare, qui eduxi te de terra *Ægypti* * & de domo gravissimæ servitutis: dilata os tuum & desiderium ad bonum, et implebo illud gratia mea, ut habeas bonum desideratum.

Et non audivit, immò neglexit, populus meus, cui legem dedi & magna feci, vocem & monitionem meam * & verba legis meæ: et *Israël* non intendit neque obedivit mihi, immò ingratus fuit de tantis beneficiis.

Et idcirco dimisi eos errare, subtrahendo gratiam meam, secundum desideria vana cordis eorum; * ut agerent, non quæ mihi, sed quæ sibi ipsis placerent: ibunt & progredientur in adinventionibus suis, & affectionibus quibus-

PSALMUS LXXX. 387

buslibet, in propriis justitiis & dogmatibus suis. [Actuum 14. 15.]

*Si populus meus, cui tanta feci, audisset me, * obtemperando praeceptis; Israël si in viis meis ambulasset perseveranter, quibus itur ad beatitudinem: [Baruc. 3. 13.]*

*Pro nihilo & gratis forsitan hostes & inimicos eorum humiliassem, * ad nihilum redigendo; et super tribulantes eos oneribus importabilibus misissem manum ultricem & vindictam meam.*

*Inimici Domini, Judæi, qui debuissent esse amici, mentiti sunt ei, * non reddentes promissa quibus se obligarunt in praeceptis implendis: et ideo erit tempus poenæ & punishmentis eorum, durans in sæcula, in æternum.*

*Et tamen cibavit eos Israëlitas ex adipe & intima medulla frumenti, * ad refectiorem; et de petra melle, videlicet de melle fluente ex petra (in rupibus enim terræ illius erat mel in copia), saturavit eos, in abundantia rerum omnium.*

ORATIO.

Domine Deus noster, qui per baptismi

388 PSALMUS LXXXI.

gratiam liberaſti nos à ſarcina peccatorum,
& deduxiſti à tenebris ignorantiae ad mel-
liſſuam caritatem petræ qui CHRISTUS
eſt: dilata ſupplicum ora ad annuntiandum
gloriam tuam, neque dimittas nos ſecun-
dum deſideria cordis noſtri: ſed, Ægy-
ptiis operibus relictis, nominis tui confeſ-
ſione lætemur.

PSALMUS LXXXI. [*ſec. Hebr. LXXXII.*]

*Psalmus ipſius Aſaph contra iniquos
judices, poſtulans ſuper hoc divinam ju-
ſtitiam.*

DEus ſtetit, qui ubique eſt, in ſy-
nagoga & congregatione deo-
rum, * principum terræ, qui ratione
officii locum Dei tenent: in medio au-
tem, equaliter ſe habens ad omnes, deos
dijudicat, diſcernens bonos à malis, &
juſtos ab injuſtis.

Uſquequo vos, judices perversi, ju-
dicatis iniquitatem, * falſam ferendo
ſententiam propter munera vel favorem?
et facies atque personas peccatorum pro-
pter eorum potentias ſumitis, personas
hominum attendendo?

Ju-

PSALMUS LXXXI. 389

Judicate, *justitiam ferendo*, egeno et pupillo * *destitutis omni auxilio*: humilem et pauperem, *non spe munerum, sed pietatis gratia*, *justificate sine personarum acceptione.*

Eripite pauperem * à *calumniatore & oppressore*: et egenum de manu & *potestate peccatoris impii liberate*, qui *injurias infert.* [Proverb. 24. 11.]

Nescierunt, *non cognoverunt*, neque intellexerunt, *quia excæcavit eos malitia ipsorum; & in tenebris ignorantie & peccati ambulant*: * *unde movebuntur in extremo judicio omnia fundamenta erræ, cum vos simile judicium à Domino sustinebitis.*

Ego Deus deorum dixi ad vos *judices*: *Dii estis* * *participatione*, *quia divinæ justitiæ executores*; et filii excelsi omnes: *& hoc ut sitis justi, æqui, perfecti, sicut pater vester qui in cœlis est.* [Joan. 10. 34.]

Vos autem, *qui aliter agitis*, sicut homines peccatores moriemini, * *& non computabimini inter filios Dei*: et, sicut unus de principibus & angelis *superbientibus*, *cadetis in profundum inferni.*

Surge tu, Deus noster, qui vides ini-

390 PSALMUS LXXXII.

*quos iudices , iudica terram , * instrue ,
consolare , & redime nos Verbo tuo : quo-
niam tu hereditabis & dominaberis in
omnibus gentibus , cùm tu solus sis rex
& redemptor noster.*

ORATIO.

*Præsta , quæsumus , Domine , secun-
dum præceptum tuum ab iniquitatis iudi-
cio declinare , pauperumque necessitatibus
subvenire , egenum & pupillum à calu-
mniatore & violentia impiorum liberare ,
ut tandem mereamur filiorum tuorum nu-
mero in coelis copulari : quoniam tibi po-
testas & imperium in sæcula. Amen.*

PSALMUS LXXXII. [*sec. Heb. LXXXIII.*]

*Canticum Psalmi in iucunditate men-
tis est ipsius Asaph , populi Dei , qui hic
loquitur. Agitur de secundo Christi ad-
ventu ad iudicium.*

DEus Christe , quis similis in vir-
tute & potentia erit tibi , * cùm
iudex apparebis in maiestate magna ? ne
taceas dare in impios sententiam , ne-
que aliqua miseratione compescaris,
Deus,

Deus , à vindicta eorum.

Quoniam ecce inimici tui *tumultuosis seditionibus* fonuerunt , * *contradicendo doctrinae tuae* : et qui oderunt te , *ut sunt membra Antichristi*, extulerunt caput , *superbiendo contra te & tuos*.

Super populum tuum *electum* malignaverunt consilium , * *ad decipiendum & opprimendum* : et cogitaverunt *astute* adversus *justos sanctos tuos & bonos*.

Dixerunt , *invicem se exhortantes*: Venite , et disperdamus *atque interficiamus* eos de gente , * *& tollamus* eos *de mundo* : et non memoretur nomen *viri Israël fidelis* ultrà , *sed sic deleamus* ut non remaneat *hujus gentis memoria*.

Quoniam cogitaverunt , *concordantes* unanimiter , * *atque deliberaverunt*: simul omnes adversum te & tuos testamentum & pactum firmum disposuerunt , *ad destruendum cultum Dei*. Tabernacula *scilicet & congregationes* Idumæorum *perfidorum* , et Ismahelitæ *adversarii populi tui*,

Moab abutens lege , et Agareni ad-

*venæ superbi , Gebal hypocritæ , et Ammon iracundi , et Amalec * avari amantes terrena , alienigenæ ebrii deliciis mundanis , cum omnibus impiis habitantibus Tyrum & impugnantibus sanctos.*

Etenim Assur rex Assyriorum venit cum illis * persequentibus & infestantibus : at hi facti sunt in adiutorium, una gens alteri auxilio , filiis Lot , Moabitis , & Ammonitis.

Fac illis , puniendo eos , sicut fecisti olim Madian , et Sisaræ , * quos miraculose debellasti : sicut Jabin , qui fuit rex Chanaan , in torrente Cisson , ubi devictus est. [Judic. 7. 22. Judic. 4. 15. & 24.]

Disperierunt & occisi sunt in fonte Endor : * & facti sunt ut stercus terræ , quia cadavera eorum insepulta computruerunt.

Pone & prosterne principes eorum persecutorum , sicut Oreb , et sicut Zeb , * et sicut Zebæe , et sicut Salmana. (Hos quatuor reges Madianitarum Dominus vicit miraculose per Gedeonem & trecentos viros.) [Judic. 7. 25. & 8. 21.]

PSALMUS LXXXII. 393

Omnes principes eorum * populorum, qui dixerunt, *sed non perfecerunt*: Hereditate nostra possideamus invadendo sanctuarium Dei, terram sanctam, & promissionis loca.

Deus meus, cui ego credo, pone illos inimicos ut rotam, * agantur spiritu vertiginis precipites & instabiles; et sicut stipulam fragilem ante faciem venti, ut non subsistant in malitia sua, ne prevaleant piis.

Sicut ignis qui ex magna potentia comburit silvam, * consumendo eam; et sicut flamma ex ardoris vehementia comburens montes, destruendo eos:

Ita persequêris illos, qui silva sunt propter sterilitatem boni, & montes quia superbia pleni, in tempestate tua, * in iudicii tempore, quod venturum est ut tempestas repentina: et in ira tua, quæ est iustitia vindictæ, turbabis eos in gehennam.

Imple, ut confundantur, facies eorum, aliquorum qui prædestinati sunt, ignominia, * ut erubescant de peccatis: et sic pœnitendo quærent nomen tuum, Domine, in subsidium.

Eru-

394 PSALMUS LXXXII.

Erubescant *obstinati* et conturbentur in *conscientia* in sæculum sæculi, * quia *æterna ultione damnandi sunt* : et confundantur, *intus in anima*, *foris in corpore*, et pereant *cum reprobis in gehennam*.

Et tunc vel serò cognoscant, per *pœnam inflictam*, quia nomen tibi soli est Dominus * *essentialiter*; & quia tu solus altissimus & *potentissimus es*, in omni terra, *tam morientium quàm viventium*.

ORATIO.

Deus, qui omnia creasti, nosti, ac moderaris; qui solus altissimus es in omni terra, & tandem terribilis iudex apparebis in maiestate horrenda: fac nos hîc quærere nomen tuum divinum, & erubescere de peccatis commissis; & sic pœnitere, ut in timore Dei adventum iudicis expectemus Domini nostri JESU CHRISTI, qui est benedictus in sæcula. Amen.

PSALMUS LXXXIII. [*sec. Heb. LXXXIV.*]

In finem *Christum* Psalmus iste nos dirigens proponitur filiis Core imitatoribus Christi, pro torcularibus & pressuris

ris

ris hujus sæculi; ne deficient, sed per eas confident se venturos in æterna tabernacula.

QUàm dilecta & expetenda sunt tabernacula tua cœlestia & æterna, Domine virtutum * cœlestium & angelorum! concupiscit, & conficitur desiderio, et deficit, ac languet anima mea, tendens in atria Domini æterna.

Cor meum, homo interior, et caro mea, * homo exterior, exultaverunt, non in divitiis, deliciis, aut vanitatibus, sed in Deum vivum: quia cupio dissolvi, & esse cum Christo.

Etenim, si passer invênit sibi domum, * in qua sine angustia requiescat; et turtur nidum sibi ædificat, ubi ponat pullos suos: quanto magis homo debet quærere locum ubi perpetuò requiescat?

Altaria cœlestia tua, ubi tibi offertur sacrificium laudis, Domine virtutum, * sunt illa in quibus quiescit appetitus hominis, rex meus, et Deus meus, qui me ad hoc creasti.

396 PSALMUS LXXXIII.

Beati sunt illi qui habitant in domo tua cœlesti, non manufacta, Domine: * quia in sæcula sæculorum æternaliter laudabunt te, & gratias agent bonitati tue, qua salvati sunt.

Beatus est vir ille cujus est auxilium gratiæ abs te, * qui nulli fidit nisi Deo: ascensiones & gradus virtutum, quibus in cœlum conscenditur, in corde suo disposuit Deus, in hac valle lacrimarum & statu præsentis miseriæ, in loco quem posuit & ordinavit Deus hominibus ad destruendum peccata & pugnandum contra vitia.

Etenim benedictionem suam atque gratiæ infusionem dabit Christus, legis-euangelica-lator; & isti ibunt de virtute in virtutem, * semper proficiendo in augmento gratiæ, donec videbitur Deus deorum & Christus rex sanctorum omnium in Sion cœlesti.

Domine à quo regimur, Deus à quo creati sumus, virtutum dator omnium, exaudi orationem meam, * perducendo nos ad æternam beatitudinem: auribus percipe desiderium, Deus Jacob, supplantantium vitia.

Pro-

PSALMUS LXXXIII. 397

Protektor noster , à quo solo pende-
mus , aspice , Deus , * acceptando pre-
ces nostras : et respice nos , haud nostris
meritis , sed in faciem Christi filii tui ,
cujus meritis salvari confidimus :

Quia melior & plenior vero gaudio est
dies illa , quæ una est , continua , & æter-
na in atriis & cœlestibus tuis * mansioni-
bus , super millia annorum transeuntium .

Elegi in humilitate abjectus esse , vi-
lis ac contemtibilis haberi , in domo
Dei mei * & Ecclesia militante atque in
consortio bonorum , magis quàm habita-
re , divitiis & honoribus affluere , in ta-
bernaculis peccatorum , inter potentes
& superbos .

Quia misericordiam peccata condo-
nando , et veritatem promissa adimplen-
do diligit Deus * omnipotens : gratiam
in presenti , et gloriam in futuro dabit
Dominus verè humilibus .

Non privabit bonis gratia & gloria
eos qui ambulant in innocentia , * vi-
ventes immaculatè , innocenter , & piè :
Domine virtutum & Deus misericor-
diarum , beatus est homo ille qui sperat
in te , & non in externis bonis .

ORA-

O R A T I O.

Protektor noster, Deus, tabernaculorum
coelestium fundator : da nobis procedere de
virtute in virtutem in hac valle lacrima-
rum, quia auxilium nostrum omne ex te
est. Dispone etiam ascensiones in cordibus
nostris, quibus ad tabernacula illa perve-
niamus. Per faciem CHRISTI filii tui, cu-
jus meritis salvari confidimus. Amen.

PSALMUS LXXXIV. [*sec. Heb. LXXXV.*]

*In finem Christum, per quem fit be-
nedictio, Psalmus iste nos dirigens canta-
tur filiis Core, filii passionis Christi.
Admonet ut per fidem ad Christum acce-
damus, ut ejus benedictionem habere
mereamur.*

Benedixisti, Domine, per Chri-
stum, terram tuam, * quia na-
tus est salvator in mundum: & aver-
tisti peccatum originale, captivitatem
Jacob, quia per hoc tenebamur captivi
à diabolo.

Remisisti omnem iniquitatem plebis
tuæ * Christianæ, quæ solvendo non erat:



Et operuisti per baptismum omnia peccata eorum, nihil reservando ad poenam.

Mitigasti, per mansuetudinem, omnem iram Et vindictam tuam: * aver-
tisti te in adventu Filii ab ira indignationis tuæ, conciliatus nobis intercessore Christo.

Converte per tuam gratiam nos, à malis culpæ, ad te bonum incommutabile, Deus per creationem, salutaris Et salvator noster * per redemptionem Et justificationem: et averte atque dissolve iram tuam, ex prevaricatione Adam contractam, à nobis: quod factum est per Christi satisfactionem.

Numquid in æternum Et semper irascêris nobis, * Et non simul gratiam effundes, nostri miserendo? aut extends in longum iram tuam, saviendo à generatione in generationem? certe non, quia placabilis eris in adventu filii tui.

Deus, tu conversus ab ira tua in adventu filii tui vivificabis nos * per tuam gratiam: et tunc plebs tua, nihil de se præsumens, lætabitur in te, gratulando de tuis beneficiis.

Osten-

400 PSALMUS LXXXIV.

Ostende nobis , Domine Deus Pater , misericordiam tuam , * mittendo filium tuum ad liberationem nostram : et salutare tuum , salvatorem nostrum , da nobis possidendum.

Audiam attentè in corde quid loquatur in me per internam revelationem Dominus Deus * Spiritus Sanctus : quoniam loquetur pacem & Euangelium gratiæ in plebem suam electam , Christianam ;

Et super sanctos suos , * fideles nempe suos electos qui in ipsum credituri sunt ; et in eos qui convertuntur ad cor , qui ad se redeunt , atque emendare vitam & veram instituere pœnitentiam proponunt.

Veruntamen specialiter prope timentes eum timore filiali est salutare ipsius * Dei , scilicet Christus ; ut inhabitet idem Christus , qui est gloria Patris , in terra & conscientia nostra in pace.

Misericordia exhibita in Novo Testamento , et veritas seu impletio promissionum Veteris Testamenti obviaverunt sibi * in persona Christi , quia ex miseri-

cor-

cordia carnem assumpsit, & ex veritate promissum adimplevit: quia justitia qua satisfecit pro culpa Adæ, et pax qua reconciliavit Patri genus humanum, osculatae sunt & convenerunt in unum.

*Veritas Christus de terra orta est, * & ex Maria virgine Verbum caro factum: et justitia divina de cælo cælorum prospexit, quia ad hoc veritas orta est ut justificarentur homines.*

*Etenim Dominus Deus Pater dabit benignitatem * gratiæ suæ per Christum: et sic terra nostra facta fœcunda dabit fructum suum, quia bonis operibus abundabit.*

*Justitia tamen divina ante eum ambulabit, * parans ei viam: et visitans ponet in via sic parata gressus suos, ut informet præceptis suis.*

ORATIO.

Deus, salutaris noster, & redemptor, & justificator, remitte iniquitatem plebis tuæ. Ne in æternum irascaris: sed placabilis esto, ostendendo nobis misericordiam tuam, vivificando nos per gratiam. Atque converte nos à malis culpæ ad te bonum incommutabile; ut tandem in viam pacis, justitia præcedente, perducamur. Amen.

PSALMUS LXXXV. [sec. Heb. LXXXVI.]

Oratio quæ attribuitur ipsi David Propheta & cuilibet fidei existenti in tribulatione. Monemur in omni adversitate ad Deum per orationem recurrere.

INclina, qui excelsus es, Domine, ad me aurem & clementiam tuam; et exaudi me, * ne frustra orem: quoniam inops, à nullo habens opem, et pauper, nil de me præsumens, sum ego.

Custodi animam & vitam meam, ne deficiat, quoniam sanctus sum; * non per me, sed per te sanctificatus in baptismo: accepi, non habui: dedisti, non merui: salvum fac servum tuum tibi obedientem, Deus meus, qui me creasti, sperantem in te, quia ab homine non est salus.

Miserere mei, Domine, & gratiosè mecum agas, quoniam ad te clamavi perseveranter tota die * vitæ meæ: lætifica animam mæstam servi tui ex præsentī afflictione, quoniam ad te, Domine, apud quem solum est jucunditas,
ani-

*animam meam de terrenis levavi ad
cœlestia.*

*Quoniam tu, Domine, ad gustan-
dum suavis es, etiam non affectis tadio
mundanæ amaritudinis; et mitis, * quia
diu sustines peccatores; et multæ mise-
ricordiæ contra abundantem iniquita-
tem; omnibus, nullo excepto, invocan-
tibus puro corde te, & non alium.
[Joel. 2. 13.]*

*Auribus percipe & ausculta, Do-
mine Deus, orationem meam * & vota
cordis mei; et intende voci deprecatio-
nis meæ, qua ex fervore spiritus sincerè
precor gratiam.*

*In die tribulationis & angustia meæ,
atque in tempore vitæ hujus, quæ plena
est miseriis, clamavi enixius ad te *
refugium habens: quia aliàs exaudisti
me, & ideo spero denuò exaudiri.*

*Non est similis tui in potentia, cle-
mentia, & sapientia, in diis & simu-
lacris Gentium, Domine * Deus; et
non est aliquis secundum admirabilia
opera tua, qui posset dare vitam, justi-
tiam, & beatitudinem.*

Omnes gentes antea ignorantes

*Deum, quascumque fecisti in tua electione, venient in tuo Euangelio per Christum convertendæ, et adorabunt coram te, Domine, * agnoscendo te suum redemptorem; et glorificabunt predicando nomen tuum, quod JESUS est.*

*Quoniam magnus es tu, creator cæli & terræ, et faciens mirabilia, * cui nihil impossibile: tu es Deus solus, quem Gentes adorabunt relictis idolis.*

*Deduc me, Domine, tua inspiratione, in via tua fidei & mandatorum tuorum; et ingrediar in veritate tua, * proficiendo ulterius de virtute in virtutem: & inde lætetur cor meum de spe remunerationis, sic tamen ut timeat semper ac veneretur nomen tuum timore casto.*

*Confitebor tibi devotissima fide & mente, Domine qui me regis, Deus meus: qui me creasti, in toto corde & affectu meo, * omnem videlicet spem in te reponendo; et glorificabo cum sanctis nomen tuum divinum in æternum, hic & in patria:*

Quia misericordia & benignitas tua magna est, qua major dici non potest,
su-

super me * peccatore; et eruisti atque liberaſti animam meam & deſperatiſſimam conſcientiam ex inferno inferiori, à peccatis quidem quæ poſſent deducere ad tormenta inferni.

Deus, iniqui & maligni inſurrexerunt ſuper me, adverſum me perſequenti; et ſynagoga atque congregatio potentium, ſuperborum, filii huius ſæculi quæſierunt animam meam, * ut perderent: et non propoſuerunt te Deum præ oculis & in conſpectu ſuo, ſed tantum ſequebantur impetum voluntatis.

Et tu, Domine Deus, creator noſter, miſerator in actu, et miſericors * in natura, quia miſericordiam naturaliter poſſides, patiens & ſuſtinens peccatores, et multæ miſericordiæ erga conſerſos, et verax in promiſſis,

Reſpice in me, & viſita præveniente tua gratia, et miſerere mei * liberando à malis: da imperium tuum & fortitudinem ſuperandi inimicos puero & ſervo tuo tibi obediēti: et ſalvum fac æternaliter filium ancillæ tuæ, Eccleſiæ matris mee, ſponſæ tuæ, & familiæ Chriſtianæ.

406 PSALMUS LXXXV.

Fac, Domine, mecum signum liberationis à malo in bonum, ostendendo quod me diligas; ut videant maligni, qui oderunt me propter te, hoc signum, et confundantur, * atque innotescat eis, quoniam tu, Domine Deus, adjuvisti me contra eorum violentiam, et consolatus es me in miseria hujus seculi.

ORATIO.

Domine Deus, miserator, misericors, suavis & mitis omnibus invocantibus te puro corde, & timentibus nomen tuum timore casto: respice in nos, & misere-re nobis, atque salva animas nostras ex inferno inferiori; quoniam magnus es tu, creator coeli & terræ, & nullus similis tui. Tu es Deus solus in quem speramus: exaudi deprecationes nostras, adjuva, & consolare, qui es benedictus in sæcula. Amen.

PSALMUS LXXXVI. [sec. Heb. LXXXVII.]

Filiis Core ac imitatoribus Christi proponitur hic Psalmus cantici, qui luditur instrumento, & canitur humana voce. Commendatio est Ecclesiæ militantis & triumphantis, sub typo civitatis.

FUN-

Fundamenta ejus Ecclesie collocata sunt in montibus sanctis, * in Prophetis & Apostolis, qui montes dicuntur propter sublimitatem fidei: diligit Dominus portas Sion, & Ecclesie militantis sacramenta, per quæ fit ingressus in eam, super omnia tabernacula ceremonialia ipsius Jacob, Veteris populi & Testamenti.

Gloriosa per Prophetas dicta & prædicata sunt de te, * civitas Dei, ubi uniuntur omnes per fidem & caritatem Christi.

Memor ero ad miserendum, inquit Deus, Rahab, populi Gentilis, et Babylonis, * peccatorum confuse viventium & inordinatè, scientium me per fidem: quia Ægyptios & Babylonios computabo inter electos.

Ecce alienigenæ à cultu Dei, et Tyrus qui sunt in angustia pœnitentiæ, et populus Æthiopum * peccatis denigrati, hi omnes fuerunt illic in Ecclesia Dei.

Numquid ipsi Sion & Ecclesie dicet: Homo aliquis, quod et homo

408 PSALMUS LXXXVI.

Christus, natus est in ea * *Ecclesia*? et ipse *Christus* fundavit eam *Ecclesiam* in *Apostolis*, qui est altissimus *Deus*?

Dominus narrabit, docebit, & prædicabit, in scripturis populorum & *Euangelis* ad omnes populos prædicatis, et principum, * *Apostolorum* scilicet & *Euangelistarum*, horum populorum credentium qui fuerunt in ea *Ecclesia*: quia scripserunt *Christi* & *Ecclesiæ* mysterium.

Sicut lætantium omnium * & exultantium perfecta felicitate, habitatio est in te, cœlestis *Dei* civitas.

ORATIO.

Fundamentum fidei nostræ, *Deus*, qui nasci dignatus es homo in mundum de virgine *Maria*, & docuisti salutem nostram in scripturis *Euangelistarum*; qui in *Sion* cœlesti resides: præsta nobis ut, quod hic verbis de gloria tantæ felicitatis explicare non possumus, ibi in æterna beatitudine, te donante, cernamus. Amen.

PSALM. LXXXVII. [*sec. Heb. LXXXVIII.*]

In finem & in *Christum* Canticum *Psalmi*, hortans nos ad operandum in læti-

titia spirituali : & cantatur filiis Core imitatoribus passionis Christi , pro Maheleth & concordia caritatis. Intellectus seu eruditio ipsius Eman Ezrahitæ videntis Deum in fide.

Domine Deus, pater salutis meæ *
 & immunitatis meæ , à peccato
 salvari in die clamavi et nocte , conti-
 nuè & assiduè ; coram te invocando mi-
 sericordiam tuam.

Intret in conspectu tuo tamquam
 nuntius gratus oratio mea : * inclina
 aurem tuam ad precem meam , conce-
 dendo quod peto.

Quia repleta est malis , doloribus,
 & anxietatibus anima mea , * quæ car-
 ni compatitur ; et vita mea inferno ap-
 propinquavit , quia jam morti crucis ex-
 positus sum & vicinus.

Æstimatus sum ab impiis Judæis
 cum peccatoribus descendantibus in la-
 cum * & profundum inferni : factus
 sum & reputatus ab eis sicut homo sim-
 plex , sine adjutorio divino , qui tamen
 fui inter mortuos solus liber à peccatis.

Sicut vulnerati flagitiosi , qui suis
 cri-

410 PSALMUS LXXXVII.

*criminibus occiduntur , dormientes in sepulcris , qui à nemine curantur , quorum non es memor amplius , * quia tempus resurgendi nondum venit : et propter hoc ipsi Judæi de manu ac protectione tua repulsi sunt , & à cœtu electorum abscissi.*

*Posuerunt me reputatione sua in lacu inferiori , * quasi à te omnino derelictum : in tenebrosis & obscuratis peccatis , et in umbra mortis , quæ est mors carnis : quia cruci me affixerunt.*

*Super me & contra me confirmatus & implacabilis est visus furor tuus * justitiæ , quem in Gentibus effusus eras , & in me venire fecisti : et omnes fluctus tuos tribulationum atque impetus tempestatum induxisti super me , cum me pertuleris crucifigi.*

*Longe fecisti notos & discipulos meos à me , * qui , relicto me , fugerunt : posuerunt me Judæi abominationem sibi , ita ut detestarentur nomen meum.*

*Traditus sum à Juda in mortem , et non egrediebar * ab eis fugiendo : & oculi mei , Apostoli , qui sunt lumen Ecclesiæ , languerunt & infirmati sunt*
præ

PSALMUS LXXXVII. 411

præ inopia constantiæ & fidei.

Clamavi ferventer ad te, Domine Pater, cum pendêrem in cruce, tota die * atque assidue: expandi ad te Patrem manus meas & opera mea, quia obediens fui usque ad mortem crucis.

Numquid mortuis corde & obstinatis in malo facies mirabilia? * certe non, quia credere nolunt: aut medici animarum suscitabunt tales mortuos in peccatis, et confitebuntur tibi? certe non, quia deficiet gratia qua trahantur.

Numquid narrabit aliquis positus in sepulcro peccati, & mortuus in anima, oppressusque pondere malorum, misericordiam tuam, * qua relaxantur peccata? certe non: et veritatem tuam justitiæ dicet aliquis obstinatus & in perditione animæ positus?

Numquid cognoscentur, in tenebris ignorantiae & errorum, mirabilia tua * in me & per me facta? et justitia etiam tua, in terra oblivionis atque in corde peccatoris qui obliviscitur tui?

Et ego ad te, Domine Pater, clamavi, * ut salvus essem: et manè oratio mea præveniet te, quia matutina

re-

412 PSALMUS LXXXVII.

resurrectione me clarificabis.

Ut quid, Domine Pater, repellis orationem meam, * non exaudiendo? & quare avertis faciem tuam divinam, quando oro ut transeat à me calix iste?

Pauper sum ego, esuriens, & sitiens in hac peregrinatione, et in laboribus salutis humanae, à juventute mea: * exaltatus autem in cruce, humiliatus sum in sepulcro, et conturbatus in morte.

In me transierunt, sed non perstiterunt, iræ & afflictiones tuæ, * quas tua voluntate, non mea culpa, patior: et terrores tui contra genus humanum conturbaverunt & oppresserunt me, quia languores eorum ego tuli.

Circumdederunt me Judæi, sicut aqua cingit circumquaque, tota die, * sine cessatione: circumdederunt me simul Pharisei cum principibus, ut me morti traderent.

Elongasti à me amicum cætum Apostolorum, et proximum, * ut non esset consolatio in adversis; et notos meos, qui me amabant, à miseria mea, ne compaterentur.

ORA-

ORATIO.

Redemptor noster, Deus, qui, pro nobis homo factus, languores nostros portasti, exaltatus tandem in cruce, humiliatus in sepulcro, conturbatus in morte, atque inferna penetrans, factus inter mortuos liber: exaudi nos, quæsumus, ne maneamus in tenebris ignorantiae & oblivionis, sed eruamur ab inimici insidiantis pessima servitute. Qui vivis &c.

PSALM. LXXXVIII. [*sec. Heb. LXXXIX.*]

Intellectus & eruditio Ethan robusti
Ezrahitæ, qui verè Deum videt.

Misericordias Domini * Dei Patris, quas per Filium Ecclesie sue contulit, in æternum, hinc cum iustis, & in futuro cum Angelis, cantabo magna mentis jucunditate.

In generationem Judæorum et generationem * Gentium, annuntiabo omnibus veritatem tuam & Christum filium tuum in ore meo, in quo fit confessio ad salutem.

Quoniam tu dixisti mihi per Spiritum Sanctum: In æternum mansura mihi
se-

*sericordia, humano generi impendenda, ædificabitur & firmabitur in cœlis, * atque Apostolis, qui cœli appellantur: & sic præparabitur & nota erit hominibus veritas tua euangelica in eis & per eos cœlos.*

*Disposui atque ordinavi testamentum & pactum meum electis meis fidelibus Christianis: juravi stabiliter, promisi David servo meo, * Christo, qui ex genere David carnem assumpsit: Usque in æternum præparabo & firmabo semen tuum patribus promissum (regnabit enim æternaliter Christus), [2. Regum 7. 12.]*

Et ædificabo atque continuabo in generationem mortalem et generationem immortalem, quod in æternum est, sedem tuam & thronum regni tui in Christo semine tuo.*

*Confitebuntur & prædicabunt cœli, ipsi Apostoli, mirabilia tua, Domine, * quæ præparasti in redemptione generis humani: etenim dicent veritatem tuam & præcepta tua in Ecclesia atque congregatione sanctorum fidelium.*

Quoniam quis in nubibus & Prophetis, qui nubes dicuntur propter pluviam

PSALMUS LXXXVIII. 415

*viam doctrinæ, æquabitur in potentia Domino * Christo ? aut quis similis in essentia erit Deo Christo in filiis Dei & sanctis viris, qui sunt filii Dei per adoptionem?*

Deus, qui glorificatur & colitur in consilio sanctorum * electorum, magnus est potentiâ, et terribilis in reverentia, super omnes qui in circuitu ejus sunt, quem tremunt Angeli, & Potestates, & omnis creatura.

Domine Deus virtutum, tam Angelicarum quàm humanarum, quis similis tibi ? * certe nullus : potens es, Domine, potentiâ infinitâ : et veritas tua divina est in circuitu tuo, quia numquam oblivisceris gratiam promissionum.

Tu dominaris potestati maris * & superbiæ hujus sæculi : motum autem fluctuum ejus & procellas seditionum atque persecutionum tu mitigas, ne tantum grassentur quantum velint.

Tu humiliasti & dejecisti, sicut vulneratum, superbum * diabolum : & in brachio & fortitudine virtutis tuæ divinæ dispersisti & exterminasti omnes inimicos tuos, qui de cælo corruerunt.

Tui

416 PSALMUS LXXXVIII.

Tui sunt cœli, qui pluunt justitiam, et tua est terra, Ecclesia videlicet catholica, quæ per orbem terræ diffusa est; et plenitudinem ejus in fide tu fundasti * firmiter: aquilonem, diabolum aquiloni præidentem, et mare, elatos & malos hujus sæculi, tu creasti in flagellum electorum. [Gen. 2. 2.]

Thabor et Hermon, Judæi & Gentiles conjuncti in Christo, in nomine tuo, quod Christiani vocabuntur, exultabunt, * per quod & salvabuntur: quia tuum brachium, quo redemisti mundum, semper est & erit cum potentia, cum egregiè liberare possis & salvare.

Firmetur manus & potentia tua contra superbos ut humilientur, et exaltetur dextera tua * contra adversarios veritatis: justitia et judicium sunt præparatio sedis tuæ, quia ad justè judicandum sedes, ac potestas tua judiciaria parata est.

Misericordia, qua deles peccata, et veritas, qua imples promissa, præcedent faciem tuam * iratam in judicio: & ergo beatus est populus fidelis qui scit & experitur jubilationem, ac sentit gau-

PSALMUS LXXXVIII. 417

gaudium conscientia in Deo.

Domine Deus, in lumine vultus tui, in agnitione fidei & illuminatione Spiritus Sancti, ambulabunt bene vivendo, proficientes: et in nomine tuo Christiano exultabunt tota die * vitæ eorum: et in iustitia tua, quam tu eis dedisti, exaltabuntur, quando obtinebunt regnum cæleste.

Quoniam gloria virtutis eorum tu es: * non in se ipsis, sed in te gloriantur, nil sibi tribuentes, sed totum ad tuam gloriam referentes: et in gratuita misericordia tua atque beneplacito tuo, non quia digni sumus, sed quia tibi sic placuit, exaltabitur & excrescet cornu nostrum, dignitas ac potestas nostra quam habebimus in futuro.

Quia Domini est assumptio nostra, * qui nos suscepit, illuminavit, & iustificavit; et sancti Dei Israël, à quo sanctificamur, regis nostri, qui regnat in Ecclesia, ac regit nos & omnia.

Tunc locutus es in occulta visione atque revelatione sanctis & electis tuis Prophetis, et dixisti * eis per Spiritum Sanctum: Posui adjutorium liberatio-

Dd

nis

418 PSALMUS LXXXVIII.

nis humani generis in potente Christo, proprio filio ; et exaltavi, super omne nomen, electum Christum de plebe mea Judaica, ex qua carnem sumsit.

*Invéni & elegi Christum de semine David, natum servum meum * quia formam servi accepit: oleo sancto meo & plenitudine gratiarum unxi eum, ceu pugilem contra Satanam. [1.Reg.16. 1. & 12. Actuum 13. 22.]*

*Manus enim mea, qui est filius meus in divinis, auxiliabitur ei * Christo homini; et brachium meum, idem filius in divinitate, confortabit eum Christum in humanitate: quia erit Deus & homo, & divinitas humanitati conjuncta.*

*Nihil proficiet aut prævalebit inimicus diabolus in eo, * tentando, vel seviendo: et filius iniquitatis, populus Judaicus, non apponet nocere ei, sed omnia illi cooperabuntur & cedent in bonum.*

*Et concidam convertendo, à facie & presentia ipsius, inimicos ejus * Judæos (qui sæpe confusi discedebant à conspectu illius): et odientes eum, demones, in fugam convertam. (quia & ipsi*

ipsi coram eo sæpe fugerunt.)

Et veritas mea, quia obtinebit quæ promissi bona, et misericordia mea, quia invitis omnibus gratiâ meâ fruetur, semper erit cum ipso * Christo; et in nomine meo, quod est Deus, exaltabitur cornu ejus, potestas, & imperium, & gloria.

Et ponam in mari manum & potentiam ejus, * quia dominabitur gentibus, per mare designatis: et in fluminibus atque insulis ponam dexteram atque operationem ejus.

Ipsè Christus invocabit me, dicens: Pater meus es tu * secundum quod Deus sum, & Deus meus secundum quod homo sum, et susceptor auctorque salutis meæ, adeo ut perire non possim.

Et ego Deus primogenitum omnis creaturæ ponam illum, * qui est imago Dei invisibilis; & excelsum super omnes tenens primatum, præ regibus terræ, quia ipse rex regum, & dominus dominantium.

In æternum & semper servabo illi Christo misericordiam meam, * quantum ad ipsum & membra ejus: et testa-

mentum atque fœdus meum servabo
fidele ipsi inviolabiliter.

Et ponam atque firmabo in sæculum
sæculi spirituale semen ejus, * qui do-
ctrinam ejus imitantur : et thronum
ejus, videlicet Ecclesiam, cui præsidet,
ponam sicut dies cœli & æternitatis,
quia semper durabit regnum ejus.

Si autem dereliquerint, malè agen-
do, filii ejus Christiani legem meam *
decalogi & Euangelii ; et in judiciis
meis non ambulaverint, proficiendo de
virtute in virtutem;

Si justitias ac ceremonias meas pol-
luerint & profanaverint, * malè viven-
do & operando ; et mandata mea non
custodierint, decalogi legem transgre-
diendo:

Visitabo, ut medicus & pater, in
virga & levi correctione iniquitates eo-
rum * minores, et in verberibus ac gra-
viori correctione peccata eorum majora.

Misericordiam autem meam, quæ
infinita est, non dispergam neque tota-
liter auferam ab eo * populo Christiano,
neque nocebo illi in veritate mea. Pœ-
niteant ergo peccatores, & nullus desperet.

Ne

PSALMUS LXXXVIII. 421

Neque profanabo seu violabo testamentum & pactum meum : * quæ promisi , faciam : et quæ procedunt de labiis & Prophetis meis , per quos loquor , non faciam irrita , cassa , & vana.

Semel juravi immutabiliter in sancto meo , per me ipsum : si David , Christo , mentiar : * id est , an illi mentiri possum ? Juravi autem quod semen ejus spirituale , populus Christianus , in æternum manebit in regno Dei. [2.Reg.7. 15.]

Et thronus ejus , anima scilicet justi , in qua Christus residet , erit sicut sol in conspectu meo , * qui amore ardebit ; et corpus sicut luna perfecta , nullam obscuritatem habens , in æternum in patria : et hujus rei testis est in cœlo fidelis ipse Christus , cujus caro resurrexit gloriosa.

Tu verò , ne putentur hæc in David rege temporali adimpleri , repulisti & projecisti ipsum à regno per Absalonem ; et despexisti * per Semei , qui projiciebat lutum contra eum ; & distulisti Christum filium tuum mittere , in quo promissa erant adimplenda.

422 PSALMUS LXXXVIII.

*Evertisti & transtulisti in alteram partem Testamentum Vetus servi tui, * datum per Moysen famulum tuum : profanasti & polluisti in terra ubique terrarum sanctuarium ejus, quia jam ubique synagoga abominabilis est.*

*Destruxisti & dissipasti omnes sepes & munitiones ejus : * & posuisti firmamentum ejus, quod Deus erat, in formidinem, ut Judæi pro sua culpa Dominum formident.*

*Diripuerunt eum populum Judæicum omnes gentes transeuntes atque transgredientes viam * legis : factus est opprobrium gentibus vicinis suis in circuitu commorantibus.*

*Exaltasti in victoria dexteram & potentiam deprimentium eum * populum : lætificasti in dominatione omnes inimicos ejus, cum subdiderint tam nobile regnum.*

*Avertisti & retudisti adjutorium & aciem gladii ejus * in pugna contra hostes, et non es auxiliatus ei populo in bello : immò occisi sunt.*

*Destruxisti & retrocedere fecisti eum populum ab emundatione, * non creden-*
do

PSALMUS LXXXVIII. 423

do in Christum , qui solus mundat corda : et sedem ejus , regnum ac dominationem , in terram collisisti , deducendo ad nihilum.

*Minorasti abbreviando dies felices temporis ejus , * quibus se regnaturos putabant : perfudisti undique eum populum confusione temporali & æterna, quia gestant opprobrium infidelitatis suæ.*

*Usquequo, Domine Deus, avertis Israël à fide & salute ? erit hoc usque in finem * mundi , donec plenitudo Gentium intret ? numquid exardescet interea , sicut ignis devastans , ira & vindicta tua ? absit , Domine , cum parcere & misereri sit tibi proprium.*

*Memorare quæ est mea substantia, * & quàm fragilis sit humana natura ad casum : numquid enim vanè & frustra constituiisti & creasti omnes filios hominum , quasi nullus salvaretur ? certè non.*

*Quis est ex nobis homo qui vivet semper , et non videbit mortem ? * certè nullus : statutum est omnibus semel mori. Et quis eruet & salvabit animam suam propriam de manu & potestate in-*

Dd 4 feri?

feri? certè nullus, nisi tu, Domine, liberaveris.

Ubi sunt ergo misericordiæ tuæ antiquæ priores, Domine, * Patribus olim factæ, sicut jurasti David ab æterno in veritate tua, quæ nec falli nec fallere potest? [2. Reg. 7. 15.]

Memor esto & recordare, Domine, opprobrii fervorum tuorum, * videlicet blasphemantium sanctos tuos, quod continui & portavi in sinu meo, in secreto mentis patienter sustinendo: quod quidem opprobrium fuit multarum gentium & iniquorum blasphemantium Christum.

Quod exprobraverunt Christianis inimici tui, Domine, * Judæi & Pagani: quod exprobraverunt, blasphemando commutationem & mortem Christi filii tui crucifixi.

Benedictus sit Jesus Christus Dominus noster in æternum * de sua morte, quod nos redemit à peccatis, & gratis salvos fecit: & hoc fiat hîc in tempore gratiæ, & etiam fiat in tempore gloriæ.

ORATIO.

Domine, Deus virtutum, tui sunt coeli, & tua est terra, Deus magnus potentia, & terribilis reverentia, quem tremunt Angeli, & omnis creatura adorat. Erue animas nostras de manu inferi, ut tuas misericordias decantemus, & à confusione criminum & à morte perpetua liberemur. Per nomen tuum benedictum in æternum. Amen.

PSALMUS LXXXIX. [sec. Hebr. XC.]

Oratio ipsius Moyfi, pro bonis obtinendis & malis removendis hominis Dei.

Domine Deus immensa clementia, refugium & solatium unicum factus es, per fidem tuæ incarnationis, nobis, * inter misérias & angustias hujus sæculi, à generatione ista in generationem futuram semper.

Priusquam montes & cælorum potestates fierent de nihilo, aut priusquam formaretur & crearetur terra ipsa, et orbis, * ipsumque firmamentum cum omnibus quæ continet; à sæculo et usque in sæculum, æternaliter, sine principio &

& sine fine, tu es Deus optimus maximus.

Ne avertas & projicias hominem à bonis aternis in humilitatem, seu in concupiscentiam & ambitionem terrenorum: quia et tu dixisti per ora Prophetarum: Convertimini ab amore mundi ad me, filii hominum, & ego sanabo contritiones vestras.*

*Quoniam mille anni, quantumlibet sit longa vita ista, ante oculos tuos * aternitatis sunt tamquam dies hesternæ brevissima, quæ præteriit & non est.*

Et tamquam custodia & vigilia in nocte, quæ est quatuor horarum, quæ pro nihilo atque pro nullo pretio habentur seu æstimantur, sic eorum anni erunt, quia cum somno evanescent.*

*Mane, in pueritia, sicut herba viridis transeat homo, mane floreat pulcritudo ejus, et citò transeat * peragatque florem suum: & vespere, in senio, decadat in mortem, induret in cadaver, et arefcat in pulvere.*

Quia ab immortalis statu defecimus in statum mortalem, in ira & vindicta tua, quam humano generi intulisti*
pro-

propter peccata primorum parentum ; et in furore tuo atque executione illius sententia turbati fumus , extra in corpore , intus in conscientia.

*Posuisti iniquitates nostras & peccata in conspectu tuo * ad puniendum, sicut iudex ponit coram se reum : sæculum nostrum & decursus temporum nostrorum in illuminatione vultus tui est, palam coram te, sicut illud quod est in lumine.*

*Quoniam omnes dies nostri abbreviati sunt & defecerunt, * quia ad paucitatem redacti sunt ; et in ira tua passibiles & mortales defecimus in miseriis & laboribus.*

*Anni nostri in vita hac momentanea, sicut aranea, inanes & inutiles meditabuntur * seu reputabuntur : quia, sicut aranea, sic homo huc illuc discurrit in occupationibus vanis: dies annorum nostrorum ita breves sunt, ut in ipsis diebus sint septuaginta anni de cursu communi. [Eccles. 18. 8.]*

*Si autem in potentatibus, qui vires & complexionem habuerint fortes, sunt octoginta anni * completi; et si amplius*

plius & prolixius vixerint : tunc eorum anni sunt labor et dolor , cùm senectus ipsa non sit nisi morbus & languor.

Quoniam supervênit in senectute mansuetudo * Dei , ut nos mansuetos faciat ; et sic corripiemur atque emundabimur ab insolentiis juventutis & excessibus nostris : quia quem diligit Deus corripit & castigat.

Quis novit aut intelligere potuit potestatem iræ tuæ , * quam exerces in his quibus hîc parcis ? et quis , præ timore tuo , novit iram & vindictam tuam dinumerare , cogitare , aut discernere ?

Dexteram tuam , Christum tuum , sic notam fac , * ut discamus bona æterna , non terrena : et eruditos redde nos corde humano in sapientia cœlesti.

Convértere , Domine , respiciendo nos oculis tuæ misericordiæ : usquequo * aversus eris à nobis ? et deprecabilis esto atque finito te exorari super servos tuos , quos elegisti ad serviendum tibi.

Repleti sumus & satiati mane in æternitate misericordia tua , * qua à malis omnibus nos liberaisti : et exultavimus,

PSALMUS LXXXIX. 429

mus, laudes tuas canendo, et delectati sumus in anima, omnibus diebus nostris, cum in te summa sit dulcedo in aeternum.

*Lætati sumus pro diebus malignis quibus nos humiliasti * per tribulationem: & hoc in annis quibus vidimus & experti sumus mala, tribulationes saeculi, & angustias corporis.*

*Respice, Domine, in servos tuos, ut per tuam misericordiam protegantur à malis; et in opera tua * quæ, te adjuvante, operantur: et dirige per rectam intentionem filios & imitatores eorum, ut proficiant in virtutibus.*

*Et sit splendor gratiæ illuminantis Domini Jesu Christi Dei nostri super nos, mentes nostras vivificans: et opera manuum nostrarum dirige super nos: * et opus bonum manuum & voluntatum nostrarum dirige in intentione recta ad unum finem, qui Deus est.*

ORATIO.

Omnipotens Deus, unicum refugium nostrum, ne avertas corda nostra à bonis æternis ad concupiscentias terrenorum: sed convertere & deprecabilis esto super
nos

430 PSALMUS XC.

nos mortales, ut repleamur semper misericordia tua, & delectemur in ea; adeo ut splendor divinæ gratiæ tuæ illuminet mentes nostras, ejiciendo omnes cogitationes noxias. Per Christum Dominum nostrum.

PSALMUS XC. [sec. Hebr. XCI.]

Laus est Psalmus iste cantici & jucunditatis ipsius David.

Qui habitat, per fiduciam, in adjutorio, non suo, sed altissimi * Dei, totam spem in eum reponendo; in protectione Dei cœli & terræ commorabitur, ut nec capiatur illecebra voluptatis, nec frangatur timore adversitatis.

Dicet Domino, recognoscens protectionis beneficium: Susceptor meus es tu, qui mei curam geris, et refugium meum * in miseriis & tentationibus hujus sæculi, Deus meus in creatione & redemptione: sperabo in eum, nihil de me presumendo.

Quoniam ipse Dominus, non ego, liberavit me omnino de laqueo, fraude, & captione dolosa demonum & iniquorum,

PSALMUS XC. 431

*rum, venantium * ut illaqueent homines ad mala; et etiam à verbo aspero, à conviciis & detractionibus, quæ divertunt à via Domini.*

*Scapulis suis & paterna virtute sua obumbrabit tibi, * ne tentationis æstus te adurat: et sub pennis ac alis misericordiae ejus sperabis, & tutus eris.*

*Scuto misericordiae circumdabit te & proteget veritas ejus, * quia implebit promissum de redemptione humana: non timebis à timore nocturno, in tenebris ignorantiae, si lucernam habueris veritatis.*

*A sagitta volante in die, à falsitate & malitia; à negotio perambulante in tenebris, * ab occulto malo quod conscientia non sentit; ab incurfu et dæmonio meridiano, qui transfigurat se in angelum lucis ut decipiat.*

*Cadent à latere tuo sinistro mille de demonibus tentantibus, divina virtute victi, et decem millia à dextris tuis * etiam cadent: ad te autem, in divino adjutorio sperantem, non appropinquabit demonium vel tentatio per consensum.*

Ve-

Verumtamen oculis tuis *interioribus* considerabis * *talem protectionem divinam super te* : et retributionem peccatorum atque pœnam debitam pro peccatis videbis in fine , quam retribuet justus judex.

Quoniam tu es, Domine Deus , spes mea , * *cùm in te solo confidam* : altissimum Deum posuisti & elegisti refugium tuum , & ideo esto securus.

Non accedet neque veniet ad te , *sic sperantem* , malum * & adversitas nociva , sed cooperabitur potius in bonum : et flagellum temporalis pœnæ non appropinquabit tabernaculo & corpori tuo , si fiduciam totam in Deum posueris.

Quoniam Angelis suis ministris mandavit Deus de te * *in salutem* , ut custodiant te *ab omni nocumento* , in omnibus viis tuis , tam in prosperis , quàm adversis. [Matth. 4. 6. Luc. 4. 10.]

In manibus & virtutibus suis portabunt te , * *ne facile cadas* , sed tutò incedas : ne fortè offendas & impingas ad lapidem & ad peccatum mortale , ad modum lapidis grave , pedem & affectum tuum , per consensum.

Su-

Super aspidem , diabolum , qui occultè nocet , et basiliscum , qui palàm flatu venenat , ambulabis , * superando omnes potentias demoniorum : et conculcabis vincesque leonem , manifestos insultus demonum , et draconem , spiritales tentationes eorumdem.

Quoniam in me toto corde speravit , diligendo præ omnibus ; liberabo eum * ab omnibus angustiis : protegam eum ab omnibus insidiis diaboli , quoniam verè cognovit nomen meum , credendo , laudando , & aliis annuntiando.

Clamabit orando ad me in necessitatibus , et ego Dominus exaudiam eum , * quæ justè sancta & utilia petierit concedendo : cum ipso sum in tribulatione , consolando , ne deficiat : & tandem eripiam eum à malis sæculi , et glorificabo eum æternis præmiis in cælo.

Longitudine dierum æternorum replebo eum * in gloria cælesti : et ostendam illi per apertam visionem salutare meum , Jesum Christum , in quem credidit.

O R A T I O.

Precamur, Domine, ut in divina protectione tua commoremur semper, & sub alis misericordiæ tuæ; cū sis altissimum refugium nostrum, & unica ac secunda spes nostra. Præsta, per invocationem nominis tui, aspidis & basilisci venena superare, insidias spirituales leonis atque draconis conculcare; ut tandem, erepti periculis sæculi, in coelis glorificemur. Amen.

PSALMUS XCI. [*sec. Hebr. XCII.*]

Psalmus iste, per quem notatur spiritualis operatio, est cantici, & mentis exsultatio: qui enim cantat in Psalmo, omnem vitam suam in gratiarum actione constituit, & hoc in die Sabbati, in die festo, & in quiete mentis, pro aeterna requie obtinenda.

BONUM est, jucundum, utile, & delectabile confiteri Domino, * ut mala nobis, & bona Deo tribuamus: et psallere bonum est nomini tuo divino, ò altissime Deus, ut quisque querat gloriam tuam, non suam; nomen tuum, non suum.

Ad

PSALMUS XCI. 435

Ad annuntiandum mane , tempore prosperitatis , misericordiam tuam * (quia quidquid boni habemus provenit ex Dei gratia) ; et veritatem tuam atque justitiam per noctem , tempore tribulationis : quia quidquid mali contingit , ex veritate justitiæ divinæ procedit.

In decachordo & decem chordarum psalterio * laudetur Deus , cum cantico mentis , in cithara jucunditatis , omnibus modis , mente , ore , opere , júbilo cordis & vocis.

Quia delectasti & letificasti me, Domine Deus , in factura tua , * in eo quod in me facis (quia quidquid bene ago tu facis) ; et in operibus manuum tuarum , omnium scilicet rerum quas creasti , pulcritudinem nempe & utilitatem earum admirando , exultabo semper.

Quàm magnificata sunt & insignia atque laudabilia opera tua , Domine * virtutum ! nimis profundæ & inscrutabiles factæ sunt in providentia æterna cogitationes tuæ , quæ exsuperant omnem sensum humanum.

Vir insipiens ac incredulus , qui Deum

*ignorat, non cognoscet * beneficia divina: et stultus amator mundi & neglector verborum Dei non intelliget hæc opera Dei, sed casu omnia agi aestimabit, non attendens finem bonorum & malorum.*

*Cùm exorti fuerint & cœperint florere peccatores in prosperitate mundi sicut fcenum, * quod post ortum suum citò arefcit; et apparuerint, modico tempore florentes, omnes qui operantur pertinaciter iniquitatem, præponendo terrena cœlestibus: apparebunt, inquam,*

*Ut intereant, propter suas iniquitates, in sæculum sæculi, * æternaliter, sine fine: tu autem altissimus & potentissimus permanes in æternum, Domine Deus.*

*Quoniam ecce inimici tui, Domine, Judæi, Pagani, Hæretici, Pseudo-christiani, quoniam ecce inimici tui, qui sine te vivere & agere præsumunt, peribunt, * condemnati in æternum ignem: et dispergentur ac separabuntur à consortio sanctorum omnes impænitentes, qui operantur incessanter iniqui-*

tatem mortalem.

Et exaltabitur atque sublimior apparebit, sicut unicornis animalis, cornu meum, * fides & fortitudo mea in unitate Ecclesie: et senectus mea novissima erit in misericordia uberi, fertili, & abundanti.

Et ideo jam nunc despexit oculus meus interior inimicos meos * impios, cognoscens vitam illorum inutilem & potentiam brevem; et in insurgentibus in me peccatoribus, malignantibus & contra me grassantibus, audiet auris mea sententiam Dei contra blasphematores, in judicio.

Iustus, non ut fœnum, sed ut palma florebit * virore perpetuo virtutum, & sicut cedrus Libani procera & imputribilis multiplicabitur in operibus bonis.

Plantati fide, spe, & caritate in domo Domini, * in Ecclesia Dei, ut crescant & fructificent; in atriis primis domus Dei nostri florebunt, producendo fructum in populo Dei.

Adhuc multiplicabuntur, de bono in melius proficiendo, in senecta Ecclesie uberi * ac fertili (tunc enim citò im-

plebitur electorum numerus): et bene patientes ac tranquilli erunt, mala huius peregrinationis sustinentes, ut annuntient aliis quod sequitur:

*Quoniam rectus & iustus est Dominus Deus noster; * flagellans hic filios, ut coronet; et non est iniquitas in eo, dum in presenti parcat malis, ut in futuro condemnet.*

ORATIO.

Peccata nostra dampnantes, misericordiam tuam, Domine, jugiter postulamus; & confitemur, beneficia quæ à te suscepimus non meritorum nostrorum esse, sed miseratione tua præstari. Unde, plantatos in fide, spe, & caritate, fac nos fructificare in operibus bonis, ut sic in atriis coelestibus exultemus in æternum. Amen.

PSALMUS XCII. [*sec. Hebr. XCIII.*]

Laus cantici pertinentis ad divinitatem, quæ laus debetur ipsi David, Christo, qui est verus David manu fortis & desiderabilis. Et hæc laus facta est in die ante Sabbatum, quæ est feria sexta parasceves, in qua moriendo redemit genus hu-

*humanum ; quando fundata est terra
& Ecclesia , de latere Christi currente
sanguine.*

Dominus Jesus Christus, verus Deus
& homo , regnavit & se regnan-
tem ostendit in sua resurrectione : deco-
rem indutus est , * cùm corpus glorio-
sum in resurrectione assumpsit : indutus
est Dominus Jesus Christus fortitudi-
nem , quando captivos ex inferni clau-
stris eduxit : et præcinxit se virtute an-
gelica , quando remeavit ad Patrem.

Etenim per hoc firmavit in fide mili-
tantem Ecclesiam per orbem terræ * dif-
fusam ; qui non commovebitur à soli-
ditate fidei ad errores , licet interdum
concutiatur.

Parata est sedes tua ad dexteram
Patris ex tunc * à resurrectione : tamen
à sæculo eterno sine principio temporis
tu es Deus , semper idem manens.

Elevaverunt flumina & potentes
hujus sæculi , Domine * Deus , elevave-
runt (inquam) flumina mundana , quæ
volutabantur in desideriis suis , vocem
suam contra Christianos , quando præci-

piebant illos ubique exterminari.

*Elevaverunt adversus vocem prædicantium flumina , persecutores fidei, fluctus suos * comminationum , à vocibus blasphemis aquarum multarum & populorum commoventium persecutiones contra Christum.*

*Mirabiles factæ sunt elationes & persecutiones maris, * videlicet secularis potestatis , contra fidem catholicam : mirabiles fuerunt pressuræ , mirabiles minæ: sed etiam mirabilis fuit in altis & profundis suis consiliis Dominus Deus , qui Ecclesiam suam crescere fecit in tribulationibus.*

*Testimonia tua euangelica , prædicta per Apostolos , credibilia facta sunt nimis , * valde firmata per signa & prodigia multa : & ergo domum tuam, quæ est Ecclesia catholica , decet sanctitudo, Domine , quod sit sancta & munda; quia tu es sanctus sanctorum , qui eam inhabitas in longitudinem dierum , usque ad finem mundi.*

ORATIO.

Beneficia tua , Domine , devota consideratione meditantes , humiliter tuam clemen-

PSALMUS XCIII. 441

mentiam deprecamur , ut mundo nos corde ac corpore in sancta tua Ecclesia custodire digneris ; ut piè ac justè vivamus, donec perveniamus ad gloriam coelestem in longitudine dierum. Amen.

PSALMUS XCIII. [sec. Hebr. XCIV.]

Psalmus iste est David Prophetae, habitus pro his quæ signantur per ea quæ facta sunt quarta Sabbati, hoc est quarta die creationis mundi.

DEus Jesus Christus est ultionum & vindictarum Dominus, * qui judicaturus est mundum, & affligere veniet obstinatos : Deus ultionum in adversarios veritatis liberè egit quidquid voluerit, quia nullo impediante judicabit.

Exaltare, ostendendo tuam potentiam & virtutem, qui judicas terram * & omnes habitantes in ea : & redde retributionem atque vicissitudinem vindictæ superbis bonos opprimentibus, & peccata sua defendentibus.

Usquequo peccatores impii, Domine, * habebunt letitiam malignandi?
Usque-

Usquequo? *quamdiu peccatores grassabuntur in pios, & gloriabuntur in falsa felicitate de peccatis suis?*

Effabuntur *usquequo arroganter, et loquentur iniquitatem, * quia manifestè iniqua opera prædicabunt; loquentur, & comminiscuntur se verbis tueri, omnes qui operantur assiduè injustitiam mortalem?*

Populum tuum *justum, Domine Deus, humiliaverunt * opprimendo: et hereditatem tuam, quæ est gens fidelis electa, vexaverunt affligendo.*

Viduam *auxilio mariti destitutam, et advenam auxilio notorum carentem interfecerunt, * quandoquidem te non curant, qui istos tueri soles: et pupillos sine misericordia occiderunt: ut fuit in persecutionibus martyrum, ubi nulli sexui, nulli ætati pepercerunt.*

Et dixerunt, *quasi blasphemantes: Non videbit neque attendet Dominus * facta nostra, nec intelliget aut curabit Deus Jacob, quia ejus providentia non se extendit ad ista inferiora.*

Intelligite *quæ dicam, vos insipientes in populo, * & resipiscite ab erro-*

re vestro : et vos , stulti corde , aliquando sapite veritatem , quod scilicet est Dei providentia.

*Qui plantavit & formavit aurem in te , non audiet ? * audiet utique. Aut qui finxit & creavit oculum in videntibus , non considerat ? videbit utique : nulli tantum dedit quantum in se habet.*

*Qui corripit quotidie gentes incredulas , non arguet * & judicabit vos de impietatibus vestris ? qui docet hominem scientiam numquid erit inscius ? absit : hoc esse non potest.*

*Dominus Deus scit cogitationes interiores hominum * (ergo multò fortius opera eorum) quoniam vanæ , inutiles , temerariæ sunt & invalidæ , ad malum pronæ.*

*Beatus & planè felix est homo , non qui se ipsum docet , sed quem tu erudieris , Domine , * in mente illustrando ; et de lege tua Evangelica docueris eum , ut mandata tua intelligat , & opere perficiat.*

*Ut mitiges ei tribulationem à diebus malis , * ut patienter sustineat mala præsen-*

444 PSALMUS XCIII.

*sentis vitæ ; donec fodiat peccatori
obstinato fovea in sepulcro & in gehen-
na : tunc enim interibit omnis felicitas
malorum.*

Quia non repellet neque abjiciet
Dominus Deus plebem suam * *Christia-
nam , quamvis interdum corrigit & fla-
gellat ; et hereditatem suam, ipsam ple-
bem , sanguine ejus redemptam , non de-
relinquet : quia quos elegit non negliget.*

Quoadusque justitia divina conver-
tatur in judicium * *extremum , ubi red-
detur unicuique secundum opera sua. Et
qui sunt juxta illam justitiam , ut eam
securè expectare possint ? omnes certè
qui recto sunt corde , conformantes se
voluntati divinæ.*

Quis ergo confurget mihi in auxi-
lium , adversus malignantes * & mala
mihi suadentes ? aut quis stabit perse-
veranter mecum ut pugil fortis , adver-
sus operantes iniquitatem , ut non vin-
car ab eis ? Certè,

Nisi quia Dominus solus adjuvit
me , * & nisi mihi affuisset Dei auxilium
speciale , paulominus & ferè habitasset
in inferno anima mea decepta.

Si

Si dicebam *veraciter* : Motus est pes
& affectus meus * ad peccatum; mise-
ricordia tamen tua, Domine, mox ad-
juvabat me in tribulationibus animæ &
corporis.

Secundum multitudinem & magni-
tudinem dolorum meorum, quos pa-
tior in corde meo * & conscientia, tam
pro peccatis, quàm de tentationibus;
consolationes tuæ, suaves ex Scriptu-
ris, lætificaverunt animam meam:
quia quot patimur vulnera, tot mere-
mur & coronas.

Numquid adhæret & consociabitur
tibi, Domine, sedes iniquitatis * (certè
non, quia nemo iniquus sedebit tecum),
qui fingis, formas & facis laborem &
dolorem in præcepto? quia labor & do-
lor est pretium regni Dei, in operibus bo-
nis per laborem.

Captabunt iniqui cum sævitia nocendi
in & contra animam iusti, * ut deci-
piant & ad peccatum inducant: et, si
non possunt decipere; sanguinem, licet
innocentem, tamen condemnabunt ad
mortem.

Et sic factus est mihi afflicto Domi-
nus

446 PSALMUS XCIII.

nus Deus in refugium , * ne cedam in tribulationibus ; et Deus meus factus est in adjutorium spei meæ mihi speranti in ipso : speravi enim , & adjutus sum.

Et reddet illis impiis iniquitatem ipsorum , ut in caput recidant eorum mala ; et in malitia eorum , quam intenderunt , disperdet eos * à suo regno cœlesti : disperdet (inquam) illos , quem non putabant curare res humanas , Dominus Deus noster , qui justitiam exercebit tempore opportuno.

O R A T I O.

Adjutor noster in tribulationibus , benignè nos consolari digneris , qui in præsens vitæ malis multipliciter fatigamur : ut , in hac vita salubriter purgati , & in futuro ab iniquorum poenis misericorditer erepti ; in regno cœlesti , per tuam gratiam , æternæ beatitudinis efficiamur confortes. Amen.

PSALMUS XCIV. [sec. Hebr. XCV.]

Laus ista cantici devotionis & humilitatis fit ipsi David , Domino salvatori , qui venit redimere genus humanum per mortem suam.

Venite per fidem & devotionem, exultemus in Domino, * & confiteamur Deo beneficia nostra, & jubilemus in latitia cordis, in Deo salutari nostro Jesu Christo, qui pro nobis moriendo salutem acquisivit.

• Præoccupemus & præveniamus faciem ejus, ne irascatur nobis in judicio, in confessione * peccatorum nostrorum: et in psalmis & laudibus devotionis jubilemus ei, gratias agendo.

Quoniam ipse est Deus omnipotens qui cuncta creavit, & magnus Dominus * qui omnia gubernat, et rex magnus cui nemo similis, super omnes deos adorandus.

Quia in manu & potestate ejus, ordinatione, & regimine, sunt omnes fines terræ, * qui pugillo continet omnia: et altitudines montium etiam ipsius sunt, qui omnia creavit, novit, & regit, infima, & suprema.

Quoniam in potestate ipsius etiam est mare latissimum, et ipse fecit illud, * congregans aquas in unum locum: et siccam seu aridam partem terræ manus
&

448 PSALMUS XCIV.

& potestas ejus operativa formaverunt, ut sua sint omnia.

*Venite, omnes fideles, adoremus cum mentis devotione, et procidamus * corporis flexione, et ploremus pro peccatis nostris, ante Dominum Deum, qui fecit nos ad imaginem & similitudinem suam.*

*Quia ipse est Dominus Deus noster, * dans se nobis per suam incarnationem: et nos sumus populus pascuæ ejus, quem reficit spiritualiter & corporaliter; et oves manus ejus, per quem defensamur & manuducimur ne erremus.*

*Hodie in tempore gratiæ, si vocem ejus Evangelicam audieritis * & obedi- veritis, qui olim locutus est Patribus in Prophetis; nolite obdurare in malum corda vestra, sic ut non credatis neque obediatis mandatis ejus: [Heb. 3. 7.]*

*Sicut factum est in irritatione & pro- vocatione ad iram Dei, secundum diem & tempus tentationis factæ in deserto * Sin; ubi multoties tentaverunt me pa- tres vestri, dubitando de promissis & verbis meis: probaverunt me quid fa- cere possem, et viderunt mirabilia ope-*

PSALMUS XCIV. 449

ra mea; nec tamen crediderunt.

Quadraginta annis, quibus duxi eos per desertum, offensus fui implacabiliter generationi illi, * propter incredulitatem & murmurationes eorum. Et dixi: Semper hi increduli errant corde, ex certa malitia & perversa voluntate.

Et isti non cognoverunt nec cognoscere voluerunt vias meas & precepta, in quibus debebant ambulare, ut juravi & firmiter diffinivi in ira & justitia mea * divina, dicens: Si introibunt (quia non introibunt) in requiem meam eternam, quia non crediderunt nec obediverunt. [Hebr. 4. 3.]

ORATIO.

Domine JESU CHRISTE, salvator noster, Deus omnipotens qui cuncta creasti, rex magnus super omnes Deos, in cujus potestate, ordine, & gubernatione sunt omnia: tibi Deo nostro confitemur, & gratias agimus, qui fecisti nos ad imaginem & similitudinem tuam. Respice propitius super oves pascuæ tuæ, & introducere easdem digneris in requiem sempiternam. Amen.

PSALMUS XCV. [sec. Hebr. XCVI.
sed sine titulo.]

Canticum istud est David Propheta, agens de eo quod factum est quando domus Dei, quæ est Ecclesia catholica, ædificabatur toto orbe terrarum à Christo, post captivitatem quæ sub diabolo fuit per peccatum. [1. Paral. 16. 15.]

CAntate Domino Jesu Christo canticum novum, * quia novus homo & nova gratia venit in mundum: cantate Domino, non solum Judæi, sed omnis terra & habitantes in ea, quia adventus Christi omnibus fuit in salutem.

Cantate Domino in gloriam ejus, et benedicite gratias agendo nomini ejus, * quod JESUS est & salvator: annuntiate & euangelizate de die in diem, assidue & semper, salutare ejus, quod per Christum salvatus est mundus.

Annuntiate & prædicate inter gentes inenarrabilem gloriam nativitatis ejus, * resurrectionis, & ascensionis: in omnibus populis, opera mirabilia ejus, videlicet gloriam, beneficia & gratiam Dei.

Quo-

PSALMUS XCV. 451.

Quoniam ipse Christus, magnus in potentia, est Dominus omnium, et laudabilis in bonitate; & hoc nimis, * quia magis quàm possit dici vel cogitari; & etiam terribilis est suis adversariis super omnes deos, plusquam omnes qui coluntur à Gentibus tamquam dii, & non sunt. [Eccles. 43. 31.]

Quoniam omnes dii Gentium sunt dæmonia; * noster Dominus autem, cui cantandum, cœlos fecit & verbo suo creavit.

Confessio laudis divina, et pulcritudo, celebritas, decor, & majestas in conspectu ejus * semper: sanctimonia animæ, et magnificentia in exercitio virtutum sunt in sanctificatione ejus, quia ipso sanctificante & donante fiunt.

Afferte Domino, pro tanto beneficio, vos patriæ & familiæ gentium ad fidem Christi conversarum; afferte, inquam, Domino Deo gloriam, in bonis operibus glorificando; et honorem, * omnia illi attribuendo: afferte Domino Deo gloriam nomini ejus, à quo habetis vires bene agendi.

Tollite hostias, scilicet vosmet ipsos

452 PSALMUS XCV.

*corde contritos & humiles, et introite in atria ejus * Ecclesiæ militantis: adorate Dominum Deum in atrio sancto ejus & in Ecclesia catholica.*

*Commoveatur, metu timoris & reverentiæ, ad pœnitentiam, à facie, cognitione, & præsentia gratiæ ejus, universa terra * & omnes habitantes in ea: dicite & prædicate in gentibus novum Euangelium, quia Dominus Jesus Christus, victo diabolo, regnavit per lignum crucis.*

*Etenim corréxit ab errore idololatriæ & justificavit orbem terræ per suum Euangelium, qui non commovebitur * à veritate fidei, quæ stabit usque ad finem mundi, & post judicabit populos omnes in æquitate, reddens unicuique secundum opera sua.*

Lætentur cœli & angelicæ virtutes, et exultet terra seu populus terrenus, qui se intelligit à peccatis absolutum: commoveatur mare, sæculum hoc, et plenitudo ejus, omnes à maximo usque ad minimum: gaudebunt campi, mansueti & humilitate pleni, et omnia quæ in eis sunt glorificent creatorem suum.*

Tunc,

PSALMUS XCV. 453

Tunc , *post conversionem*, exultabunt omnia ligna silvarum , *pagani scilicet*, *inculti more silvestri* , à facie Domini, à cognitione & præsentia ejus ; quia venit * *primò in carne* , & *postea* quoniam venit judicare terram , vivos & mortuos.

Judicabit orbem terræ & omnes habitantes in ea , in æquitate , * *singulis reddens pro meritis* ; et populos , tam bonos , quàm malos , in veritate sua, sine personarum acceptione.

ORATIO.

Domine JESU CHRISTE , creator cœli & terræ , magnus Dominus , & laudabilis nimis : beneficia & gratiam tuam agnoscentes , gloriam offerentes nomini tuo , precamur ut , sicut te à ligno regnantem supplices confitemur , ita in sanctimonia vitæ , & exercitio virtutum , te donante , proficiamus.

PSALMUS XCVI. [*sec. Hebr. XCVII.*
sed sine titulo.]

Psalmus iste fit ipsi David , Christo, *cujus laudes & victoriam continet* ; *agens de eo quod factum est* quando terra re-

stituta est ei, & quando corpus in sua resurrectione reassumfit.

Dominus Jesus Christus regnavit, quia dominium in sua resurrectione accepit: unde exultet terra, * quòd Dominum regnare sciunt fideles; & lætentur etiam insulæ multæ, in quibus propagata est fides Christiana.

Nubes, propter incomprehensibilitatem, et caligo seu obscuritas sunt in circuitu ejus, * quia non comprehenditur tam benignitas quàm terror judicii divini: justitia divina, et judicium rectum, & correctio malorum, sedis & potestatis ejus sunt.

Ignis conflagrationis ante ipsum judicem præcedet, * unde terrebuntur peccatores: et inflammabit involvendo in circuitu, horrendo judicio, reprobos inimicos ejus.

Illuxerunt fulgura ejus, majestas & terror potentia ejus, orbi terræ, * omnibus hominibus: vidit hæc miranda et commota est terra, gloriam Dei non ferens.

Montes superbi & altitudo munda-
na,

PSALMUS XCVI. 455

*na, sicut cera quæ fluit ab igne, fluxerunt & liquefacti sunt à facie & presentia Domini * Dei: à facie Domini, cui nihil resistere potest, omnis terra humiliabitur.*

*Annuntiaverunt cœli, Apostoli & Prophetæ, justitiam ejus, * ubique fidem Christi euangelizando: et sic viderunt ac cognoverunt omnes populi gloriam & divinitatem ejus Christi.*

*Confundantur omnes idololatra, qui, relicto vero Deo, adorant sculptilia * manu artificum facta; et qui gloriantur & confidunt in simulacris suis falsis, quæ spiritu carent, & vana sunt. [Exod. 20. 4. Lev. 26. 1. Deut. 5. 8.]*

*Adorate eum Christum verum Deum omnes Angeli ejus, * & annuntiatores regni illius: audivit confusionem idololatrarum et lætata est Sion, Ecclesia fidelium. [Heb. 1. 6.]*

*Et exultaverunt, Deum magnificando, filiæ Judæ, * animæ fideles, electæ, propter judicia tua justa & recta, Domine, qui non es personarum acceptor.*

*Quoniam tu es Dominus altissimus & potentissimus super omnem terram,**

Ff 4 ubi

456 PSALMUS XCVI.

ubi glorificatur nomen tuum; & nimis exaltatus es, usque ad Patris aequalitatem, super omnes deos, Angelos & Sanctos, qui à te gratia tua deificentur.

*Qui diligitis Dominum, qui solus bonus est, odite malum * & quodcumque Deo adversum: custodit Dominus à peccatis mortalibus animas sanctorum suorum, qui in tribulationibus & temptationibus recurrunt ad ejus auxilium; & de manu peccatoris ac potestate diaboli liberabit eos Dominus. [Amos 5. 15. Rom. 12. 9.]*

*Lux divina gratia orta est justo, * & refulget in corde ejus: et rectis corde, quibus placet per omnia Deus, orta est per spem lætitia vera & gaudium in Domino.*

*Lætamini justī serena conscientia in Domino, * congratulando beneficiis ejus: et confitemini confessione laudis memoriæ sanctificationis ejus, quia memor fuit sanctificare vos donis & gratiis suis.*

O R A T I O.

Custos animarum sanctarum, Deus, refulgeat lux divinæ gratiæ tuæ in cordibus nostris, ut lætemur serena conscientia in te, gratulando beneficiis tuis, quia me-
mor

PSALMUS XCVII. 457

mor fuisti nos sanctificare donis & gratiis
tuis. Et præsta nobis te diligere, malum
odire, & exultare in te summo bono,
JESU CHRISTE. Amen.

PSALMUS XCVII. [*sec. Hebr. XCVIII.*]

*Psalmus iste est ipsi David, Christo,
qui forti manu Goliath, diabolum, su-
peravit.*

CAntate Domino Jesu Christo can-
ticum novum, * *tamquam au-
ctori Novi Testamenti: quia mirabilia, à
sæculo non visa vel audita, fecit, salu-
tis videlicet nostræ dispensationem, mo-
riens & resurgens.*

Salvavit genus humanum, quod per-
ierat, sibi, & ad gloriam Dei Patris,
dextera ejus * & potentia divinitatis,
et brachium sanctum ejus: quia propria
virtute vicit Satanam & mundum.

Notum fecit Dominus Deus Pater sa-
lutare suum * Jesum Christum, pro salute
mundi incarnatum: in conspectu omnium
gentium per universum orbem revela-
vit & publicavit justitiam suam & fidem
catholicam justificantem. [Isa. 52. 10.]

Re-

458 PSALMUS XCVII.

Recordatus est misericordiæ suæ *
qua promisit mittendum Filium , et veri-
tatis suæ qua implevit promissum domui
Israël , patribus nostris.

Viderunt & cognoverunt per fidem
 omnes termini & fines terræ * saluta-
 re Dei nostri Jesu Christi , per quem est
 salus : quia prædicatum est Euangelium
 toto orbe terrarum.

Jubilare & gratulamini Deo omnis
 terra : * qui peccatis erepti estis per Ver-
 bum Dei , cantate voce , et exultate cor-
 de , et psallite , gratias agite.

Psalite Domino Deo in cithara , ge-
 stientes : in cithara , inquam , et voce
 psalmi , * exsultantes de salute donata
 vobis à Deo : in tubis ductilibus , omni-
 bus modis gaudete , et voce tubæ cor-
 neæ : quia totius orbis redemptio & salus
 facta est.

Jubilare intus , in conspectu regis
 Domini * Jesu Christi : moveatur ad
 Dei reverentiam & fidem mare , hoc se-
 culum , et plenitudo ejus , id est habi-
 tantes in insulis maris : orbis terra-
 rum etiam convertatur ad pœniten-
 tiam , et qui habitant in eo , scili-
 cet

cet mundi amatores.

Flumina , *sancti viri pleni aquis gratiarum* , plaudent & gaudebunt manu, *in exercitio bonorum operum* : simul , *in unitate fidei & caritatis* , viri *sancti majores* , qui montes dicuntur , exultabunt à conspectu Domini , * *ipso veniente ad judicium* ; quoniam venit judicare terram & peccatores terrenos , ut discernat paleas à frumento.

Judicabit enim orbem terrarum & habitantes ejus in justitia * *vera* , et populos omnes in æquitate : *quia capient æqua pro meritis suis.*

ORATIO.

Domine JESU CHRISTE , qui pro salute mundi incarnari voluisti , & revelasti justitiam tuam gentibus universis , atque mirabilia fecisti conversatus cum hominibus in carne : præsta nobis pro tantis beneficiis tibi semper gratias agere jubilando , cantando , exultando , & psallendo totis animæ & corporis viribus , ut tandem in finali examine te judicem propitium habeamus. Amen.

460 PSALMUS XCVIII.

PSALMUS XCVIII. [*sec. Hebr. XCIX.*]

Psalmus iste est David Propheta invitans ad laudem & honorem Christi, ut eum tamquam Deum & regem adoremus.

Dominus Jesus Christus, qui prius humilis inter homines apparuit, regnavit resurgens à mortuis, licet hoc audientes irascantur increduli populi * quantumcumque velint: Dominus, inquam, sedet super Cherubim ad dexteram Patris: unde contremiscens moveatur terra incredula ac vitiosa.

Dominus iste est, in Sion & Ecclesia catholica Deum speculante per fidem, magnus, * & gloriosus: et excelsus est Deus super omnes populos, quia Ecclesia ejus est magnificata per orbem, ubi omnes populi conversantur.

Confiteantur confessione laudis nomini tuo magno divulgato in omni terra: quoniam terribile in potentia qua punit, et sanctum in bonitate qua parcit, est * nomen ejus; et honor regis Christi judicium diligit, ut reddat unicuique secundum opera sua.

Tu

PSALMUS XCVIII. 461

Tu parasti & composuisti directiones * & precepta juxta qua vivere debemus : judicium discernendi inter bonum & malum , et justitiam operandi bona, in Jacob populo fideli, non à nobis est, sed tu fecisti, qui operaris in nobis & velle & perficere.

Exaltate & laudibus extollite Dominum Deum nostrum Jesum Christum, et adorate reverentia singulari scabellum pedum ejus * & venerabile corpus ejus : quoniam sanctum est ipsum corpus, nulla peccati macula inquinatum.

Moyſes legislator et Aaron summus sacerdos fuerunt in sacerdotibus ejus * Christi, et Samuel inter eos fuit qui invocant nomen ejus Christi : istos ergo audite & imitami.

Invocabant Dominum humiliter & devotè , et ipse Deus exaudiebat eos : * quia in columna nubis loquebatur ad eos verba obscura & occulta.

Custodiebant firmiter testimonia ejus * judicialia & ceremonialia , et præceptum decalogi quod dedit illis ut eum dignè colerent.

Domine, Deus noster , tu exaudiebas

*duratura est misericordia ejus * peccata dimittendo ; et usque in generationem et generationem semper etiam permanet veritas ejus , promissa implens, tam bonis quàm malis.*

O R A T I O.

Domine , Deus noster JESU CHRISTE, à quo creati sumus & redempti , qui fecisti nos ad imaginem & similitudinem tuam, qui sumus populus tuus & oves pascuæ tuæ: precamur ut in lætitia sempiterna jubilum exultationis cum gratiarum actione mereamur in æternum concinere , cum omnibus sanctis & electis tuis. Amen.

PSALMUS C. [*sec. Hebr. CI.*]

Psalms iste attribuitur ipsi David, Christo , cui omne bonum nostrum attribuendum est.

Misericordiam quæ modò est , et judicium * quod erit in futuro seculo , cantabo & annuntiabo tibi ad honorem tuum , Domine Deus.

*Pfallam bonis operibus meis , et intelligam in via immaculata * diligenter eam scrutando & juste agendo , quando*
ve.

venies ad me per tuam gratiam.

*Perambulabam jucundè in innocentia & puritate cordis mei * vitando peccata, in medio domus & conscientie meæ, ubi quietè habito, quia nihil mihi conscius sum.*

*Non proponebam ante oculos meos aliquam rem injustam, * ut desiderarem eam: immò facientes tuæ legis prævaricationes seu transgressiones odivi & dignos odio judicavi.*

*Non adhæsit mihi per obstinationem cor pravum, * difforme divinæ voluntati: declinantem autem à me, qui sequebar bonitatem, malignum seu malevolum non cognoscebam per approbationem.*

*Detrahentem & diminuentem famam secretò & in absentia proximo suo, * ego hunc persequabar, arguendo & increpando ne hoc ageret.*

*Superbo oculo, & præsumtuofo, et infatiabili corde * in avaritiam, cum hoc homine non edebam nec conversabar.*

*Oculi mei cordis erant ad fideles terræ, qui fidem & veritatem tenent in terra, ut sedeant & habitent mecum.**

*in iustitia: ambulans in via immaculata
& perfecta, zelator legis Dei, hic mihi
ministrabat in obsequiis bonis.*

Non habitabit in medio domus
meæ & inter ministros meos qui facit
superbiam * alios despiciendo vel concul-
cando, nec qui loquitur iniqua, dolosa,
& pernitiōsa: talis enim non direxit seu
directam gratiam habuit in conspectu
oculorum meorum, immò abominabar
eum.

In matutino & ortu futuri sæculi in-
terficiebam sceleratos, & omnes pec-
catores terræ, * & impios; ut disper-
derem de civitate Domini & societate
sanctorum omnes impænitentes, operan-
tes iniquitatem, & permanentes in vo-
luntate peccandi.

ORATIO.

Divina misericordia nobis præstet gra-
tiam, ut ambulemus in via immaculata,
& innocentia cordis, atque puritate con-
scientiæ, vitando omnia facinora; ut sic
non cum peccatoribus à civitate Domini
in illo extremo iudicio disperdamur, sed
cum electis in tabernacula æternæ felicitatis
recipi mereamur. Per Christum Domi-
num nostrum. Amen.

PSALMUS CI. [sec. Hebr. CII.]

Oratio pauperis afflicti & pœnitentis; cum anxius fuerit in miseriis vitæ præsentis, et petens liberari effuderit devotè coram Domino Deo precem suam, misericordiam implorando.

Domine, Deus omnipotens, exaudi ad effectum salubrem orationem meam * ex corde procedentem, et clamor meus de virtutum zelo ad te veniat, & acceptus coram te fiat.

Non avertas quasi offensus faciem tuam gratia à me * pœnitente, ut indigno: in quacumque die tribulor & pre-mor, vel peccatorum mole, vel tentationum fasce, inclina ad me supplicantem aurem tuam clementia.

In quacumque die & hora invocavero te, * velociter (ut mea exigit miseria) exaudi me, & ad adjuvandum me festina.

Quia defecerunt & evanuerunt, sicut fumus celeriter disparens, dies mei * infructuosi; et ossa mea, quæ sunt anima vires, sicut cremium in sartagine.

toſtum aruerunt à recordatione peccati & tremore iudicii.

*Percuſſus ſum mortalitate ut fœnum quod aret falce reſectum, et aruit ſterilitate peccati cor meum * in devotione; quia oblitus ſum comedere panem meum ſpiritalem, doctrinæ ſcilicet & eucharistiæ.*

*A voce doloroſa gemitus mei * miſiſi pro peccatis, adhæſit & contabuit os meum, præ afflictione pœnitentiali, carni & pelli meæ: adeò maceravi me ipeſum.*

*Similis, propter erubeſcentiam peccatorum, factus ſum avi pellicano, amatori ſolitudinis * & deſerti: factus ſum, non audens comparere, ſicut nycticorax & teter corvus in domicilio ruinoſo.*

*Vigilavi * per cogitationem peccati & miſeriæ propriæ, et factus ſum ſolivagus ſicut paſſer avolans à conſortio hominum ſolitarius habitans in tecto domorum.*

*Tota die irridendo exprobrabant mihi verbis injurioſis inimici mei, * homines mundani: et qui laudabant me ore & non corde, adverſum me, in occulto de-*

PSALMUS CI. 469

detrahentes, jurabant struentes insidias.

Quia cinerem & viles cibos tamquam panem pro pastu manducabam * in esurie, et potum meum delectationis temporalis cum fletu spiritualis pœnitentiæ miscebam gemens pro peccatis.

A facie & præsentia iræ & vindictæ tuæ quam merui peccando, et ab instantia indignationis tuæ * valde horruï; quia, elevans secundum animam me creando ad imaginem tuam, allifisti me secundum corpus in hac pœna & miseria.

Dies mei vani & infructuosi velocissimè, sicut umbra evanescendo, declinaverunt * omnino: et ego, qui florere videbar, sicut fœnum sterilitate culpæ arui propter defectum roris gratiæ.

Tu autem, Domine, incommutabilis in æternum permanes, * dum cetera omnia transitoria sunt: et memoriale tuum promissum, quod est misericordia tua, in generationem præsentem et generationem futuram semper durat usque ad finem sæculi.

Tu, exurgens ad liberandum, miserere Sion, * Ecclesiæ militanti; quia tempus acceptabile miserendi & plenitu-

Gg 3 do

do ejus est , & quia jam venit tempus redemptionis & salutis nostræ.

*Quoniam placuerunt in sua emendatione servis tuis , Angelis , lapides seu fideles pœnitentes ejus * Ecclesiæ ; et terræ ejus , qui sunt terreni prævaricatores , miserebuntur Angeli procuratores.*

*Et inde timebunt etiam Gentes de idololatria conversæ nomen tuum , Domine , * quod JESUS est ; et omnes reges terræ venerabuntur gloriam & omnipotentiam tuam in deitate.*

*Quia ædificavit super fundamenta Apostolorum & Prophetarum Dominus Deus Sion , * Ecclesiam suam ; et postea videbitur Dominus in gloria & maiestate sua , justis præbens beatitudinem æternam.*

*Respexit misericorditer in orationem humilium * & pauperum spiritu , et non spreuit precem eorum emanantem ex cordis devotione.*

*Scribantur hæc Dei beneficia in generatione nova Christiana , quæ altera * est electa à Deo : et tunc populus Christianus , qui creabitur per regenerationem in baptismo , laudabit Dominum.*

PSALMUS CI. 471

*de gratia redempta & misericordia con-
secuta.*

*Quia prospexit oculis misericordiae de
excelsa sinu Patris, sancto suo * habi-
taculo; & ipse Dominus Iesus de caelo
ad veros humiles in terram, quando
Verbum caro factum est, aspexit ut mi-
sereretur omnibus.*

*Ut audiret per ipsum mediatorem
Filium gemitus Sanctorum Patrum, com-
peditorum * in limbo: ut solveret à
peccatis filios diabolica fraude interem-
torum atque mortuorum in peccatis, ne
sic damnarentur ut patres eorum.*

*Ut annuntient liberè confitendo, in
Ecclesia tua Sion, nomen Domini * Je-
su Christi; et laudem ejus prædicando
in Jerusalem, & deinde per orbem ter-
rarum.*

*In conveniendo & congregando po-
pulos, dispersos per orbem, in unum *
intellectum fidei, et reges terrarum ac
principes ut serviant redemptori nostro
Domino Iesu Christo.*

*Respondit populus Christianus ei
Christo, vocanti ad opera sancta, in hac
ambulanda via paenitentiae, virtutis &*

*gratiæ suæ : * Paucitatem atque brevitatem dierum meorum quibus vivam nuntia mihi, ut expendam illos ad salutem animæ meæ.*

*Ne revoces me ab hac vita in dimidio tempore dierum meorum * quibus vivam : in generationem et generationem, quod est æternaliter, anni tui sunt duraturi.*

*Initio temporis tu, Domine, qui es sine tempore & sine initio, terram fundasti * atque mundum hunc visibilem : et opera manuum ac virtutum tuarum sunt cœli & firmamentum ejus. [Hebr. I. 10.]*

*Ipsi, videlicet cœlum & terra, peribunt de hac forma quam modò habent : tu autem in te ipso permanes * immutabilis in gloria majestatis : et omnes homines, sicut vestimentum quod consumitur, veterascent in mortem.*

*Et sicut opertorium quod velat terras mutabis eos, cœlos & elementa, et mutabuntur * in qualitatibus suis : tu autem semper idem ipse es, penitus immutabilis ; et anni tui, quia æterni sunt, non deficient umquam.*

Fili

PSALMUS CI. 473

Filii fervorum tuorum , quos scilicet
per Euangelium gignent sancti Apostoli &
Doctores , habitabunt * tecum in sæcula:
et hoc semen seu generatio eorum tali-
ter in sæculum dirigetur , ut numquam
à præsentia tua absit in gloria.

ORATIO.

Benigne salvator , finum tuæ pietatis no-
bis aperi , ut hereditatem coelestem , quam
amissimus per culpam , rapiamus per poeni-
tentiam. Subinde præsta ut dignis poeni-
tentiæ fructibus peccata , quæ fecimus , sa-
lubriter abstergamus ; quatenus tempora
nobis indulta sic expendamus , ut ad vi-
tam æternam pervenire mereamur gratia
& misericordia Domini nostri J E S U
CHRISTI, cui est honor & gloria in sæcu-
la sæculorum. Amen.

PSALMUS CII. [sec. Hebr. CIII.]

Psalmus iste fit ipsi David , scilicet
vero Christo : laus enim quæ hîc cantatur
fit Christo.

Benedic & gratias age pro beneficiis,
anima mea , Domino , * in omni-
bus operibus ejus : et omnia quæ intra
me sunt , intellectus , voluntas , cetera-
que

474 PSALMUS CII.

que potentia, benedicite nomini sancto ejus: quia omnibus animæ viribus laudandus est Deus.

Benedic, inquam, anima mea Domino: * et, ut semper benedicas, noli oblivisci, tamquam ingrata, omnes retributiones & beneficia ejus quibus liberaliter supra meritum ex gratia te cumulavit.

Qui propitiatur semper omnibus iniquitatibus tuis, * eas remittendo: qui sanat omnes infirmitates tuas, quas sine gratia sua evadere & emendare non potes.

Qui redimit, pretio sui sanguinis, de interitu eterno vitam tuam, * quam perdidisti Deum offendendo: qui coronat te, non tamen tuis meritis, sed in misericordia sua et miserationibus multis.

Qui etiam replet ac satiabit in bonis cœlestibus, ad quæ hîc suspirabas, desiderium tuum: * renovabitur quidem ut aquilæ senescentis juvenus tua, quia nova spiritus consolatione recreaberis.

Faciens misericordias infinitas Dominus * est: et etiam ipse est faciens judicium & vindictam omnibus injuriam

riam & calumniam patientibus. Unde ait : Mihi vindicta , & ego retribuam.

Notas fecit vias suas & præcepta legis Moyfi * legislatori : & filiis Israëli manifestavit voluntates suas , quid velit aut nolit.

Miserator in exhibitione beneficiorum suorum , et misericors in natura est Dominus * Deus , culpas remittendo : longanimis , diu sustinendo peccantes , et multum misericors , ac copiose clementiam impartiens. [Num. 14. 18.]

Non in perpetuum & semper irascetur * pœnitentibus , neque in æternum vindictas comminabitur , immo propitius erit post offensas.

Non secundum peccata nostra & merita , quibus quotidie offendimus , fecit nobis , * neque secundum iniquitates nostras plurimas retribuit nobis : majora enim flagella merebamur.

Quoniam , secundum altitudinem , mensuram & distantiam cœli à terra , * corroboravit & confirmavit Dominus misericordiam suam indeficientem , super timentes se & pœnitentes & humiliantes.

Quan-

Quantum distat ortus solis ab occidente, * & quantum lux à tenebris; tam longè fecit & elongavit à nobis peccatoribus iniquitates & transgressiones nostras, illas remittendo & delendo.

Quomodo & sicut miseretur pater carnalis filiorum suorum delinquentium; ita misertus est Dominus, indulgentissimus parens, timentibus se, * & pœnitentibus de peccatis: quoniam ipse Dominus cognovit figmentum nostrum, & fragilem plasmatationem, & pronitatem ad peccandum.

Recordatus est Dominus quoniam pulvis sumus * & origine & resolutione: homo est sicut fœnum, modicum vivens, citò arescens: & dies, felicitas, & vita ejus, juxta corporis fragilitatem, tamquam flos agri, qui citò transit, sic efflorescit modico tempore.

Quoniam spiritus seu anima pertransibit in illo corpore hominis in morte, & egredietur ab eo: et tunc homo, quia cadaver erit, non subsistet; * et non cognoscet spiritus amplius locum suum in quo habitavit.

Misericordia autem Domini ab æterno
no

no * *promissa*, et usque in æternum *permansura est*, *indeficiens*, super *timentes eum timore casto & filiali*.

Et *justitia illius*, *retribuens mercedem pro operibus bonis*, *erit in filios filiorum* * *seu imitatores & heredes bonorum paternorum*; his certè qui *servant testamentum ejus & precepta*, *intus per fidem*, & *exterius per operationem*.

Et qui *memores sunt semper mandatorum ipsius*, * *non ad audiendum tantum*, *sed ad faciendum ea*: *justificabuntur enim*, *non auditores legis*, *sed factores*.

Dominus Jesus Christus, qui *sedet in cœlo empyreo*, *paravit sedem suam* * *ad dexteram Patris*: et *regnum atque potestas ipsius omnibus dominabitur*, *nullus enim resistere poterit imperio ejus*.

Benedicite Domino & laudate eum, *omnes Angeli & nuntii veritatis ejus*, * *potentes virtute & executores voluntatis divine*, *facientes verbum illius*, *paratissimi & voluntarii ad audiendam vocem sermonum ejus*, *atque ad obediendum ut imperata perficiant*.

Benedicite Domino Deo, *omnes*
vir-

478 PSALMUS CIII.

virtutes ejus * & ordines Angelorum, qui estis ministri ejus, qui facitis voluntatem ejus.

Benedicite Domino, omnia opera ejus * cœlestia & terrestria: in omni loco dominationis & potestatis ejus, ut qui ubique est ubique benedicatur, benedic iterum anima mea Domino, nec unquam cesses à laude ipsius.

ORATIO.

Miserator & misericors Domine, longanimis, & multum misericors: non secundum peccata nostra facias nobis, sed in misericordia tua & in miserationibus multis propitiare delictis nostris, & reple in bonis cœlestibus desiderium nostrum, & sana omnes infirmitates nostras, qui benedicimus nomini tuo in sæcula. Amen.

PSALMUS CIII. [sec. Hebr. CIV.]

Psalmus est ipsius David Propheta.

Benedic, non tantum vox & opera, sed potius anima mea Domino, * pro tantis muneribus & beneficiis: Domine, Deus meus omnipotens, magnificatus es potestate, sapientia, misericordia:

dia: & hoc vehementer, quia major es omni laude.

*Confessionem & laudem Angelorum, et decorem omnium creaturarum induisti, * quia undique laudabilis & decorus appares in eis; amictus & coopertus lumine ineffabili, sicut vestimento: quia lux undique tibi est, qui habitas lucem inaccessibleem.*

*Extendens cœlum sidereum sicut pellem * & tentorium super hemisphœrium nostrum: tu es qui tegis aquis & cœlo crystallino, quod aqueum dicitur, superiora ejus, quia supra firmamentum.*

*Qui ponis nubem, currum & ascensum tuum * in cœlos: qui ambulas super pennas ventorum, quia ubique præsens es in velocitate.*

*Qui facis Angelos & nuntios tuos esse spiritus, * ut inspirent hominibus tuam facere voluntatem; et ministros tuos ignem urentem, ut in aliis lumen veritatis infundant.*

*Qui fundasti terram ipsam in basi super stabilitatem suam, * quia super centrum mundi: non inclinabitur neque dimovebitur loco suo in sæculum sæculi,*

li, in æternum.

Abyſſus, oceanus, ſicut veſtimen-
tum, amictus ejus, * quia mare & flu-
mina operiunt terram ſicut veſtis: ſuper
montes altiffimos ſtabunt aquæ pluvia-
les, quæ generantur ex nubibus.

Ab increpatione, juffu, & volunta-
te tua divina, fugient * aquæ de loco ad
locum: & à voce tonitruï tui, fulgu-
rum, & tempeſtatum, formidabunt at-
que timebunt homines.

Aſcendunt montes & elevantur ſu-
per reliquam terram, et descendunt
campi, * & valles deteriores ſunt, in
locum quem à principio fundaviſti & diſ-
poſuiſti eis.

Terminum poſuiſti aquis oceani,
claudendo eas littoribus, quem non
tranſgredientur: * immò concluſæ mane-
bunt intra terminos ſibi deſtinatos, ne-
que convertentur operire terram,
quantumlibet augeantur & eleventur.

Qui emittis & manare facis fontes
ipſos in convallibus * & locis declivibus:
inter medium montium collectæ per-
tranſibunt aquæ, quæ exonerantur in flu-
vies.

Potabunt & adaquabuntur omnes bestiae agri * & animalia, tam domestica, quàm silvestria: expectabunt onagri, asini silvestres, in siti sua, ut reficiantur per fontes & flumina.

Super ea flumina & montes, volucres coeli aërei habitabunt * idoneo loco: de medio petrarum & nemorum dabunt voces, suaviter canendo creatori.

Rigans montes Dominus de superioribus suis, * nubibus pluviosis: de fructu operum tuorum, scilicet de pluvia, quod est opus tuum, satiabitur terra, & fecundabitur ad ferendum fructum.

Producens fœnum jumentis, * ut inde nutriantur; et herbam servituti & usui hominum, ut inde pascantur.

Ut educas panem de terra, * ad sustentationem vitae humanae; et vinum lætificet cor hominis, ad recreationem, non ad ebrietatem.

Ut homo exhilaret & lætificet faciem suam in oleo, * ejus sapore & condimento; et ut panis cor hominis confirmet, corpus reficiendo.

Saturabuntur ligna campi, quia arbores replebuntur fructibus & ramis; et

cedri Libani etiam humectabuntur, quas plantavit * Dominus : illic , in cedris, passeret & minuta volatilia cœli nidificabunt & quiescent.

Herodii nidus seu domus est in cedris, qui dux est eorum * passerum: & montes excelsi sunt refugium cervis , atque petra in via subterranea est refugium herinaciis , ubi tutò quiescere possunt.

Fecit lunam Deus in tempora , * ut per eam menses & anni numerentur: & sol cognovit ordinatè occasum suum, perinde ac si haberet intellectum.

Posuisti tenebras per occasum solis, et facta est nox * in hemisphærio nostro: in ipsa nocte pertransibunt de loco ad locum omnes bestię silvæ , ad quærendum alimentum.

Catuli leonum pertransibunt rugientes præ fame , ut rapiant * prædam aliquam , et quærant à Deo , cujus est omnibus providere, escam sibi necessariam.

Ortus est sol super terram; et congregati sunt * catuli illi ac reliqua animalia, et in cubilibus suis ac speluncis per diem collocabuntur , & accubabunt à calore solis & timore hominum, ordinatione Dei.

Ex-

Exibit homo, orto sole, ad opus suum * faciendum, et ad operationem suam, qua, jubente Domino, in sudore vultus sui se nutriat, usque ad vesperrum & tenebras: & sic tutò poterit laborare, ceteris bestiis latitantibus.

Quàm magnificata & multiplicata sunt opera tua, Domine! * quia excedunt sensum humanum: omnia in sapientia fecisti, decentissimo ordine & natura: impleta est terra possessione tua & creaturis tuis: tu es dominus universorum.

Hoc mare magnum est profunditate, et spatiosum latitudine, manibus, * quia habet latissima brachia & sinus: illic reptilia sunt & pisces diversorum generum, quorum non est numerus certus apud homines.

Animalia pusilla cum magnis, * maximi pisces & minimi: illic etiam per mare naves pertransibunt, ad deducendum homines & bona eorum.

Draco iste, cete grande, quem formasti ad illudendum ei, * quia, dum capere vult pisces, illi ad ripam fugiunt, at ille insequens impingit se in terram

& capitur : omnia à te expectant naturaliter ut des illis escam, pro natura sustentatione , in tempore opportuno.

Dante te illis *escam* , colligent * *eam* : aperiente te manum tuam , *ex tua largitate* omnia implebuntur bonitate , *& saturabuntur alimentis quæ ex tua bonitate dantur.*

Avertente autem te faciem , *dene- gando alimenta* , turbabuntur * *fame ex defectu naturæ* : auferes spiritum eorum quo vivificantur , et deficient in mortem , et in pulverem suum *primæ originis* revertentur.

Emittes , Domine , Spiritum Sanctum tuum , et *animæ peccatrices* creabuntur , * *& reformabuntur per gratiam tuam* : et sic renovabis in spiritu mentis faciem terræ , *cùm gratia tua reformabuntur ad justitiam Dei.*

Sit gloria Domini , *laus , & honor* , in sæculum , * *absque termino* ; ut , qui gloriatur , in Domino gloriatur : lætabitur Dominus , non in nostris , sed in operibus suis quæ operatur in nobis.

Qui respicit suâ misericordiâ terram , *& visitat homines habitantes in terra* ,
et

PSALMUS CIII. 485

et facit eam tremere * *de peccati conscientia* : qui tangit *compunctione* vel *adversitate* montes *superbos* & *se jactantes*, et *tacti* fumigant *plorantque* pro *peccatis*.

Cantabo Domino , *gratias agendo* pro *beneficiis*, in *vita mea*, * *quoad vixero* : *psallam* Deo meo *creatori* quamdiu sum , & *agnoscam bonitatem ejus*.

Jucundum sit ei & *suave eloquium meum* * & *canticum laudis* : ego verò *delectabor tantum in Domino* *ceu in summo bono* , & *in nullo alio*.

Deficiant , à *suo spiritu* , *peccatores homines* à *terra* & *terrenis concupiscentiis* , et *iniqui cessent* ; ita ut non *fint* * *quales fuerunt* , *sed per Dei gratiam efficiantur justi* : *benedic anima mea*, *memor beneficiorum* , *Domino Deo*.

ORATIO.

Deus , qui omnia in sapientia creasti , & *cujus opera magnificata sunt super terram*: tibi canimus , *psallimus* , & *benedicimus in æternum* , quia *cognoscimus machinam mundi* à te *mirabiliter fabricatam* , quæ nos hortatur ut te *summum bonum* super omnia amemus ; quoniam *universa*,

486 PSALMUS CIV.

pulcra & bona creasti, qui es benedictus
in sæcula. Amen.

PSALMUS CIV. [sec. Hebr. CV.]

Alleluja. [1. Paral. 16. 8. Isai. 12. 4.]

Confitemini Domino, gratias agen-
do pro beneficiis ab eo acceptis, et
invocate nomen ejus * in omni neces-
sitate: & annuntiate seu predicate inter
gentes incredulas opera ejus, sue po-
testatis & bonitatis declarativa.

Cantate ei ore, et psallite ei * corde
& opere, & narrate omnia mirabilia
ejus, & meditamini in eis.

Laudamini, bene operantes, in no-
mine sancto ejus, * ex intentione gloria
divinæ, non propriæ; ut omnia fiant in
nomine Domini: lætetur cum hilaritate
cor quærentium Dominum, ut amore
magis quam timore Deo serviatur.

Quærite Dominum, bona operando,
et confirmamini * in caritate Christi ut
perseveretis: quærite faciem & præsen-
tiam ejus semper, sine intermissione stu-
dendo placere illi, & attendere ad ejus
beneplacitum.

Me.

PSALMUS CIV. 487

Mementote *semper* mirabilium ejus quæ filiis Israël fecit, * *educendo eos de Ægypto*; prodigia ejus quæ patrata sunt in Ægypto, et judicia atque præcepta oris ejus in monte Sinai data.

Semen & imitatores fidei Abraham Patriarchæ sunt servi ejus * Domini: & filii Jacob imitatores, *luctando contra vitia, & supplantando ea, estis electi ejus per gratiam.*

Ipse Dominus Christus, qui nos redemit, est Deus noster * *per verum cultum Christianæ religionis*: in universa terra sunt judicia ejus, quia ubique regnat, judicat, & jubet quæ vult.

Memor fuit, in sæculum, in æternum duraturi, testamenti sui * *novi; & recordatus est verbi quod mandavit predicandum in mille, immò in omnes, generationes.*

Quod testamentum disposuit & pepigit ad Abraham, * & ad illos qui per dilectionem obediunt Deo sicut Abraham: etiam et memor fuit juramenti sui & primæ promissionis factæ ad Isaac, populo gaudenti & glorianti in Deo. [Genes. 22. 16.]

488 PSALMUS CIV.

Et statuit illud *testamentum* & *verbum fidei* ipsi Jacob adhuc *luctanti contra vitia*, in *præceptum*, * *ut firmiter crederet illud implendum*; et Israël Deum *per fidem videnti*, in *testamentum* & *foedus æternum*;

Dicens: Tibi Abraham & posteris dabo terram Chanaan, * *scilicet Promissionis*; & hoc in *funiculum* & *mensuram divisionis hereditatis vestræ*, quia *jure hereditario eam possidebitis*.

Cùm illi, quibus *promisit*, essent numero brevi, * & *tam brevi quod paucissimi etiam erant*, et incolæ, *advena*, *peregrini ejus terræ*, & *non cives*.

Et pertransierunt inde *dispositione divina* de gente Chanaan in gentem * *Ægyptiam*, et de regno uno ad *populum alterum*, sicut patet de Abraham & Jacob.

Non tamen reliquit Dominus aut permisit hominem aliquem nocere eis * *Patriarchis*: immò et corripuit atque afflixit pro eis reges *Ægypti* & *Palæstina*, volentes calumniari eos.

Nolite tangere neque affligere christos & unctos meos, * quos in meam
gra-

gratiam suscepi : et in prophetis meis, predicatoribus verbum meum, nolite malignari neque injuriari. [2. Reg. I. 14. I. Parl. 16. 22.]

Et vocavit atque immisit famem super terram * *Promissionis* : et omne firmamentum panis ad sustentationem vita contrivit , adeò ut coacti fuerint ire in *Aegyptum*.

Misit ante eos in *Aegyptum* virum * *Joseph* : in servum *Israhelitis* venumdatus est à fratribus suis ipse *Joseph*. [*Gen. 37. 36.*]

Humiliaverunt *Aegyptii* in compedibus & vinctulis pedes ejus , ad falsam accusationem domine suæ : ferrum , quia dolor de infamia & timor de morte , pertransiit animam ejus * in tribulatione , donec veniret interpretatio somnii per verbum ejus. [*Gen. 39. 20.*]

Eloquium Domini & spiritus revelans mysteria inflammavit eum , * illuminando de occultis : misit rex *Pharao* , et solvit de vinctulis eum compeditum : princeps populorum , qui fuit *Putiphar* , et dimisit eum liberum. [*Genes. 41. 14.*]

Constituit *rex* eum *Joseph* dominum domus suæ * & omnium rerum familiarium, et principem etiam omnis possessionis suæ, quia præfecit eum toti terræ *Ægypti*;

Ut erudiret & informaret principes ejus *Pharaonis* sicut semetipsum, * in terræ gubernatione, et senes ejus prudentiam de divinis doceret.

Et intravit fame cogente *Israël*, *Jacob* cum filiis, in *Ægyptum*, * ad mandatum *Joseph*: et *Jacob*, qui est & *Israël*, accola fuit & advena in terra *Cham*, quæ est *Ægyptus*, cujus dominus fuit *Cham*, reprobus filius *Noë*. [*Genes.* 46. 6.]

Et ibi auxit Dominus populum suum & numerum filiorum *Israël* vehementer * in parvo tempore, et firmavit eum atque fortiolem fecit super inimicos ejus *Ægyptios*.

Convertit Deus cor eorum *Ægyptiorum*, ut odirent per invidiam populum ejus, * filios *Israël*, cum augerentur; et ut dolum facerent in servos ejus, luti ac lateris operibus opprimendo.

Misit Dominus *Moysem* servum suum,

suum, * *ad liberandum Israël de Ægypto; & Aaron, quem elegit ipsum ut esset coadjutor.* [Exod. 3. 10. & 4. 29.]

Posuit in eis Moyse & Aaron legatis suis verba signorum suorum, * *ut facerent miracula; et prodigiorum multorum, in terra Cham, quæ est Ægyptus.* [Exod. 7. 10.]

Misit tenebras densissimas tribus diebus super Ægyptios, et obscuravit * *totam terram Ægypti; et non exacerbavit, immò dulcoravit Deus sermones suos: quia, cùm Pharaon promittebat pœnitentiam, remittebat plagam.* [Ib. 10. 21.]

Convertit aquas eorum Ægyptiorum in sanguinem, * *ut bibere non possent ipsi, nec animalia: et occidit pisces eorum, quia ibi naturaliter nutriuntur.* [Ib. 7. 20.]

Edidit & produxit terra eorum ranas, * *non solum in locis communibus, sed & in penetralibus & cubiculis regum ipsorum & principum Ægypti.* [Ib. 8. 16.]

Dixit ac præcepit Deus, et venit cœnomyia, * *musca canina; et cinifes,*
mu-

musca minuta, aculeis molesta, in omnibus finibus eorum Egyptiorum, [Ibid. & N. 24.]

Posuit & dedit pluvias eorum Egyptiorum in grandinem, * quia pro pluvia salutiferâ grando vastavit omnia: ignem flammarum comburentem in terra ipsorum. Uredine & coruscatione omnia deperibant.

Et percussit grandine & fulminibus vineas eorum Egyptiorum, et ficulneas eorum: * confregit etiam et contrivit omne lignum & fructiferas arbores finium eorum, tempestate fluminum.

Dixit & præcepit Dominus, et venit statim locusta et bruchus, * hortos, agros & vineas devastans, cujus non erat numerus præ multitudine. [Ib. 10. 12.]

Et comêdit locusta & bruchus omne fœnum & germen in terra eorum, * pascua animalium vitiando; et comêdit omnem fructum segetum terræ eorum, ut etiam homines cibum non haberent.

Et percussit occidendo omne primogenitum, ab homine usque ad pecora, in terra eorum * etiam; & primitias
omnis

PSALMUS CIV. 493

omnis laboris eorum *Ægyptiorum*. [Ib. 12. 29.]

Et eduxit de *Ægypto* eos *Israëlitas* cum argento et auro * quæ ab *Ægyptiis* mutuaverant , et non erat in tribubus eorum infirmus qui ab itinere impediretur. [Ib. 12. 35.]

Lætata est *Ægyptus* valde in protectione & recessu eorum , * propter plagas quas patiebantur ; quia incubuit timor eorum *Hebræorum* , ne redirent super eos *Ægyptios*.

Expandit Deus nubem in protectionem & tegumentum eorum , * contra ardorem solis per diem ; et ignem seu columnam ignis , ut luceret eis contra tenebras per noctem. [Ib. 13. 21. Psal. 77. 14.]

Petierunt à Deo carnes, et venit coturnix * avis gustu delicata: et pane cœli, nempe manna descendente de cœlo aëreo, faturavit eos abundanter. [Exod. 16. 13.]

Dirupit percutiendo petram , et fluxerunt tunc aquæ * in tanta abundantia ; quod abierunt & cucurrerunt in sicco deserto flumina, ita ut biberent homines & jumenta. [Num. 20. 11.]

Quo-

Quoniam memor fuit & recordatus est verbi sancti sui * promissi, quod habuit & fecit ad Abraham puerum & servum suum. [Gen. 17. 7. & 22. 17.]

Et Dominus eduxit de servitute Ægypti populum suum, filios Abraham, in exultatione * & hilaritate; et electos suos eduxit in lætitia post demersos Ægyptios.

Et dedit illis Hebræis regiones gentium * ac terras Chananeorum: et labores populorum atque bona laboribus acquisita possederunt occupando.

Ut custodiant & observent justificationes ejus * atque mandata ceremoniasque veri divini cultus; et legem ejus requirant, ut justè vivant, & diligenter intelligant.

O R A T I O.

Confitentes tibi, Domine, & invocantes nomen tuum, atque enarrantes omnia mirabilia tua, deprecamur, ut qui patribus nostris dux fuisti itineris in deserto, & pavisti eos manna coelesti, nos reficias tuis dapibus; ut tandem in terram viventium per te mereamur induci, & in regno tuo cum sanctis tuis lætitia perfrui sempiterna. Amen.

PSALMUS CV. [sec. Hebr. CVI.]

Alleluja, laudate Deum. [Judith
13. 21.]

Confitemini de peccatis Domino Deo, vos qui graviter deliquistis: quoniam bonus, * benignus, & beneficus est: quoniam in sæculum hoc præsens misericordia ejus qua veniam dat pœnitentibus.

Quis loquetur, dignè laudando, potentias Domini, * & omnipotentiam creatoris? & quis auditas faciet, aliis annuntiando, omnes laudes ejus, & opera ex quibus est laudandus? [Eccles. 43. 35.]

Beati sunt qui primo custodiunt judicium, * rectè judicando, & bonum à malo discernendo; et deinde faciunt justitiam exequendo in opere & rectè agendo etiam in omni tempore, perseveranter.

Memento nostri, Domine, gratiam tuam nobis conferendo ut simus in beneplacito populi tui, * in meritis sanctorum qui tibi placent: visita nos, ut sal-

ve-

venur, in salutari tuo Jesu Christo, in quo peccata dimittuntur;

*Ad videndum te facie ad faciem in bonitate & gratia electorum tuorum, ut participes simus beatorum in cælo: ad lætandum in lætitia gentis tuæ, * ut connumeremur in cœtu piorum; & ut lauderis à nobis cum hereditate tua, qui sunt Angeli & electi.*

*Peccavimus cum patribus nostris, * & in multis offendimus: injustè egimus erga proximum, & iniquitatem fecimus contra Deum. [Judith 7. 19.]*

*Patres nostri in Ægypto, ubi multa facta sunt, non intellexerunt neque adverterunt mirabilia tua, * immò sine fide intuebantur ea: non fuerunt memores beneficiorum & multitudinis misericordiæ tuæ, propter eorum ingratitude.*

*Et irritaverunt Deum ascendentes de Ægypto in mare, * diffisi de potestate divina, mare Rubrum; cùm jam evassissent inimicos submersos.*

*Et Dominus salvavit eos, non propter merita eorum, sed tantùm propter nomen suum * manifestandum & glorifican-*

candum ; ut notam faceret atque ostenderet potentiam suam , Ægyptios submergendo , & Israël salvando.

Et increpuit mare Rubrum suo præcepto , et exsiccatum est * ipsum mare : et deduxit eos in abyssis , sicco vestigio , sicut in deserto , ubi non sunt aquæ. [Exod. 14. 21.]

Et salvavit eos Israëlitas de manu & potestate odientium * & insequentium Ægyptiorum ; et redemit eos de manu servitutis & potestate inimici Pharaonis.

Et operuit aqua maris tribulantes eos , * scilicet Pharaonem & exercitum ejus : unus ex eis , qui persequabantur , non remansit quin submergeretur. [Exod. 14. 27.]

Et, iis visis , crediderunt verbis ejus , * Deo scilicet & Moyse ; et laudaverunt eum tympanis & choris laudem ejus , dicentes : Cantemus Domino gloriosè.

Citò mutati , fecerunt hæc quæ sequuntur , & obliti sunt operum & beneficiorum ejus : * & murmurarunt , et non sustinuerunt neque expectaverunt consilium ejus & Dei ordinationem.

Et concupierunt carnes juxta con-

cupiscentiam & desiderium suum in deserto, * ut gula satisfacerent: et tentarunt Deum, ad probandum potentiam ejus, in inaquoso deserto & loco sine aqua. [Exod. 17. 2.]

Et dedit eis petitionem ipsorum, * scilicet carnes & aquas; et misit saturitatem usque ad nauseam in animas eorum: quia per mensem vesebantur coturnicibus. [Num. 11. 31.]

Et irritaverunt ad iram Moysem in castris * seditiosi, & Aaron sanctum Domini, consecratum pro sacerdotio coram Domino.

Aperta est terra facto hiatu, et deglutivit Dathan * cum tabernaculis suis: et etiam operuit se super congregationem Abiron, qui periit cum suis, qui superbissimi erant & sacrilegi. [Num. 16. 32.]

Et exarsit atque succensus est ignis è cælo, in synagoga & congregatione eorum * qui thuribula tenentes offerebant incensum: unde flamma ex illis resiliens combussit peccatores qui illicitè sacerdotium usurpaverant.

Et præterea fecerunt filii Israël vitulum conflatilem in Horeb, * & prope
mon-

montem Horeb, cujus vertex est Sinai: et adoraverunt illud sculptile idolum pro Deo. [Exod. 32. 4.]

Et mutaverunt gloriam suam atque majestatem Dei sui, qui debebat eis esse gloria, in similitudinem vituli comedentis fœnum: quia honorem Deo debitum attribuerunt simulacro vituli.*

Obliti sunt Deum verum, qui salvavit eos de multis periculis, qui fecit magnalia & prodigia in Ægypto per decem plagas, mirabilia etiam signa in terra Cham, quæ est Ægyptus; terribilia in mari Rubro, Pharaonem & exercitum ejus submergendo.*

Et propter eorum ingratitudinem dixit Dominus Moyse, comminando, ut disperderet eos occidendo: & fecisset, si non Moyse electus ejus stetisset contra, in confractione & plaga qua erant feriendi, in conspectu ejus, ut se obiceret pro illis tamquam mediator; [Exod. 32. 10.]*

Ut averteret & placaret iram ejus, ne disperderet eos vindicando se de tanta ingratitudine & impietate. Et etiam filii Israël pro nihilo habuerunt*

atque contemserunt terram Promissionis desiderabilem, fluentem lacte & melle.

Non crediderunt verbo ejus quo promiserat eos introducere in terram illam, et murmuraverunt (dicentes: *Revertamur in Ægyptum*) in tabernaculis suis,* *cùm essent in otio:* & non exaudierunt vocem Domini, *ut illi obedirent.*

Et elevavit Deus manum & potentiam suam divinam super eos, * *ut prosterneret eos, & morerentur omnes in deserto, præter Josue & Caleph. [Num. 14. 32.]*

Et etiam ut deiceret in captivitatibus semen eorum, filios, ac sequaces, in nationibus * & gentibus diversis per circuitum; et dispergeret dividendo eos in regionibus, *ob incredulitatem & murmuraciones eorum.*

Et initiati sunt atque consecrati Beelphegor, * *idolo Moabitarum;* et comederunt sacrificia mortuorum, *scilicet de carnibus animalium idolis immolatorum.*

Et irritaverunt eum Deum in adinventionibus suis * & peccatis ab eis studiosè factis: et multiplicata est in eis *plaga mortis & ruina, quia occisi sunt viginti quatuor millia hominum.*

Et

Et stetit pro Deo Phinees contra idolatras, et placavit * Deum per suum bonum zelum : et cessavit quassatio & plaga à populo. [Num. 25. 7.]

Et reputatum est ei Phinees hoc factum in justitiam * à Deo, quia ex zelo fidei processit, in generationem presentem et generationem subsequenter usque in sempiternum, aternaliter.

Et irritaverunt etiam eum Deum ad aquas contradictionis, * contumeliosè loquendo contra Moysen : et vexatus est Moyses, & mente turbatus ut hæsitaret, propter eos sic irritantes ; quia durius loquendo exacerbaverunt & ad diffidentiam provocaverunt spiritum ejus, ita ut dubitaret an posset elicere aquam è petra. [Num. 20. 10.]

Et distinxit inconsideratè in labiis suis, * ac verbis impegit coram populo Deum non glorificando : & filii Israël non disperdiderunt gentes impias de terra Promissionis ; quas dixit Dominus illis ut eas exterminarent, ne provocarentur ad idololatriam cum illis.

Et commisti sunt inter Gentes per cohabitationem & mutua connubia, et

didicerunt in ritu & moribus opera eorum mala, et servierunt sculptilibus eorum * idololatrarum : et factum est illis in scandalum , quo Deum offenderunt.

Et immolaverunt , secundum ritum Gentium , filios suos * et filias suas , eos occidendo , dæmoniis , & idolis in honorem demonum dedicatis.

Et effuderunt sanguinem innocentem , * contra legem nature : sanguinem , inquam , filiorum suorum et filiarum suarum , in gratiam demonum , quas sacrificaverunt & immolaverunt sculptilibus Chanaan , trahendo parvulos per ignem.

Et infecta atque polluta est terra in sanguinibus & parricidiis filiorum , et contaminata est in operibus eorum , * per predictas immolationes : et fornicati sunt , idolis serviendo , in adinventio- nibus & adulterinis suis superstitionibus.

Et propter ista iratus est & exarsit furore gravi Dominus Deus in populum suum * Israël : et abominatus est detestando hereditatem suam , quos primo elegerat.

Et tradidit eos impios in manus &

*potestatem Gentium , * ut eis servirent: et illi dominati sunt eorum , multis miseriis affligendo , qui etiam & oderunt eos Israëlitas.*

*Et tribulaverunt eos graviter inimici eorum , dura servitute opprimendo; et humiliati sunt atque viles effecti sub manibus & potestate eorum: * & tamen Dominus sæpe liberavit eos ab inimicis.*

*Ipsi autem similiter exacerbaverunt & provocaverunt eum ad iram , peccata reiterando ; & hoc in consilio suo * malo , ut , Deo relicto , idola sequerentur: et ideo humiliati & conculcati sunt ab inimicis , in iniquitatibus suis & peccatis.*

*Et tandem vidit Deus oculo misericordie suæ , cùm tribularentur * Israëlita ab inimicis; et audivit orationem eorum , & misertus est impietatis.*

*Et memor fuit pacti seu testamenti sui * promissi ad Abraham : et poenituit eum , quia ad modum poenitentis se habuit , secundum multitudinem misericordiae suæ , magis quàm secundum merita illorum. [Deut. 30. 1.]*

Et dedit eos Israëlitas in misericor-

dias, * *in benevolentiam, & reverentiam*, in conspectu omnium populorum qui ceperant eos ; *ita ut, quos prius despectui habebant, post honorarent.*

Salvos nos fac, Domine, Deus noster, * *de servitute & angustiis quibus affligimur*, et congrega nos de gentibus & nationibus in quibus dispersi sumus.

Ut confiteamur confessione laudis nomini sancto tuo, * *celebremus & laudemus pietatem tuam*; et gloriemur in laude tua, *non in jactantia & viribus nostris.*

Benedictus est Dominus Deus Israël, *in omnibus quæ fecit & faciet nobis, in adversis & prosperis, à sæculo præsentis et usque in sæculum* * *æternum*: et dicet atque confirmabit omnis populus, *tam de Judæis, quàm Gentibus*: Fiat, fiat, amen, amen.

ORATIO.

Confitemur delicta nostra, & misericordiam tuam imploramus, Domine; quia peccavimus cum patribus nostris, injustè egimus, & iniquitatem fecimus. Salva nos, Domine, Deus noster, qui confitemur nomini sancto tuo, & gloriamur in
lau-

PSALMUS CVI. 505

laude tua. Memento nostri gratiam conferendo, atque visita, ut salvemur in salutari tuo JESU CHRISTO. Amen.

PSALMUS CVI. [*sec. Hebr. CVII.*]

Alleluja, laudate Dominum. [*Judith 13. 21.*]

COnfitemini Domino confessione, tam peccatorum, quàm laudis; quoniam bonus, * suavis, & mitis, quoniam in sæculum & in æternum est misericordia ejus, quæ numquam negatur pœnitentibus.

Dicant nunc laudes Deo Christiani, qui redempti sunt sanguine Christi, à Domino de Gentibus ad fidem conversi, quos redemit de manu & potestate inimici * diaboli, et de regionibus diversis congregavit eos in unitate fidei.

A solis ortu, quod est ab oriente, et occasu, * scilicet occidente; ab aquilone seu septentrione, et mari austro: ex omnibus mundi partibus redempti fideles, gratias agant Deo.

Erraverunt olim isti, quos redemit, in solitudine, sine Deo, non habentes

viam

*viam veritatis ; & in inaquoso , * in
mentis ariditate , sine rore gratiæ & do-
ctrinæ : viam civitatis habitaculi & pa-
triæ cœlestis non invenerunt , quia viam
Christi quæ ducit ad regna cœlorum i-
gnoraverunt.*

*Esurientes , quia erant sine cibo ver-
bi Dei , et sitientes * potum spirituales
gratiæ : anima eorum in ipsis studiis
suis & laboribus defecit ab inventionem
veræ beatitudinis.*

*Et clamaverunt pro consolatione spi-
ritus ad Dominum Deum , cùm tribu-
larentur * errore , fame , siti : et de ne-
cessitatibus & angustiis eorum ac coar-
ctationibus conscientiæ eripuit eos , viam
veritatis ostendendo.*

*Et deduxit eos ab errore in viam
rectam * fidei , & de ignorantia ad
viam veritatis ; ut per illam irent bene
operando in civitatem habitationis , quæ
est cœlestis Jerusalem.*

*Confiteantur Domino hæ ipse mi-
sericordiæ ejus , * et mirabilia ejus ex-
hibita filiis hominum : quia gratis ex
pura sua misericordia nos liberavit , non
meritis aut viribus nostris.*

Quia

Quia fatiavit sua gratia animam inanem * & sterilem bonorum, et animam esurientem justitiam fatiavit bonis spiritualibus.

Sedentes ex prava consuetudine in tenebris ignorantie et in umbra mortis, * in vitiosa hujus seculi vita, quæ est imago future mortis: vinctos atque ligatos in mendicitate bonorum, et ferro atque obstinatione malorum.

Quia exacerbaverunt atque contemserunt eloquia Dei, * loquentis per legem & Prophetas; et consilium altissimi, quod erat ut justè viverent, irritaverunt, scientes voluntatem Domini, & negligentes.

Et ideo humiliatum est tandem in laboribus vitiorum cor eorum, * quia lassati sunt in via iniquitatis & perditionis: infirmati sunt omni virtute destituti, nec fuit ex hominibus qui adjuvaret, nisi solus Deus.

Et clamaverunt pœnitentes ad Dominum pro auxilio, cùm tribularentur * his malis: et de necessitatibus eorum atque angustiis animæ & corporis, mentis & spiritus, liberavit eos.

Et

Et eduxit eos de tenebris *ignorantiae ad lumen fidei*, et de umbra mortis * *atque peccato idololatriæ ad veritatem vitæ, quæ est vita gratiæ: et vincula eorum, quibus detinebantur in servitute diaboli, dirupit penitus.*

Confiteantur Domino & gratias agant ipsæ misericordiæ ejus, * *quibus à malis liberat, & bona præstat; et mirabilia ejus exhibita gratis filiis hominum, nullis præcedentibus meritis.*

Quia contrivit sua virtute divina portas æreas, * & obstinatas vitiorum concupiscentias; et vectes ferreos atque diabolicas suggestiones confregit, quando ipsos adventus sui lumine misericorditer respexit.

Suscepit liberando eos per suam misericordiam de via iniquitatis eorum, * & posuit in via aquitatis: propter injustitias enim suas permisit Deus ut affligerentur, & humiliati sunt, atque dejecti in varios errores.

Omnem escam spiritualem abominata est & fastidivit anima eorum * infirma, et appropinquaverunt & periclitati sunt usque ad portas mortis eter-

na & damnationem perpetuam.

Et ita periclitati clamaverunt ad Dominum pro auxilio, cùm tribularentur * fastidio & tadio : et de necessitatibus eorum anima & corporis liberavit eos.

Misit Deus Pater Verbum suum, Dominum Christum, qui in principio erat Verbum : et sanavit eos * à languore mortis anima, et eripuit eos de omnibus peccatis & interitionibus eorum, per quæ interit & occiditur anima.

Confiteantur Domino, non merita eorum, non vires, non sapientia, sed misericordiæ & miserationes ejus : * et laudetur Deus per mirabilia ejus, quæ fecit filiis hominum.

Et sacrificent pro gratiarum actione sacrificium, non pecudum, sed laudis, * ex cordis devotione ; et annuntient aliis opera ejus, ad laudem Dei, & utilitatem proximi : & hoc non cum tadio vel mœrore, sed in exultatione & hilaritate mentis.

Qui descendunt mare hoc spatiosum in navibus, * ut regant eas, facientes operationem periculosam & laboriosam in

510 PSALMUS CVI.

in aquis multis per varios fluctus.

*Ipsi navigantes viderunt & experti sunt opera Domini * multa & insolita, et mirabilia ejus in variis monstis, in profundo maris.*

*Dixit Dominus solo nutu, et stetit atque sedatus est spiritus procellæ * & ventus tempestatis: et etiam interdum exaltati sunt atque intumuerunt fluctus ejus maris, imperio illius.*

*Ascendunt fluctus & naves usque ad cœlos in altitudinem, et etiam descendunt in profundum usque ad abyssos * horribiliter: unde anima eorum navigantium in malis & afflictionibus tabescebat, præ magnitudine periculorum.*

*Turbati sunt navigantes, et moti sunt tremendo corpore, sicut ebrius * qui stare non potest: et omnis sapientia atque industria eorum absorpta & devorata est, quia nesciunt sibi nec aliis consulere.*

*Et clamaverunt petendo auxilium ad Dominum, qui imperat ventis & mari, cùm tribularentur * atque periclitarentur tempestate: et de necessitatibus eorum atque perturbationibus eduxit eos,*

eos, deducendo ad portum salutis.

*Et statuit procellam atque tempestatem ejus maris in auram * serenam & tranquillam, et filuerunt ab aestu fluctus ejus jam tranquilliores.*

*Et lætati sunt navigantes, quia filuerunt * & pacati sunt fluctus: et deduxit eos Dominus in portum securum voluntatis eorum, ab eis desideratum.*

*Confiteantur Domino Deo misericordiae ejus, * celebrando beneficia præstita; et mirabilia ejus innumera exhibita filiis hominum, ut non obliviscantur misericordiam, miseras amoventem, & mirabilia beneficia conferentem.*

*Et exaltent eum laudibus, in ecclesia & congregatione plebis * communis: et in cathedra seniorum atque ordine sapientum laudent eum, in donis & beneficiis suis.*

*Posuit & arescere fecit flumina, propter peccata hominum, in desertum, * ne possent terram irrigare; et exitus aquarum, terram copiosam fontibus, in sitim & siccitatem.*

*Terram fructiferam & bonam, in falsuginem * & sterilitatem: & hoc à*
ma-

malitia & propter malitiam hominum
atque perfidiam inhabitantium in ea.

Posuit desertum & terram siccam in
stagna aquarum,* ita ut abundet aquis:
et terram aridam seu sine aqua fecit in
exitus aquarum, ita ut illic erumpant
fluvii & fontes.

Et collocavit illic esurientes,* qui
propter sterilitatem loci recesserant: et
constituerunt atque paraverunt civita-
tem habitationis in eodem loco.

Et seminaverunt agros in cibum, et
plantaverunt vineas* in potum, et fe-
cerunt fructum nativitatis naturalem
& bonum.

Et benedixit eis hominibus Deus, et
multiplicati sunt nimis* in prole &
possessione: et jumenta eorum atque
pecora non minoravit, sed potius multi-
plicavit.

Et, postquam peccaverunt, pauci fa-
cti sunt* & imminuti, et vexati sunt à
tribulatione & angustia malorum et
dolore.

Effusa & orta est contentio super
principes* eorum: et errare fecit at-
que permisit eos in invio infidelitatis,
et

et non sunt reversi in via fidei.

Et adjuvit sublevando pauperem & miserum de inopia * & afflictione : et posuit in loco secundo , sicut oves vel gregem , familias , ut multiplicarentur in prole.

Videbunt providentiam Dei ad bonos & malos recti corde , et lætabuntur * atque gratulabuntur de tot beneficiis & sanctis Dei operibus : et omnis iniquitas atque injustitia oppilabit & obstruet os suum , non audens resistere Deo. [Job 22. 19.]

Quis sapiens & spiritu Dei edoctus , et custodiet hæc * Dei beneficia jugiter ruminando ? et intelliget , non merita sua , non vires , in his gloriando ; sed misericordias & miserationes Domini , quod superbis resistit , & humilibus dat gratiam?

ORATIO.

Confitemur , Domine , misericordias tuas , quas jugiter exerces circa nos poenitentes. Clamamus ad te , quia tribulamur. Libera nos & auxiliare , quia præter te non est adiutor. Disrumpe vincula delictorum quibus detinemur in servitute diaboli , & educ nos de tenebris ignorantiae

514 PSALMUS CVII.

ad lumen fidei, & de umbra mortis ad veritatem vitæ, ut tibi soli sacrificemus sacrificium laudis. Amen.

PSALMUS CVII. [*sec. Hebr. CVIII.*]

Canticum istud, agens de mentis jucunditate, est Psalmus, quia movet ad bona opera, & attribuitur ipsi David Propheta.

PAratum est cor meum, Deus, ad confitendum tibi, paratum cor meum * ad faciendum quæ præcipis: cantabo devotè, et psallam in júbilo, tum mentis, tum vocis: & hoc in gloria mea, quia nulla mihi est gloria nisi in laudibus tuis.

Exurge gloria mea, exurge psalterium decachordum, et cithara * jubilationis: exurgam à vitiis ad bona opera, diluculo, in ortu gratiæ.

Confitebor tibi confessione laudis, in populis, Domine, * bonitatem tuam laudando: et psallam, bona opera faciendo, tibi, ad honorem tuum, in nationibus, bonum exemplum aliis præbendo.

Quia

PSALMUS CVII. 515

*Quia magna est super cœlos, unde gratiarum beneficia nobis transmittis, misericordia tua * divina, et usque ad nubes toto orbe terrarum diffusa est veritas tua & promissionum tuarum.*

*Exaltare ascendendo super cœlos & choros cœlestes, Deus Filius: et super omnem terram ubique divulgetur gloria tua, * ut agnoscant potentiam tuam & bonitatem tuam, ut liberentur dilecti & prædestinati tui à servitute peccati & diaboli.*

Salvum fac dextera tua, &c.

*Hic & reliqui versus supra expositi sunt
Psalm. 59. à pag. 270.*

ORATIO.

Paratum est cor nostrum, Domine, tibi psallere & cantare júbilo mentis & vocis, quia tu es gloria conscientiae nostrae. Confitemur nomini tuo divino, cum magna sit super cœlos misericordia tua. Fac itaque ut illuc tendamus, quò tibi canitur laus & gloria in sæculorum sæcula. Amen.

PSALMUS CVIII. [*sec. Hebr. CIX.*]

In finem & Christum Psalmus est
Kk 2 *ipsius*

316 PSALMUS CVIII.

*ipsius David Prophetæ. Loquitur Christus
in forma humanitatis assumptæ.*

DEus Pater, laudem meam contra
improperia inimicorum ne tacue-
ris, * *sed fac me cognosci & laudari per
totum mundum : quia os peccatoris &
cætus Phariseorum et os dolosi Juda
proditoris super me apertum est, dicen-
do blasphemias & multa falsa testimonia.*

*Locuti sunt Judas & Pharisei adver-
sum me innocentem lingua dolosa, si-
mul conferendo de traditione mea : et
sermonibus odii circumdederunt me,*
dicentes : Demonium habes : et expu-
gnaverunt me multis improperiis, gratis,
sine mea culpa.*

*Pro eo beneficio ut me diligenter,
detrahebant mihi,* negantes me filium
Dei : ego autem pro ipsis persecutori-
bus orabam.*

*Et ipsi posuerunt adversum me in
verbis & factis mala pro bonis : * et,
quia impii erant, odium reddebant pro
dilectione mea quam exhibui populo Ju-
daico.*

*Constitue, super eum populum Judai-
cum,*

PSALMUS CVIII. 517

*tum, peccatorem, * id est demonem : et diabolus vel Satan stet atque maneat à dextris ejus , ut sit eorum dominus, quia me recusant.*

*Cùm judicatur ante tribunal eterni judicis , exeat de congregatione justorum condemnatus * in ignem eternum , et oratio ejus fiat illi in peccatum.*

*Fiant dies ejus Judæ traditoris pauci * (sic fuit , quia post proditionem cito se suspendit) : et episcopatum ejus seu dignitatem Apostolatus accipiat alter, scilicet Matthias. [Joan. 17. 13. Act. 1. 20.]*

*Fiant filii ejus Judæ orphani * patre carnali , et uxor ejus per mortem ipsius fiat vidua ; pro quibus sustentandis fur erat & latro.*

*Nutantes , vagi , instabiles , incerti quò eant , transferantur filii ejus Judæi de loco ad locum ; et mendicent , * omnibus bonis spoliati : et ejiciantur, omni presidio destituti , de habitationibus suis.*

*Scrutetur & inquiret fenerator seu exactor omnem substantiam ejus , * ut eam tollat : et diripiant alieni labores*

Kk 3

ejus,

518 PSALMUS CVIII.

*ejus, videlicet divitias laboribus ejus
acquisitas.*

*Non sit illi populo Judaico adjutor, *
qui insurgat ad defensionem ejus: nec
sit illi qui misereatur pupillis ejus, tuen-
do & fovendo posteritatem ejus.*

*Fiant nati & filii ejus in interitum, *
ut moriantur propter peccatum patrum:
in generatione una citò & in brevi de-
leatur nomen ejus, & dispergatur Is-
raël per mundum.*

*In memoriam redeat iniquitas & im-
pietas patrum ejus, ut sint odio in con-
spectu Domini * Dei: et peccatum ma-
tris ejus Synagoga infidelis non deleatur,
sed semper puniatur.*

*Fiant & maneant Judæi obstinati con-
tra Dominum Jesum Christum semper,
& hîc & in futuro; et dispereat de terra
viventium memoria eorum: * & hoc
pro eo quod non est recordatus popu-
lus Judaicus facere misericordiam; sed
potius maximam crudelitatem, perse-
quendo salvatorem.*

*Et persecutus est populus ille Judai-
cus hominem Christum, de virgine na-
tum, inopem et mendicum, * qui pro*

no-

PSALMUS CVIII. 519

nobis pauper factus est ut nos divites faceret ; et compunctum corde atque afflictum alienis miseriis mortificare, ut eum occiderent.

Et dilexit populus Judaicus maledictionem, dum clamabant : Sanguis ejus super nos & super filios nostros. Et veniet ei, * sicut Judæis contigisse vidimus mille quingentis annis : et noluit benedictionem in lege promissam ; et elongabitur ab eo, quia transivit ad Gentes.

Et induit populus Judaicus maledictionem ipsam sicut vestimentum * quod corpus circumdat : et intravit ipsa maledictio sicut aqua in interiora ejus, in animam depravatam, et sicut oleum in ossibus ejus; intus, & extra.

Fiat ei populo maledictio & peccatum sicut vestimentum quo operitur * & circumdatur ex omni parte, et sicut zona qua semper præcingitur; ut sit semper maledictione ligatus.

Hoc est opus, pœna, & retributio eorum qui detrahunt mihi, dicentes me non esse Christum, apud Dominum * Deum Patrem; et qui loquuntur mala atque blasphemias adversus animam &

520 PSALMUS CVIII.

humanitatem meam.

Et tu , Pater , Domine , Domine ,
Deus Angelorum & hominum , fac me-
cum suscitando à morte corporis , pro-
pter nomen tuum * glorificandum ; quia
suavis , pia & benigna est misericordia
tua , per quam generi humano voluisti
subvenire.

Libera me de hujusmodi corporis in-
firmitate per resurrectionem , quia ege-
nus et pauper ego sum * quamdiu invol-
vor hujus carnis corruptione , et cor
meum conturbatum & sauciaturum est
intra me naturali instantis passionis ti-
more.

Sicut umbra , cùm declinat ad occa-
sum , ablatum sum * de vita presenti per
mortem : et excussus sum à Judæorum
manibus , sicut locustæ , quia saltu su-
bitæ resurrectionis evolavi.

Genua mea & fortiora membra , qui
fuerunt Apostoli , infirmata sunt & de-
bilitata à jejuniis , * quia divini verbi re-
fectionem non habebant : et caro mea
à mortis ignominia immutata est in glo-
riam immortalitatis , & hoc propter
oleum & propter gratiam spiritualem
Chri-

PSALMUS CVIII. 521

*Christo homini datam in incarnatione , à
cujus olei unctione dictus est Christus.*

*Et ego factus sum , per ignominiam
crucis, opprobrium illis * Judais : vide-
runt me pendentem in cruce , et move-
runt capita sua , blasphemando.*

*Adjuva me , Domine Pater , Deus
meus , * in passione, humanitatem meam
confortando : saluum me fac à morte re-
suscitando secundum misericordiam
tuam , qui semper benefacis & defendis.*

*Et per hoc sciant boni ad gloriam,
mali ad pœnam , quia manus & potestas
tua hæc * operata est ; et tu , Domine
Pater , fecisti eam misericordiam, ut per
meam passionem redimeretur genus hu-
manum.*

*Maledicent illi obstinati Judai; et tu,
Deus Pater , benedices * & benefacies:
qui insurgunt in me filium tuum , ad-
versarii veritatis , confundantur ; ser-
vus autem tuus , tibi obediendo usque
ad mortem , lætabitur , ad dexteram
tuam collocatus.*

*Induantur adversarii , qui detra-
hunt mihi , ignominia , pudore * & op-
probrio ; et operiantur sicut diploide,
tam-*

322 : PSALMUS CVIII.

*tamquam duplici pallio, confusione sua,
intus & extra, coram Deo & hominibus,
in corpore & in anima.*

Confitebor Domino Patri, ipsum
laudando, nimis, ex vehementi affectu,
in ore meo * & meorum; et in medio
multorum, quia in universo mundo, lau-
dabo eum in membris meis.

Quia astitit juvando à dextris pau-
peris, * vires mihi ministrans in passio-
ne; ut salvam faceret à persequentibus
Judais animam & humanitatem meam,
me resuscitando à morte gloriose.

ORATIO.

Omnipotens, sempiternus Deus, qui fi-
lium tuum Dominum nostrum JESUM
CHRISTUM pro reatibus nostris mortem
crucis ignominiosam subire voluisti, ut
nos à morte æterna redimeres: fac, qua-
sumus, nobiscum misericordiam propter
nomen sanctum tuum, & libera nos à per-
sequentibus vitiis, & à diabolo calumnia-
tore, ne stet à dextris. Per eundem CHRI-
STUM &c.

PSALMUS CIX. [sec. Hebr. CX.]

Psalmus iste est David Propheta, qui
lo-

loquitur hinc mysteria incarnationis Christi.

Dixit & aeterna dispositione ordinavit Dominus Deus Pater Domino meo * Christo filio suo (quem David Dominum vocat ratione divinitatis suae): Sede & quiesce à dextris meis, ac mihi corregna; [Matth. 22. 44.]

Donec ponam omnes inimicos tuos * Judaeos, qui persecuti sunt te Christum, scabellum pedum tuorum, subiectos tuae voluntati & imperio. [1. Cor. 15. 25. Hebr. 1. 13. & 10. 13.]

Virgam virtutis tuae, sceptrum potentiae, virtutem fidei & caritatis, emitte Dominus, qui omnia in Christo facit, ex Sion, * ubi coepta est praedicari lex gratiae & verbum Dei: dominare jam in medio inimicorum tuorum Judaeorum, Paganorum, Haereticorum, tu qui es dominus omnium.

Tecum sum principium unum & idem, quia eadem est dominandi potestas, & principandi auctoritas: & hoc apparebit in die virtutis & claritatis divinitatis tuae, quando videberis sicuti es in splendoribus sanctorum, * quando

do justī fulgebunt sicut sol in regno Dei: Ego Pater ex utero, ex arcano substantia mea atque ex ipsa divinitate, ante luciferum, ante stellas atque tempora, ante omnem creaturam, genui te ineffabili & aeterna generatione.

*Juravit Dominus Pater Christo & inconcussa veritate firmavit, et non poenitebit eum * neque mutabit sententiam: Tu es sacerdos in æternum ad interpellandum pro hominibus (quia semetipsum obtulit Deo Patri in ara crucis) secundum ordinem Melchisedech. Is enim panem & vinum obtulit in sacrificio, & Christus ita fecit in consecratione corporis & sanguinis sui. [Joan. 12. 34. Hebr. 7. 6. Hebr. 7. 17.]*

*Dominus Jesus sacerdos iste à dextris tuis * residens, interpellans pro nobis, confregit & conquassavit, in die iræ & vindictæ suæ, reges qui gratiæ suæ beneficia contemserunt & persecuti sunt.*

*Judicabit judicio finali in nationibus & gentibus diversis: implebit ruinas * Angelorum, quia homines illuc ascendere faciet: conquassabit graviter puniendo capita, in terra hujus sæculi,*
mul-

multorum principum & hæreticorum.

De torrente & fluxu mortalitatis nostra in via vite presentis bibet, * nascendo, & moriendo : propterea quia sic humiliabitur etiam usque ad mortem, exaltabit Deus Pater caput ejus, quia dabit ei regnum æternum quod est super omne regnum. Unde dominus erit omnium, cælestium, terrestrium, & infernorum.

ORATIO.

Omnipotens Deus, qui filium tuum, qui tecum principium est unum & idem, generatione ineffabili & æterna genuisti; & sacerdos factus secundum ordinem Melchisedech, corpus & sanguinem proprium obtulit in ara crucis ad reconciliationem nostram, tibi obediens usque ad mortem: quæsumus, ut mors ejus spontanea sit nobis vita æterna. Amen.

PSALMUS CX. [sec. Hebr. CXI.]

Alleluja, laudate Deum.

Confitebor tibi, Domine, & gratias agam, in toto corde meo, * intellectu & affectu; in consilio justorum, non in conventiculis hæreticorum; et

et in congregatione seu Ecclesia fidelium, ubi congregantur iusti.

Magna sunt opera Domini * & inscrutabilia, exquisita sunt & investiganda in omnes voluntates ejus: quia omnia, quaecumque voluit, fecit in cœlo & in terra.

Confessio peccatorum et magnificentia de divinis est opus ejus * (non ergo gloriatur in se homo, quia omnia sunt à Deo): et justitia ejus, merces quæ justè datur, & retributio justitiæ, manet incommutabilis in sæculum sæculi, æternaliter.

Memoriam fecit in recordatione mirabilium beneficiorum suorum, in opere incarnationis & redemptionis, misericors naturâ, et miserator Dominus * in effectu: escam spirituales, videlicet corpus & sanguinem suum, dedit in sacramento timentibus se.

Memor erit Dominus in sæculum & in æternum testamenti & pacti sui * promissi, quo præcepit nobis facere justitiam & promittit vitam: virtutem operum suorum & rationes divinæ bonitatis in operibus Dei intelligendas annuntiabit,

de-

*declarabit & manifestabit populo suo
adoptivo, fideli, & Christiano;*

*Ut det illis hereditatem gentium, *
benedictionem gentibus in Christo promif-
sam, salutem, pacem, & gratiam:
opera manuum & potestatum ejus sunt
veritas, quia quidquid promisit adimple-
bit; et judicium, quia reddet unicuique
prout gessit. Omnia enim opera Domini,
vera, recta, justa, sancta sunt.*

*Fidelia etiam sunt omnia mandata
ejus, & fide recta à nobis adimplenda,
confirmata & firmiter servanda in sæcu-
lum sæculi, * semper, & ab omnibus:
quia facta sunt in veritate à Christo, qui
est ipsa veritas; et æquitate: æquissi-
ma enim sunt & recta, & non est ini-
quitas in eis.*

*Redemptionem & salutem misit Do-
minus Pater populo suo * Christiano,
quando Christus ex obedientia Dei Patris
venit ad passionem, per quam redem-
tum est genus humanum: mandavit &
voluit ut in æternum duraret testamen-
tum suum novum, quia illi aliud non
succedet.*

*Sanctum bonis ut ametur, et terribile
ma-*

*malis ut timeatur, nomen ejus * salvatoris, quod JESUS est, in quo sanctificamur & justificamur: initium veræ sapientiæ est timor Domini; ut ad ejus verba & opera trepidemus, ac ad humilitatem moveamur. [Proverb. 1. 9. Eccles. 1. 16.]*

*Intellectus hujus timoris est bonus & utilis omnibus facientibus eum * & opere adimplentibus, qui sic intelligunt ut faciant quæ timor suadet: laudatio ejus redemptoris nostri manet in sæculum sæculi: semper enim laudandus est Christus Dominus & Deus noster.*

O R A T I O.

Misericors & miserator Dominus, cujus opera omnia sunt veritas & judicium: tribue nobis timorem nominis tui sancti & terribilis, quem esse initium sapientiæ prædixisti; ut, justorum congregatione admixti, misericordiæ tuæ esseis spiritualibus faginemur. Amen.

PSALMUS CXI. [*sec. Hebr. CXII.*]

Alleluja, reversionis Aggæi, et Zachariæ. Laudate Dominum.

BEA-

Beatissimus est vir ille qui filiali affectu
timet Dominum, * & offensam
ejus incurrere : in mandatis ejus adim-
plendis volet & cupiet nimis, alacri
animo & desiderio intenso.

Potens in terra viventium, ad emen-
dum regnum cœlorum, erit semen messis
ejus * futura, quæ sunt opera misericor-
diæ : generatio rectorum & opus eorum,
qui sunt recti corde, benedicetur ater-
na retributione.

Gloria de puritate conscientia, et di-
vitia sanctarum virtutum sunt in domo
ejus * & cordis secreto, ubi conscientia
habitat : et justitia seu merces justitia
ejus manet in sæculum sæculi, quia
æternaliter premiabitur.

Exortum est ac illuxit in tenebris
hujus mundi lumen gratia & sol justitia
rectis * corde ac justis : misericors est
Dominus natura, et miserator exhibi-
tione, et justus, reddendo secundum
opera dum remunerat.

Jucundus, latus in conscientia, &
gratus Deo, est homo ille qui misere-
tur egentibus, de suo largiendo ; et

commodat opere & facto, erogando pecunias, labores, ceteraque beneficia: disponet in presenti & congregabit sermones suos, qualiter Domino respondebit in iudicio * futuro de operibus misericordiae exhibitis, quia in æternum talis non commovebitur, & numquam à gloria Domini separabitur, sed fixus in Deo persistet.

In memoria æterna coram Deo erit iustus, * pius & misericors, quia scriptus in libro vitæ: ab auditione mala & maledictione (qua dicetur impiis: Ite in ignem æternum) non timebit, quia bonam audiet, quam audituri sunt misericordes.

Paratum semper & promptum est cor ejus iusti sperare in Domino, ut promissa ipsius percipiat: confirmatum & in amore Christi fixum est cor ejus * per gratia & virtutis habitum: non commovebitur à iustitia & spe sua; donec, existens in terra viventium, inde despiciat per contemptum inimicos suos visibiles, & invisibiles.

Dispersit amore Dei, non thesauravit sibi; & dedit atque dispensavit pos-

PSALMUS CXI. 331

*possessiones suas pauperibus, non histri-
onibus, aut adulatoribus: justitia ejus &
merces misericordiae ejus manet in saecu-
lum saeculi,* quia premium erit aeternum;
& cornu virtutis ejus exaltabitur ac
clarificabitur in gloria aeterna.*

*Peccator & impius videbit hoc ad
suam poenam; et irascetur contra se i-
psum, quod non fecerit bona: dentibus
suis fremet in inferno, ubi erit fletus &
stridor dentium; et tabescet * invidia de
felicitate aliena: desiderium autem pec-
catorum, quod in presenti vita habue-
runt, peribit velut umbra.*

ORATIO.

*Quæsumus, misericors & miserator Do-
mine, ut in consortio justorum & congre-
gatione sanctorum timeamus te filiali affe-
ctu; adeo ut paratum sit semper cor no-
strum sperare in te, & confirmatum in
amore tuo, qui es unica salus nostra: ut,
opera misericordiae hinc exercentes in pro-
ximum, à gloria tua aeterna non separe-
mur. Amen.*

PSALMUS CXII. [sec. Hebr. CXIII.]

Alleluja, laudate Dominum.

Ll 2

LAU-

L Audate vos, pueri, *simplices & humiles corde*, Dominum * *in essentia*, *extollendo maiestatem ejus*: laudate nomen Domini, *prædicando virtutes & opera ejus*.

Sit nomen Domini Dei nostri benedictum * *benedictione laudis & gratiarum actionis*, ex hoc quo cœperunt homines credere in Deum, nunc in præsentibus, et usque in sæculum *sine fine*, semper & in omni tempore.

A solis ortu in omnibus gentibus, usque ad occasum * *toto orbe terrarum*, laudabile nomen Domini: ut, qui *ubique est, ubique laudetur*. [Mal. I. II.]

Excelsus est super omnes gentes & homines cujuscumque potestatis & dignitatis Dominus * *dominantium*, creator & moderator omnium: et super cœlos atque angelicas virtutes gloria & sublimitas ejus.

Quis est tam potens, excelsus, & beneficus, sicut Dominus Deus noster? certe nullus. Qui in altis cœlorum habitat, * *et intuitu misericordie humilia respicit per suam providentiam*, in cœ-

PSALMUS CXII. 333

Io Angelos confirmando , et in terra pœnitentes justificando.

*Suscitans per suam gratiam à terra & desideriiis terrenis inopem * virtutibus, et de stercore atque vitiorum putredine erigens & mundans pauperem, miseriis & peccatis foetidum;*

*Ut collocet eum in sede honoris & gratiæ cum principibus * (quia victores peccati & mundi): cum principibus, inquam, id est Prophetis & Apostolis, populi sui Christiani, qui spiritualiter præfuerunt populo Dei.*

*Qui habitare facit Gentilitatem, prius idololatriæ deditam, sterilem operum bonorum, in domo * & Ecclesia catholica, de Judæis & Gentibus collecta; quam fecit matrem filiorum multorum, lætantem partu & numerositate fidelium.*

ORATIO.

Laudantes nomen tuum, omnipotens Deus, quod est benedictum in sæcula, rogamus te ut nos, in sinu matris Ecclesiæ collocatos, peccatores tamen miseriis & delictis obnoxios, suscitare digneris per tuam gratiam, & erigere de terrenis desideriiis & vitiorum putredine, ut non nisi coelestia meditemur. Amen.

334 PSALMUS CXIII.

PSALMUS CXIII. [sec. Hebr. CXIV.]

Alleluja, laudate Dominum. Narrantur beneficia & miracula Hebræis in figura, & Christianis in spiritu, à Deo exhibita.

IN exitu populi Israël de Ægypto, *
atque de jugo servitutis domus Jacob, cum egrederetur de populo barbaro Gentili & aspero, qui nec Deum nec legem Dei agnoscebat; [Exod. 13. 3.]

Facta est Judæa, terra Promissionis, sanctificatio ejus, * quia ibi cultus fuit Dei, & doctrina legis ac Prophetarum; & Israël factus est potestas ejus terræ: qui enim in Ægypto fuerant servi, ibi facti sunt domini.

Mare Rubrum vidit, quasi intelligeret voluntatem Dei, et fugit * dividendo se per medium, ut Israël pede sicco transiret: Jordanis etiam conversus est retrorsum, elevando se ad modum collis.

Montes applaudendo exultaverunt, inclinantes se in adventu Israël, ut arietes * lascivientes; et colles subsilierunt sicut agni ovium, quia, defluentibus aquis

aquis maris , scopuli apparuerunt.

*Quid est & contigit tibi , mare Rubrum , quod fugisti , * dando transitum Israëlitis ? et tu , Jordanis flumen , quia conversus es retrorsum , quæ causa tua obedientiæ ?*

*Montes , cur exultastis sicut arietes ? * et vos , colles , quid fuit vobis , quod exultastis sicut agni ovium ? unde ista mirabilia in mari Rubro , in Jordane , in montibus & collibus ?*

*A facie & præsentia Domini mota est terra , * cui etiam obediunt insensibilia : à facie Dei Jacob omnipotentis , qui hæc promiserat futura.*

*Qui convertit atque aperuit petram ipsam in stagna aquarum , * dando abundantiam aquæ de petra ; et rupem seu silicem in fontes aquarum , ut celebrius esset miraculum in deserto.*

[*Sec. Hebr. Psalm. 115.*]

Non nobis , Domine , tribuatur gloria , non nobis , * neque meritis aut viribus nostris adscribatur ; sed nomini tuo divino da gloriam , de misericordia & beneficiis gratis nobis præstitis.

536 PSALMUS CXIII.

Super misericordia tua divina et veritate tua , * per quam promissa implesti , prædicetur tibi gloria , non super opere aut merito nostro ; nequando dicant gentes idololatæ , blasphemando : Ubi est Deus eorum ? perinde ac si non esset.

Deus autem noster est in cælo , * potens super omnem creaturam : omnia quæcumque voluit , in corporalibus & spiritualibus , fecit per suam omnipotentiam.

Simulacra Gentium , & idola quæ tamquam deos colunt , argentum sunt et aurum * quo ad materiam ; opera manuum hominum quo ad formam , ex stultitia hominum dedicata.

Os habent secundum hominis similitudinem , et non loquentur : * imagines tantum sunt , nihil possunt : oculos habent , et non videbunt , ignobiliores cæcis & brutis. [Sap. 15. 15.]

Aures habent secundum apparentiam , et non audient , * quantumcumque clament idololatæ : nares habent ad ludibrium , et non odorabunt : & sic falsitas se ipsam confundit.

Manus habent , et non palpabunt ,
quia

*quia movere ad opus nullum eas possunt: pedes habent similitudinariè, et non ambulabunt * in gressu: non clamabunt in guttùre suo, nec habent ejus usum.*

*Similes illis simulacris fiant, in vita & sensu, qui faciunt ea: * pereant factores & cultores idolorum, et omnes qui confidunt in eis, cùm in solo Deo creatore sperandum sit.*

*Domus Israël, Ecclesia fidelium, speravit in Domino, * omnem fiduciam in eo collocando: adjutor eorum in bonis agendis, et protector eorum est contra mala imminencia.*

*Domus etiam Aaron & ordo sacerdotum speravit in Domino, * & non sine fructu: adjutor eorum ut perseverent, et protector eorum est contra hostiles incurfus.*

*Qui timent Dominum timore filiali, speraverunt in Domino * spe formata caritate: adjutor eorum et protector eorum est. Qui ergo in Deum creditis, sperate in eo.*

*Dominus Deus memor fuit nostri * ex sua misericordia, et benedixit nobis, augendo dona sua.*

Be-

538 PSALMUS CXIII.

Benedixit domui Israël, * *omni populo Christiano*: benedixit domui Aaron, *ordini sacerdotum*.

Benedixit omnibus, *sine personarum acceptione*, qui timent Dominum * *timore casto*, pusillis cum majoribus: *quia equalis est ei cura de omnibus*.

Adjiciat Dominus & apponat benedictionem suam super vos, * *suam gratiam augmentando*: super vos, inquam, *fideles*, et super filios & posteros vestros.

Benedicti estis vos omnes favore suo à Domino * *per consequutionem gratiae*, qui fecit & creavit coelum et terram, qui item gubernat & continet omnia.

Coelum coeli empyreum, quod est supra firmamentum, Domino * est in gloria sua: terram autem dedit ad habitandum filiis hominum, *ut ea utantur in gloriam Dei*.

Non mortui in peccatis ac tibi laudabunt te, Domine, * *quia non est speciosa laus in ore peccatoris*: neque omnes laudabunt qui descendunt in infernum, *cum tibi sit blasphemia, non laus*. [Baruch 2. 17.]

Sed

PSALMUS CXIV. 339

Sed nos, qui vivimus *vita gratia*,
benedicimus Domino, * *dignè collau-*
dantes, ex hoc nunc et *præsenti tempo-*
re, usque in sæculum, *semper sine fine.*
[Dan. 2. 20.]

ORATIO.

Deus, qui timentibus & sperantibus in
te adjutor es & protector, qui omnia, quæ-
cumque voluisti, fecisti in coelo & in terra:
sis memor nostri, atque benedicas nobis
super misericordia tua atque veritate tua;
non nobis dando gloriam, sed nomini tuo
divino, quod ubique celebretur & prædi-
cetur, ex hoc præsentis tempore usque in
sæculum æternum. Amen.

PSALMUS CXIV. [sec. Hebr. CXVI.]

Alleluja, *laudate Dominum; cùm*
laus Dei sit pretium laborum, meritum
& premium nostrum.

Dilexi nunc ardentius super omnia
Deum meum, quoniam exau-
diet Dominus * ipse vocem orationis
meæ in angustiis.

Quia jam Dominus inclinavit aurem
suam mihi, * *condescendendo petitioni*
meæ;

340 PSALMUS CXIV.

mea; et, in hoc expertus misericordiam suam, in diebus meis presentibus, qui sunt pleni laboris & doloris, invocabo ejus auxilium.

*Circumdederunt me tentationes graves & dolores mortis * atque peccata, unde procedit dolor & mors animæ: et pericula inferni, nisi à te Domino vero adjutus essem, invenerunt me aberrantem abs te, & expositum malis.*

*Tribulationem corporis per multas hujus vitæ pœnalitates, et dolorem cordis, invēni * ceu remedia contra inferni pericula: et ergo non desperando nomen Domini invocavi, ut liberarer ab iis periculis & tribulationibus.*

*O Domine, qui potes omnia, libera animam meam * de corpore mortis hujus: & hoc spero, quoniam misericors est Dominus parcendo delictis; et tamen justus, quia castigat pro peccatis; et Deus noster iterum miseretur, castigando omnem filium quem recipit.*

*Custodiens est à peccatis & laqueis diaboli simplices, parvulos & humiles, Dominus, * non innitentes suæ prudentiæ, sed Dei misericordiæ: ego autem hu-*

PSALMUS CXIV. 541

humiliatus sum in pœnitentia & flagellis
ejus, et liberavit me à laqueis diaboli.

Convèrtere & redi, ò anima mea,
ad pacem cordis, in requiem tuam, *
ad Deum, in quo est vera mentis requies:
quia Dominus Deus tuus benefecit tibi,
dona conferendo, & à multis periculis
liberando.

Quia eripuit atque liberabit animam
meam de morte * peccati & æternæ da-
mnationis, oculos meos à lacrimis af-
flictionis præ timore pœnæ, & pedes atque
affectus meos eripuit etiam à lapsu, ut non
caderem in foveam peccati de via justitiæ.

Placebo tandem Domino * perfectè,
non hîc, ubi semper labimur; sed in re-
gione vivorum, in cœlesti regno & gloria
beatorum.

ORATIO.

Exaudi, Domine, vocem deprecationis
meæ, & libera animam meam de morte
peccati atque æternæ damnationis, quia
circumdederunt me tentationes graves &
delicta. Custodi me per tuam gratiam, ut
non incidam de via justitiæ in foveam pec-
cati: immò, ab inferni periculis erutum,
in regione vivorum & gloria beatorum me
constituas in æternum. Amen.

P S A L M U S C X V.

[Iste Psalmus jungitur precedenti
apud Hebraeos.]

Alleluja, laudate Dominum pro dono
fidei.

CRedidi verè ac perfectè, propter
quod locutus sum * constans in
fide: ego autem miser humiliatus sum
nimis, destitutus omni solatio, gratia,
virtutibus, & omni bono. [2. Cor. 4. 13.]

Ego autem, non attribuens mihi ali-
quod bonum, dixi in excessu meo, *
mente rapta ad veritatis cognitionem:
Omnis homo de se præsumens, men-
dax est de fragilitate sua naturæ, vanus,
& impotens ad omne bonum.

Quid ergo retribuam Domino, *
cùm nihil habeam boni & plura debeam,
pro omnibus suis beneficiis quæ retri-
buit mihi? quia vices rependere non pos-
sum.

Calicem & passionem salutaris ad-
versitatis accipiam, * patienter ferendo;
et nomen Domini, ut me non derelin-
quat, invocabo, gratiam & misericor-
diam

diam implorando.

Vota & desideria mea testabor Domino Deo & reddam coram omni populo ejus, * ut glorificetur Deus confessione mea: quia pretiosa, cara, grata, & accepta, in conspectu & oculis Domini Dei, mors atque totius vite crux sanctorum & electorum ejus.

O Domine, profiteor quia ego servus tuus * sum, emtus & redemptus sanguine tuo: ego, inquam, servus tuus, totus tibi obligatus, et filius ancillæ tuæ atque Ecclesiæ tibi militantis.

Dirupisti atque solvisti vincula atque peccata mea, * quibus eram constrictus: & ergo tibi sacrificabo me ipsum in hostiam laudis cum gratiarum actione, et nomen Domini invocabo, gratitudinem de præteritis & fiduciam de futuris præstando.

Vota mea & sacrificium laudis Domino reddam atque offeram, in conspectu & cœtu omnis populi ejus, * ut exemplo meo erudiantur ad similia: & hoc in atriis domus Domini, in sancta Ecclesia militante, & in medio tui, Jerusalem, ubi est æternæ pacis visio.

ORA-

O R A T I O.

Invocamus nomen tuum, Domine, gratiam & misericordiam implorando, qui de fragilitate nostræ naturæ impotentes sumus ad omne bonum, destituti omni solatio ac virtutibus. Quocirca dirumpere digneris vincula peccatorum nostrorum, ut sic à delictis liberi mereamur cœlestis Jerusalem gaudiis perfrui. Amen.

PSALMUS CXVI. [*sec. Hebr. CXVII.*]

Alleluja, laudate Dominum de adventu Christi in carnem.

Laudate Dominum Deum omnes gentes * totius mundi: laudate eum, atque magnificate beneficia gratis præstita, omnes populi Judaorum ad fidem convertendi. [*Rom. 15. 11.*]

Quoniam confirmata est, per effectum incarnationis Christi, super nos fideles misericordia ejus * & reparatio nostra, misericorditer promissa (quia quod per Prophetas promisit, per adventum Christi complevit); et veritas Domini, quæ Christus est, manet nobiscum in æternum, usque ad consummationem sæculi. [*Joan. 12. 34.*]

ORA-

O R A T I O.

Omnipotens Deus, qui omnium gentium ore laudaris, quia Dominus pro servis, justus pro peccatoribus incarnari, nasci, & mori dignatus es: supplices deprecamur ne deferas nos orphanos, sed confirmes super nos misericordiam & veritatem tuam in æternum. Amen.

PSALMUS CXVII. [*sec. Hebr. CXVIII.*]

Alleluja, laudate Dominum. Invitantur omnes ad laudandum Dominum Deum.

Confitemini Domino, laudando eum in beneficiis ejus, quoniam bonus * est essentialiter, atque bonos nos facit per suam gratiam, quoniam in sæculum sæculi est misericordia ejus.

Dicat nunc in presenti vita confitendo Israël, populus electus videns Deum per fidem, quoniam bonus * est Dominus, & quoniam in sæculum est misericordia & benignitas ejus.

Dicat nunc & confiteatur laudando Deum domus Aaron, * sacerdotalis cætus, quoniam in sæculum durat misericordia & benignitas ejus.

Mm

Di-

546 PSALMUS CXVII.

Dicant nunc *omnes* qui timent Dominum, * *pusilli cum majoribus*, quoniam in sæculum atque in æternum est misericordia ejus, qui gratis suæ benignitatis dona concedit.

De tribulatione, *tum animæ, tum corporis*, invocavi Dominum, * *petendo auxilium*; et exaudivit me, *de angustiis liberando*, & in latitudine gaudiorum inducendo, Dominus meus.

Dominus Deus est mihi adjutor * *contra adversarios meos*: & ergo non timebo, immò despiciam, quid faciat mihi aut agat contra me quilibet homo carnalis. [Hebr. 13. 6.]

Dominus est mihi adjutor, * *protegens me*: et ego, *suffultus divino adjutorio*, despiciam omnino inimicos meos, qui mihi nocere non poterunt.

Bonum est & utile confidere in Domino, * & *spem totam in eum reponere*; magis quàm confidere in homine, qui ex se nihil potest.

Bonum est & melius sperare in Domino, * *qui largitur vitam æternam*; quàm sperare in principibus, quorum potestas cum hoc mundo evanescit.

Omnes

PSALMUS CXVII. 547

Omnes gentes ignorantes Deum circuierunt me * *persequentes*: et in nomine Domini factum est hoc quia ultus sum in eos , *injurias propulsando*.

Circumdantes undique circumdederunt me , * *tamquam obsessum impugnando* : et in nomine Domini vindicabo me , quia ultus sum in eos , *circumquaque puniendo*.

Circumdederunt me sicut apes , *gerentes mel in ore , & aculeum in cauda*; et exarserunt invidia , sicut ignis accenditur in spinis * *siccis* : et in nomine Domini contigit contrarium , quia ultus sum in eos *inimicos*.

Impulsus persecutionibus , & *tentationibus* ferè everfus sum à *stabilitate virtutis* , ut caderem * *in peccatum* : et Dominus , *cùm mihi deessent vires propriæ* , suscepit me , quia in ipso *confidebam*.

Fortitudo mea & *virtus in certamine* , et laus mea atque gloria Dominus * *est* , non ego mihi : et ideo factus est mihi *redemptor & salvator meus in salutem* , *cùm ipse sit fortitudo , laudatio , & salus aterna beatorum*. [Exod. 15. 2.]

Mm 2 Vox

548 PSALMUS CXVII.

Vox exultationis *spiritualis* et salutis * *æterna resonat in tabernaculis & conscientiis justorum hominum, ubi semper latenti sunt, quamvis exterius affligantur.*

Dextera Domini Dei fecit virtutem, à peccatis & periculis me liberando: dextera & potentia Domini exaltavit me, * in virtuosis operibus promovendo: dextera, inquam, Domini fecit in me virtutem constantia, ne recidivarem.

Non ergo moriar morte aeterna, tanta virtute stipatus; sed vivam * vita gratia & gloria: et narrabo atque celebrabo opera Domini, non hominum, qui mihi semper & ubique auxiliatur.

Castigans & corripiens pro delictis castigavit me Dominus, * ad emendationem, paterno flagello; et morti aeterna non tradidit me, immò à morte peccati eripuit per castigationem.

Aperite mihi atque docete portas justitiæ & sacramenta novæ legis, quibus justificamur; &, ingressus in eas per fidem veram, confitebor Domino * gratias agendo: hæc porta est Domini
per

per quam fit ingressus ad Dominum, & iusti homines intrabunt in eam, & per fidem ad gloriam aeternam.

Confitebor tibi gratias agens, quoniam exaudisti me * in tribulatione, et factus es mihi peccatori in salutem, quia per tuam gratiam salvatus sum.

Lapidem Christum, fundamentum Ecclesiae catholicae, quem reprobaverunt & abominati sunt aedificantes, * Doctores legis & Pharisei, hic factus est lapis angularis in caput anguli, constituens unam Ecclesiam de Iudaeis & Gentibus, cuius ipse est caput & pastor. [Isai. 28. 16. Matth. 21. 42. Luc. 20. 17. Act. 4. 11. Rom. 9. 33. 1. Pet. 2. 7.]

A Domino Deo Patre factum est istud, * & declarata est potentia Dei in Christo resurgente & glorificato post reprobationem: et est mirabile hoc mysterium in oculis nostris, cum caro & sensus humanus illud non capiant.

Haec est dies novi testamenti, & veritatis revelatae; dies (inquam) salutis & gratiae, quam fecit Dominus, * quia specialem in ea gratiam humano generi exhibuit: exultemus corpore et laetemur

550 PSALMUS CXVII.

mente, in ea, quia in hac die liberati sumus.

O Domine Deus! saluum me fac in hac die salutis : ò Domine Deus ! bene prosperare , * iter nostrum prosperè dirigendo : benedictus Christus , qui venit in mundum in nomine Domini patris sui , ut nos salvaret in vitam eternam.

Benediximus & salutem istam annuntiavimus vobis omnibus de domo Domini , * qui in Ecclesia creditis : Deus Christus , Dominus noster , ille benedixit et illuxit nobis gratiæ suæ radiis.

Constituite, in honorem Domini, diem solemnem , ut sunt Nativitatis & Resurrectionis , in condensis * vestris congregationibus , pro tanto Dei munere : & resplendeat claritas sollennitatis usque ad cornu altaris , per totum Dei templum.

Deus meus es tu , qui solus salvas ; et confitebor tibi , * gratias agendo : Deus meus es tu , & non alius ; et exaltabo te , tua magnalia celebrando.

Confitebor tibi confessione laudis ;
quo-

PSALMUS CXVIII. 551

quoniam exaudivisti me * *liberando ab omnibus malis & periculis*, et factus es mihi Dominus in salutem *animæ meæ*.

Confitemini Domino *gratias agendo*, quoniam bonus, * *quia gratis bonitatem suam communicavit*: quoniam in sæculum *benignitas & misericordia ejus*, non cessans umquam *benefacere nobis*.

ORATIO.

Consolatio tribulationum nostrarum, piissime Deus, qui justorum tabernacula lætitia perfundis: exalta Ecclesiam tuam virtute potentis dexteræ, qua fiat porta justitiæ; ut per eam ingrediamur viam salutis, & ita se angulari stabilitate connectat, ut tuâ resurrectione clarificata refulgeat. Amen.

PSALMUS CXVIII. [*sec. Hebr. CXIX.*]

Alleluja, *laus Dei.* & Aleph, *doctrina.*

BEati & sancti sunt immaculati, carentes mortali culpa, in via * *præsentis vitæ*: qui neque otiosi stertunt, sed perseveranter ambulant & proficiunt in lege Domini, ejus mandata opere adimplendo.

Mm 4

Bea-

552 PSALMUS CXVIII.

Beati sunt qui diligenter scrutantur divinas Scripturas , ut per testimonia ejus * in cognitionem Dei veniant; & non segniter , sed in toto corde, intellectu, & affectu , exquirunt eum , studio cognoscendi , & voluntate operandi.

Non enim qui perficiunt desideria carnis , & operantur perseveranter iniquitatem * mortalem , in viis & praeceptis ejus , quæ ducunt ad vitam , ambulerunt , sed magis in deviis. Lex enim Domini immaculata , viæ ejus viæ pulcræ.

Tu , Domine , cui semper obediendum est , mandasti , * per legem & Evangelium , mandata & præcepta tua valde custodiri ; nec tepido animo , sed nimis , magna cum sollicitudine , ut ne jota quidem prætereatur.

Utinam per tuam gratiam dirigantur , te rectore, te duce , viæ meæ * atque processus cognitionum & operum ad custodiendas sedulò justificationes tuas & præcepta , quæ justificant nos.

Tunc profectò non confundar * à facie tua, cum perspexero diligenter in cognoscendis omnibus & custodiendis mandatis tuis ; ne , prævaricator unius, sim.
omni-

omnium reus quo ad pœnam damni.

Confitebor tibi , gratias agendo,
quia in directione cordis , * sine errore
intellectus , direxisti cor meum ad intel-
ligendum te ; in eo quod non sum inscius
seu quod didici , te revelante , judicia
vera justitiæ tuæ , quæ facies quando ju-
stus judex apparebis.

Justificationes tuas & præcepta tua
justificantia custodiam , * opere adim-
plendo : non tamen me derelinquas,
subtrahendo gratiam , usquequaque,
omnino & ex toto : quia , sine te , nihil
possum.

Ⲛ Beth. Secunda est littera Alphabeti
Hebraici , & in suo mysterio interpreta-
tur confusio. Et congruenter , quia ab
Aleph & doctrina intelligit homo & Deum
cognoscit : exinde à Beth de lapsu pecca-
ti confunditur.

IN quo corrigit & emendat adole-
scentior ætas viam lubricam , &
pravam suam * peccandi consuetudinem,
seu passiones & concupiscentias suas?
certè in custodiendo divinos sermones
tuos , qui mentis rectitudinem operantur.

In toto corde & affectu meo exqui-
si-

554 PSALMUS CXVIII.

fivi te, * *ut invenirem: itaque ne repellas & contemnas me, ceu indignum, à mandatis tuis intelligendis & implendis.*

In corde meo, *memoria commendando, abscondi, tamquam thesaurum pretiosum, eloquia tua * sacra; ut sic assidua eorum recordatione non peccem tibi: illa siquidem exstinguunt vitia, & odium peccati ingenerant.*

Benedictus & laudatus es, Domine, * *de beneficiis tuis mihi impensis: doce me perficere justificationes tuas, & opera quæ me justum probent.*

In labiis meis jam doctis à te pronuntiavi, * *alios instruendo, omnia judicia oris tui, per Prophetas & Apostolos nobis revelata.*

In via vera testimoniorum tuorum, *quæ est sacra Scriptura de te testificans, delectatus sum, * propter mirificam intelligentiam, sicut multi homines in omnibus suis terrenis divitiis gratulantur.*

In mandatis tuis divinis exercebor * *jugi meditatione, ac sedula operatione: et tunc considerabo perfectius cognoscens vias tuas, quæ sunt misericordia*
 &

& veritas.

In justificationibus & praeceptis tuis, quæ justificant, meditabor * profunda cogitatione; ut sic non obliviscar opere adimplendo sermones tuos, qui reddent me beatum.

¶ Gimel. Tertia est littera, & interpretatur retributio. Optatur dari plenitudinem gratiæ divinæ, contra defectum humanæ fragilitatis & ignorantiam mentis.

R Etribue gratiam servo tuo: non meritis meis, sed per misericordiam tuam, vivifica intus me, * prius mortuum peccatis: et sic, resurgens de morte animæ, custodiam in opere & intelligentia sermones tuos, quibus iustificas impium.

Revela & illumina oculos meos * intellectus, per ignorantiam & peccatum velatos; et considerabo atque contemplanabor mysteria mirabilia, spirituali sensu contenta, de lege tua novâ & antiquâ.

Incola tantum & peregrinus ego sum, non civis, in terra * hac, nil appetens mundanorum, sed cœlestia affectans: & ergo non abscondas à me, dum
sum

356 PSALMUS CXVIII.

*sum in hoc exilio & ad patriam tendo,
immo reveles, mandata tua, ut in eis
delecter & reficiar.*

*Concupivit magno affectu anima
mea meditari, desiderare, & apprehen-
dere, non mundi vanitates, sed justifica-
tiones tuas * & opera justitiæ; non ad
horam, sed in omni tempore, perse-
veranter.*

*Increpasti, per Scripturas & stimulos
conscientiæ, superbos * homines qui ju-
stitiæ tuæ resistunt: maledicti in pœna &
culpa qui declinant, non infirmitate, sed
mera perversitate, à mandatis & prece-
ptis tuis, non obediendo.*

*Aufer, Domine, à me servo tuo op-
probrium hujus maledictionis, et con-
temptum * hujus transgressionis: quia
testimonia & precepta tua, per tuam
testificationem in premiis & pœnis data,
exquisivi vigilanter ad intelligendum &
faciendum.*

*Etenim in insidiis federunt spiritus
maligni, qui sunt principes tenebrarum,
et adversum me suggerentes peccata
loquebantur * per diversas tentationes:
servus autem tuus tantò magis exerce-
ba-*

batur proficiens in justificationibus tuis,
quantò fortius impugnabant.

Nam et testimonia tua, atque præmia quæ perseverantibus promifisti, meditatio mea est, * quia vitam pollicentur æternam; et consilium meum in ratione fixum sunt justificationes tuæ & impletiones mandatorum tuorum, quæ hominem justificant.

7 Daleth. Quarta est littera, & interpretatur timor. Constrictus carnali fornicatore, timet relabi in peccata: sed lex timentem confortat. Initium enim sapientiæ timor Domini. A timore concipimus & parturimus spiritum salutis.

ADhæsit per carnales affectus pavimento & corpori terreno corruptibili anima mea: * ne ergo saucia intereat, ejus desideriiis consentiens; vivifica me, Domine, vitâ gratiæ, secundum verbum tuum quo veniam pœnitentibus promifisti.

Vias meas malas & iniquas enuntia-
vi per confessionem; et exaudisti me *
per contritionem, remittendo peccata:
doce me pœnitentem justificationes &
vias tuas bonas.

Viam,

558 PSALMUS CXVIII.

Viam , modum , & ordinem justificationum tuarum , quæ dirigunt ad justè agendum , instrue me * per plenum intellectum : et tunc exercebor multiplici operatione & lectione in mirabilibus , apostolicis , ceterisque ecclesiasticis tuis disciplinis.

Dormitavit & refrixit ad bonum anima mea, fessa præ accidia & tædio * corporeæ infirmitatis : confirma me , ut non obdormiam in peccatis , sed in verbis & præceptis tuis instanter vigilem.

Viam , concupiscentiam malam , & desiderium iniquitatis , quibus ad peccatum itur , amove , tua gratia præveniente , à me , * ne in illa via ambulem : et de lege tua gratiæ miserere mei , priora remittendo peccata.

Viam euangelicæ veritatis , quæ ducit ad vitam æternam, elegi , * ut in ea ambulem : judicia tua, quibus præmia justis, & pœnas impiis reddes , non sum oblitus , sed in memoria recondo.

Adhæsi per caritatem testimoniis tuis , ut ea firmiter custodiam , qui prius adhærebam pavimento , ò Domine : * & ideo noli neque patiaris me de iteratione

ne peccati confundere coram inimicis meis.

Viam vitæ & mandatorum tuorum perseveranter cucurri, * non per proprium arbitrium, sed cùm dilatasti, ampliasti, & aperuisti per multifarias agnitiones veritatis cor meum, in fide, spe, & caritate, ceterisque virtutibus.

¶ He. Quinta est littera, & interpretatur est vel vivit. Postulat Prophetæ esse & vivere in Christo, qui est verum esse. Vivere autem & esse secundum Deum inchoat quicumque in lege Domini bene vivendo ambulat.

L Egem tuam euangelicam pone & ostende mihi proficere volenti, Domine, viam fidei atque justificationum tuarum* (fides enim operans per caritatem justificat): et ego exquiram diligenter ut sciam & faciam eam, & hoc semper quoad vixero.

Da mihi intellectum discretionis inter bonum & malum, inter spiritum & litteram: et scrutabor perfectius cognoscendo legem tuam * divinam, et custodiam illam prædicando & operando in toto corde & affectu meo, per cognitionem,

560 PSALMUS CXVIII.

nem, recordationem, & amorem.

*Deduc me per tuam gratiam in semitam, quæ compendiosior est via, mandatorum tuorum * euangelicorum: quia ipsam rectiorem viam volui, tamquam tutiorem, pulcriorem, & brevior.*

*Inclina per humilitatem cor & affectum meum, ut ferventius ac devotius feratur in testimonia & præcepta tua, * ut ea opere impleam; et non in avaritiam ac desiderium rerum temporalium, quæ animam retrahit à divinis.*

*Averte procul oculos meos corporis, ne videant acceptando in affectu vanitatem * hujus sæculi, ad mala ducentem: sed in via tua & in te ipso, qui vera via es, vivifica me in caritate, sine qua mortua sunt opera.*

*Statue, consolida, atque confirma servo tuo, ut secundum illud agam, eloquium tuum * divinum, in filiali timore tuo sancto, quasi in basi & fundamento.*

*Amputa falce tuæ gratiæ opprobrium meum & peccatum, quod suspicatus & reveritus sum * me habere per humanam fragilitatem: quia amator*

PSALMUS CXVIII. 561

veritatis judicia tua sunt lata, suavia,
& jucunda.

Ecce concupivi adimplere mandata
tua, * quæ veram conferunt salutem: in
æquitate tua & miserationis dono vivifi-
ca me vitâ gratiæ, ut vivam in te, quia
mori in me.

Vau. Sexta est littera, & interpre-
tatur ille vel ipse Salvator noster Chri-
stus, qui quasi adhuc loquentibus nobis
dicit: Ecce adsum. Qui idem ipse est sem-
per, æternus, Patri correignans, miseri-
cordia peccatorum, & vita fidelium.

ET rogo veniat super me de cæle-
stibus misericordia tua & auxi-
lium gratiæ, ò Domine, * Deus Pater:
veniat, inquam, salutare tuum, Chri-
stus redemptor & salvator noster, secun-
dum eloquium & promissum tuum.

Et tunc respondebo constanter ex-
probrantibus & opprobriose mihi loquen-
tibus, quibus scandalum est vel stultitia
Verbum * tuum, quod scilicet caro fa-
ctum est: quia speravi in sermonibus
& promissis tuis, quibus vitam æternam
confitentibus te promisti.

Et ne auferas, rogo, de ore meo

Nn

quo

562 PSALMUS CXVIII.

*quo minus prædicem verbum veritatis & fidei usquequaque , * & per omnia quia in iudiciis tuis , quibus flagellas & corripis , superſperavi & præmiũ super merita expectavi.*

*Et custodiam per caritatem legem tuam , eam opere adimplendo ſemper * quoad vixero , in ſæculum et in ſæculum ſæculi , perenniter in futura beatitudine.*

*Et ambulabam proficiendo in latitudine * caritatis , in qua tota lex pendet & Prophetæ : quia mandata tua perſcrutans exquisivi diligenter , ut ea facerem & intelligerem.*

*Et loquebar conſtanter & intrepidè in testimoniis tuis , in veritate fidei , in conſpectu regum * & principum : et non confundebar pudore , neque vincebar ratione.*

*Et meditabar per intellectum in mandatis tuis , * quomodo perficerem illa : quæ propter ſe dilexi , & per ſpiritum qui datus eſt mihi.*

*Et levavi cum pura intentione manus & operationes meas ad mandata & præcepta tua adimplenda ; quæ dilexi , **
cum

cùm finis præcepti sit caritas : et sic exercebar loquendo , meditando , operando , in justificationibus & præceptis tuis , quæ justitiæ sunt justificantes.

‡ Zain. Septima est littera , & interpretatur huc vel hîc duc te , ab iis videlicet visibilibus temporalibus ad invisibilia æterna bona , quæ nunc habentur in spe. Non enim hîc quiescendum , sed ad æterna adspirandum , quò nos vocat verbum Dei.

Memor esto , Domine , verbi tui , promissi de vita æterna servo tuo * obediendi , in quo promissionis verbo mihi spem & expectationem dedisti futura beatitudinis consequendæ.

Hæc spes tuæ promissionis me consolata est , ut non timerem , sed potius gauderem , in humilitate & afflictione mea * & ærumna præsentis vitæ : quia eloquium tuum , quod pabulum vitæ æternæ mihi subministrat , vivificavit me , cùm verba tua spiritus & vita sint.

Superbi , persequentes me , iniquè agebant cogendo me ad impietatem usquequaque * & valde : sed , licet instabant , à lege autem tua divina non

declinavi , immò stabilis permansi.

Memor fui iudiciorum tuorum, *quibus superbos perdidisti, & confidentes in te liberaſti , à ſæculo & ab initio mundi, ò Domine , * Deus meus: et conſolatus ſum me ipſum in tribulationibus , remunerationem exſpectans.*

*Defectio animi & afflictio cordis tenuit & occupavit me; * quia condolui pro peccatoribus & pravaricatoribus derelinquentibus divinam legem tuam, qui ſunt multi valde.*

*Cantabiles præ dilectione mihi erant ſemper juſtificationes tuæ * & iudicia tua juſta , in loco & via præſentis vite atque peregrinationis meæ , ubi differimur à patria cœleſti.*

Memor fui , *laudibus ſemper divinis & orationibus vacans , non ſolum in die proſperitatis , ſed etiam in nocte adverſitatis , nominis tui , Domine , * quod JESUS eſt & Salvator : et , in virtute illius nominis , cuſtodivi adimplere legem tuam divinam.*

*Hæc nox adverſitatis facta & data eſt mihi * ad utilitatem, quia ſic juſtificationes tuas & præcepta juſtificantia ex-*
qui-

quisivi perficere ex toto corde.

N Heth. Octava est littera, & interpretatur pavor; non quidem recidendi, sed sollicitudo & desiderium acquirendi summum bonum, quod sperat, quod amat. Id quia in octava aetate & in resurrectionis gloria perficietur; ideo numerus iste octavus ponitur sub timore cautelæ, quod pavor est sollicitus ne desideratum bonum amittat.

Portio & pars mea es tu, Domine, * cum sis vera via ad beatitudinem: quia dixi & decrevi, per liberum arbitrium tua gratia informatum, custodire ex toto corde legem tuam divinam.

Deprecatus sum devotè faciem tuam gratiæ, non vindictæ, in toto corde, tam intellectu meo, * quàm affectu: miserere mei, continuando in me bonum usum liberi arbitrii, secundum eloquium & promissum tuum, quo dixisti: Petite, & accipietis.

Cogitavi diligenter vias meas * priores, & cognovi quod non erant rectæ: et ideo converti sensus, pedes, gressus meos, & affectus, in testimonia & mandata tua, quæ non sinunt errare.

§ 66 PSALMUS CXVIII.

Paratus sum *ad tribulationes sustinendas*, et non sum turbatus * *quacumque ingruente adversitate*; ut custodiam *perseveranter mandata tua*, ut etiam *pro eis pati non recusem*.

Funes, decipula, laquei, atque tentationes peccatorum, demonum, & malorum hominum, circumplexi sunt *ad stringendum & impediendum me* * *à bono opere*: sed frustra, quia et legem tuam *divinam* non sum oblitus, sciens nos *per multas tribulationes introire regnum Dei*.

Media nocte, quando tentator solet *illudere mentes*, surgebam *alacriter ad confitendum tibi* * *confessione laudis & gratiarum actionis*, super *judicia occulta justificationis tuæ*, ut me *justificares*.

Particeps ego sum, ex tua bonitate, omnium timentium te * *timore filiali & sancto*, et custodientium in bona operatione *mandata tua*. Sic omnes unum *sumus in Christo*.

Misericordiâ tuâ, qua *justificas impium*, Domine Deus, plena est terra, * *quia fides ubique dilatata est*: ideo, *confidenter rogo*, justificationes tuas doce me,

me, illuminando intellectum ut eas cognoscam, prædicem, & opere impleam.

¶ Teth. Nona est littera, & interpretatur bonum: ut sit boni dilectio in mente secundum caritatem: ut non ex timore serviliter, sed ex amore hilariter bona procedat operatio.

Bonitatem gratiæ & misericordiæ fecisti cum servo tuo, peccantem ad pœnitentiam expectando, Domine, * qui es ipsum bonum: & hoc, non merito meo, sed secundum verbum & promissum tuum.

Bonitatem, desiderium caritatis inspirando, et disciplinam, in afflictione patientiam tribuendo, et scientiam atque discretionem inter malum & bonum doce me, * illuminando intellectum: quia mandatis & præceptis tuis credidi per fidem firmam.

Priusquam humiliarer per tuam correctionem & disciplinam, ego deliqui * & peccavi per actuale culpam: propterea, ne rursus corrigar, eloquium tuum secundum illud operando custodi vi perseveranter.

Bonus es tu, * Domine, in essentia:

Nn 4 et

et in bonitate atque mansuetudine tua peculiari doce me communicando, ut intelligam justificationes tuas, quibus justificari possum.

Multiplicata est vi & numero super me servo tuo iniquitas superborum, * demonum, & malorum hominum, conantium me impellere ad peccata: ego autem, tua gratia confortatus, in toto corde & affectu meo, ut illorum evadam tentationes, scrutabor vehementius mandata tua, consolationem requirens in eis.

Coagulatum & induratum est, sicut lac, per invidiam & superbiam, cor eorum * in malitia: ego verò non obstinatus legem tuam, qua superbis resistis, humilibus das gratiam, meditatus sum, ut liquesceret cor meum in amore tuo.

Bonum est mihi & profuit quia humiliasti & castigasti me, * tentationibus & afflictionibus exercendo; ut sic discam facere justificationes tuas, quas docuisti homines justificando.

Bonum & acceptabile mihi est lex euangelica, oris tui * sono pronuntiata; super millia cuncta auri et argenti, &
quan-

quantasque divitias sæculi.

• Jod. Decima est littera, & interpretatur principium. Hic enim memoratur principium creationis humanæ; ut ab illo quæramus capiendi intellectum, à quo sumus vivendi exordium.

MANUS tuæ, quæ sunt potentia, sapientia, & voluntas, fecerunt & creaverunt me secundum animam ad imaginem tuam; et plasmaverunt me * secundum corpus in statura recta ad videndum te Deum: da mihi & illumina intellectum meum; et discam, non inanes scientias, sed mandata & præcepta tua, ut in ipsis capiam profectum.

Qui timent te timore filiali videbunt me sic illuminatum, et inde lætabuntur * de profectu meo spiritali; quia in verba tua, quibus bona bonis promittis, superpersperavi quod tribues supra & majora quàm petimus.

Cognovi, Domine, & expertus sum quia æquitas justa & æqua, licet aliquando nobis occulta, sunt judicia tua, * quibus corripis & flagellas; et in veritate tua justa humiliasti me ad salutem per tua flagella.

Fiat

370 PSALMUS CXVIII.

Fiat nunc misericordia tua in peccatorum remissionem, ut in tribulatione consoletur me * de spe vitæ æternæ, secundum eloquium tuum promissum ser-
vo tuo.

Veniant mihi, Domine, miserationes tuæ quibus justificas; et per illas vivam * vitâ gratiæ in præsentî, & vitâ gloriæ in futuro: quia lex tua, non vanitas sæculi, meditatio mea est, ut secundum eam faciam voluntatem tuam.

Confundantur per conscientiam superbi in peccatis suis; quia, injustè persequendo, iniquitatem malitiosè fecerunt in me * & contra me innocentem: ego autem in patientia exercebor, occupatus in adimplendis mandatis tuis.

Convertantur mihi in auxilium omnes timentes te * timore filiali, et etiam qui noverunt intelligendo ac operando testimonia tua, quod de te testantur Scripturarum eloquia.

Fiat cor meum mundum & immaculatum coram te, non in viribus meis, sed in justificationibus tuis, * adimplendo justitiæ opera; ut tandem sic non confundar in præsentî per culpam, neque in fu-

futuro per gehennam.

☿ Caph. Undecima littera, & interpretatur incurvatus: quia, fessus longa malitia, & lassatus peregrinatione hujus mundi, cupit dissolvi, & redire ad suum principium.

DEfecit & lassata est, diutina expectatione in salutare tuum Jesum Christum, salvatorem nostrum, anima mea, * præ desiderio; et in Verbum tuum, quod erat in principio apud Deum, supersperavi aliquando venturum in carne.

Defecerunt etiam nimio desiderio oculi mei interiores, scilicet mens & ratio, in eloquium & promissum tuum, * dicentes gemitu & oratione: Quando consolaberis me in perfecta beatitudine, educendo de iis miseriis?

Quia factus sum, jejunando, vigilando, & orando, sicut uter de corio congelatus in pruina, * ab omni ardore voluptatum mortificatus: & ideo justificationes tuas, quas præcipis ad justitiam, non sum oblitus; cum jam frigeat voluntas, & ferveat caritas.

Quot sunt in hoc seculo dies servi
tui?

572 PSALMUS CXVIII.

tui? * & quamdiu patiar istas misérias persecutionum & tentationum? quando facies, de diabolo & ministris ejus persequentibus me, justam ultionem & judicium finale?

Narraverunt mihi heretici, iniqui, Poëta, & Philosophi, vanas fabulationes * & inanes: sed tamen non sunt illæ mihi ut lex tua, quæ est plena gratiâ & veritate.

Omnia mandata & præcepta tua sunt ipsa infallibilis veritas, * à prima orta veritate: & iniquè propter hanc veritatem persecuti sunt me, jubendo perversa, & falsa suadendo: sed tu, Domine, adjuva me contra eorum deceptiones.

Paulo minus & ferè in nihilum redegerunt & consummaverunt me iniqui in terra * pessumdando: ego autem constans non dereliqui, quantumcumque persequerentur, mandata & præcepta tua.

Secundum misericordiam tuam, non meritum meum, vivifica me * vitâ gratiæ, & confirma me in persecutione: et ita custodiam testimonia euangelica, quæ oris tui sono sanxisti.

¶ Lamed. Duodecima est littera, & interpretatur cor servitutis. Sursum enim cor dirigendum, & illi serviendum cui omnia cœlestia & terrestria obediunt.

IN æternum & semper, Domine * Deus, verbum tuum & observantia mandatorum tuorum permanet fixum in cœlo & spiritibus cœlestibus.

In generationem legis, et generationem Evangelii, permanet veritas tua, * qui est ipse Christus: fundasti in fide terram & Ecclesiam terrenam militantem, et permanet constabilita in fundamento fidei, quod est Iesus Christus.

Ordinatione & dispositione tua divina perseverat dies, * & lumen fidei, & lex veritatis; quoniam omnia, cœlestia, & terrena, serviunt tibi. Verbum enim permanet in Angelis, veritas in hominibus, terra in fundatione, dies in ordinatione.

Nisi quod lex tua divina meditatio mea est, * & sciendi, & faciendi; tunc, quando non meditarer, fortè periissem per lapsum in gravem culpam, in humilitate & tribulatione & afflictione mea.

In æternum, quamdiu vixero, non
obli-

obliviscar omnino justificationes tuas *
 & precepta legis, quibus nos justificas:
 quia in ipsis meditandis & implendis vi-
 vificasti me, à morte peccati revocando.

Tuus servus sum ego, & tu Deus
 meus: saluum me fac, * perducendo ad
 æternitatem; quoniam, non mundi va-
 nitatem, sed justificationes tuas in de-
 calogo scriptas exquisivi intellectu & af-
 fectu.

Me expectaverunt in insidiis pecca-
 tores & spiritus maligni, ut consentirem
 culpis, & sic perderent atque præcipita-
 rent me * in gehennam: sed non profe-
 cerunt, quia testimonia & precepta tua
 divina intellexi, quæ fuit armatura mea.

Omnis virtuosa consummationis
 & perfectionis humanæ vidi finem * esse
 caritatem; quòd latum & spatiosum est
 mandatum tuum caritatis nimis, val-
 de: quia ex caritate pendet tota lex &
 Propheta.

Mem. Decima tertia est littera, &
 interpretatur viscera, vel ex ipsis. Per
 quæ ipsa caritas significatur, quæ tam-
 quam ex intimis medullis cordis emanat,
 quæ etiam legem divinam ex toto corde
 di-

diligit & ex ipsis visceribus amplectitur.

Quomodo & quàm vehementer totis visceribus dilexi & amplectatus sum legem tuam in sacra Scriptura contentam, Domine; * hinc aestimari potest, quia tota die vitæ meæ lex tua meditatio & exercitatio mea spiritualis est.

Super inimicos meos, Judæos & Gentiles, prudentem & intelligentem me fecisti ac obedientem mandato tuo * sacra Scriptura; quia in ipsum æternum gaudium consequendum mihi est & valet mandatum tuum.

Super omnes inimicos, docentes me, melius intellexi * sacra Scriptura veritatem; quia circa testimonia tua continua meditatio mea in spiritu est & versatur.

Super senes & plus quam seniores, intellexi * mysteria Scripturarum; quia mandata tua sincera quæsi in spiritu, & non in littera.

Ab omni criminali via mala, quæ ducit ad perditionem, prohibui, ne subverterer, pedes, affectus, & gressus meos, * pronos in peccata; ut, sic solidus in caritate, custodiam perseveranter

376 PSALMUS CXVIII.

verba & præcepta tua.

A judiciis tuis in lege divina contentis non declinavi * neque deflexi iter meum : quia tu , Domine , cui obediendum est , legem & regulam vivendi posuisti mihi , ut eam diligerem & facerem.

Quàm dulcia prægustamenta , in viribus animæ & faucibus meis spiritualibus , sunt eloquia tua * de misericordia & justitia ! sunt certè super mel & favum ori meo , in gustu spirituali.

A mandatis tuis veniens ad altitudinem sapientiæ , intellexi * dulcedinem tuæ retributionis : propterea odivi execrando omnem viam iniquitatis , quæ impedit consecutionem suavitatis æternæ.

Num. Decima quarta est littera, & interpretatur unicus, vel pascua. Ille unicus est Filius Patris , à quo omne bonum habet initium , qui pascit & reficit animas nostras in fidei sacramentis.

Lucerna lucens in nocte hujus sæculi, ubi sunt foveæ & præcipitia , pedibus atque affectibus meis, ne aberrem, est verbum tuum * in Prophetis & Evangeliiis enuntiaturum : et idem verbum est lumen verum in semitis & operibus
meis

meis dirigendis ad te.

*Juravi et in corde statui * firmiter, tamquam verus amator, custodire, inter qualibet adversa, judicia & præcepta justitiæ tuæ, quæ scilicet tua justitia judicat esse servanda.*

*Humiliatus & afflictus sum persecutione vehementi usquequaque & valde: ideo, Domine, * ne deficiam in impatientia, vivifica & conforta me tua gratia, secundum verbum & promissum tuum divinum.*

*Voluntaria sacrificia oris mei, in oratione & laude tibi oblata, beneplacita & accepta tibi fac, Domine: * et, hac oblatione placatus, judicia & præcepta tua divina doce me, non solum intelligere, sed etiam opere adimplere.*

*Anima mea parata est in manibus & operibus meis bonis semper; * &, quæcumque facio, ago pro salute animæ meæ: et, per hoc, legem tuam divinam non sum oblitus, immò jugi meditatione eam rumino in mente.*

*Posuerunt suggerendo peccatores & spiritus maligni laqueum tentationis mihi, * ut seducerent me per minas & blan-*

578 PSALMUS CXVIII.

dimenta : et tamen de mandatis ac præceptis tuis divinis non erravi, vel male intelligendo, vel contrà operando.

Hereditate & firma possessione acquisivi, aliis derelictis, testimonia & præcepta tua, per testificationem tuam in lege confirmata in æternum, & hîc, & in futurum; quia exultatio & jubilum spirituale cordis mei sunt, vitam promittentia æternam.*

Inclinavi humiliter cor & affectum meum ad faciendas & implendas justificationes tuas & præcepta justificantia in æternum, propter retributionem vitæ æternæ, ut illam merear accipere.*

○ Samech. Decima quinta est littera, & interpretatur audi, vel firmamentum. Et congruè quadrat, quia ille solus firmatur in bonum qui intus spiritualibus auribus cordis diligenter examinat quid sequendum, & quid vitandum.

I*Niquos homines odio habui,* propter peccata eorum: et hoc quia legem tuam, cui illi adversantur, dilexi, ut viverem in ea.*

*Adjutor ad bona facienda, et susceptor meus ad mala evadenda, es tu,**

Do.

Domine, Deus Pater : et in Verbum tuum, quod caro factum est, superaspexi, quia in eo vitam æternam promissisti.

Declinate & recedite à me vos, demones, maligni, & homines perversi, cum suggestionibus pessimis: et tunc scrutabor liberius mandata & præcepta Dei mei, mihi præstantia solamen.*

*Suscipe ad te revertentem me filium prodigum, secundum eloquium & pronissum tuum, quo dixisti: Convertimini ad me, & convertar ad vos; et vivam * in anima, vitâ gratiæ: et non confundas neque in desolationem me permittas ab expectatione mea, quæ est de vita æterna.*

*Adjuva me, quia per me nihil possum, et salvus ero * ab omni periculo, et meditabor in justificationibus tuis, credens te solum justificatorem, & neminem justum nisi per te; & hoc semper, sine fine.*

*Sprevisti despiciendo omnes perseverantes in malo, & discedentes ultro à iudiciis & præceptis tuis * divinis; quia injusta & Deo contraria est cogitatio prava eorum iniquorum, scilicet velle*

580 PSALMUS CXVIII.

peccare, & nolle pœnitere.

*Prævaricantes & transgredientes legem altissimi reputavi mecum omnes peccatores terræ, * qui hîc deliciis fruuntur terrenis: ideo sinceriori affectu dilexi magis testimonia tua, ne illis compar efficiar.*

*Confige & reprime mortificando, timore tuo, carnes pronas in mala desideria atque carnales meas * concupiscentias: à judiciis enim tuis futuris super peccatores timui, scilicet mortem, & gehennam.*

¶ Ain. Decima sexta est littera, & interpretatur oculus, vel fons. Dum enim bona prævidemus, fit nobis oculus cordis, fons justitiæ; ut oculo mentali prævideamus adventum judicis, quem nemo malus evadit.

F*Eci rectum judicium, examinando me ipsum in conscientia; et justitiam, * proximo reddens quod suum est: & ideo non tradas spiritibus malignis me, falsò calumniantibus & persequentibus me, ut decipiant, inficiant, subvertant animam meam.*

Suscipe ut patronus servum tuum, clementer acceptando obsequium ejus, ut sem-

PSALMUS CXVIII. 581

*semper proficiat in bonum * gratia & virtutis: non calumnientur neque falsò me accusent de peccatis superbi, diaboli, & ministri eorum.*

*Oculi mei intellectuales defecerunt, præ desiderio nimio, respicientes in salutare tuum * Christum Jesum, unde venit auxilium nobis; et etiam in eloquium euangelicum justitiæ tuæ, per quod justificamur gratis.*

*Fac, supplendo humanæ infirmitatis defectum, cum servo tuo, non secundum merita, sed secundum abyssalem misericordiam tuam, * Domine: et justificationes tuas atque præcepta justificantia doce me intelligere & adimplere.*

*Servus tuus fidelis sum ego: * idcirco da mihi intellectum divinitus illuminatum, ut sciam perfectè testimonia tua, justitiam, & veritatem justificantem.*

*Tempus dandi intellectum & facienti bonum nunc adest, Domine, * quia reprobi dissipaverunt fermè annihilantes legem tuam divinam euangelicam, perversè eam interpretando.*

*Ideo ardentiori zelo dilexi ut observem mandata tua * veraciter intelle-*

Et, super aurum purissimum, et topazion, gemmam pretiosissimam.

Propterea toto studio ad omnia precepta & mandata tua adimplenda dirigebar * recta intentione; omnem viam iniquam ad vitia ducentem odio habui, propter peccati turpitudinem.

Δ Pe. Decima septima est littera, & interpretatur erravi. Propheta condolet his qui errando à via veritatis calumniantur: quibus proponit quomodo scrutatur legem, & qualem intellectum in ea habeat.

MIrabilia in profunditate & sententiarum multiplicitate sunt testimonia tua * sacra Scriptura, opera divina attestantia: & ideo scrutata est diligenti indagine ea testimonia anima mea, ad intelligendum & credendum.

Declaratio atque testimonia sermonum tuorum scriptorum in lege & Prophetis illuminat * animam, ut sciat quid agat & quid omittat; et intellectum veritatis dat parvulis & verè humilibus.

Os meum animæ, quod intellectus est, aperui ad cupiendum verbum Dei,
quod

*quod est cibus animæ; et inde sitiens atraxi & hausi spiritum * sapientiæ & intelligentiæ: quia mandata & præcepta tua divina desiderabam præ omnibus scire & facere.*

*Aspice propitius in me oculo pietatis, et miserere mei * dando gratiam, secundum iudicium sanctorum diligentium nomen tuum, sicut decrevisti facere diligentibus te.*

*Gressus meos, affectus, cogitationes, verba, & opera dirige, non secundum meas voluntates, sed secundum eloquium tuum; * ut rectè vivendo tua iussa perficiam, et sic non dominetur mei neque prævaleat omnis iniustitia, per quam fit Deo injuria.*

*Redime & libera me à falsis calumniis & criminationibus hominum * impedientium me à via recta, ut sic quieto animo ac libero custodiam sincerius mandata & præcepta tua divina.*

*Faciem tuam, secundum quam creatus sum, illumina & clarifica super servum tuum, * infundendo mihi tui ipsius notitiam: et doce me, quod ubertim repeto, justificationes & præceptio-*

584 PSALMUS CXVIII.

nes tuas justificantes.

*Exitus aquarum & effusiones lacrimarum deduxerunt flentes oculi mei * in pœnitentia ; quia iidem oculi non custodierunt , per quos tamquam per fenestras mors subintravit , legem tuam divinam.*

Y Sade. Decima octava est littera , & interpretatur consolatio. Ubi enim præcedit pura confessio , ibi sequitur salubris consolatio per justitiam Dei , quam hic confitetur & laudat.

J*ustus in te ipso es, Domine * Deus, et rectum in regula justitiæ est iudicium tuum , quo reddis unicuique juxta suum meritum & demeritum.*

*Mandasti observari legem justitiam continentem , atque testimonia tua * in ipsa lege contenta , et veritatem tuam ineffabilem , nimis , valde.*

*Tabescere atque ex compassione deficere me fecit caritas & bonus zelus meus , * quem habeo erga legem tuam ; quia obliti sunt non custodientes verba & præcepta tua euangelica inimici mei , reprobi & mali homines.*

Ignitum , exurens vitia , & accendens

amo-

*amorem, est eloquium tuum sacrarum
Scripturarum vehementer * à Spiritu
Sancto: et servus tuus tibi mancipatus
dilexit illud, zelando pro ipso.*

*Adolescentulus, junior, insipiens
sum ego reputatus, et contemptus, * ab
inimicis meis: nihilominus justificationes
tuas mihi semper dilectas non sum obli-
tus adimplere.*

*Justitia tua divina est justitia in æter-
num * duratura, quia æterna bona bonis,
& æterna mala malis reddentur: et lex
tua est ipsa sincerissima veritas, nullâ
falsitatis nebulâ respersa.*

*Tribulatio exterior, et angustia in-
terior invenerunt & irruerunt super
me: * sed, inter hæc, mandata tua di-
vina meditatio assidua mea spiritualis
est, in remedium contra tribulationes.*

*Æquitas & justitia in se sunt testi-
monia tua & sacra Scripturarum verba,
in æternum, * sine fine: & propterea
intellectum da mihi ad cognoscendum
illa & opere adimplendum; et vivam
vitâ gratiæ in presenti, & vitâ gloriæ in
futuro.*

*p Coph. Decima nona est littera, & in-
ter-*

586 PSALMUS CXVIII.

interpretatur conclusio : quæ fit in angustis animæ. Diabolus semper conatur nos seducere , concludere , & obsidere suis tentationibus. Noxia conscientia nos pungit , morbi vis urget , sensum mentis intercipit angustia. Orationis ergo querenda est medicina salubris.

C*lamavi ferventer ac devotè in toto corde & affectu meo : exaudi me deprecantem , Domine , * & pium pande auditum ; ut justificationes & præceptiones tuas , quæ nos justificant , requiram , non solùm ad intelligendum , sed etiam ad operandum.*

*Clamavi ad te , quia undique sunt hostes : & tu in animâ salvum me fac , * amovendo mala , tum pœnæ , tum culpæ ; ut melius custodiam corde quieto ac libero mandata tua , quibus vita paratur æterna.*

*Præveni tempestivè ex deliberatione ordinata in maturitate rationis , et clamavi * magno mentis affectu ; quia , super omnia alia , in verba tua evangelica supersperavi , semper crescens in spe.*

Prævenerunt strenuè & vigilanter oculi mei interiores ad te directi in dilu-

PSALMUS CXVIII. 587

luculo * temporis, ætatis, & virtutis;
ut meditarer legem eloquia tua divina
continentem.

Vocem & orationem meam audi: at-
tende & fac secundum misericordiam
tuam, Domine, * & non secundum
merita mea, quæ nulla sunt: et secun-
dum justum judicium tuum, quo sup-
plicibus parcis, & se damnantes absol-
vis, vivifica me per gratiam tuam, ne
moriar per culpam meam.

Appropinquaverunt & alligaverunt
se inimici, persequentes me injustè ver-
bis & factis, iniquitati, * ut eorum
aucta sit iniquitas: à lege autem tua ca-
ritatis longe facti sunt, aberrantes à
via recta.

Prope es mihi tribulato, tu, Domi-
ne, * intus adjuvando & confortando:
et omnes viæ tuæ, quibus procedis, vel
affligendo, vel miserendo, sunt ipsa ve-
ritas. Vera enim & justa sunt omnia ope-
ra tua, jussa, & verba.

Initio & ab exordio generis humani
cognovi sciens de testimoniis & verbis
tuis * sacre Scripturæ, quia in æternum
inviolabiliter fundasti & stabilisti ea,
per-

588 PSALMUS CXVIII.

*permansura vera super fundamentum
quod Christus est.*

7 Res. *Vigesima est littera , & interpretatur caput. Designat verò humilitatem , quæ est caput omnium virtutum , per quam semper exauditur homo: quippe oratio se humiliantis penetrat nubes.*

V *Ide oculis misericordiæ humilitatem , afflictionem , contemptum , & reprobationem meam ; et eripe me * de periculo mortis æternæ : quia legem tuam quæ dicit : Qui se humiliat , exaltabitur , non sum oblitus , immò opere & mente servavi.*

*Judica , discerne , atque determina judicium meum & causam meam quam habeo contra diabolum & reprobos , ne ipsi prevaleant : immò et redime me * ab omni malo præsentis , præteriti , & futuro : propter eloquium tuum quo dixisti : Qui credit in me , non morietur , vivifica me vitâ æternâ.*

*Longè est à peccatoribus impœnitentibus salus * gratiæ & gloriæ ; quia justificationes tuas & mandata , quibus deberent justificari , non exquisierunt ut secundum ea viverent.*

Mi-

PSALMUS CXVIII. 589

Misericordiæ tuæ , quibus benefacis
& parcis pœnitentibus, multæ sunt , Do-
mine , * & innumerabiles : secundum
judicium tuum , quo humiles exaltas,
vivifica me per augmentum gratiæ tuæ.

Multi sunt , tam demones , quàm
perverſi homines , qui perſequentur
me mortifera suadendo , et tribulant
me * flagella inferendo : nihilominus à
testimoniis & præceptis tuis per te in le-
ge testificatis non declinavi , immò con-
ſtans in fide & opere permansi.

Vidi impios prævaricantes & trans-
gredientes legem tuam; et tabescebam , *
præ dolore deficiens , quia eloquia &
præcepta tua , tam dulcia , tam utilia,
non custodierunt , immò in tribulatio-
nibus negaverunt.

Vide & approba pietatem affectus
mei , quoniam mandata & præcepta tua
divina dilexi , zelans pro eis in me & in
aliis : idcirco , Domine , * Deus meus,
in misericordia tua , quia merita mea
non ſufficiunt , vivifica & ſalva me
in æternum.

Principium & initium ſacrorum ver-
borum & eloquiorum tuorum ſunt ipſa
ve-

veritas, * quoniam merè verissima sunt omnia verba sacrae Scripturae : in æternum sine ulla immutabilitate durabunt omnia judicia justitiæ tuæ, quæ facturus es in die novissimo, ubi pœna impiis & præmia reddentur justis.

W Schin. Vigesima prima est littera, & interpretatur super vulnus. Tribulationes enim, ceu emplastrum, sunt medicamenta contra vulnera peccatorum, tumorem reprimentia, dolorem mitigantia, saniem expellentia, fracturam consolidantia.

PRincipes tenebrarum & homines impii persecuti sunt me injuriis, contumeliis, & afflictionibus; & hoc gratis, * sine ulla causa : et tamen, constans in tribulatione, à verbis tuis, quibus comminaris pœnas transgressoribus legis tuæ, formidavit & timuit cor meum.

Lætabor ego, inter tentationes & persecutiones, super salubria eloquia tua * euangelica ; sicut qui, devictis hostibus, invénit post bellum spolia multa, qui & de victoria & de prædæ magnitudine sibi gratulatur.

Iniquitatem mortalem odio habui, et detestando abominatus sum * peccatores:
le-

PSALMUS CXVIII. 591

legem autem tuam divinam dilexi perfecta voluntate.

Septies per horas canonicas in die naturali laudem dixi tibi, * Domine, super judicia occulta justitiæ tuæ; confitendo omnia opera tua justa, licet incomprehensibilia.

Pax interna conscientiae multa & copiosa est diligentibus opere & veritate legem tuam, * quia caritas pellit omnes perturbationes: et non est illis aliquod scandalum, quia non scandalizant, neque scandalizantur.

Expectabam longanimi spe salutare tuum, Domine, * ut gloria aeterna coronemur: et ideo mandata tua divina dilexi, per quæ salus & pax acquiritur.

Custodivit per jugem memoriam anima & voluntas mea testimonia tua * divina, in lege & Prophetis mandata; et dilexit ea, corde & opere, vehementer & ardentius.

Servavi diligenter opere adimplendo mandata tua nova, et testimonia tua * vetera; quia omnes viæ meæ, quibus progredior in hac vita, sunt in conspectu tuo: quæ cogito, cupio, loquor & ago,

ago, videntur & judicantur à te.

¶ Taph. *Ultima est littera, & interpretatur erravit. Vir justus se olim errasse fatetur, sed nunc velle Deo appropinquare. Imbutos enim vitiis animos exuere atque emendare, non solum perfectæ virtutis, sed cœlestis est gratia.*

Appropinquet & ingrediatur deprecatio atque oratio mea in conspectu tuo, Domine, * usque ad thronum miserationis tuæ: juxta eloquium, non Philosophorum, sed tuum divinum, da mihi intellectum; ut sapiam quæ Dei sunt, & non vanitate humana prudentia evanescam.

Intret etiam ad te postulatio & oratio mea, quæ est de amovendis malis, in conspectu tuo, * ut eam conspicias & exaudias: secundum eloquium & promissum tuum divinum, eripe me ab hostibus visibilibus & invisibilibus.

Eructabunt de pleno corde labia mea & dicent hymnum, * ad laudem, honorem, & gloriam nominis tui; cum docueris me intelligere & facere justificationes & preceptiones tuas nos justificantes.

Pro-

Pronuntiabit *laudando & prædicando* lingua mea, *ceu minister verbi*, eloquium tuum * *sacrarum Scripturarum*; quia omnia mandata & præcepta tua divina sunt ipsa æquitas, pax, & vita aterna.

Fiat mihi manus tua *auxiliatrix*, ut salvet me * *liberando à malis*, & *corroborando in bonis*: quoniam mandata & præcepta tua divina præ omnibus temporalibus magis elegi ad meditandum, operandum, atque docendum.

Concupivi *ardentissimè* salutare tuum bonum, Domine, * *quod est vita aterna & gloria consummata*; et ideo lex tua, dirigens ad illud summum bonum, meditatio mea est assidua.

Vivet per gratiam in via, & per gloriam in patria, anima mea, licèt hìc corpus affligatur; et laudabit te * hìc inchoativè, illic verò consummativè: et iudicia tua, quibus hìc flagellas filios quos recipis, adjuvabunt me ut vitam adipiscar aeternam.

Erravi, sæpius declinando à via veritatis, sicut ovis quæ periit * & perdit a fuit: quære servum tuum, Domine,

594 PSALMUS CXIX.

*ut ovem perditam reducas ad pascua vi-
ta, quia mandata & præcepta tua divi-
na non sum oblitus finaliter & ex toto,
licet ad tempus neglexi.*

PSALMUS CXIX. [sec. Hebr. CXX.]

Canticum & exsultatio mentis gra-
dum spiritualium, quibus ascenditur ad
Deum. Et, sicut quindecim fuerunt gra-
dus quibus ascendebatur in sancta san-
ctorum; ita quindecim sunt gradus men-
tis quibus ascenditur ad Deum, ut quin-
decim Psalmi sequentes demonstrant. Pri-
mus gradus est à malis sæculi exire, &
universæ vanitati renuntiare.

AD Dominum, quia omnipotens
est & benignus, cùm tribularer
suggestionibus demonum & injuriis perse-
quentum, clamavi * ferventer: et exau-
divit me, misericorditer liberando.

Domine, Deus, libera animam
meam tibi devotam à labiis iniquis * &
mendacibus, et à lingua dolosa, quæ
iniqua suadet sub specie boni.

Quid utile erit ut detur tibi, ò ani-
ma

ma afflicta, aut quid vis ut apponatur tibi * ad defensionem tuam, contra linguam dolosam, & contra demonum suggestiones?

Sagittæ sacra Scriptura, quæ sunt potentis Dei verba, acutæ, * & penetrabiliores omni gladio; erunt tibi pro remedio, cum carbonibus & peccatoribus, olim desolatoriis, nunc ad vitam gratiæ conversis; qui, calefacti igne caritatis, reviviscunt à mortuis.

Heu! gemitus magnus mihi est, quia incolatus meus in iis miseriis prolongatus est nimis à patria cœlesti: habitavi & convixi cum habitantibus Cedar, * jacentibus in tenebris peccatorum: multum incola & peregrina à Deo fuit anima mea, discurrendo per vana & inutilia.

Cum his hominibus qui oderunt pacem veram & unitatem catholicam, eram pacificus, * eorum molestias patienter tolerando: &, cùm loquebar illis verbum veritatis, impugnabant me obstinati gratis, sine aliqua justa causa.

O R A T I O.

Omnipotens & misericors Deus , à tribulationibus cunctis eripe nos , & libera animas nostras à labiis detrahentium iniquorum ; ut , adjutoriis spiritualibus pramuniti , nullis impugnationibus obruamur. Per Christum &c.

PSALMUS CXX. [*sec. Hebr. CXXI.*]

Canticum secundum graduum spiritualium. Secundus gradus est expostulatio divini auxilii in tribulatione & contentione.

L Evavi sursum oculos meos mentis & corporis in montes * & excelsa electorum , unde veniet suo tempore auxilium mihi & divina virtus ac pietas.

Auxilium meum est à Domino * Deo , qui fecit coelum et terram , atque omnem creaturam supremam & infimam.

Non det neque patiatur in commotionem de bono in malum mutari pedem & affectum tuum , * etiam neque dormitet neque negliget te sibi fidentem , qui custodit te , Israël , populum fidelem,

lem, videntem Deum per fidem.

Ecce non dormitabit Dominus; neque dormiet, * *quasi negligeret curam tui, qui custodit sua gratia Israël, populum Christianum contemplantem Deum per fidem operantem.*

Dominus omnipotens custodit te in bono, Dominus est protectio tua * *contra malum, super manum dexteram tuam, & plus quàm manus dextera tua posset te protegere.*

Per diem prosperitatis sol non uret te * *in superbia, neque luna deprimet te per noctem adversitatis.*

Dominus Deus custodit te, per suam gratiam, ab omni malo * *tentationis & culpæ: custodiat semper animam tuam Dominus, ne tibi noceant adversa.*

Dominus Deus custodiat introitum tuum in hunc mundum, et exitum tuum * *à vita præsenti, ex hoc nunc temporis, et usque in sæculum, à principio usque ad finem.*

ORATIO.

Omnipotens Deus, qui fecisti coelum & terram, sis auxilium & protectio nostra in tentationibus & adversitatibus nostris. Ne

patiaris humanos affectus nostros dilabi in peccata : sed custodi animas nostras per tuam gratiam ab omni malo , ab introitu vitæ nostræ usque ad exitum ejus. Per Christum Dominum nostrum.

PSALMUS CXXI. [*sec. Hebr. CXXII.*]

Canticum tertium graduum spiritualium.

LÆtatus sum & gavisus spiritu , in his quæ à Prophetis & Apostolis dicta sunt mihi * per sacram Scripturam : quia scilicet in domum Domini & in cœlestem Jerusalem ibimus ac pervenimus , duobus videlicet pedibus caritatis , qui sunt amor Dei & proximi.

Stantes erant firmiter pedes & affectus nostri , * non labentes , non commoti , in atriis & penetralibus tuis , ò Jerusalem superna & cœlestis.

Jerusalem quæ in cœlis ædificatur , ex vivis lapidibus & sanctorum contubernio , ut civitas * quædam , ubi est civium concordia & unitas ; cujus participatio ejus est in summa caritate in idipsum Deum , qui in aternitate semper

per idem manet.

Illuc enim ad cœlestem Jerusalem ascenderunt tribus, non quacumque, sed tribus Domini, * electi filii per adoptionem; in quibus est testimonium verum Israël fidelis per fidem formatam, ad confitendum in laude nomini Domini, quod solum opus est sanctorum.

Quia illic in domo cœlesti sederunt Apostolici viri, tamquam sedes in quibus Deus sedet & quiescit, in iudicio * futuro cum Christo iudicaturi: sedes, inquam, super domum & familiam David, super fideles & impios.

Rogate postulando à Domino quæ ad pacem obtinendam sunt hujus Jerusalem * cœlestis, quæ visio pacis dicta est: et abundantia bonorum spiritualium ac cœlestium detur fidelibus & piis diligentibus te, ò Deus, & ad te adspirantibus.

Fiat ergo pax cœlestis in virtute tua, * ut adstringamur omnes vinculo caritatis: et abundantia bonorum spiritualium sit in turribus tuis, majoribus & excelsis qui supereminent ut instruant alios verbo & exemplo.

Propter fratres meos in vinculo ca-

600 PSALMUS CXXI.

ritatis adstringendos, et proximos meos in unitate Ecclesiæ congregandos, loquebar aliis prædicando pacem de te, ut ad cœlestem Jerusalem se perfectos exhiberent.*

Propter domum Domini & Ecclesiam Dei nostri * ædificandam, augmentandam, & glorificandam; quæsi, pacem proximis prædicando, bona tibi, ut efficiantur civitas in qua habitare dignetur Deus.

ORATIO.

Da, quæsumus, Domine, diligentibus te, & nomen tuum divinum confitentibus, abundantiam bonorum spiritualium: ut omnes, adstricti hîc vinculo caritatis, & ambulantes in atriis Ecclesiæ tuæ in unitate fidei, tandem in Jerusalem civitate cœlesti, quæ ædificatur ex sanctorum contubernio, participatione mutua lætemur in idipsum te verum Deum Dominum nostrum. Amen.

PSALMUS CXXII. [sec. Hebr. CXXIII.]

Canticum quartum graduum spiritualium. Quartus gradus est, inter angustias, oculos ad Dominum fiducialiter dirigere.

AD te verum Deum meum levavi
in anxietatibus oculos meos *
cordis & corporis, qui habitas optimus
maximus in cœlis, omnia gubernans.

Ecce sicut sunt oculi fervorum, *
auxilio indigentium, vel præmium labo-
ris expectantium, in manibus domino-
rum suorum, sedulò parati ad impe-
rium domini;

Sicut etiam oculi intentissima ancillæ
sunt in manibus dominæ suæ, * exspe-
ctantes quid velit aut ei placeat: ita sunt
oculi nostri interiores & exteriores ad
Dominum Deum nostrum intenti; do-
nec misereatur nostri, liberando nos ab
omnibus malis & miseriis.

Miserere nostri, Domine, quia cor-
pus passionibus laborat: miserere no-
stri, * quia anima passionibus affligitur:
quia multum repleti sumus contemptu
& despectione, derisi à malis.

Quia multum repleta est anima &
vita nostra * afflictione & contemptu: quia
in opprobrium sumus divitibus abun-
dantibus felicitate mundana, et despe-
ctio sumus superbis de se præsumptibus.

ORA-

ORATIO.

Cœlorum habitator, Deus, ad te levamus oculos nostros, precantes ut, confutatis opprobriis superborum, & despectionibus divitum, nobis misericordiam solitam clementer largiaris, ad quem assiduè oculos dirigimus; donec miserearis nostri, liberando nos ab omnibus malis præteritis, præsentibus, & futuris. Amen.

PSALMUS CXXIII. [*sec. Hebr. CXXIV.*]

Canticum quintum graduum spiritualium. Quintus gradus est liberationem nostram, non nobis, sed Deo attribuere, & gratias agere.

Nisi quia Dominus erat in nobis, & nisi potentia & bonitas Dei adstitisset nobis, succurrisset, defensasset, dicat nunc gratias agendo Israël, * populus Christianus videns Deum fide & spe; nisi quia Dominus erat in nobis, & fuisset pro nobis, protegens & liberans:

Cùm exurgerent ex malitia homines impii in nos * persequendo; fortè contigisset quod vivos deglutissent nos, vastando in anima & corpore.

Cùm

PSALMUS CXXIII. 603

Cum irasceretur & exardesceret furor eorum in nos * ex invidia ; forsitā aqua & inundatio tribulationum absorbuisset nos , nisi præstò fuisset auxilium divinum.

Torrentem persecutionum , & impetum tentationum , pertransivit & evasit anima nostra * illæsa : verumtamen , si Dominus non fuisset in nobis , forsitā pertransisset seu passa esset anima nostra debilis aquam tentationum & persecutionum intolerabilem viribus nostris , adeoque submersi fuissēmus in ea.

Benedictus sit Dominus * & laudatus , qui non dedit nos servos suos in captionem & prædā ut laceraremur dentibus eorum , & dispergeremur crudeliter.

Anima nostra fragilis , sicut passer , per Dei gratiam erepta est , * & evasit impietatis pericula , de laqueo venantium spirituum malignorum , qui , ad venandum animas , laqueos extendunt in concupiscentiis sæculi.

Laqueus per Dominum contritus est , * & in nihilum redactus ; et nos liberati sumus , non propria virtute , sed divina.

Ad-

604 PSALMUS CXXIV.

Adjutorium nostrum, *non à nobis, nec in nobis, sed in nomine Domini; * in virtute & invocatione ejus qui fecit & creavit coelum et terram, & omnia quæ in eis sunt.*

ORATIO.

Quæsumus, Domine, creator coeli & terræ, ut per gratiam tuam semper sis nobis, liberans nos de insidiis ac deceptionibus dæmonum, & laqueos peccatorum nostrorum conterendo: ut qui de nostra virtute diffidimus, nominis tui adjutorio muniamur. Per Christum Dominum nostrum.

PSALMUS CXXIV. [*sec. Hebr. CXXV.*]

Canticum sextum graduum spiritualium.

QUi confidunt & totam spem suam reponunt in Domino, non in hominibus nec rebus mundanis, sunt sicut mons Sion, * qui moveri non potest: non commovebitur in æternum à stabilitate fidei & virtutis, qui habitat in Jerusalem atque Ecclesia Christi.

Mon-

PSALMUS CXXIV. 605

Montes, qui sunt Prophetæ, Apostoli,
& sancti homines, sunt in circuitu ejus *
Ecclesiæ, quasi murus : et Dominus, qui
est vertex montium, est in circuitu po-
puli sui, ut benefaciat, ornet, & defen-
dat, ex hoc nunc et usque in sæculum,
quia nobiscum erit usque ad consumma-
tionem sæculi.

Quia non relinquet semper Domi-
nus potestatem, virgam, & tyrannidem
peccatorum impiorum super sortem ju-
storum, * ut prævaleant justis ; ut non
extendant justi, in longa tribulatione
desperantes, ad iniquitatem & impieta-
tem manus suas, immò patienter ferant.

Benefac, Domine, in tua gratia
bonis * opere et rectis corde : illos, in-
quam, defende, conforta, & glorifica.

Declinantes autem à rectitudine fi-
dei ac veritatis in obligationes culpæ,
ad pravitates suas, per blanditias car-
nis, adducet Dominus ad pœnam æter-
nam, cum operantibus iniquitatem *
& perseverantibus in ea : sed pax æterna
erit super Israël, rectos corde Deum vi-
dentes fide formata.

ORA.

ORATIO.

Repelle, Domine, insurgentium nequitias à forte iustorum : & serva nos, ne commoveamur à stabilitate fidei & virtutis. Fac quoque ne per blanditias carnis declinemus ad pravitates nostras : sed præsta ut, qui in te toto corde confidimus, nullis tentationum procellis quatiatur. Amen.

PSALMUS CXXV. [*sec. Hebr. CXXVI.*]

Canticum septimum graduum.

IN convertendo & postquam converterit Dominus Deus captivitatem Sion * & populi Christiani, redimendo nos à vinculis peccatorum sanguine innocenti ; facti sumus, propter insperatum maximum bonum, sicut consolati, ut vix credere præ admiratione possimus.

Tunc in illa conversione repletum est gaudio spirituali os nostrum * cordis : et lingua nostra corporis etiam repleta est exultatione atque jubilatione pro tanta gratia, qua salvamur.

Tunc etiam dicent aliqui inter gentes, * & fateri cogentur increduli : Magni-

PSALMUS CXXV. 607

gnificavit Dominus *mirabilia facere cum eis fidelibus, peccata dimittendo, & virtutes conferendo.*

Magnificavit Dominus *miserericordiam suam facere nobiscum, * liberando nos de servitute peccati & diaboli: unde facti sumus lætantes, qui prius eramus tristes & gementes.*

Converte, Domine Deus, captivitatem nostram * *qua sub diabolo tene-
mur: sicut torrens impletur aquis &
currit in Austro vento, qui nives dissolvit; ita, flante Spiritu Sancto, solvamus à peccatis.*

Qui feminant opera bona misericordiæ in lacrimis * *compunctionis & devotionis, in exultatione futura metent fructum æternæ beatitudinis.*

Euntes de virtute in virtutem, ibant proficiendo continuè, et flebant * *in laboribus virtutis, mittentes semina ac opera sua cum multo fructu.*

Venientes autem ad iudicium, venient à morte resurgendo, cum exultatione * *& gaudio magno portantes manipulos suos in felicissima messe, quia fructum bonorum operum.*

ORA-

O R A T I O.

Consolare, Domine, populum tuum, & reple nos gaudio spirituali, atque magnifica misericordiam tuam facere nobiscum, liberando nos à captivitate pessima vitiorum & diaboli; ut, quem hìc in bonis operibus seminamus, tandem fructum æternæ vitæ recipiamus in præmium & coronam gaudiorum. Amen.

PSALMUS CXXVI. [*sec. Heb. CXXVII.*]

Canticum octavum graduum spiritualium.

Nisi Dominus Christus ædificaverit *interius domum * & Ecclesiam suam, populumque suum in fide & moribus; in vanum laboraverunt rectores, qui ædificant eam prædicando, & sacramenta administrando.*

*Nisi Dominus Deus custodierit in fidei puritate civitatem * & congregationem fidelium, in unitate spiritus; frustra vigilat contra hostes qui custodit eam, quia vana est omnis humana providentia.*

Vanum & inutile est ergo vobis o-
mnibus

*mnibus ante lucem, Christum, qui est lux nostra, surgere * & incipere aliquod opus bonum, nisi lux gratiæ infundatur: surgite ergo, per lucem gratiæ bene operando, postquam diu federitis in peccatis, qui manducatis in afflictione panem doloris ac pœnitentiæ.*

*Cùm dederit dilectis & amicis suis predestinatis somnum * mortis temporalis, ecce hereditas Domini sunt tales filii renati ex aqua & Spiritu Sancto; quorum merces erit Christus, fructus benedictus ventris virginalis, qui eos acquisivit per obedientiam passionis.*

*Sicut sagittæ sunt in manu alicujus potentis * hominis ad feriendum de arcu; ita sunt filii & imitatores excussorum Apostolorum, qui excussi & missi sunt à Christo in fines orbis terrarum, unde acquisita est Domino hereditas Ecclesiæ ex gentibus.*

*Beatus est vir ille qui implevit desiderium suum spirituale ex ipsis * sagittis & doctrinis Apostolorum: quia non confundetur ut mendax, cùm assumsit jacula verbi Dei, cùm loquetur inimicis suis Judæis, Gentibus, Hæreticis,*

Qq in

610 PSALMUS CXXVII.
in porta & frequentia populi.

ORATIO.

Congregationem fidelium in unitate spiritus custodi, Domine: & nos filios tuos, renatos ex aqua & Spiritu in Ecclesia, quam ædificasti sanguine tuo, fac surgere à peccatis, per lumen gratiæ tuæ; ut, abundantes in operibus bonis, simus hereditas tua, & tu merces nostra, qui es Christus, fructus benedictus ventris virginalis. Amen.

PSALMUS CXXVII. [*sec. Heb. CXXVIII.*]

Canticum *nonum* graduum *spiritualium*. *Nonus gradus est Deum timore casto ac filiali timere.*

BEati omnes, *cujuscumque conditionis fuerint*, qui timent Dominum * *timore casto ac filiali*, & qui ambulant in viis ejus *juxta Dei præscripta & sanctam Scripturam.*

Labores manuum tuarum *in sudore vultus percipies*, quia manducabis * *de justis laboribus*: beatus es *in hoc*, et bene tibi erit, *quia felix lucrum comprobatur Deus.*

Uxor tua, *non libidinosa, sed casta*
✠

PSALMUS CXXVII. 611

*Et fidelis, erit sicut vitis abundans * fructibus, in lateribus domus tuæ, omnia prudenter disponens.*

*Filii tui, dulces Et bonæ spei, erunt sicut novellæ plantulæ olivarum * virentes, in circuitu mensæ tuæ, quos Dei munere pascas alacer.*

*Ecce hæc dona Dei accipiet Et sic benedicetur homo * qui timet Dominum Deum, ambulando per viam mandatorum ejus.*

*Benedicat tibi Dominus benedictione quæ est ex Sion * cælesti: et, ibi positus, videas bona supernæ Jerusalem, quæ desiderasti, omnibus diebus vitæ tuæ, semper Et æternaliter.*

*Et videas longævus filios filiorum tuorum, * Et nepotes beatos pariter, timentes Deum: pacem insuper, gratiam, Et misericordiam super Israël Et omnem populum Dei.*

ORATIO.

Timentibus nomen tuum, Domine, beatitudinem largire perpetuam, ut nos & filii nostri videamus bona cælestis Jerusalem, quæ non transeunt, sed æterna sunt; & pacem pariter super omnem populum Christianum. Per Dominum nostrum &c.

PSALMUS CXXVIII. [sec. Heb. CXXIX.]

Canticum decimum graduum spiritualium. Decimus gradus est patientia, quæ in adversis comprobatur.

SÆpe & multum expugnaverunt me diabolus, tyranni, & hæretici, à juventute mea * & principio temporis, dicat nunc Israël, Ecclesia, quæ Deum speculatur per fidem.

Sæpe expugnaverunt me, nec destiterunt, à juventute mea * & initio conversionis meæ ad Deum verum: etenim non potuerunt prævalere mihi, assistente Dei gratia.

Supra dorsum meum, ex qua parte videri non possunt, fabricaverunt insidias peccatores, * & tribulationibus afflixerunt: & prolongaverunt perseverantes iniquitatem suam, addendo mala malis.

Dominus justus, reddens singulis secundum opera sua, concidit & destruxit cervices peccatorum * atque superbias impiorum: confundantur de iniquitate sua, et convertantur retrorsum à Deo,

omnes

PSALMUS CXXVIII. 613

Omnes qui oderunt Sion & congregationem justorum.

*Fiant inimici gratiae ac verae pietatis, qui diu florere volebant, sicut foenum tectorum; * quod, priusquam evellatur, nihil fructificans, sed tantum florens, exaruit atque evanescit ante tempus.*

*De quo foeno arido, qui sunt impii, non implevit Angelus manum suam aliquo bono opere ad offerendum Deo, qui in fine mundi metit * separando bonos à malis: et sinum suum non implebit fructu malo, qui manipulos, bonos ac justos, colligit & congregat.*

*Et non dixerunt sancti qui praeferant nos ad caelestia: Benedictio Domini sit super vos. * Nec etiam dixerunt: Benediximus vobis ex parte nostra in nomine Domini, quia noverunt Ecclesiae persecutores maledictos.*

ORATIO.

Præsta nobis, Domine, patientiam in adversis, & ab omnium impugnationum nequitias nos tua protectione defende, ut pericula mundi transire valeamus illæsi: ut, bene viventes, æquanimiter toleremus

614 PSALMUS CXXIX.

impios, & ab omnibus sanctis tuis benedici valeamus in nomine tuo, quod JESUS est, salvator noster. Amen.

PSALMUS CXXIX. [sec. Hebr. CXXX.]

Canticum undecimum graduum spiritualium. Undecimus gradus est penitentialis supplicatio, cum nullus sine peccato sit.

DE profundis cordis & miseriis peccatorum meorum, clamavi orando ferventer ad te, Domine, * qui solus potes liberare: Domine misericors, exaudi vocem & orationem meam.

Fiant aures tuæ pietatis & misericordie intendentes, * ut relaxentur peccata, in vocem deprecationis meæ, ne frustra orem.

Si iniquitates meas & peccata observaveris, Domine, * secundum justitiæ rigorem; Domine bone, quis sustinebit te judicem vindicantem?

Quia apud te verum Deum Filium propitiatio est, * & peccatorum nostrorum reconciliatio; et, propter Evangelicam legem tuam, qua promittis miseri-

PSALMUS CXXIX. 615

cordiam pœnitentibus, sustinui patienter te, Domine, & sperans, & exspectans.

*Sustinuit confidenter anima mea, in consolatione & in verbo ejus * infallibili: speravit de remissione peccatorum anima mea in Domino, qui liberat, condonat, & coronat.*

*A custodia seu vigilia matutina, quæ est pueritia, quando incipit homo ratione vigere; usque ad noctem * mortis & finem vitæ, speret confidenter Israël & populus fidelis in Domino, exspectando misericordiam.*

*Quia apud Dominum fuit, est, & erit misericordia * in relaxatione peccatorum, et copiosa atque sufficiens apud eum est redemptio, cujus pretioso sanguine redempti sumus.*

*Et ipse filius Dei redimet proprio sanguine Israël, * populum fidelem, ex omnibus, tam mortalibus iniquitatibus ejus, quàm venialibus.*

ORATIO.

De profundis cordis clamamus ad te, Domine, ut de profundis peccatorum libera nos, quia apud te solum verum Deum est propitiatio & reconciliatio nostra. Ne

616 PSALMUS CXXX.

oberves iniquitates nostras, qui speramus in misericordia tua, qui redempti sumus pretioso sanguine tuo. Amen.

PSALMUS CXXX. [sec. Hebr. CXXXI.]

Canticum duodecimum graduum spiritualium. Duodecimus gradus est humilitas interior cordis, & exterior operis.

Domine Deus, non est exaltatum intus cor meum * per superbiam, quasi, meis viribus confidens, aliquid sublime de me sentiam: neque elati sunt signo exteriori oculi mei, ut super alias me exaltarem.

Neque ambulavi presumendo in magnis * factis vel virtutibus, neque in mirabilibus super me: quia non studui vana & curiosa perscrutari, altiora captu meo.

Si non humiliter sentiebam, * nihil presumendo de me & viribus meis, sed exaltavi superbiendo animam & personam meam; fiat de me punitio quae sequitur:

Sicut, cum ablactatus est puer, & abstractus à mamillis super matre sua, *

con-

PSALMUS CXXXI. 617

contristatur & perit; ita retributio & punitio sit in anima & persona mea, ut à me subtrahatur consolatio divina.

*Speret Israël populus fidelis ac humilis in Domino, * non præsumat de se ipso, ex hoc nunc præsentis temporis, et usque in sæculum æternitatis.*

ORATIO.

Omnipotens Deus, ne permittas nos exaltari in superbiis nostris, neque confidere in nostris viribus, & altiora nobis indagare: sed immò fac nos humiliari sub potenti manu tua, & sperare in te Domino Deo nostro, ut ad æternitatem tuam in cœlestibus pervenire valeamus. Per Christum Dominum nostrum. Amen.

PSALMUS CXXXI. [*sec. Hebr. CXXXII.*]

Canticum decimum tertium graduum spiritualium. Decimus tertius gradus est ædificatio spiritualis domus in moribus & fide.

MEmento, Domine Pater, David, * hoc est Christi, qui de semine David secundum carnem descendit; et omnis mansuetudinis ejus, qui,
tam-

618 PSALMUS CXXXI.

tamquam agnus, ductus est ad victimam.

Sicut juravit Christus homo Domino * Deo Patri, & votum vovit ex mera voluntate Deo Jacob, ut adventu suae incarnationis redimeret genus humanum.

Si introiero (votum est Christi) id est, non introibo in tabernaculum caelestis palatii domus meae, * ut ibi inhabitem; si ascendero, quia non ascendam, in lectum & requiem strati mei, sessurus ad dexteram Patris, ubi erit finis laborum; [2. Reg. 7. 2.]

Si dederò, quia non dabo, somnum triduanum oculis meis * in sepulcro, et palpebris meis dormitationem & quietem;

Et non dabo requiem aliquam temporibus meis, neque prius ascendam crucem morti proximus: donec inveniam locum Domino * Patri in pectoribus credentium, quod sit tabernaculum, ecclesia & templum Deo Jacob, & Christianorum, qui contra vitia militare non cessant.

Ecce jam audivimus per Prophetas eam Ecclesiam futuram in Ephrata, *
quod

PSALMUS CXXXI. 619

quod est Bethleem, in qua natus est Christus: invenimus eam etiam in campis silvæ & in Gentibus idololatriis & incultis.

*Introibimus in unitate fidei, & vinculo caritatis, in tabernaculum ejus * & Ecclesiam sanctam; & adorabimus in loco sacro ubi steterunt Apostoli, qui sunt pedes ejus, sustentantes totum corpus Ecclesiæ.*

*Surge nunc, Domine, à morte, in requiem tuam; * ascendendo in cælum, qui reddidisti votum tuum: tu primò, et deinde arca seu Ecclesia sanctificationis tuæ, quam sanctificasti per asperersionem sanguinis tui. [2. Paral. 6. 41.]*

*Sacerdotes tui atque Prælati Ecclesiæ induantur justitiam * fidei: et inde sancti tui atque ejus subditi minores exultent testimonio bonæ conscientie.*

*Propter David servum tuum, * & propter filium tuum qui ex semine David formam servilem suscepit, non avertas penitus à Judæis faciem & notitiam Christi filii tui.*

Juravit Dominus per semetipsum &

pro-

*promisit David veritatem, et non frustrabitur eam, * nec est mentitus ei, quia, sicut promisit, sic complevit: De fructu ventris tui, filium Virginis natum de stirpe tua, ponam regem super sedem tuam, juxta illud Angeli: Dabit illi Deus sedem David patris sui. [Luc. 1. 55. Act. 2. 30.]*

*Si custodierint filii tui per te in fide progeniti testamentum meum, * implendo praecepta legis et testimonia mea euangelica hæc, quæ docebo eos per te & tuos;*

*Et etiam filii ac successores eorum si custodierint: usque in sæculum * æternum sedebunt super sedem tuam, quia sine fine tecum regnabunt.*

*Quoniam elegit Dominus sua gratia Sion * & Ecclesiam fidelium: elegit eam in cordibus electorum in habitationem sibi per fidem, ut Deus in ipsis, & ipsi in Deo habitent.*

*Hæc Ecclesia aut anima fidelis est requies mea, non tantum in hac vita, sed in sæculum sæculi, * æternaliter: hic habitabo in benedictionibus meis, quoniam elegi eam ex pura gratia mea.*

PSALMUS CXXXI. 621

Viduam & animam ejus Ecclesiæ de-
sertam omni auxilio mundano, solam
spem in me habentem, benedicens bene-
dictione gratiæ in præsentī, benedicam *
benedictione gloriæ in futuro: & pauperes
ejus ac humiles, nihil de se præsumen-
tes, sed in misericordia sola Dei, satu-
rabo panibus vitæ æternæ spiritualibus,
cibo cœlesti & verbo Dei.

Sacerdotes atque Prælatos ejus Eccle-
siæ induam salutari * gratia Spiritus
Sancti, ut luceant doctrina & virtutibus:
et inde sancti ejus fideles, baptismo san-
ctificati, exultatione perpetua exulta-
bunt de gratia Dei & remissis peccatis.

Illuc in Ecclesia producam & germi-
nare faciam cornu David * & regnum
& gloriam ejus: paravi lucernam &
Euangelii doctrinam Christo filio meo,
quæ lucerna de Sion exhibet in orbem ter-
rarum. [Mal. 3. 1. Luc. 1. 69.]

Inimicos & adversarios ejus regni &
lucis Euangelii Christi induam confusio-
ne, * quia obvolvuntur erroribus: super
ipsum autem Christum efflorescit ac ex-
cellenter apparebit sanctificatio mea &
gloria divinitatis.

ORA.

ORATIO.

Memor esto nostri, omnipotens Deus, & indue nos iustitia atque salutari gratia tua. Effloreat quoque super nos sanctificatio divinitatis tuæ, ut custodiamus testimonia tua euangelica; saturando pane cœlesti verbi Dei nos humiles, nihil de nobis præsumentes: et tu in nobis atque nos in te habitando, benedicas benedictione gratiæ in præsentī, & gloriæ in futuro. Amen.

PSALMUS CXXXII. [sec. Heb. CXXXIII.]

Canticum decimum quartum graduum spiritualium. Decimus quartus gradus est caritas fraterna Ecclesiam edificans.

ECce quàm bonum & utile, et quàm jucundum * ac delectabile, habitare fratres, non carnales, sed spirituales, in unum sincera caritate, ut habeant cor unum & animam unam.

Sicut unguentum gratiæ Spiritus Sancti, quod fuit prius in capite * Christo, quod descendit postea in barbam & membra fortia, quæ fuerunt Apostolici viri; barbam (inquam) Aaron, sacer-

cerdotis Christi.

Quod etiam unguentum Spiritus Sancti descendit ab Apostolis in oram vestimenti ejus, * usque ad nos, ad quos fines seculorum devenerunt : sicut ros Hermon & gratia Christi, qui descendit super Apostolos in montem Sion congregatos.

Quoniam illic, in unanimi cohabitatione fratrum, mandavit Dominus & promisit hinc benedictionem * gratia, & virtutum multiplicationem, et vitam aeternam in futuro, usque in seculum seculi duraturam.

ORATIO.

Infunde, Domine, in Ecclesia tua caritatem fraternitatis ac pacis; ut, rore spiritualis unguenti aspersi, benedictionis tuae gratia jucundemur in corde uno & anima una. Per Christum &c.

PSALMUS CXXXIII. [sec. Heb. CXXXIV.]

Canticum. decimum quintum graduum spiritualium. Decimus quintus gradus est caritas in Deum.

Ec.

ECce nunc in tempore presenti benedicite Dominum, * laudando & gratias agendo, omnes servi Domini unanimiter habitantes in domo Dei.

Qui statis perseverantes in Ecclesia, domo Domini, * parati ad serviendum Domino: qui & statis in atriis & ingressu domus Dei nostri, tamquam incipientes & imperfecti.

In noctibus adversitatis, non tantum in diebus prosperitatis, extollite sursum ad Deum manus vestras cordis & corporis, devotè orando in sancta * intentione; ut, quidquid facitis, in nomine Domini faciatis: et benedicite Dominum, nihil vobis arrogando, sed totum Deo tribuendo.

Benedicat te Dominus benedictione quæ est ex Sion * & de cœlesti Jerusalem, gratiam suam impertiendo: qui Deus omnipotens fecit cœlum et terram, omnem superiorem & inferiorem creaturam.

ORATIO.

Benedicentes te omnes servi tui, Domine, deprecamur ut nos, hujus mundi no-

cte

PSALMUS CXXXIV. 625

te obscuratos ; illuminare digneris ; quatenus , dum manus nostras in bonis operibus elevamus , benedictionem à te æternam consequamur. Per Christum &c.

PSALMUS CXXXIV. [*sec. Heb. CXXXV.*]

Alleluja. Laudate Deum , propter magna ejus beneficia & diversa.

Laudate corde & ore nomen Domini , * quod JESUS est : laudate servi Dominum , pro beneficio creationis & redemptionis.

*Qui statis in Ecclesia , domo Domini , * perseverantes in fide & caritate : & vos , peccatores , qui estis in atriis & ingressu domus Dei nostri pœnitentes :*

*Laudate Dominum Deum , quia bonus Dominus , * & fons bonorum indeficiens : psallite nomini ejus , quod JESUS est , quoniam suave est , & salvans peccatores.*

*Quoniam Jacob , contra vitia luctantes , elegit sibi gratis Dominus , * nullis meritis precedentibus ; & Israël , fideles filios contemplantes Deum , etiam elegit in possessionem sibi peculiarem.*

Rr Quia

626 PSALMUS CXXXIV.

Quia ego cognovi per veram fidem,
 & ex Dei operibus, quod magnus est
 Dominus * & immensus potentia, sa-
 pientia, & natura; et Deus noster est
 potentior ac benignior præ omnibus diis,
 quia solus est Deus & dominator omnium.

Omnia, tam visibilia quàm invisibi-
 lia, quæcumque voluit Dominus
 Deus fecit in cœlo et in terra, * quia
 causa omnium operum ejus est pro-
 pria voluntas, & nulla necessitas: in
 mari, et in omnibus abyssis, quia tue-
 tur & gubernat cœlestia, terrestria, &
 inferna.

Educens & sublevans nubes ab ex-
 tremo terræ, * ubi elevantur vapores hu-
 mido, ex quibus nubes generantur: &
 fulgura atque tonitrua, in dictis nubibus
 generata, in pluviam fecit per resolu-
 tionem nubium. [Hier. 10. 13.]

Qui producit ventos omnes de oc-
 cultis thesauris suis: * & qui percussit
 primogenita Ægypti, vindicando ele-
 ctos, ab homine usque ad pecus, osten-
 dens iram & potentiam, quam spreverant.
 [Exod. 12. 29.]

Et misit signa et prodigia multa in
 me-

PSALMUS CXXXIV. 627

medio tui, Ægypte, * *pro populi Is-
raëlitici liberatione* : in Pharaonem re-
gem, et in omnes servos ejus, quos sub-
mersit in mari Rubro.

Qui percussit, post egressum de Ægy-
pto, gentes multas, * *occupantes ter-
ram filiis Israël promissam*; et occidit
reges fortes, filiis Israël resistentes.
[Num. 21. 24. & 35.]

Sehon regem Amorrhæorum occi-
dit, et etiam Og regem Basan, * *sub
Moyse, cum prohiberent filios Israël
transire per fines suos*: et omnia regna
Chanaan etiam percussit Deus, sub Jo-
sue.

Et dedit terram eorum regum &
gentium hereditatem * *possidendam*, he-
reditatem (inquam) Israël populo
suo, ex ceteris nationibus electo. [Josue
12. 1. & 7.]

Domine, qui tanta fecisti tuis, no-
men tuum erit laudabile in æternum *
à nobis : Domine, memoriale tuum in
generationem præsentem et generatio-
nem futuram.

Quia judicabit Dominus Deus po-
pulum suum, * *vindicando fideles de*

Rr 2 im-

impiorum violentia , sicut fecit Aegyptiis ; et in servis suis , sibi obedientibus atque electis , deprecabitur & placabilis erit , eorum preces exaudiendo.

*Simulacra atque idola Gentium sunt argentum et aurum , * quantum ad materiam ; & sunt opera manuum hominum , quantum ad formam artificis factam.*

*Os habent similitudinariè , non verè ; et non loquentur , * quia carent oris officio : oculos habent sculptos vel depictos ; et non videbunt , quia figmentum sunt.*
[Sap. 15. 15.]

*Aures habent apparenter , et non audient * in veritate : neque enim est spiritus seu anhelitus in ore ipsorum , quia truncus sunt & figmenta humana.*

*Similes illis idolis fiant in interiore homine qui faciunt ea * operando , et omnes qui confidunt in eis adorando.*

*Domus , familia , seu congregatio Israël , Christianorum fidelium , videntium Deum per fidem , benedicite Domino , * ipsum verè colendo : domus Aaron sacerdotalis , benedicite Domino , ipsum digne laudando.*

PSALMUS CXXXIV. 629

*Domus Levi atque Levitica tota tribus, benedicite Domino, * atque solliciti sitis pro vero cultu Dei veri: qui timetis Dominum, ex omni gente & populo, benedicite Domino, majestatem ejus venerantes.*

*Benedictus, laus & gratiarum actio deferatur ei qui Dominus est ex Sion, * solus & unicus verus Deus, creator omnium; qui habitat in Jerusalem cœlesti, ubi videbimus eum in æterna pace.*

ORATIO.

Laudamus nomē tuum, Domine, omnes servi tui, pro beneficio creationis & redemptionis, quoniam bonus es & suavis. Deprecabilis esto & placabilis super clientulos tuos de familia tua electa, exaudiendo preces nostras: ut, hic te benedicentes, cum Angelis in æternum te laudare mereamur. Amen.

PSALMUS CXXXV. [*sec. Heb. CXXXVI.*]

Alleluja. Laudate Dominum, propter diversa ejus magnalia, & beneficia nobis collata.

Rr 3

Con-

Confitemini Domino *confessione laudis*, quoniam bonus, * *quia ab ipso fonte omne bonum profluit*: quoniam in æternum misericordia ejus, *nec cessat umquam benefacere, favere, indulgere, & misereri.*

Confitemini Deo deorum, * *qui solus omnibus præst, & gloriam suam non dat alteri*: quoniam in æternum durat misericordia & benignitas ejus.

Confitemini Domino dominorum, * *quia pro suo nutu omnes dominos regit*: quoniam in æternum misericordia ejus.

Qui propria virtute facit mirabilia magna solus, * *non indigens auxilio cujuscumque*: quoniam in æternum misericordia ejus.

Qui fecit cœlos, *æthereum, sidereum, crystallinum, & empyreum*, in intellectu * *& sapientia sua*: quoniam in æternum misericordia ejus, *omnia in bonum electorum ordinando.* [Genes. 1. 1.]

Qui firmavit & fundavit terram super aquas * *(quia terra supereminet*

con-

PSALMUS CXXXV. 631

contra naturalem rationem utriusque)
ut homines super terram vivere possent:
quoniam in æternum misericordia
ejus.

Qui fecit, *inter cetera sidera*, lu-
 minaria magna * *Solem & Lunam:*
quoniam in æternum misericordia
ejus, ut lucis solatio creaturæ gaude-
rent.

Solem in potestatem diei, * *ut esset*
lux illuminans diem: quoniam in æter-
 num misericordia ejus, *quia sine Sole*
nihil maneret.

Lunam et *etiam* Stellas in potesta-
 tem noctis, * *ut possint illuminare no-*
ctem: quoniam in æternum misericor-
 dia ejus, *quæ per hæc nobis ministrat ne-*
cessaria. |

Qui percussit Ægyptum cum pri-
 mogenitis eorum * *occidendo:* quo-
 niam in æternum misericordia & *beni-*
gnitas ejus. [*Exod. 12. 29.*]

Qui eduxit Israël populum Judaicum
 de medio eorum * *Ægyptiorum*, ubi
tenebantur sub tyrannica servitute: quo-
 niam in æternum misericordia ejus,
in angustiis succurrendo credentibus.

Rr 4

[*Exod.*

632 PSALMUS CXXXV.

[Exod. 13. 17.]

In manu *valida* & potenti et brachio excelso, * cui nemo resistere potest : quoniam in æternum misericordia ejus.

Qui divisit mare Rubrum , ut sicco pede transiret Israël , in divisiones * duodecim : quoniam in æternum misericordia ejus , quia electos in mediis mortibus vivificat.

Et eduxit Israël , ut transiret per medium ejus * maris Rubri, præbens iter siccum : quoniam in æternum misericordia ejus.

Et excussit atque interemit Pharaonem regem , et virtutem seu exercitum ejus , in mari Rubro, * submergendo in mediis fluctibus : quoniam in æternum misericordia ejus. [Exod. 14. 28.]

Qui traduxit quadraginta annis populum suum electum per desertum, * in multis mirabilibus : quoniam in æternum misericordia ejus, assistendo humano auxilio destitutis.

Qui percussit interimendo reges magnos * atque superbos , in suis viribus confidentes : quoniam in æternum mi-
se.

fericordia ejus.

Et occidit reges *viribus ac bello fortes* : * quoniam in æternum misericordia ejus , *quæ debiles roborat ac confirmat.*

Schon regem Amorrhæorum , * qui primus ausus fuit invadere Israël : quoniam in æternum misericordia ejus.

Et Og regem Basan , * fortissimum gigantem : quoniam in æternum misericordia ejus. [Num. 21. 33.]

Et dedit terram eorum *regum ad hereditatem* * alteram , privando illos *impios* : quoniam in æternum misericordia ejus. [Josue 13. 7.]

Hereditatem , inquam , Israël servo suo , * quam pollicitus fuerat patribus : quoniam in æternum misericordia ejus.

Quia in humilitate & afflictione nostra , dum gravi servitute Ægyptiorum opprimeremur , memor fuit nostri * respiciendo nos misericorditer : quoniam in æternum misericordia ejus , erigens *elisos ab impiis.*

Et redemit nos *Israëlitas* ab hostibus

634 PSALMUS CXXXV.

*bus & inimicis nostris , * qui plures & fortiores erant : quoniam in æternum misericordia ejus , qui subvenit infirmis.*

*Qui dat escam & cibum omni carni * atque omnibus animantibus : quoniam in æternum misericordia ejus, cui cura est de omnibus creaturis suis.*

*Confitemini Deo , qui est creator cœli * & gubernator atque promissor: quoniam in æternum misericordia ejus.*

Confitemini Domino dominorum, qui est Alpha & Omega cunctarum rerum : quoniam in æternum est benignitas , misericordia , & beneficentia ejus, replens totam mundi machinam.*

(Hic versus non est in Hebræo.)

ORATIO.

Memor esto humilitatis nostræ , & miferere nobis , omnipotens Deus : & , qui quondam patribus nostris terram adversariorum in hereditatem donasti , quæsumus ut nos, à peccati macula liberatos, in tuam cœlestem hereditatem restituas. Per Christum Dominum.

PSALMUS CXXXVI. 635

PSALM. CXXXVI. [sec. Heb. CXXXVII.]

Psalmus iste est ipsius David Prophetæ, propter Hieremiam : quia consonat lamentationibus Hieremiæ de Babylonica captivitate.

Super flumina Babylonis & super bona delectabilia hujus confusi mundi, quæ more fluminum fluunt & resluunt, illic sedimus in humilitate prostrati, et flevimus * pro peccatis & miseriis nostris ; cùm recordaremur Sion , cœlestis patriæ , quæ est vera terra promissionis nostræ.

In salicibus & infructuosis hominibus, qui sunt in medio ejus * Babylonis, suspendimus atque subtraximus organa nostra sacræ Scripturæ , quia indigni erant audire.

Quia illic , in Babylonico mundo , interrogaverunt nos , tentantes & irridentes , qui captivos in peccatum duxerunt nos , * ministri dæmonum ; ut cum ipsis cantaremus verba cantionum, fruendo hoc sæculo in deliciis.

Et qui abduxerunt nos * à Deo &
con-

636 PSALMUS CXXXVI.

consortio bonorum , dixerunt : Hymnum cantate nobis , ad laudem Dei vestri , de canticis Sion quæ canitis in Ecclesia.

*Quomodo cantabimus canticum Domini , * inter indignos , qui sumus in terra aliena , ubi Deus verus ignoratur nec colitur?*

*Si oblitus fuero inter hæc mundialia delectamenta tui , cœlestis Jerusalem , * & illis consentiam , opera bona differendo ; oblivioni detur dextera mea , & pereat à me Dei mei auxilium.*

*Adhæreat lingua mea faucibus meis , * ut omnino mutus fiam ; si non jugiter meminero tui in corde meo ;*

*Si non omnibus aliis proposuero & prætulero gaudiis te , Jerusalem * cœlestis , in principio lætitiæ meæ. Tu mihi carior quàm omnis lætitia hujus mundi Babylonici.*

*Memor ad puniendum esto , Domine , filiorum Edom * seu Idumæorum , de nequitia eorum , in die sequestrationis Jerusalem , quando separabuntur boni à malis.*

*Qui dicunt : Exinanite , exinanite , * tollite , evertite , confundite usque*
ad

PSALMUS CXXXVI. 637

ad fundamentum quidquid iustitiæ & sanctitatis est in ea Ecclesia fidelium.

Filia Babylonis , istius confusissimi sæculi , misera * es in tua exultatione & presumptione : beatus qui retribuet tibi vicissitudinem & retributionem tuam , & pœnam tibi debitam pro malis , quam retribuisti & fecisti nobis.

Beatus est qui tenebit * & continebit se à vitiis , et allidet atque confringet parvulos tuos & primarios motus ad petram , Christum ; ne confundatur in Babylonico mundo. [Isai. 13. 16.]

ORATIO.

Crescat & roboretur desiderium Jerusaleme cœlestis in cordibus nostris : ut non semper agitemur super flumina Babylonis , hujus confusi mundi , sed transeat captivitas nostra : ut veniat felicitas æterna , ubi non cessemus cantare cantica Sion cum Christo Domino nostro in æternum. Amen.

PSALM. CXXXVII. [sec. Heb. CXXXVIII.]

Psalmus iste fit ipsi David , hoc est Christo.

Con-

Confitebor tibi ego servulus tuus,
Domine, pro collatis beneficiis,
in toto corde meo * gratias agendo;
quoniam audisti verba oris mei depre-
catoria.

In conspectu & presentia Angelo-
rum assistentium tue divinitati, psallam
tibi * laudando : adorabo te ad tem-
plum sanctum tuum, in majestate divi-
nitatis; et confitebor nomini tuo, te
devotè laudando.

Super misericordia tua, qua respicis
peccatores ad liberandum, et veritate
tua, * qua promissiones reddis: quo-
niam magnificasti, super omne nomen
caelestium, terrestrium, & infernorum,
sanctum tuum Christum, qui universo
orbi predicatus est.

In quacumque die & tempore invo-
cavero te pro mea salute, exaudi me *
invocantem: multiplicabis & augebis in
anima mea quamdam virtutem spiritua-
lem, per quam contra ingruentia mala
possim resistere.

Confiteantur tibi, Domine, & san-
ctificent nomen tuum omnes reges ter-
ra,

*ræ , * cognoscentes tuum dominium generale : quia audierunt Euangelium pacis & gratia , atque omnia verba veritatis & vitæ oris tui divini , per Apostolos.*

*Et cantent atque fateantur , publicè in viis & præceptis Domini * ambulantes : quoniam magna & æterna est gloria Domini Dei , at ceterorum dominorum gloria vana & transitoria.*

*Quoniam excelsus Dominus , atque incomprehensibilis majestatis : et tamen humilia corda hominum approbando respicit * oculis misericordiæ ; et alta atque superba à longè cognoscit , contemnendo & abominando.*

*Si ambulavero in angustiis & medio tribulationis hujus sæculi ; vivificabis me , * liberando à persecutoribus : et super iram inimicorum meorum me persequentium extendisti manum & potestatem tuam , eos vindicando , et saluum me fecit æternaliter dextera ac gratia tua divina.*

*Dominus retribuet pro me * vindictam adversariis , secundum meritum eorum : Domine Deus , misericordia & benignitas tua est in sæculum æternum,*
&

640 PSALMUS CXXXVIII.

& non ad tempus: & ergo opera manuum tuarum, quia tu eos creasti, ne despicias, quamvis sint peccatores.

ORATIO.

Multiplica, Domine, misericordiam tuam super nos; dum te in templo sancto tuo jugiter adoramus, & confitemur tibi pro collatis beneficiis, in toto corde nostro gratias agendo. Vivifica nos liberando de medio tribulationis & angustiarum, & salvet nos gratia tua divina. Ne despicias opera manuum tuarum, Domine.

PSALM. CXXXVIII. [sec. Heb. CXXXIX.]

In finem, Christum, in quo est omnium virtutum plenitudo, dirigit nos hic Psalmus ipsius David Prophetæ.

Domine Deus, tu probasti me, perscrutans corda & renes, et cognovisti me * & examinasti: tu, inquam, cognovisti sessionem meam, in humilitate recognoscendo peccata; et resurrectionem meam, quod justificatus per gratiam tuam resurgo.

Intellexisti cogitationes meas interiores de longe; * quia ab eterno semitam

PSALMUS CXXXVIII. 641

tam meam, studia, & actus meos, et funiculum meum discretionis quem habui inter bonum & malum, investigasti: quia quò gradimur & quousque pervenimus deprehendisti.

*Et omnes vias meas, operationes, & actus, & studia prævdisti * antequam fierent: quia non est sermo excusationis in lingua mea, sed potius accusationis, quia culpam meam agnosco.*

*Ecce, Domine Deus, tu cognovisti omnia, novissima ac ultima, et antiqua, * prima (adeò nihil fit sine te): tu formasti & creasti me secundum animam & corpus, et posuisti super me, protegendo, manum tuam conservantem me.*

*Mirabilis, immò incomprehensibilis, facta est scientia & providentia tua divina ex me, * quia supergreditur intellectum meum: confortata est & exaltata, et non potero investigando pervenire ad eam.*

*Quò ergo ibo à spiritu tuo * & præsentia majestatis tuæ? et quò à facie tua fugiam, qui ubique totus es & præsens?*

Si ascendero in cœlum, tu illic es*
per refulgentiam tuæ gloriæ: si descen-
dero in infernum, ades per executio-
nem justitiæ tuæ. [Amos 9. 2.]

Si sumsero *ad volandum* pennas
 meas, *instar aviculæ*, in diluculo* &
aurora; et habitavero remotus in ex-
 tremis maris, *ubi nemo vivit homi-*
num:

Etenim illic manus & potestas tua
 divina deducet me, * *ne aberrem*; et
 tenebit me, *aliter in nihilum deciderem*,
 dextera & potentia tua.

Et dixi, *mecum deliberans*: Forfi-
 tan tenebræ hujus sæculi, & mala scan-
 dala, & turbæ tentationum conculcabunt
 me, * *adeò ut et nox sit illuminatio*
mea & consolatio in deliciis meis ter-
renis, quia illis liberè & audacter fruar
in tenebris.

Quia tenebræ, quæ sunt peccata &
 homines mali, non obscurabuntur à te
 (*quia nihil in eis existens latet te*), et
 nox adversitatis sicut dies prosperita-
 tis illuminabitur * à te (*quod fit, si*
cognoscamus merito peccatorum nostrorum
adversitates pati): &, sicut tenebræ
 ejus

PSALMUS CXXXVIII. 643

ejus noctis , quæ sunt adversa , ita indifferenter et lumen ejus , quæ sunt prospera mundi , sunt mihi accepta ; adeo ut nec frangar adversis , nec later prosperis.

*Quia tu , Domine , possedisti in potestate habens renes & interiores meos * affectus : suscepisti me educendo tamquam electum de utero matris meæ , ut non delectet me nox seu prosperitas temporalium , sed interior lux sapientiæ.*

*Confitebor tibi & laudabo , quia terribiliter magnificatus es * in potentia & virtute ; & mirabilia sunt omnia opera tua divina creationis , justificationis , & glorificationis ; et anima mea , jam fide per te illuminata , cognoscit nimis. Quod ex me non poteram , jam possum : quia gratia tua illuminavit tenebras meas.*

*Non est occultatum neque absconditum os meum seu ossium robora , quæ sunt firmitas animæ meæ , à te , Domine ; quod fecisti in occulto , * quia illic homines non vident : et substantia mea corporis gemit in inferioribus terræ , in hac peregrinatione , ubi afflicta tribu-*

lationibus & tentationibus fatigatur.

Imperfectum meum quod habeo viderunt oculi tui gratia & misericordia, et in libro tuo atque divina memoria omnes imperfectiones meae scribentur : * & dies formabuntur, quia, de filiis noctis, filii lucis efficientur : et tamen nemo remansit in eis qui non erraret.

Mihi autem & à me nimis excellenter honorificati atque honorabiles facti sunt amici tui, Deus, * qui providentiae tuae leges amant & credunt : nimis firmiter confortatus est & stabilitus principatus eorum, quia facti sunt principes, duces, atque pastores Ecclesiae.

Dinumerabo facile eos fideles, et tandem super arenam maris multiplicabuntur * ac crescent : exsurrexi atque emersi ex multis & gravibus angustiis; et adhuc sum tecum, quia protectorem propitium non desero.

Si quando occideris atque damnaveris, Deus, perfidos peccatores * obstinatos; tunc dicam : Viri sanguinum & persecutores piorum, declinate à me, ne vobiscum occidar à Deo,

Quia

PSALMUS CXXXVIII. 645

Quia dicitis in cogitatione * vestra,
deridendo pios: Accipient ipsi & facient
in vanitate ac frustra civitates tuas at-
que conventicula. (Istæ civitates sunt
sanctorum societates, quas derident re-
probi.)

Nonne qui oderunt te, Domine,
persequentes veritatem, oderam? * et
ego nonne super inimicos tuos, quos
videram præterire legem tuam, tabesce-
bam, iratus contra eos ex zelo tuæ ju-
stitiæ?

Perfecto odio & justo oderam il-
los * impios, contemtores tui & verita-
tis: et exinde inimici facti sunt mihi,
odio iniquo persequentes me propter ju-
stitiam.

Proba me, Deus, atque scrutare et
scito cor meum, * atque esto testis
conscientiæ meæ: interroga me per ope-
ra, et cognosce semitas meas: quia
factis malorum non consentio, nec ea di-
ligo.

Et vide si via iniquitatis seu impie-
tatis in me est, * sive delectando, sive
consentiendo: et deduc me in via seu bea-
titudine æterna, quam electis promissisti.

ORATIO.

Deus meus , qui creasti me secundum animam & corpus , & cognovisti me ; atque actus , studia , atque cogitationes meas investigasti , adeò ut à præsentia majestatis tuæ nusquam effugere possim : deprecor ut , directus in via æterna , illo defendar brachio quo honorabiles amici tui gloriantur in coelo. Amen.

PSALMUS CXXXIX. [*sec. Heb. CXL.*]

In finem & in Christum nos dirigens
Psalmus iste est David Propheta , & cu-
juslibet. just.

ERipe & libera me , Domine Deus,
ab homine malo * ac perverso,
qui persequitur me : & à viro iniquo
atque impio eripe me , ne mihi noceat.

Qui mali & iniqui cogitaverunt con-
tra me iniquitates in corde , * estò la-
biis plerumque prætendant bona ; & tota
die sine intermissione constituebant con-
tra verbum Dei prælia , schismata , &
hereses.

Acuerunt linguas suas , ut pugnan-
do laderent , sicut serpentis * qui per
lin-

PSALMUS CXXXIX. 647

linguam virus emittit : venenum aspidum, quod est insanabile, latet sub labiis eorum, quod sub specie boni suggerunt pessima & animæ mortifera.

[*supr. 13. 3. Rom. 3. 13.*]

*Custodi me, Domine Deus, de manu & potestate peccatoris * impii, ne prævaleat : et ab hominibus iniquis ad nocendum paratis eripe me, ne prævaleant aut noceant.*

*Qui cogitaverunt omni studio supplantare, retrahere, & decipere gressus meos * quibus ambulabam in via Domini : absconderunt superbi, de se præsumentes, laqueum insidiarum mihi, ut in erroribus & peccatis me involverent.*

*Et fines, peccata eorum propria, extenderunt in laqueum, * ut me illicerent ad perpetrandum similia peccata : juxta iter, instar latronum, scandalum seu offendiculum posuerunt mihi, præbentes occasionem ruinæ.*

*Dixi Domino, sic periclitatus : Deus meus es tu, * in quo solo confido : exaudi ergo, Domine Deus, exaudi vocem deprecationis meæ, ne à via recta recedam, & in laqueum cadam.*

648 PSALMUS CXXXIX.

Domine, Domine, fortitudo & virtus salutis meæ, * *cujus solius virtute salvari potero: obumbrasti, per gratiam, super caput meum, ad protectionem, in die belli contra diabolum, carnem, & mundum, ne mihi prævalerent.*

Ne tradas me neque permittas me tradi, Domine Deus, à desiderio meo & concupiscentia mea, homini peccatori * vel diabolo, ut ei consentiam & desiderium meum perficiam: cogitaverunt inimici contra me, ut possint nocere: ne ergo, subtrahendo gratiam, derelinquas me in manibus eorum; ne fortè de me victo exaltentur, triumphent, & gaudeant.

Caput est circuitus eorum, * quia impii in circuitu ambulant, & numquam ad rectum finem perveniunt: labor labiorum ipsorum, qui labor sunt mendacia quæ cum labore fingunt per verba deceptorum & dolosa, operiet & involvet eos morte aeterna.

Cadent super eos impios carbones gehennæ, & in ignem aeternum dejicies eos: * & in miseriis suis non subsistent,

PSALMUS CXXXIX. 649

*stent , quia importabilis illa est pœna at-
que gravissima.*

*Vir linguosus , mendax , detractor,
non dirigetur ad viam rectam , nec
proficiet in terra, * quoad vixerit: virum
injustum , dolosum , & injuriosum mala
infernî capient in interitu & morte sua.*

*Cognovi quia faciet tandem Domi-
nus Deus judicium inopis , * oppressi,
& afflicti , et vindictam vel causam
pauperum spiritu ; non relinquens eo-
rum injuriam impunitam , immò perdens
oppressores eorum.*

*Verumtamen justî , jam liberati &
vindicati de suis inimicis , confitebun-
tur laudando & gratias agendo nomini
tuo * divino : et habitabunt recti corde
in æternum cum vultu tuo , perfruentes
visione divina.*

ORATIO.

*Virtus salutis nostræ , Deus , ne derelin-
quas nos in desiderîis nostris, neque permit-
tas ut in concupiscentiis nostris consentia-
mus Satanæ suggestori : sed custodi, libera,
& eripe de manu diaboli animas nostras;
ut tandem, confitentes nomini tuo , perfrui
mereamur visione divina in cœlis. Amen.*

PSAL-

650 PSALMUS CXL.

PSALMUS CXL. [sec. Hebr. CXLI.]

Psalmus ipsius David Prophetæ. Oratio justî contra mala hujus sæculi.

Domine, clamavi jamdiu ad te, corde & ore deprecando: & ideo exaudi me, * qui imbecillitati meæ solus potes succurrere: intende voci meæ cum benignitate, cum clamavero ad te in necessitate mea.

Dirigatur oratio mea, igne caritatis ardens, sicut incensum thuris quod offerebatur in conspectu tuo. * in veteri lege: & elevatio manuum mearum atque operatio mea bona placeat tibi; ut sacrificium vespertinum, quando in veteri lege occidebatur agnus, quod erat figura veri sacrificii, scilicet passionis Christi.

Pone, Domine, & sepias circumquaque custodiam ori meo, * ne effluat in verba mala & noxia; et ostium circumstantiæ, continentiae, non ruinae, in labiis meis; ut non nisi opportunè aperiatur vel claudatur, & moderatè loquatur.

Non

PSALMUS CXL. 651

Non declines neque sinas declinare cor meum in verba malitiæ; * ne insolenter loquatur, & pertinaciter defendam peccata mea, ad excusandas & defendendas excusationes quæ fiunt in peccatis, tribuendo id fatis aut naturæ.

Cum hominibus impiis operantibus iniquitatem * nolim assimilari: et non communicabo, ut per eorum consortium excusem peccata mea, cum electis & potentioribus atque majoribus eorum iniquorum.

Corripiet me justus vir in misericordia & zelo amoris; et increpabit me, * non in furore, sed in caritate: oleum autem peccatoris & falsa laus adulato-
ris non impinguet neque demulcebit aut delectabit caput meum, ut pertrahat ad peccati consensum.

Quoniam adhuc futurum expecto quod et oratio mea, qua oro Deum ut convertantur, erit in beneplacitis eorum * (quia placebit illis oratio mea, cum incipient timere judicium Dei): absorpti sunt, fracti seu victi, juncti & comparati petræ Christo (qui stultam fecit sapientiam hujus mundi),
ju-

652 PSALMUS CXL.

judices potentes & docti eorum.

Audient ergo superbi verba mea ad suam correctionem; quoniam potuerunt * & prævaluerunt verbis eorum, sicut crassitudo seu pinguedo terræ latens erupta est sursum & dispersa super terram.

Dissipata sunt & dissoluta, ex tribulationum vehementia, ossa nostra interiora & fortiora mentis nostræ secus & prope infernum, * tamquam si essemus in procinctu intrandi infernum: quia ad te, Domine, Domine, qui es spes & fortitudo mea, sunt oculi mei directi tamquam ad adiutorem: in te speravi, & non in alio: ideo non auferas à te, per culpam, animam meam.

Custodi me & præserva me à laqueo & occultis insidiis, quem statuerunt mihi * qui me persecuti sunt; et à scandalis illorum operantium iniquitatem, præbentibus alteri occasionem ruinae in dictis vel factis suis.

Cadent in retiaculo ejus iniquitatis peccatores, * de vitio in vitium ruentes: singulariter sum ego eorum consortia effugiens, donec transeam de præsentī
vita

vita ad requiem beatorum.

ORATIO.

Pone, Domine, custodiam ori nostro, ne effluamus in verba noxia & scandalosa, ne quoque prorumpamus in verba malitiæ ad excusandas excusationes in peccatis: sed custodi nos à laqueo Satanæ; ne, de vitio in vitium ruentes, cadamus in retiaculo ejus. Per Christum &c.

PSALMUS CXLI. [*sec. Hebr. CXLII.*]

Intellectus & oratio David Propheta, cùm esset in spelunca fugiens Saulem. Oratio justì in magna afflictione positi, pro sua liberatione ab omni malo.

VOce mea ad Dominum clama-
vi,* *destitutus omni humano præ-
sidio: voce mea & oratione cordis ad
Dominum deprecatus sum, pro depul-
sione tribulationum.*

*Effundo copiose in conspectu ejus
orationem meam * cum lacrimis, et tri-
bulationem meam ac cordis amaritudi-
nem ante ipsum intus in conscientia pro-
nuntio, ad impetrandum consolationem:*

In

654 PSALMUS CXLI.

In deficiendo ex me spiritum meum, * seu dum deficit à me spiritus meus præ angustîis: et tu, Domine, cognovisti & approbasti semitas meas iustitia.

In via hac fidei & legis Christi, qua ambulabam * innocenter vivendo, absconderunt adversarii laqueum mihi, sub specie boni ad peccatum me inducentes.

Considerabam ad dexteram, ad amicos & auxiliares meos, et videbam * illos: et non erat aliquis qui cognosceret me, quia nemo fatebatur se mihi amicum.

Periit fuga à me, * quia non video quò possim fugere: et non est aliquis qui requirat & tueatur animam meam, & de me curare dignetur.

Clamavi ad te, Domine, * anxietatibus pressus. Dixi: Tu es sola spes mea, & nulla creatura: portio & hereditas mea quam exspecto non est hic, sed in terra viventium & cœlesti patria.

Intende ad deprecationem meam, * Domine, quia humiliatus & afflictus sum

PSALMUS CXLI. 655

sum nimis , atque abjectus à persecutoribus.

Libera me , attenuatum spiritu & rebus , à persequentibus me * inimicis meis : quia confortati sunt & invaluerunt super me , adeò ut non possim resistere.

Educ de custodia & corpore mortis hujus animam meam , & de ergastulo calamitatum mundi , ad confitendum nomini tuo , * & celebrandum beneficia gratiæ & benignitatis tuæ : quia me expectant iusti in cœlis , donec retribuas mihi præmium gloriæ cum ipsis.

ORATIO.

Deprecantes , Domine , voce humili, majestatem tuam exposcimus , & orationes nostras in tribulatione pronuntiamus , qui cognovisti semitas nostras ; ut liberes nos à persequentibus inimicis nostris , atque , adjuti à te unica spe nostra , portionem cum electis tuis in terra viventium fortiamur.

PSALMUS CXLII. [*sec. Hebr. CXLIII.*]

Psalmus iste est David Propheta , quando persequabatur eum filius suus.
Ab-

Abfalom : & loquitur Propheta in persona cujuslibet pœnitentis.

Domine Deus , exaudi orationem meam , quam fundo pro bonis impetrandis : auribus tuæ clementiæ percipe obsecrationem meam , pro amovendis noxiis : in veritate tua , * qua pœnitentibus veniam promisti , exaudi me , non in propria , sed in tua justitia confidentem.

Et non intres , altercando judicialiter , in judicium districtum cum servo tuo * pœnitente : quia non justificabitur neque salvabitur , in conspectu tuo & coram te , omnis vivens homo in carne mortali.

Quia persecutus est suis insidiis inimicus diabolus animam meam , * ut eam separet à justitia tua : humiliavit atque dejecit in terra ac terrenis actionibus vitam meam miseram.

Collocavit & deputavit me inimicus in obscuris & tenebris peccatorum , sicut mortuos sæculi , * ceterosque desperatos in peccatis morientes ; et anxius est super me , præ dolore culpæ commissæ ,

PSALMUS CXLII. 657

ſe , ſpiritus meus , ingemiſcens pro peccatis : in me turbatum eſt , propter multiplicem tentationem , cor meum & ſpiritus meus.

*Memor fui & ero dierum antiquorum in peccatis præteritorum : meditatſum ſum in omnibus operibus tuis , * in quibus ſemper juſtitia concurrit & miſericordia : & in factis manuum atque virtutum tuarum meditabar te mirabilem conditorem.*

*Expandi in oratione manus meas in modum crucis ad te , * tamquam ad ſalutis largitorem : anima mea , ſine gratia tua , eſt ſicut terra arida ſine aqua tibi , ut eam irriges.*

*Velociter miſerando exaudi me, Domine , * dando rorem gratiæ : quia defecit in devotione ſpiritus meus , à te dereliſtus.*

*Non avertas tamquam offenſus faciem tuam miſericordiæ à me * pœnitente , differendo donum gratiæ : alioqui et ſimilis ero deſcendentibus in profundum peccatorum , & in lacum inferni.*

Auditam & cognitam fac mihi ma-

Tt ne,

658 PSALMUS CXLII.

ne, citò & sine mora, misericordiam tuam, * ut eam citò experiar: quia in te solo speravi, & non in virtute propria.

Notam fac mihi viam salutis, in qua ambulem * itinere recto ad patriam: quia ad te fontem gratiæ levavi, omni vanitate expulsa, animam & confidentiam meam.

Eripe me pœnitentem de inimicis meis visibilibus & invisibilibus, Domine, quia ad te confugi * ceu ad meum protectorem: doce me, ignarum, facere voluntatem tuam, & non meam: quia Deus meus es tu, qui me creasti & redemisti.

Spiritus Sanctus tuus bonus adjuvando deducet me, per semitam virtutum, in terram rectam * viventium: propter nomen tuum, Domine, quod JESUS est, vivificabis me vitâ gratiæ & gloriæ in æquitate tua, & magnitudine bonitatis tuæ.

Educes de tribulatione hujus sæculi, quasi de carcere, animam meam * sperantem in te: et in misericordia tua, non in merito meo, disperdes, ne præ-

PSALMUS CXLIII. 659

valeant , omnes inimicos meos.

Et , *in futuro judicio* , perdes *in gehennam* omnes qui tribulant & affligunt injuriis & molestiis animam meam * *tibi devotam* : quoniam ego servus tuus sum , *tuo mancipatus imperio.*

ORATIO.

Non avertas , Domine , tamquam offensus , faciem tuam misericordiæ à nobis poenitentibus , differendo donum gratiæ ; sed sine mora largiri digneris misericordiam tuam : quia in te solo speravimus , & ad te fontem gratiæ levavimus animas nostras. Agnoscamus ergo , per te , viam salutis , in qua ambulemus itinere recto ad patriam coelestem propter nomen tuum , quod JESUS est. Amen.

PSALMUS CXLIII. [*sec. Hebr. CXLIV.*]

Psalmus *ipsius* David , *dum pugnavit adversus Goliath.* Bellum viri *justi contra diabolum.*

Benedictus *sit* Dominus , Deus meus , *robur & fortitudo mea* , qui docet manus & operationes meas ad prælium * *contra vitia* , et digitos

Tt 2

meos

660 PSALMUS CXLIII.

meos disponere ad bellum per salutaria consilia.

Misericordia mea in beneficiis conferendis, et refugium meum * in adversis, susceptor meus & defensor ne cadam, et liberator meus in periculis es tu, Domine.

Protektor meus ab insidiis, et ideo in ipso speravi * in omnibus laboribus & præliis: qui subdit populum meum & desideria mea prava sub me, ut ratio dominetur eis.

Domine, quid est homo nisi pulvis? & tamen tanti æstimas eum, quia intuiti ei * per assumptam humanitatem: aut filius hominis Adæ quid est, quia reputas eum tanti pretii, ut pro eo filium tuum unigenitum dares?

Homo vanitati atque rei evanescenti atque transitorie similis factus est: * quia, ut fumus evanescit, ita homo tabescit: dies ejus vitæ momentaneæ, sicut umbra, quæ subito disparet, prætereunt, propter ejus fragilitatem. [Job 8. 9. & 14. 2.]

Domine Deus, inclina cælos tuos & altitudinem majestatis tuæ, et descen-

scende * *nostræ humanitatis formam
sumendo: tange, per gratiam tuam,
montes & superbos hujus sæculi, et fu-
migabunt atque lacrimas emittent.*

Fulgura coruscationem, atque ter-
roribus potentia tuæ eos aggredere; et
sic dissipabis eos * *ab invicem: emitte
contra eos sagittas tuas & verba sacræ
Scripturæ, quæ corda hominum transfi-
gunt; et conturbabis eos, ut resipiscant
ad pœnitentiam salutarem.*

Emitte manum & potestatem tuam
divinam de alto cælorum habitaculo:
eripe me de potestate diaboli, et libera
me de aquis multis * & inundatione
malorum, & de manu seu potestate filio-
rum alienorum, qui ex patre diabolo
nati sunt.

Quorum os locutum est vanita-
tem, * *promittentes in temporalibus
beatitudinem: et dextera atque opera-
tio eorum est dextera iniquitatis, quia
omnia agunt sub hypocrisi & falsitate.*

Deus meus, canticum novum Novi
Testamenti cantabo tibi * *de nova gra-
tia: in psalterio decachordo atque in
observatione decem præceptorum legis*

psallam tibi , ea observando.

Qui das salutem *animarum* regibus * & hominibus bene se regentibus; qui redemisti David servum tuum de tot persecutoribus inimicis , & peccatis; de gladio maligno atque maligni spiritus tentatione eripe me.

Et erue me de manu ac potestate filiorum alienorum , qui non sunt de familia filiorum Dei , quorum os locutum est vanitatem * atque mendacium ad bonorum deceptionem ; et dextera eorum est dextera iniquitatis , semper extensa ad operandum iniquitatem.

Quorum filii formosi sunt & fortes , sicut novellæ plantationes * arborum , in juventute sua florentes , quando est major gratia.

Filiæ eorum sunt bene compositæ , * ut arte juvent speciem : circumornatæ auro , gemmis , serico , ut similitudo templi , & sicut imagines depictæ in templo.

Promptuaria & cellaria eorum sunt plena * grano , vino , & oleo ; eructantia & transfundentia ex hoc vase in illud , propter nimiam copiam.

PSALMUS CXLIH. 663

Oves eorum sunt fœtosæ & valde
fecundæ ; abundantes partibus , lacte,
& lana , in egressibus suis , * quando
exeunt de ovili : boves eorum sunt
crassæ , fortes , & pingues.

Non est ruina neque confractio mace-
riæ , seu parietis quæ de solis saxis sine
cemento fit ; neque transitus * adver-
sariorum , neque clamor aut tumultus
est in plateis eorum , sed omnia secura
sunt & prospera.

Beatum & felicem dixerunt homines
mundani populum cui hæc superiora
sunt * seu contingunt. Sed non est ve-
rum : quin magis beatus populus solus
cujus Dominus principalis est Deus
ejus , qui Dominum Deum agnoscunt,
credunt , & colunt.

ORATIO.

Misericordia nostra , ac refugium no-
strum , susceptor , liberator , ac protector
noster in omnibus periculis , tentationibus,
& anxietatibus nostris ; qui inclinasti cœ-
los tuos , & descendisti pro salute nostra,
humanitatis formam suscipiens : doce nos
peccatis resistere cum spiritualibus armis ;
ne , vanitati mundanæ subiecti , à domina-
tione cœlesti pellamur. Amen.

664 PSALMUS CXLIV.

PSALMUS CXLIV. [*sec. Hebr. CXLV.*]

Laudatio fit ipsi David, hoc est Christo, qui de semine David natus est.

EXaltabo te, *prædicando aliis dignitatem tuam, Deus meus, creator, rex, * & Dominus: et benedicam nomini tuo (quidquid enim boni faciam, gratiæ tuæ adscribam) in sæculum hoc præsens, et in sæculum sæculi, in æternum.*

*Per singulos dies sine intermissione benedicam tibi, * & memoriam habebō beneficiorum tuorum, et laudabo nomen tuum, non meritum meum nec me, in sæculum hoc et in sæculum sæculi, in æternum & ultra.*

*Magnus est Dominus essentia, potestate, ac sapientia: et ideo est laudabilis nimis, * quia optimus, maximus: et magnitudinis ejus excellentia non est finis, quia infinita est & imperscrutabilis.*

*Generatio præsens et generatio futura laudabit opera atque magnalia tua * divina: et potentiam tuam, atque mirabilia quæ fecisti, pronuntiabunt filii & posteris.*

Ma-

PSALMUS CXLIV. 665

Magnificentiam excellentissimam gloriæ, majestatis, & sanctitatis tuæ divinæ loquentur * palam : et mirabilia tua, quæ supra naturam operaris, narrabunt, provocando alios ad tuam laudem.

Et virtutem terribilium judiciorum tuorum de malorum punitione dicent, * neque tacebunt : et magnitudinem tuam in electione justorum narrabunt.

Memoriam abundantiae multæ suavitatis & bonitatis tuæ in beneficiis creationis, recreationis, gubernationis, & glorificationis eructabunt * de corde devoto : et justitiâ tuâ, non suâ ; exultabunt, intelligentes se per gratiam tuam justificatos.

Miserator effectu, et misericors naturâ, est Dominus * Deus : patiens est, tolerando peccatores ut convertantur ; et multum misericors, peccata dimittendo, & dona cumulando.

Suavis, mitis, pius, benevolus, & placabilis est Dominus Deus universis * creaturis ; et miserationes ejus sunt super omnia opera ejus : quia solem oriri facit super bonos & malos, & pluit su-

666 PSALMUS CXLIV.

Super justos & injustos.

Confiteantur tibi, Domine, in *gratiarum actione*, omnia opera tua * à te *creata*, magnificando providentiam, potentiam, & bonitatem tuam: et sancti tui, per te *justificati*, benedicant tibi, *divinas laudes celebrando*.

Gloriam ineffabilem atque desiderabilem regni tui *cœlestis* dicent * & *prædicabunt*: et potentiam tuam, qua *creasti & ordinas omnia*, loquentur, ut soli tibi sit honor & gloria.

Ut notam faciant & doceant filiis hominum *fragilibus & carnalibus* potentiam tuam, * qua *vindicabis in malos*; et gloriam magnificentiæ decoris ac majestatis regni tui *cœlestis*, qua *coronabis bonos*: ut sic, quidam timore *pœnæ*, quidam spe gloriæ, convertantur.

Regnum tuum *cœleste* est regnum omnium sæculorum, * *durans in æternum per infinita sæcula*: et dominatio seu potestas tua divina est in omni generatione hac, et in omnem generationem *immortalem*.

Fidelis est Dominus Deus in omnibus

PSALMUS CXLIV. 667

bus verbis suis , * *implens quod promissit* ; et sanctus est atque irreprehensibilis in omnibus operibus suis : *nihil enim ab eo fit injustè vel inordinatè.*

(*Hic versus non est in Hebræo.*)

Allevat Dominus Deus , *ne mergantur in æterna ruina* , omnes qui corruunt * *in peccatum* , desiderantes sustentari : et erigit omnes elisos , *jam lapsos in peccatum* , *si pœnitere velint.*

Oculi omnium justorum in te sperant , Domine , * *spe formata caritate* : et tu das escam illorum corporalem ac spiritualem in tempore opportuno , *quando expedit.*

Aperis tu , *per bonitatis tuæ diffusionem* , manum tuam ; * *largè dispensando beneficia tua* ; et imples omne animal rationale benedictione liberalitatis tuæ.

Justus est Dominus Deus in omnibus viis , *dispositionibus & voluntatibus suis* , * *cùm sit regula justitiæ ac veritatis* : et sanctus in omnibus operibus suis , *largiter creaturis communicans bonitatem suam.*

Prope ac propitius est Dominus , qui
ubi-

668 PSALMUS CXLIV.

*ubique est , omnibus invocantibus eum : * exorabilis (inquam) ad manum est omnibus invocantibus eum, non fictæ , frigide , & de terrenis ; sed in veritate , pia intentione , & causa salutis animæ.*

*Voluntatem bonam timentium se timore filiali , qui est annexus caritati, faciet * & complebit Dominus ; et deprecationem eorum exaudiet , si sit pia , salutaris , ac perseverans ; et salvos faciet eos æterna salute , in novissimis.*

*Custodit nunc Dominus , inter tentationes & tribulationes , inter pressuras & angustias , omnes diligentes se , * qui dilectionem Dei mundanis dilectionibus prætulerunt : et omnes peccatores obstinatos , pœnitere negligentes , disperdet in ignem æternum.*

*Laudationem Domini evidenter loquetur os meum , * prædicando , cantando , celebrando : et benedicat , meo exemplo , omnis caro seu creatura humana nomini sancto ejus , ipsum extollendo ac glorificando , in sæculum præsens et in sæculum sæculi , æternaliter sine fine.*

ORA-

PSALMUS CXLV. 669

ORATIO.

Exaltamus, Domine, celebramus, atque benedicimus potentiam, magnificentiam, sanctitatem, virtutes terribilium, abundantiam bonitatis, & justitiam tuam; qui suavis es, miserator, & misericors; cujus miserationes super omnia opera tua. Alleva nos corruentes in peccatis, atque imple benedictione superna, ut tandem gloria magnificentiae regni tui coelestis perfrui mereamur. Amen.

PSALMUS CXLV. [*sec. Hebr. CXLVI.*]

Alleluja, Aggæi et Zachariæ.

LAuda & exalta, anima mea, affectu interno Dominum, creatorem tuum. Laudabo Dominum Deum in vita mea * bene vivendo, & psallam Deo meo bene operando, quamdiu fuero in hac vita.

Nolite confidere seu spem ponere in principibus, * regibus, præfectis, aut iudicibus hujus sæculi; neque in filiis hominum, qui suadent amare temporalia: in quibus & in quorum potestate non est salus, quia nec alios nec se ipsos sal-

salvare possunt.

*Exibit de corpore spiritus & anima ejus hominis ; et , exeunte spiritu , revertetur caro vel corpus ejus hominis in terram suam , * de qua sumta est : & in illa die mortis peribunt & frustrabuntur omnes cogitationes & presumptiones eorum , quæ in vanitate habebant.*

*Beatus est vir ille cujus , non homo , sed Deus , quem coluit Jacob Patriarcha , est adjutor & auxiliator ejus , & spes ejus est in Domino Deo ipsius , * non in principibus , non in divitiis hujus sæculi : qui Deus fecit cœlum et terram , mare et omnia quæ in eis sunt ; & sic potest ubique salvare , quia potestas ejus ubique est. [Actuum 14. 14. Apoc. 14. 7.]*

*Qui custodit veritatem , servans quæ nobis promisit , in sæculum , in æternum ; facit judicium justum injuriam & calumniam patientibus , * vindicando eos de injuriantibus ; & dat escam mentis & ventris , non saturis , sed esurientibus atque famelicis , desiderantibus.*

Dominus solvit , per suam gratiam ,
com-

PSALMUS CXLV. 671

compeditos , * peccatorum vinculis adstrictos : Dominus Deus illuminat cæcos , qui tenebris ignorantia & peccatorum involvebantur.

Dominus erigit in viam justitiæ elisos * atque prostratos à diabolo in peccatis : Dominus diligit justos , tamquam sua membra.

Dominus custodit hujus sæculi advenas seu peregrinos , qui futuram patriam inquirunt : pupillum et viduam , humano destitutos auxilio , suscipiet * in suam curam ; et vias latas peccatorum in deliciis hujus sæculi disperdet in gehennam.

Regnabit Dominus , quem vereris , in sæcula , cujus regni non erit finis ; Deus in quem credis , tuus quem diligis , ò Sion , * Ecclesia catholica vel anima fidelis ; in generationem istam et generationem futuram.

ORATIO.

Omnipotens Deus , adjutor , protector , & unica spes nostra ; qui fecisti coelum & terram , mare & omnia quæ in eis sunt : solve nos compeditos peccatorum vinculis , & dirige in viam justitiæ prostratos in pec-

672 PSALMUS CXLVI.

peccatis , atque illumina , per tuam gratiam , cæcos qui peccatorum tenebris involvimur ; ut , sic illuminati , valeamus te pura mente diligere. Amen.

PSALMUS CXLVI. [*sec. Heb. CXLVII.*]

Alleluja , laudate Dominum.

Laudate Dominum Deum , quoniam bonus est Psalmus * *ad gloriam & honorem majestatis ejus : Deo nostro vero sit jucunda ex devotione , decóraque atque speciosa ex puritate conscientiae , laudatio.*

*Ædificans est Jerusalem & Ecclesiam catholicam Dominus * Deus : quia dispersiones Israël , populi Christiani videntis Deum per fidem , congregabit in una fide , spe , & caritate.*

*Qui sanat à peccatis contritos corde , * offerentes Deo sacrificium spiritus contribulati ; et alligat , reformat & sanat contritiones , dolores & plagas eorum vulnerum , quas sauciavit maligni spiritus rabies.*

*Qui numerat supputando multitudinem stellarum * quarum creator est &*

PSALMUS CXLVI. 673

& Dominus ; et omnibus eis numeratis nomina vocat , adscribit , & designat.

*Magnus & immensus est Dominus noster , quo major esse non potest ; et magna virtus ejus , * per quem omnia creata sunt : et sapientiæ ejus non est numerus , quia infinita & incomprehensibilis.*

*Suscipiens est ad suam gratiam mansuetos Dominus * humiliter de se sentientes ; humilians autem peccatores , impios , superbos , usque ad terram , ut terrena tantùm sapiant.*

*Præcinite Domino Deo in confessione * peccatorum & laudis : psallite Deo nostro in cithara , corde , & spiritu , confitentes Deo bonitatem suam.*

*Qui operit cælum seu firmamentum nubibus * condensis ; et inde parat terræ pluviam , ut fecundentur nascentia.*

*Qui producit in montibus fœnum * ad pabulum jumentorum , et herbam virentem servituti seu sanitati hominum.*

*Qui etiam dat jumentis & pecoribus escam ipsorum * naturalem ; et*

674 PSALMUS CXLVI.

rorem cœli ad nutrimentum pullis corvorum , invocantibus eum quia destituuntur à suis sine nutrimento antequam nigrescant.

*Non in fortitudine equi , quod est cervicosum & superbum animal , voluntatem bonam habebit * Deus, immò spernet potius : nec in tibiis seu pedibus viri præsumtuosi & audacis beneplacitum erit ei , quia non delebitur in confidentibus de suis meritis.*

*Beneplacitum est Domino Deo super timentes eum * timore casto , quia bi non confidunt in virtute sua , sed divina ; et in eis justis qui sperant super misericordia, gratia & benignitate ejus, non in sua justitia.*

ORATIO.

Ædificator cœlestis Jerusalem , Deus magnus, Dominus noster , cujus sapientia infinita est & incomprehensibilis : sana contritos corde, atque reforma plagas vulnerum animæ nostræ , quas fauciavit maligni spiritus rabies ; & suscipe mansuetos atque humiliter de se sentientes , qui non in viribus nostris , neque in justitia nostra,
sed

PSALMUS CXLVII. 675

fed in fola mifericordia & gratia tua confidimus. Amen.

PSALMUS CXLVII.

Alleluja, Aggæi et Zachariæ *de reparatione cœlestis Jerufalem, quam illi prædixerunt, & propterea Deum laudaverunt.*

(Hic Psalmus jungitur præcedenti apud Hebraeos.)

Lauda, Jerufalem cœlestis jam secura, Dominum * tuum : lauda & exalta Deum tuum, Sion, sancta Ecclesia, quæ jam specularis Deum in via per fidem.

Quoniam confortavit & munivit feras, vectes & claufuras portarum tuarum * cœlestium ; & benedixit, dando bona æterna, filiis tuis beatis in te existentibus.

Qui posuit fines tuos perfectam pacem * (quidquid enim intus est pace fruitur æterna) ; et adipe frumenti, pane videlicet qui de cœlo descendit, divinitate Christi, satiat te plenissimè.

Vv 2

Qui

676 PSALMUS CXLVII.

Qui emittit eloquium & verbum suum euangelicum ipsi terræ * cognoscendum, & per orbem terrarum publicandum: unde velociter currit per prædicatores sermo ejus, & citò implevit mundum Christi cognitio.

Qui sermo Christi dat nivem, peccatorem scilicet congelatum, sicut lanam * tractabilem (quia peccatores, frigidos per culpam, reddit calidos per gratiam); & nebulam, quæ est caligo peccati, sicut cinerem spargit & dissipat in humilitate pœnitentiæ.

Mittit crySTALLUM suam, hoc est peccatorem obstinatum in malitia, sicut buccellas, * tamquam frusta panis, ut incorporarentur Ecclesiæ: ante faciem & præsentiam frigoris ejus, vitiorum & obstinationis, quis sustinebit vel subsistet?

Emittet Deus Pater Verbum, filium suum in carne; et tunc verbo euangelicæ prædicationis liquefaciet & molliet ea * obdurata corda peccatorum, quæ per nivem, nebulam, crySTALLUM designantur: flabit in hujusmodi corda Spiritus Sanctus ejus per gratiam,

PSALMUS CXLVII. 677

riam, et fluent aquæ lacrimarum in pœnitentia.

Qui annuntiat Verbum suum incarnatum vel verbum euangelicum ipsi Jacob * juniore, populo Christiano qui luctatur contra vitia: justitias et judicia sua divina manifestavit Israël, populo fidei videnti Deum per fidem.

Non fecit taliter omni nationi, * sicut electo populo Christiano credenti: et judicia sua veræ æquitatis non manifestavit eis, immò dimisit juxta errores viarum suarum.

ORATIO.

Emitte, Domine, verbum tuum euangelicum, ut liquefacias & emollias obdurate corda nostra frigore vitiorum; ut nostra peccata purgentur, & efficiantur quasi nix; ut nebula ignorantie expellatur è cordibus nostris, & Spiritus Sancti gratia effluant aquæ lacrimarum in pœnitentia salutari. Amen.

PSALMUS CXLVIII.

Alleluja. Invitantur omnes creature ad laudem Dei, primum cœlestes,

Vv 3

dein-

678 PSALMUS CXLVIII.

deinde terrestres..

Laudate Dominum Deum vestrum,
creatura spirituales qui estis de
*cœlis, * habitantes in eis: laudate*
eum qui estis in excelsis, Throni, Do-
minationes, Cherubim, & Seraphim.

Laudate eum, omnes Angeli
 ejus, * qui estis nuntii divinae volunta-
 tis: laudate eum, omnes virtutes
 ejus, & exercitus militum angelico-
 rum.

Laudate eum, sol et luna, * te-
 stantes Dei magnificentiam & decorem:
 laudate eum, omnes stellæ & lumi-
 naria minora, et lumen quodcumque
 fulget in cœlo.

Laudate eum, cœli cœlorum, *
empyreum videlicet, quod est super o-
mnes cœlos: et aquæ omnes quæ su-
per cœlos sunt (quod est cœlum crystal-
linum) laudent nomen Domini, &
sint nobis materia laudandi Deum. [Dan.
3. 59. & 60.]

Quia ipse Dominus dixit & voluit,
 et facta sunt * per verbum suum ut
 voluit: ipse mandavit seu precepit fie-
 ri,

ri, et creata sunt omnia de nihilo.

Statuit ea cœlestia permansura in æternum et in sæculum sæculi * futurum, quoad substantiam, licet mutabuntur quoad qualitates: præceptum, conditionem & ordinem posuit eis, et non præteribit hoc quin sic fiat.

Laudate Dominum vos, creatura qui estis de terra.* & terram incolitis, dracones atque omnia genera monstrorum animalium, et omnes abyssi seu profunditates aquarum.

Ignis elementaris; grando, quæ fit in superiori parte aëris; nix in media, glacies in inferiori; spiritus procellarum, * ventus tempestatum qui procellas facit in mari: quæ omnia faciunt verbum ejus, & obediunt præcepto Dei.

Montes majores, et omnes colles * seu montes minores, laudate Dominum: ligna fructifera ut serviant hominibus, et omnes cedri ad gloriam Dei.

Bestiæ, fera animalia, et universa pecora * mansueta & domestica, serpentes, reptilia, et volucres penna-

680 PSALMUS CXLVIII.

tæ per aërem se moventia , laudent nomen Domini.

*Reges terræ majores , præfidentes, et omnes populi * minores , principes qui dominantur , et omnes judices terræ, laudent nomen Domini.*

*Juvenes , et etiam virgines , senes , omnis atas & sexus , cum junioribus atque adolescentibus , laudent nomen Domini * Dei : quia exaltatum est , super omne quod est , nomen ejus solius , & gloria divinitatis & bonitatis ejus.*

*Confessio ejus & laus Dei , qua omnia illi consentuntur , est super cœlum et terram , * quia omnia cœlestia & terrestria ei obediunt : et exaltavit cornu, sublimitatem , dignitatem , potestatem, populi sui Christiani.*

*Hymnus & laus Dei cum cantico competit omnibus sanctis ejus , * quia sancti laudabunt eum pro omnibus beneficiis suis : filiis Israël , qui per fidem vident Deum , populo scilicet appropinquanti sibi fide , spe , & caritate.*

ORA-

ORATIO.

Deus, cujus majestatem laudant coelestia, terrestria, animata, & inanimata; cujus nomen divinum venerantur & adorant omnes creaturæ, tuoque deserviunt imperio: præsta, quæsumus, hîc hymnum tibi dicere laudis & gratiarum actionis, ut tandem digna modulatione cum sanctis omnibus tibi canamus in coelis. Amen.

PSALMUS CXLIX.

Alleluja, laudate Dominum corde & opere.

CAntate vos, fideles, qui regenerati estis baptismo, Domino Deo vestro canticum novum * de mysterio vestræ redemptionis: laus ejus grata est illi in ecclesia sanctorum & congregatione fidelium.

Lætetur Israël, populus Christianus videns Deum per fidem, in eo qui fecit eum * in esse naturæ & in esse gratiæ; et filii Sion, quæ sunt animæ fideles, exultent in Christo, rege suo & sacerdote: quia, ut rex, in cruce vicit diabolo-

682 PSALMUS CXLIX.

bolum ; ut sacerdos , obtulit se ipsum in sacrificium.

*Laudent fideles nomen ejus in choro * & unitate fidei ac caritatis: in tympano , ubi corium extenditur, hoc est mortificatione cordis ; et psalterio decachordo coelestium praeceptorum , psallant ei , ut verbis facta concordent.*

*Quia beneplacitum est Domino & beneplacet sibi Dominus in populo suo * electo Christiano ; et exaltabit in judicio mansuetos ac humiles , qui jam oppressiones pro eo patiuntur , in salutem aeternam.*

*Exultabunt & gratulabuntur sancti in gloria * bonorum operum , & lætabuntur in cubilibus & conscientis suis : quia omnis gloria filiae regis ab intus.*

*Exaltationes Dei erunt in gutture vel faucibus eorum , * quia nihil resonare possunt quàm quæ pertinent ad gloriam & honorem creatoris sui : et gladii ancipites ex utraque parte scindentes , quæ sunt verba Dei , erunt in manibus & potestate eorum;*

Ad

PSALMUS CXLIX. 683

Ad faciendam vindictam & ultionem in nationibus * gentium, qui blasphemant verbum Dei; & increpationes, objurgationes, correctiones, in populis, qui simpliciter vel ignoranter peccant contra Deum:

Ad alligandos reges atque tyrannos eorum in compedibus * inferni, et nobiles eorum, qui insignes sunt malitia, in manicis ferreis: quia, ligatis pedibus & manibus, projicientur in tenebras exteriores.

Ut, damnando eos pravitatis & impietatis, faciant in eis iudicium conscriptum * in sacra Scriptura: gloria hæc & potestas iudicii est omnibus sanctis & perfectis ejus, qui pro Christi nomine omnia reliquerunt.

ORATIO.

Auctor totius bonitatis, Deus, qui omnem mansuetudinem te humiliter confitentem exaltas: præstare digneris ut, in hoc sæculo factores legis effecti, in tribulationibus vitæ præsentis probati & fideles inventi, spiritualibus bonis ditati; mereamur gloriæ sanctorum adjungi. Per Christum Dominum nostrum. Amen.

Alleluja.

Laudate vos , beati & fideles,
 Dominum Deum Trinum &
 Unum , in sanctis ejus , * quos jam glo-
 rificavit & mirabiliter remuneravit: lau-
 date eum Dominum in firmamento vir-
 tutis ejus , quia firmavit sanctos virtu-
 te immortalitatis.

Laudate eum Dominum Deum , in
 virtutibus ejus * angelicis : laudate
 eum assidue , secundum multitudinem
 magnitudinis ejus , *cujus non est finis.*

Laudate eum in sono vel clangore
 tubæ * seu buccinæ , sonorissimi instru-
 menti : laudate eum in psalterio et ci-
 thara , dulciori & jucundiori sono.

Laudate eum in tympano et cho-
 ro , * quæ resonant dulcissimâ modula-
 tione : laudate eum in chordis et orga-
 no , quæ in longinquum audiuntur.

Laudate eum in cymbalis honoris,
 benefonantibus in aures humanas : lau-
 date eum in cymbalis jubilationis , *
 quibus cordis jubulum exprimitur ad Dei
 glo-

PSALMUS CL. 685

*gloriam: omnis spiritus, & quidquid
spiraculum vitæ continet, laudet Domi-
num, & agnoscat Deum suum creato-
rem, cui sit laus & gratiarum actio.
Amen.*

ORATIO.

Harmoniæ nostræ suavissimum melos,
Deus, qui nostri pectoris modulamina,
nunc fletibus, nunc gemitibus jubes exer-
ceri: præsta, quæsumus, Domine, ut,
dum illa spiritali affectu concinimus; cœ-
lestibus choris inserti, te cum sanctis o-
mnibus collaudemus. Per CHRISTUM
Dominum nostrum, qui tecum vivit & re-
gnat Deus. Amen.

FINIS.

Sit nomen Domini benedictum.

Sudavi et alfi.

*Ter quinquagenos David canit ordine Psalmos.
Versus bis mille sexcentos sex canit ille.*

MAGNI ATHANASII

IN PSALMOS OPUSCULUM,

Angelo Politiano interprete.

OMnis quidem Scriptura divina, magistra est et virtutis et veræ fidei : sed liber Psalmorum habet etiam quodammodo imaginem status animarum. Ut enim qui adit regem , prius ipse habitum verbaque componit , ne fortè imperitus habeatur ; sic divinus hic liber currentes ad virtutem, et eos qui vitam Salvatoris in corpore cognoscere gestiunt , admonet prius per electionem motionum omnium quibus anima afficitur , deinde de variis format instruitque sermonibus. Potest igitur unusquisque in Psalmis motum statumque animæ suæ apprehendere ; atque ita figuram quisque disciplinamque suam , quibusque verbis placere Deo possit , et quibus verbis sese corrigere valeat , et Deo agere gratias : ne , si præterquam fas est dicat , incidat in impietatem. Non solum

lūm enim de operibus, sed de omni otioso verbo reddenda apud judicem ratio est.

Si igitur beatum aliquem dicere velis; habes quomodo, et quamobrem, et quem dicas, in Psalmis I. *Beatus vir qui non abiit*, XXXI. *Beati quorum remissæ sunt*, XL. *Beatus qui intelligit super egenum*, CXI. *Beatus vir qui timet Dominum*, et CXXVII. *Beati omnes qui timeant Dominum*.

Si conqueri Judæorum contra Salvatorem infidias; habes II. *Quare fremuerunt gentes*.

Si te tui persequuntur, et multi insurgunt adversum te; III. Psalmum dicas: *Domine quid multiplicati sunt*.

Si autem ad hunc modum tribulatus invocasti Dominum; et, quoniam exaudivit, agere vis grātiās: canito IV. *Cum invocarem*, et CXIV. *Dilexi, quoniam exaudiet Dominus*.

Si vides infidias tibi à malignantibus fieri, et auribus percipi cupis orationem tuam; canito Psalmum V. *Verba mea auribus percipe*.

Si minas Dei sentis, et inde territum

III OPUSCULUM

tum te vides; dicere potes Psalmum VI. *Domine, ne in furore, et xxxvii. Domine, ne in furore &c. Quoniam sagitta tua infixæ.*

Si autem consilium ineunt aliqui contra te, quemadmodum Achitophel contra David; et hoc aliquis tibi nuntiat: cane VII. *Domine Deus meus, in te speravi.* Et confide in Deo, qui te liberabit.

Cernens autem gratiam Salvatoris circumquaque diffusam, et restitutum saluti genus humanum, si alloqui Dominum vis; cane VIII. *Domine Dominus noster, quàm admirabile est nomen tuum in universa terra!*

Si rursus canere vis pro torcularibus, Deo gratias agens; habes VIII. *Domine Dominus noster, et lxxx. Exultate Deo salutari nostro.*

Si coërceri inimicum vis, et creaturam salvari; non confidens in te ipso, sed in Dei filio, dic IX. Psalm. *Confitebor tibi, Domine, in toto corde meo.*

Si quis te metu afficere velit; tu, confidens in Domino, cane X. *In Do-*
mi-

mino confido, quomodo dicitis.

Si multorum superbiam et malitiam vides abundare, ita ut nihil sit inter homines sanctum; confuge tu Dominum, et dic XI. Psalmum: *Salvum me fac, Domine.*

Si diutius perseverent adversariorum insidiæ; ne te ipsum negligas, quasi tui Dominus sit oblitus: sed invoca Dominum, canens XXVI. Psalm. *Dominus illuminatio mea.*

Si quos audis blasphemantes contra providentiam; ne sis tu quidem particeps eorum impietatis, sed, ad Deum confugiens, dic XIII. *Dixit insipiens in corde suo: Non est Deus, Corrupti sunt, et LII. Dixit insipiens, &c.*

Si scire vis qualis est regni cœlorum civis; cane XIV. *Domine, quis habitabit in tabernaculo tuo?*

Si tibi oratione opus est, propter resistentes tibi et circumdantes animam tuam; cane XVI. *Exaudi, Domine, justitiam meam, et LXXXV. Inclina, Domine, aurem tuam, et LXXXVIII. Misericordias Domini, et CX. Domine, cla-*

V OPUSCULUM

levavi ad te, exaudi me.

Si scire vis quo pacto Moyſes orabat; habes LXXXIX. *Domine, refugium factus es nobis.*

Si evaſiſti ab inimicis, et liberatus es à perſequentibus te; cane tu quoque XVII. *Diligam te, Domine, fortitudo mea, &c.*

Si miraris ordinem rerum creatarum, et divinæ providentiæ gratiam; cane XVIII. *Cæli enarrant gloriam Dei, & opera manuum ejus annuntiat firmitamentum, et XXVII. Ad te, Domine, clamabo: Deus meus, ne ſileas à me, nequando taceas à me: & aſſimilabor deſcendentibus in lacum.*

Si tribulatos vides; conſolare eos, et, pro eis orans, dic verba Pſalmi XIX. *Exaudiat te Dominus in die tribulationis, &c.*

Si te cuſtodiri à Domino vides, et proſperè agere; gaudens cane Pſalmum XXII. *Dominus regit me, &c.*

Si contra te irruunt inimici; eleva animam ad Deum, et dic XXIV. *Ad te, Domine, levavi animam meam, &c.*
Et fruſtrà eos iniquè agentes videbis.

Si

IN PSALMOS. VI

Si perseveraverint inimici, et sanguinolentis manibus abstrahere vel occidere te quærunt; ne des homini judicium: suspecta enim sunt humana omnia. Sed, Deum judicem postulans (ipse enim solus judex est), dic xxv. *Judica me, Domine, quoniam ego.* Item xxxiv. *Judica, Domine, nocentes me, et* xlii. *Judica me, Deus, & discerne causam meam.*

Si autem sævius instent, et multitudo instar castrorum sint inimici; despiciens eos, quasi ne vinctus quidem sis, nihil formidans, cane xlv. *Omnes gentes, plaudite manibus &c.*

Si rursus impudentes sint qui infidiantur; minimè illos curans, cane ad Dominum quæ sunt in Psal. xlvii. *Magnus Dominus, & laudabilis nimis.*

Si scire vis quomodo, gratias acturus, accedere ad Deum debes; intelligibiliter intelliges, canens xlviii. *Audite hæc, omnes gentes, &c.*

Deinde, renovans domum tuam, et animam, quæ Dominum suscipit, et sensibilem domum in qua corporaliter habitas; age gratias, et dic xlix.

VII OPUSCULUM

*Deus deorum Dominus loquutus est , et
CXXVI. Nisi Dominus edificaverit &c.*

Si te odio haberi propter veritatem ab amicis et propinquis vides ; ne remitte studium , neve adversantes extimesce : sed, futura cogitans , cane
xxx. *In te , Domine , speravi : non confundar in aeternum.*

Si baptizatos vides à corruptibili generatione liberatos ; divinam benignitatem admirans , cane xxxi. *Beati quorum remissa sunt iniquitates.*

Si canere vis inter multos justos viros , et rectè viventes ; colliges ex
xxxii. *Exultate , justi , in Domino : rectos decet collaudatio.*

Si incidisti in hostes , et eos prudenter evitaſti , atque insidias effugiſti , et ob id agere vis gratias ; convoca mites homines , et cum eis cane
Pſal. xxxiii. *Benedicam Dominum in omni tempore.*

Si vides iniquos in malum certare ; ne putes ſecundum naturam eſſe in illis peccatum , quemadmodum hæretici quidam : ſed dic xxxv. Pſal. *Dixit injuſtus ut delinquat in ſemetipſo : non eſt*

IN PSALMOS. VIII

est timor Dei ante oculos ejus. Et videbis quod ipsimet peccandi causa sunt.

Si malos iniqua agentes cernis , et contra parvos superbientes ; et admonere vis aliquos , ne istos attendant aut æmulentur , quoniam citò exstinguentur : dic , et tibi , et aliis , xxxvi. *Noli amulari in malignantibus , &c.*

Si statuisti habere tui curam , et vides insidiantem adversarium (maxime enim contra tales excitatur) , ac vis temet in eum parare ; cane xxxviii. *Psal. Dixi custodiam vias meas , &c.*

Si multos vides pauperes et mendicos , ac misereri vis ; potes et eos qui jam sunt miserti probare , et alios ut idem agant hortari , dicens xl. *Beatus qui intelligit super egenum & pauperem.*

Si , desiderium habens erga Deum , inimicos audis exprobrantes ; ne perturbetur : sed , intelligens immortalem fructum qui ex hoc desiderio nascitur , consolare animam tuam spe erga Deum ; et , hac relevans mitigansque vitæ dolores , dic xl. *Psal. Quemad-*

IX OPUSCULUM

modum desiderat.

Si recordari frequenter vis beneficia Dei quæ patribus fecit , et in exitu de Ægypto , et in deserto ; et quo modo Deus quidem bonus , ipsi autem ingrati : habet XLIII. *Deus auribus nostris.* Item LXXVII. *Attendite , et LXXXVIII. Misericordias Domini in æternum , et CI. Domine , exaudi orationem meam , & clamor &c. CV. Confitemini Domino quoniam bonus , quoniam in sæculum &c. CVI. Confitemini Domino , quoniam bonus , &c. Dicant qui , &c. CXIII. In exitu Israël , &c.*

Si , confugiens ad Deum , evasisti quæ adversus te dicta sunt , et gratias agere vis Deo , et narrare ejus erga te benignitatem ; habes XLV. *Deus noster refugium & virtus.*

Si peccasti , et conversus pœnitentia afficeris , et vis misericordiam consequi ; habes confessionis verba in Psal. L. *Miserere mei , Deus , secundum magnam misericordiam tuam , &c.*

Si calumniam passus es apud malum regem , et diabolum vides glorian-

riantem; secede et dic quæ sunt in LI. *Quid gloriaris in malitia, qui potens es in iniquitate?*

Si qui te persequuntur et calumniantur prodere volentes, sicut Pharisæi Jesum, et alienigenæ David; ne tædio marcescas, sed, confidens in Domino, cane LIII. *Deus, in nomine tuo saluum me fac*, et LV. *Miserere mei, Deus, quoniam conculcavit me homo.*

Si autem concurrat persecutio, et in speluncam ingrediatur in qua tu absconderis; ne metue: habes enim, in hac necessitate, utilia, cùm ad consolandum, tum ad memoriam rei colendam, verba in LVI. *Miserere mei, Deus, miserere mei, quoniam in te confidit anima mea*, et CXLI. *Voce mea ad Dominum clamavi.*

Si observari domum, qui insidiatur, jusserit, aut effugerit; age gratias Deo, et, in tabulis animæ tuæ rem incidens, dic LVIII. *Eripe me de inimicis meis, Deus meus.*

Si exprobrent inimici qui tribulant te, et loquacius detrahant qui amici

XI OPUSCULUM

esse videntur ; et in exercitatione tua labores aliquantulum : potes eadem dicere quæ sunt in IV. Psal. *Cùm invocarem, exaudisti me, Deus justitiæ meæ.*

Contra hypocritas, et in facie gloriantes, dic ad eorum conversionem LVII. Psal. *Si verè utique justitiam loquimini ; recta judicate, filii hominum.*

Si asperè irruant in te, et capere animam tuam velint ; oppone illis subjectionem tuam ad Deum, et bono animo sis : quò enim magis insæviunt illi, eò magis Domino subjicientur. Dic autem Psalm. LXI. *Nonne Deo subjecta erit anima mea?*

Si, persecutionem fugiens, in desertum concesseris ; ne metuas, quasi solus ibi sis : sed, habens Deum, et ad ipsum diluculo surgens, cane LXII. *Deus, Deus meus, ad te de luce vigilo.*

Si perterrefaciant inimici, nec struere insidias desinant, et omnia inquirunt adversum te ; etiam si plurimi sint, ne cesseris. Sagittæ enim parvulorum erunt horum plagæ, si cecineris LXIII. *Exaudi, Deus, orationem meam,*

cùm

IN PSALMOS. XII

*cum deprecor , et LXVII. Exurgat Deus ,
& dissipentur , LXIX. Deus , in adju-
torium meum intende , &c. et LXX. In
te , Domine , speravi.*

*Si canere Deum vis , habes LXIV.
Te decet hymnus , Deus , in Sion , &c.*

*Si quos imbuas resurrectionis my-
sterio , habes LXXIX. Qui regis Israël ,
intende.*

*Si misericordias à Deo petis , ca-
ne Psalmum LXVI. Deus misereatur no-
stri.*

*Si videas impios in pace prospe-
rari ; ne scandalizeris aut commo-
vearis : dic tu quoque LXXII. Quàm
bonus Israël Deus , his qui recto sunt
corde!*

*Si irascitur populo Deus ; habes ver-
ba quibus hunc consoleris in LXXIII.
Ut quid , Deus , repulisti.*

*Si confessione tibi est opus , cane
LXX. In te , Domine , speravi , &c.
LXXIV. Confitebimur tibi , Deus , &c.
XCI. Bonum est confiteri Domino , &
psallere nomini tuo , &c. CIV. Confi-
temini Domino , & invocate nomen ejus ,
CV. Confitemini Domino , quoniam bo-
nus*

XIII OPUSCULUM

nus , &c. CVII. Paratum cor meum, Deus , &c. CV. Confitebor tibi , Domine , in toto corde meo , CXVII. Confitemini Domino , quoniam bonus, CXXXV. Confitemini Domino , quoniam bonus, quoniam in æternum misericordia ejus, et CXXXVII. Confitebor tibi , Domine, in toto corde meo , quoniam audisti verba oris mei.

Si vituperare Gentilem vis et Hæreticos , ut apud quos Dei cognitio non est ; potes intelligendo canere et dicere quæ sunt in Psalmo LXXXV. *Inclina , Domine , aurem tuam , & exaudi me , quoniam inops & pauper.*

Si occupaverint inimici effugia tua , et magnopere tribuleris ; quamquam perturberis , ne despera , sed ora : et , si clamans exauditus fueris , age Deo gratias , dicens quæ sunt in Psal. LXXXVI. *Voce mea ad Dominum clamavi : voce mea ad Dominum deprecatus sum.*

Si perseverantes inimici irruerint et polluerint domum Dei , ac sanctos occiderint , et eorum corpora volatilibus cœli projecerint ; ne metuas illo-

IN PSALMOS. XIV

lorum crudelitatem : sed , compatiens patientibus , dic Psal. LXXVIII. *Deus , venerunt Gentes in hereditatem tuam , polluerunt templum sanctum tuum.*

Si canere vis Domino in celebritate ; convocatis Dei servis , cane LXXX. *Exultate Deo adjutori nostro , jubilate Deo Jacob , et XCIV. Venite exulemus Domino , jubilemus Deo salutaris nostro.*

Si rursus inimici congregentur undique ; et minentur domui Dei , conspirantes contra pietatem : ne te multitudo et potentia illorum perturbet ; habes , velut ancoram spei , verba quæ sunt in LXXXII. *Deus , quis similis erit tibi ? ne taceas , neque comescaris.*

Si vides domum Dei et æterna ejus tabernacula ; et desiderium habes ad illa , sicut habebat Apostolus : dic et tu LXXXIII. *Quàm dilecta tabernacula tua , &c.*

Si cessaverit ira , et soluta captivitas fuerit ; habes quibus gratias Deo agas in LXXXIV. *Benedixisti , Domine ,*
ter-

XV OPUSCULUM

terram tuam , avertisti captivitatem Jacob , et cxv. Credidi , propter quod locutus sum , &c.

Si discordiam catholicæ Ecclesiæ adversus schismata cognoscere vis , et illos convertere ; potes dicere quæ sunt in Psal. LXXXVI. *Fundamenta ejus in montibus sanctis , &c.*

Si exhortari te ipsum vis et alios ad religionem ; ac persuadere quod spes in Deum non confundit , sed intrepidam reddit animam : lauda Deum , dicens quæ sunt in Psal. xc. *Qui habitat in adjutorio altissimi , &c.*

Si canere vis sabbato , habes xci. *Bonum est confiteri Domino , & psallere nomini tuo , altissime.*

Si gratias agere vis dominico die , habes xiii. *Dixit insipiens in corde suo : Non est Deus , &c.*

Si canere vis in secunda sabbati , habes quæ sunt in xciv. *Venite , exultemus Domino , &c.*

Si canere vis Parasceve , habes laudationem in xcii. *Dominus regnavit , decorem indutus est : indutus est Dominus , &c.* Tunc enim domus ædifi-

IN PSALMOS. XVI

ficata est, quamvis circumire conati sunt hostes. Atque ideo triumphale carmen canendum est ipsi Deo.

Si captivitati tradita fuerit ac vastata domus, rursusque ædificata; cane quæ sunt in xcv. *Cantate Domino canticum novum, cantate Domino omnis terra.*

Si vexata terra fuerit ab hostibus, et deinde quiescat regnante Domino; habes quem canas in xcvi. *Dominus regnavit, exultet terra, latentur insulae multa.*

Si vis quarta sabbati canere, habes xciii. *Deus ultionum Dominus, Deus ultionum liberè egit.* Tunc enim traditus, ulcisci mortem cœpit, et de ea triumphare.

Quum igitur, Euangelium legens, videris Judæos consilium ineuntes adversus Dominum, et ipsum audacter stare pro nobis adversus diabolum; cane quæ sunt in xciii., ut dictum est.

Si vides providentiam Domini in omnia, et dominium ipsius; et vis imbuere aliquos ipsius fide et obedientia.

XVII OPUSCULUM

dientia , cùm persuaseris prius ut confiteantur : cane xcviij. *Jubilate Deo, omnis terra.*

Si potestatem judicandi in eo cognoscis , et quod , misericordiæ judicium admiscens , judicat Deus ; atque accedere ad ipsum vis : habes ad hoc verba c. *Misericordiam & judicium cantabo tibi, Domine.*

Si , propter imbecillitatem naturæ nostræ , assiduis vitæ malis aliquando , ceu medicus , tædio afficeris , et consolari te vis ; habes Psal. ci. *Domine , exaudi orationem meam , & clamor meus ad te veniat.*

Quoniam convenit semper et in omnibus agere Deo gratias ; quando ipsi benedicere vis , habes quatuor animam adhorteris in cii. *Benedic , anima mea , Domino , & omnia quæ intra , et ciii. Benedic , anima mea , Domino : Domine Deus meus.*

Si laudare vis Deum , et scire quomodo ob aliquid oportet laudare , et quæ verba dicere laudans debet ; habes cxii. *Laudate , pueri, De-*

IN PSALMOS. XVIII

Dominum, laudate nomen Domini, &c. CXVI. Laudate Dominum, omnes gentes: laudate eum, omnes populi. CXLV. Lauda, anima mea, Dominum: laudabo Dominum in vita mea, psallam Deo meo quamdiu fuero. CXXXII. Ecce quàm bonum, et CXLVI. Laudate Dominum, quoniam bonus est Psalmus. CXLVII. Lauda, Jerusalem, Dominum: lauda Deum tuum, Sion, CXLVIII. Laudate Dominum de cœlis, et CXLIX. Cantate Domino canticum novum: laus ejus in Ecclesia sanctorum. CL. Laudate Dominum in sanctis ejus, laudate eum in firmamento virtutis ejus.

Si habes fidem quemadmodum Dominus dixit, et credis in his quæ orans loqueris; dic CXV. *Credidi, propter quod loquutus sum.*

Si te adscendentem sentis actionibus, sic ut dicas: his obliviscor, his autem qui præcedunt contendo; habes in unoquoque processu quæ dicas quindecim Graduum Cantica.

Si captivatus es alienis cogitationi-

XIX OPUSCULUM

nibus, et sensisti te abduci, et poenituit; desine deinceps: et, manens ubi te peccantem deprehendisti, sede ac luge tu quoque, quemadmodum fecit populus, dicens quæ sunt in CXXXVI. *Super flumina Babylonis, illic &c.*

Si tentationes putas esse tui probationem; age post tentationes gratias Deo, dicens CXXXVIII. *Domine, probasti me, & cognovisti me.*

Si teneris rursus ab inimicis, et liberari vis; dic CXXXIX. *Eripe me, Domine, ab homine malo: à viro iniquo eripe me.*

Si orare vis et deprecari, dic v. *Verba mea auribus percipe. CXL. Domine, clamavi ad te: exaudi me. CXLI. Voce mea ad Dominum clamavi, voce mea ad Dominum deprecatus sum. CXLII. Domine, exaudi orationem meam, auribus percipe obsecrationem. CXLV. Lauda, anima mea, Dominum, &c.*

Si inimicus tyrannus insurrexit adversus populum; tu quoque, sicut David Goliath, ne timeas, sed
unà

IN PSALMOS. XX

unà cum David crede , et canens dic CXLIII. *Benedictus Dominus Deus meus , qui docet manus meas ad prælium , & digitos meos ad bellum.*

Si bonitatem Dei et in te et in omnes recolis , et benedicere Deo vis ; dic verba quæ David dixit in LXXXIV. *Benedixisti , Domine , terram tuam , &c.*

Si cantare vis Domino , habes quid dicas in XCV. *Cantate Domino canticum novum* , et XCVII. *Cantate Domino canticum novum , quia mirabilia fecit.*

Si fortè in aliquo usu fratribus antepóneris ; ne extollaris contra ipsos , sed , dans gloriam Deo , psalle tu quoque LI. *Quid gloriaris in malitia qui potens es in iniquitate?* aliàs CL. *Laudate Dominum in sanctis ejus , laudate eum in firmamento virtutis ejus.*

Si canere vis obedientiam habentem Alleluja , habes CIV. *Confitemini Domino , & invocate nomen ejus.* CV. *Confitemini Domino , quoniam bonus,*

Yy quo-

XXI OPUSCULUM

quoniam in sæculum misericordia ejus. Quis loquetur potentias Domini? CVI. Confitemini Domino, quoniam. Dicant qui. CX. Confitebor tibi, Domine, in toto corde meo. CXI. Beatus vir qui timet Dominum, in mandatis ejus volet nimis. CXII. Laudate, pueri, Dominum: laudate nomen Domini. CXIII. In exitu Israël de Ægypto. CXIV. Dilexi, quoniam exaudiet Dominus votem orationis meæ. CXV. Credidi, propter quod locutus sum. CXVI. Laudate Dominum omnes gentes. CXVII. Confitemini Domino, quoniam bonus, &c. Dicat nunc Israël. CXVIII. Beati immaculati in via. CXXXIV. Laudate nomen Domini. CXLV. Lauda, anima mea, Dominum, &c. CXLVI. Laudate Dominum, quoniam bonus est psalmus. CXLVII. Lauda, Jerusalem. CXLVIII. Laudate Dominum de cælis. CXLIX. Cantate Domino canticum novum, et CL. Laudate Dominum in sanctis ejus.

Si seorsum vis canere de Salvatore, habes de eo in quovis Psalmo: præcipuè verò habes xxiv. Ad

te,

IN PSALMOS. XXII

te, Domine, levavi. CIX. Dixit Dominus Domino meo: Sede à dextris meis, &c.

Indicantes ipsius ex patre legitimam generationem, et corporalem ejus præsentiam, x. *In Domino confido, et LXVIII. Salvum me fac, Deus, &c.*

Prædicantes de divina cruce, et quantum pro nobis insidiarum suscepit, et quàm multa passus est, II. *Quare fremuerunt gentes, et CXVIII. Beati immaculati.*

Significantes Judæorum insidias et malignitatem, et Judæ proditionem, xx. *Domine, in virtute tua. XLIX. Deus deorum Dominus locutus est, et LXXI. Deus, judicium tuum regi da.*

Ostendentes regnum ejus et judicandi potestatem, et ejus præsentiam in carne, xv. *Conserva me, Domine, quoniam speravi in te, &c.*

Indicat ejus in carne resurrectionem gloriosam xxiii. *Domini est terra, & plenitudo ejus, et LVI. Omnes gentes, plaudite manibus, &c. Annuntiant ejus in cœlum ascensum*

XXIII OPUSC. IN PSALM.

XCII. *Dominus regnavit. XCV. Cantate Domino canticum novum, cantate Domino omnis terra. XXVII. Cantate Domino canticum novum, quia mirabilia fecit. XCVIII. Dominus regnavit, irascantur populi.*

Si leges, speculari poteris quæ Dominus nobis beneficia per passionem contulit.

TALIS EST STILUS
et character Psalmorum, ad hominum utilitatem.

FINIS.



CATALOGUS

PSALMORUM,

CUM NUMERIS EORUMDEM,
quo sint inventu faciles.

A

Ad Dominum, cū tribularer	119
Ad te, Domine, clamabo : Deus	27
Ad te, Domine, levavi animam	24
Ad te levavi oculos meos	122
Afferte Domino, filii Dei	28
Attendite, popule meus	77
Audite hæc, omnes gentes	48

B

Beati immaculati in via	118
Beati omnes qui timent Domi- num	127
Beati quorum remissæ sunt ini- quitates	31
Beatus qui intelligit super ege- num	40
Beatus vir qui non abiit	1
Beatus vir qui timet Domi- num	111

INDEX

Benedicam Dominum in omni	33
Benedic , anima mea, Domino 1.	102
Benedic , anima mea , Domi- no 2.	103
Benedictus Dominus Deus meus qui docet	143
Benedixisti , Domine , terram tuam	84
Bonum est confiteri Domino	91
C	
Cantate Domino canticum no- vum 1.	95
Cantate Domino canticum no- vum 2.	97
Cantate Domino canticum no- vum 3.	149
Cœli enarrant gloriam Dei	18
Confitebimur tibi, Deus	74
Confitebor tibi , Domine 1.	9
Confitebor tibi , Domine 2.	110
Confitebor tibi , Domine 3.	137
Confitemini Domino , et invoca- te nomen ejus 1.	104
Confitemini Domino , quoniam bonus 2.	105
Confitemini Domino , quoniam bo-	bo-

PSALMORUM.

bonus 3. 106

Confitemini Domino, quoniam
bonus 4. 117

Confitemini Domino, quoniam
bonus 5. 135

Conserua me, Domine, quo-
niam speravi in te 15

Credidi, propter quod locutus
sum 115

Cum invocarem, exaudivit me
Deus 4

D

De profundis clamavi ad te 129

Deus, auribus nostris audivimus 43

Deus deorum Dominus locu-
tus est 49

Deus, Deus meus, ad te de luce
vigilo 62

Deus, Deus meus, respice in me 21

Deus, in adiutorium meum in-
tende 69

Deus, in nomine tuo saluum
me fac 53

Deus, iudicium tuum regi da 71

Deus, laudem meam ne tacueris 108

Deus misereatur nostri, et bene-
dicat 66

Yy 4

Deus,

INDEX

Deus noster refugium et virtus	45
Deus, quis similis erit tibi	82
Deus, repulisti nos, et destru- xisti nos	59
Deus stetit in synagoga deorum	81
Deus, venerunt gentes in heredi- tatem	78
Deus ultionum Dominus	93
Dilexi, quoniam exaudiet Do- minus	114
Diligam te, Domine, fortitudo mea	17
Dixi: Custodiam vias meas	38
Dixit Dominus Domino meo	109
Dixit iniustus ut delinquat	35
Dixit insipiens in corde suo 1.	13
Dixit insipiens in corde suo 2.	52
Domine, clamavi ad te, exaudi me	140
Domine, Deus meus, in te speravi	7
Domine, Deus salutis meæ	87
Domine, Dominus noster	8
Domine, exaudi orationem meam 1.	101
Domine, exaudi orationem meam 2.	142
Domine, in virtute tua lætabi- tur	

PSALMORUM.

tur rex	20
Domine , ne in furore tuo 1.	6
Domine , ne in furore tuo 2.	37
Domine , non est exaltatum cor meum	130
Domine , probasti me , et cog- novisti	138
Domine, quid multiplicati sunt	3
Domine , quis habitabit	14
Domine, refugium factus es nobis	89
Domini est terra et plenitudo	23
Dominus illuminatio mea	26
Dominus regit me , et nihil mihi deerit	22
Dominus regnavit , decorem in- dutus est	92
Dominus regnavit , exultet terra	96
Dominus regnavit , irascantur populi	98

E

Ecce nunc benedicite Dominum	133
Ecce quàm bonum et quàm ju- cundum	132
Eripe me de inimicis meis , Deus meus	58
Eripe me , Domine , ab homine malo	139
Eru-	

INDEX

Eruſtavit cor meum verbum	44
Exaltabo te, Deus meus	144
Exaltabo te, Domine, quoniam ſuſcepisti me	29
Exaudiat te Dominus in die tri- bulationis	19
Exaudi, Deus, deprecationem	60
Exaudi, Deus, orationem meam	54
Exaudi, Deus, orationem meam cum deprecor	63
Exaudi, Domine, juſtitiam meam	16
Expectans expectavi Dominum	39
Exultate Deo adjutori noſtro	80
Exultate, juſti, in Domino	32
Exurgat Deus, et diſſipentur	67

F

Fundamenta ejus in montibus	86
-----------------------------	----

I

Inclina, Domine, aurem tuam	85
In convertendo Dominus capti- vitatem Sion	125
In Domino confido	10
In exitu Iſraël de Ægypto	113
In te, Domine, ſperavi 1.	30
In te, Domine, ſperavi 2.	70
Ju-	

PSALMORUM

Jubilatē Deo , omnis terra 1.	65
Jubilatē Deo , omnis terra 2.	99
Judica , Domine , nocentes me	34
Judica me , Deus , et discerne	42
Judica me Domine , quoniam ego	25

L

Lauda , anima mea , Dominum	145
Lauda , Jerusalẽm , Dominum	147
Laudate Dominum de cœlis	148
Laudate Dominum in sanctis ejus	150
Laudate Dominum omnes gentes	116
Laudate Dominum , quoniam bonus est Psalmus	146
Laudate nomen Domini	134
Laudate , pueri , Dominum	112
Lætatus sum in his quæ dicta sunt	121
Levavi oculos meos in montes	120

M

Magnus Dominus , et laudabilis nimis	47
Memento , Domine , David	131
Miserere mei , Deus , miserere mei	56
Miserere mei , Deus , quoniam conculcavit	55
Miserere mei , Deus , secundum magnam misericordiam	50
	Mi-

INDEX

Misericordiam et iudicium can-
tabo tibi 100

Misericordias Domini 88

N

Nisi Dominus ædificaverit do-
mum 126

Nisi quia Dominus erat in nobis 123

Noli æmulari in malignantibus 36

Nonne Deo subiecta erit anima 61

Notus in Judæa Deus 75

O

Omnes gentes, plaudite manibus 46

P

Paratum cor meum, Deus 107

Q

Quàm bonus Israël Deus 72

Quàm dilecta tabernacula tua,
Domine 83

Quare fremuerunt gentes 2

Quemadmodum desiderat cervus 41

Qui confidunt in Domino, sicut
mons 124

Quid gloriaris in malitia 51

Qui habitat in adiutorio altissimi 90

Qui

PSALMORUM.

Qui regis Israël, intende 79

S

Salvum me fac, Deus, quoniam
intraverunt 68

Salvum me fac, Domine, quo-
niam defecit 11

Sæpe expugnaverunt me 128

Si verè utique justitiam loquimini 57

Super flumina Babylonis 136

T

Te decet hymnus, Deus, in Sion 64

V

Venite, exultemus Domino 94

Verba mea auribus percipe 5

Voce mea ad Dominum clama-
vi 1. 76

Voce mea ad Dominum cla-
mavi 2. 141

Usquequo, Domine, obliviscêris
me 12

Ut quid, Deus, repulisti in finem 73

FINIS.

THE HISTORY OF

THE

17

18

19

20

21

22

23

24

25

26

27

28

29

30

31

32

33

34

35

36

37

38

39

40

41

42

43


44

45











RAYNERII
SNOY

Est. 79

259

+ colorchecker classic



calibrite

mm